

Per la Signora Maria

di ...

108

Del luogo di Roma

Dei L. C.

Questo libro è del luogo di Roma
Delli Rea M. Apicini

Expo. Dago. Pion.

14

2

10

27

+

INTRODVCTIO
IN DIALECTICAM
ARISTOTELIS.

LIBRI QVINQVE.
FRANCISCI TOLETI
S. R. E. CARDINALIS.

*Ab Auctore multis locis castigata
& Tabulis aucta.*



ROMÆ, Sumptibus Iulij Burchioni.

Apud Dominicum Liliottum.

Superiorum Permissu. MDCI



Capuccinovum Romæ.

12. 2. e. 16.

OF THE

IN THE

OF THE

OF THE

OF THE

OF THE

OF THE

OF THE



OF THE

3

INTRODVCTIONIS
IN DIALECTICAM
ARISTOTELIS.

LIBER PRIMVS.

De nomine Dialecticæ. Cap. I.



IALECTICA viam
ostendit, & Methodum
tradit, qua occulta mani-
festare, confusa discerne-
re, errores repellere, veri-
tatesq. confirmare possu-
mus, propterea ante om-
nem aliam scientiam ad-
discenda est: ipsa enim est ianua, qua aperta
omnes aperiuntur, & qua clausa omnes clau-
duntur: cuius adæquatum objectum est argu-
mentatio, quæ ex simplicibus dictionibus si-
gnificatiuis, quas terminos vocant, primò cõ-
ponitur, a quibus prius nobis esset incipien-
dum, cum simplicia priora sint, nisi aliunde
initium capere studentium vtilitas præmone

A 2 ret



ret, quibus conducibilis multò futurum existimamus, si antè, quæ ad ipsam Dialecticam, eiusq. instrumenta pertinent, breui cõpendio tenuerint, vt quid Dialectica sit, præ alijs omnibus percipientes, modumq. diuidendi, definiendi, & argumentandi edocti, promptiores fiant, faciliusque per reliqua procedant. Cum igitur præceptum Aristotelis, sit, vt alicuius rei cognitionem indagantes, quid nomen significet, præcognoscant (nominum enim significatione ignorata, ad rerum contemplationem ascendere non potest) nos autè breuem quandam Introductionem ad Dialecticam Aristotelis paremus, quid nomen Dialecticæ sibi velit, exponamus oportet. Dialectica Græcè idem est, quòd Latinè disputatrix, vel disseratrix, quasi ars quæ disputare, & disserere doceat, quam Stoici partem Logicæ esse existimabant, duas Logicæ facientes partes, alteram inueniendi argumenta, & rationes, quibus verum a falso discernitur, alterà de inuenientis iudicandi: illam Topicā, hanc Dialecticam vocabant. Dialecticorum tamè communis vsus iam nomen, Dialecticæ vtrique parti commune fecit; immò Logicæ nomen à Dialecticæ nomine non discernunt, præsertim cum apud Arist. talis distinctio Dialecticæ & Logicæ non inueniatur? At Logica αὐτοῦς dicitur, quòd Latinè idem quòd sermo vel ratio est, quasi scientia sermocinalis, vel ratio-

rationalis, idest, quæ versatur circâ rationes & sermonem: Vocamus autem rationes discursus intellectus; quibus verum, vel falsum inquirimus. Vnde Logicæ nomen latius patet si eius etymologia inspiciatur, quàm Dialecticæ; cum Logica etiam Grammaticam, & Rhetoricam, quæ de sermone sunt, complectatur: qua parte verò idem quod rationalis est Dialecticæ conueniat, & aliqua ex parte Rhetoricæ, quæ etiam ratione vtitur: proinde latissimè sumpta Grammaticam, Rhetoricam, & Dialecticam comprehendit; quod quamuis verum sit, communiter tamen iam est receptum, vt quoties de Logica sermo fit, idem quod per Dialecticam intelligatur, præsertim apud Dialecticos: Vocabula enim peculiariter secundum subiectam materiam accipienda sunt.

Quid sit Dialectica, deq. eius necessitate materia, sine, & officio. Cap. II.

ARtes omnes in hunc finem inuentæ sunt, vt per eas operationes nostræ, quas per naturam non ita facile & perfectè præstare poteramus, absolutæ, & exactæ reddantur, quod in omnibus reperire est: Homo enim, potest scribere, pingere, texere, sed id imperfectè & non sine errore: at si artē teneat, expeditius, & certius illa omnia exequetur: Vnde ars rectè quicquā faciendi, aut cognoscendi dicitur promptitudo: Ex quo factum est, vt cū multæ

A 3 in

in nobis sint operationes, atque inter se diuersæ, quas rectè exercere non poteramus, plures ad hoc inuentæ sint artes. Sunt autem incommuni, tres operationes: Quædam exteriores, quæ circa aliquam materiam extra nos versantur, vt pingere, texere, agros colere: Sunt aliæ operationes exteriores, quæ tamen non in aliquam extra nos transeunt materiã, sicut loqui, fermocinari, dicere: Sunt aliæ in tertio genere interiores, sicut contemplari rerum naturas, considerare, verum cognoscere. Ad tres hæ operationes optimè exercendas multæ sunt adinuentæ artes. Ad operationes exteriores primi generis, sunt omnes illæ artes, quæ Mechanicæ dicuntur, vt nemo raria militaris, nautica, fabrilis. Ad operationes secundi generis sunt artes, quæ fermocinales dicuntur, Grammatica scilicet, quæ rectè & congrue voces connectere docet; Rhetorica, quæ elegantem, ac suis numeris absolutam reddit orationem. Ad operationes verò tertij generis, quædam ars adinuenta est, quæ Methodum traderet, & viam sterneret, qua ad perfectam rerum contemplationem, & cognitionem venire possumus, & hæc Dialectica est: Vnde sicut artes Mechanicas rectè faciendi, & operandi artes, Grammaticam congruè loquendi, Rhetoricam rectè dicendi, ita Dialecticam rectè intelligendi iure artem dixeris, nõ quod per Dialecticam res ipsas sciamus,

mus, aut cognoscamus (hoc namque aliarum munus est scientiarum) sed quòd Dialectica modum, & Methodum præbeat, quibus rectè rerum contemplationem consequamur, propter quod instrumentum, & organum scientiarum & modus sciendi dicitur. Quod si Dialectica etiam circa sermonem versatur, id nò est per se, nisi quatenus per sermonem operationes intellectus manifestantur: Neque hoc etiam pacto circa quemcunque sermonem, versatur, sed circa eum solum, quo aliquid verè, vel falsò dicitur. Sed de reliquis iam quæ ad Dialecticam pertinent, dicamus oportet. Experientia enim constat, & Arist. 7. Politic. c. 4. docet artes habere aliquam materiam, circa quam operentur. Ars enim textoria circa filium: lignaria circa lignum; militaris circa arma versatur. Est etiam cuiq. arti suus finis & officium, quorum nihil Dialecticæ deest. Pro quo aduerte primò, quòd Materia in aliqua arte duplex est, quædam propinqua, & proxima, circa quam talis ars versatur, vt ligna materia sunt artis lignariæ, fabrilis ferrum, quia circa hæc tales artes versantur altera materia est remota, quam ars quidem, præsupponit; non tamen circa eam primò versatur, quo pacto arbores materia lignariæ artis, remota tamen ferrum militaris: lana, textoriæ dicuntur, quia sine his materiæ proximæ non constant. Aduerte etiã præter hæc

in Grammatica, Rhetorica, & Dialectica duplicem esse materiam, alteram propinquam ut in Grammatica sunt voces ad congruam connexionem aptæ; in Rhetorica sermo ornatus, & elegans; in Dialectica verò operationes intellectus, vel sermo, qui tales operationes manifestat: alteram autem remotā, quæ in his tribus artibus eadem est, nempe res omnes, cum discrimine tamen. Grammaticus enim circa res omnes versatur de eis congruè loquendo, Rhetoricus ornatè dicendo, Dialecticus viam ostendendo, qua verè cognoscantur, & inde vero sermone exprimantur, propterea hæ artes communes dicuntur. Ex his apparet finis, & officium Dialectici: Finis enim eius est methodum ostendere, qua res verè dignosci, & secerni queant: Officium autē ea ministrare, quibus talis cognitio obtineatur: id autem fit diuidendo, definiendo, & argumentando; Officium ergo ipsius definire, diuidere, & argumentari est. Instrumenta, quæ modi sciendi dicuntur, sunt definitio, diuisio, & argumentatio, de quorum singulis in troductorio modo nonnulla dicemus. Et primum de definitione.

Quid definitio, & quatuorplex sit,

Cap. I I I.

Circa definitionem quatuor nobis breuiter consideranda sunt. Primum quid sit defi-

definitio. Secundum quod duplex fit. Tertium, quæ sint leges bonæ definitionis. Quartum, qui modi argumentandi, & loquendi per definitionem. Circa primum aduerte, Aristot. 1. Topic. c. 4. id quod nos definitionem vocamus terminum vocare, translatione sumpta a termino, & limite, quo agri, vel areæ circumscribuntur: Vt enim totum quod illius est areæ, intra talem terminum continetur, nec quicquam areæ est extra terminum, nec aliud, quod non sit areæ, est intra; ita illa oratio quæ omnes partes, quæ sunt in natura rei ita explicat, vt nihil deficiat, vel redundet, dicitur terminus. Nos vocamus definitionem, quasi vndique circumscribentem rei naturā. Est autem definitio iuxta Aristot. 2. Poster. cap. 10. oratio ipsum quod quid est significans, ac si dixisset, est oratio, quæ naturam alicuius manifestat. In qua definitione duæ sunt particule considerandæ. Altera est, quod sit oratio, id est, aggregatio quædam multarum vocum & notionum. Cum enim naturæ rerū quæ definiuntur, habeant plures partes necesse est pluribus manifestentur vocibus: vnde vna sola vox non est definitio. Altera particula est, naturam alicuius significans. Hoc ponitur ad excludendas orationes multas, quæ definitiones non sunt, quia alicuius naturam non manifestant. ex quo fit, vt ista sit definitio, animal rationale. Est enim
ora-

oratio, & hominis naturā explicat: At, homo est doctus; oratio quidem est; definitio verò minimè; nullius enim naturam exprimit. Cōtra hoc vnum posset argumentum opponi huiusmodi: Vna vox sola potest significare totam naturam rei, ergo definitio non est oratio. Antecedens probatur, Ista vox, homo, significat totum hominem, & integram ipsius naturam, ergo vna vox totam rem explicat. Ad hoc respondetur, dupliciter aliquam rem voce significari, & manifestari posse, vno modo distinctè; altero modo confusè. Hoc exemplo poterit intelligi: Videre quandoque possumus imaginem aliquam confusè, cum totā simul conspiciamus, nec magis visus ad vnā, quā ad aliam partem inclinatur: Videmus etiam eandem distinctè, cum ad singulas partes oculos conuertimus vel minimam quāq. lineam inspicientes; quod etiam intellectu cōtemplantes aliquando facimus: Ita res significatur vna quidem voce, confusè tamen: quia per eam totam simul repræsentatur: at verò pluribus vocibus eadem res singulis singulas eius partes significantibus distinctè significatur. Modò respondetur, Definitionem debere significare rem totam non confusè, sed distinctè, propterea debere esse orationē: Ex quo sequitur, nomen alicuius rei, & definitionem eiusdem idem significare, sed non modò eodem; sed alterum distinctè; alterum cōfusè:

fusè: Homo enim, & animal rationale eandē
 rem exprimunt, sed vox, homo, confusè; defini-
 tio vero animal rationale, distinctè. Cum igitur
 definitio alicuius naturam explicet, fit, vt
 prima diuisione diuidatur iuxta diuisionem
 eius cuius naturam explicat, quod duplex po-
 test esse; alterum, vox aliqua significatiua: al-
 terum, res aliqua. Vt enim res ipsę suas habēt
 proprias naturas; ita etiam & nomina suas
 sortiuntur naturas, quæ a significatione sumū-
 tur, vt sicut homo est homo per animā, & cor-
 pus; ita & nomen nomen est, quia ex voce, &
 significatione componitur. Possunt ergo & res
 & nomina definiri, vnde exurgit duplex defi-
 nitio. Altera quæ dicitur nominis, altera quæ
 dicitur rei. Definitio nominis, quæ Interpreta-
 tio, & Etymologia aliquando dicitur, est ora-
 tio nominis significationē exponens. Hic au-
 tem vocamus nomen quamcunq. dictionem
 significatiuam, vt magnanimus est, qui ma-
 gnum habet animum: infinitum quod non ha-
 bet finē: vacuū est quod caret corpore. Argu-
 mētatio autē est, ijs definitionibus sola nomi-
 na, nō res definiri, quod aliquādo cōtingat si-
 milia nomina fictitiū quid significare: Mul-
 tiplex quidē huiusmodi definitionē assigna-
 tur: sed quia Grāmatica est potius considera-
 tio talis, prætermittitur. Definitio verò rei
 est oratio rem aliquam explicans, vt animal
 rationale, quæ hominis naturam manifestat.

Quo-

*Quotuplex sit definitio rei.**Cap. IIII.*

TRiplex est definitio rei, quædam essentialis, quædam causalis, quædam descriptiua, seu accidentaria. Essentialis definitio est oratio genus & differentiam alicuius rei continens. Vocatur autem genus id quod naturæ definiti ita competit, ut simul etiam de alijs prædicetur. ut in hac hominis definitione, animal rationale, animal genus est, quia cum de natura hominis sit, etiam de equo, capra & alijs multis prædicatur. Est autem differentia, id quod cum de natura etiam definiti sit, cum genere iunctum ipsum determinat, & coarctat, ut pro sola re definita sumatur, sicut se habet in illa eadem definitione, rationale. est enim in ipsa hominis natura, & coarctat genus, animal, ut non equum, nec aliud præter hominem dicat: Huiusmodi definitio dicitur Essentialis, quia naturam rei per ea quæ illi essentialia sunt, manifestat: idem enim natura, & essentia sunt: nec exactiorem modo petas horum declarationem: suo enim loco diligentius ista considerata sunt. Definitio Causalis est oratio rei proprias causas manifestans. Causarum autem numerus quadruplex est, quædam causa est materialis ea nempe, ex qua aliquid fit, ut ligna,

ligna, & lapides materia sunt domus, æs statua, corpus humanum ipsius hominis; altera est forma, ea scilicet, per quam res est, & quæ simul cum materia rem totam absoluit, ut anima rationalis hominis est forma, & figura statuæ: tertia est efficiens, à qua aliud producit, ut sol qui lumen producit; ipsius est efficiens, causa, & ignis caloris, & sutor calcei: quarta est causa finalis gratia cuius, seu propter quam aliquid fit, ut beatitudo causa est finalis hominis: ad beatitudinem enim creatus est; & sanitas est finis potionis amaræ. Ex his igitur causis, aut singulis aut pluribus, aut omnibus definitiones causales fiunt. Sunt autem quæ per materiam dantur, ut domus est ex lapidibus, lignis, & terra, reliquisque partibus constructa; Zithum est potus ex aqua, hordeo, & lupolo confectus. Sub hoc definitionis genere comprehenduntur definitiones quibus res artificiatæ per ea ex quibus fiunt, definiuntur.

Comprehenduntur etiam definitiones, quæ partes rei continent, ut mundus est ex cælo, terraque, & ex naturis quæ intra hæc includuntur, constitutio. corpus humanum est quod ex erecto capite, pectore, manibus ventre, pedibusque constat, quas alij vocant partitiones.

Comprehenduntur etiam definitiones accidentium, quæ per subiecta ipsorum assignantur.

gnantur, vt risibilitas est aptitudo hominis ad ridendum: lumē est actus diaphni. Secundum genus Causalium definitionum est per formam, vt homo est animal ex rationali anima constans, ad quod genus illæ definitiones reducuntur quibus concreta per abstracta definimus, vt album est quod albedine afficitur. Tertium genus est per efficientē causam, vt dies est latio solis supra terram: Eclipsis est interpositio terræ inter solem & lunam: tonitruum est extinctio ignis in nube. Possimus etiam his vti in obliquo dicētes, nox est priuatio luminis proueniens ex latatione solis sub terram. Quartū genus est per finalē causam, vt homo est animal ad summi boni perceptionē destinatum: domus est tegumentum ad incōmoditates extrinsecas propulsandas. Possunt etiam definitiones per plures causas simul assignari: ista enim quatuor continet causas, homo est animal ex rationali anima, & corpore in æternam beatitudinem a Deo creatum: hæc autē duas, Eclipsis est priuatio luminis ex interpositione terræ hæc autem tres, homo animal est ex anima & corpore in beatitudinem ordinatum, Hic autem vnum aduerte, definitiones eas quæ per materiam, & formam assignantur, esse etiam essentielles: materia enim, & forma ad rei naturam spectant ipsamq. componunt: Vnde dici possent essentielles: at quia simul etiam causæ rei sunt

cau-

causales dicētur: distinctionis porrò gratia so-
lent aliqui eas essentielles Physicas nuncupa-
re: reliquas verò, quæ genere, & differentia cō-
stant essentielles Metaphysicas. Tertia defini-
tio est accidentaria, quæ non quid res sed po-
tius qualis sit, significat. hæc autem est oratio
rem per sua accidentia manifestans. Est autē
duplex, altera, quæ per genus, & accidens pro-
prium quod illi soli rei conuenit, assignatur,
vt homo est animal risibile: terra est elemen-
tum grauissimum: ignis elementum leuissi-
mum, & hæc propriè dicitur descriptio. Ad
hanc definitionem reducuntur eæ, quæ dan-
tur per effectus, vt iustitia est, quæ suum cuiq.
tribuit; sol est auctor diurnæ lucis: homo est
animal, quod loqui potest. Altera definitio ac-
cidentaria est, quæ datur per accidentia com-
munia, quorum singula pluribus rebus insunt
simul tamen iuncta, non nisi rei quæ definitur
vt homo est animal bipes implume, pulchrū
magni cerebri. Ad hoc definitionis genus a li-
quæ Poëtarum descriptiones reduci possent,
sed ista vltius prosequi non præsentis specu-
lationis est, ne introductionis limites extra-
modum diuagantes transiliamus.

*De legibus bonæ definitionis, de modo argumen-
tandi & loquendi circa ipsam defini-
tionem. Cap. V.*

Multa quidem præcepta sunt ad bene de-
finiendum obseruanda, quæ difusè 6.
Topic. Aristotel. tradit: ex quibus tria om-
nibus definitionibus communia in præsentibus
explicanda elegimus. Primum igitur præcep-
tum, seu lex est, vt definitio clarior sit de-
finito: cum enim in hoc sit inuenta definitio
vt rem occultam manifestet, oportet, vt no-
tior sit quàm illud quod definitur: vt hæc de-
finitio, animal à Deo creatum ad beatitudi-
nem, naturam hominis magis manifestat,
quàm si vnica exprimatur voce, nempe, ho-
mo. Huic præcepto aduersantur definitio-
nes illæ, quæ per ignotiora, vel æquè igno-
ta assignantur, vt si dicas, somnus est ima-
go mortis, mors enim obscurior est somno.
Aduersantur etiam, quæ idem per idem defi-
niunt, vt si dicas, leo est animal quod est leo.
Aduersantur tandem, quæ vocem metapho-
ricam habent, vt homo est arbor inuersa.
Secundum Præceptum est, Definitio debet
reciprocari, & conuerti cum definito, idest,
de quocunque prædicatur definitum, de eo-
dem & definitio prædicari debet, & de quo-
cunque definitio, de eodem & definitum, ita
nulli

nulli vnum competat cui non & alterum. Huic præcepto aduersantur, qui solum per communia definiunt, quæ pluribus quàm definitio insunt, vt homo est substantia sensibilis. Aduersantur etiam nominum Etymologia quæ ob id non sunt propriè definitiones, cum pluribusq. definitis conueniant, vt Theologus est qui de Deo loquitur, lapis est quod pedem lædit. Tertium præceptum est. Definitio nihil debet habere superfluum, vel diminutum, sed ita rem explicare, vt nec deficiat, nec excedat. vnde non est bona definitio. Homo est animal rationale, coloratum, bipes est enim superflua. cum coloratum, & bipes non sint in natura hominis. nec ista est bona definitio, homo est substantia rationalis, est enim diminuta, cum plura sint in natura hominis quàm ea, quæ in tali definitione actu continentur. Est enim homo substantia corporea animata, sensibilis rationalis. Hæc sunt præcepta cuiuslibet bonæ definitioni necessaria, ita vt ex vnius defectu vitiosa reddatur definitio. vnde si quis velit definitionem aliquam bonam esse contendere, omnes simul leges illi inesse probare tenetur: at qui definitionem vitiosam esse contenderit, vel vnicam legem de esse sufficiet ostendere. Modus argumentandi in definitione duplex est admodum vtilis. Alter est vt tam definitum quàm definitio de ali

B quo

quo prædicetur, & tunc de quocunque affirmatur definitum, affirmabitur & definitio, & de quocunque definitio pariter & definitum. Similiter etiam negatiue, vt concha est animal, ergo est corpus animatum sensibile: & cōtrā; concha est corpus animatum sensibile; ergo est animal. Humilitas est habitus bonus, ergo est virtus: & contra, est virtus, ergo est habitus bonus. pariter etiam in negatione, vt simia non est animal rationale, ergo non est homo, è contrario non est homo, ergo non est animal rationale: superbia non est habitus bonus, igitur nec est virtus, item non est virtus, ergo nec habitus bonus. Alter modus argumentandi est quando aliquid de definito, vel de definitione prædicatur, & tunc quod affirmatur de definito, affirmabitur & de definitione, pari ratione quod negatur, & contra. à definitione ad definitum, vt animal rationale est capax beatitudinis, ergo & homo, & homo est capax beatitudinis, ergo & animal rationale. Negatiue pariter, vt habitus malus non est expetendus; igitur nec vitium: virtus non est spernenda, ergo nec habitus bonus est spernendus. Superest vt de modo loquendi per definitionem, dicamus. Duplex autem loquendi est modus & interroganti, & respondenti. Primum, petenti, quæ definitio est ista? Responde, vel est nominis, vel est rei; est

est causalis, vel essentialis, vel descriptiua. Petenti secundo, qualis est hæc definitio? responde, est bona, vel est mala. Circa definitum etiã potest interrogans petere, quid est hoc, scilicet, quid est homo vel leo? Cui responde per definitionem essentialem vel causalem. Secundo, quale est hoc? responde per accidentariã. Circa definitionem autem nominis solet peti, quæ est huius nominis significatio? Et respondetur per illius significationes. At circa Causalem secundum causarum numerum quadruplex fit interrogatio vt à quo est cathedra? responde per efficientem. ex quo est? responde per materiam. per quid est? per formam. propter quid causam finalem petit.

Quid diuisio, quotuplex, quæ ipsius præcepta sint. Cap. VI.

Est alius sciendi modus, qui dicitur Diuisio, quæ vtimur ad totius alicuius partes inuestigandas, vnde non minimum hæc definitioni prodesse solet, quæ ex partibus conflatur. Quid igitur sit Diuisio, & quotuplex, quæ ipsius leges. quibus modis per Diuisionem argumentari liceat, quis tandem sit loquendi modus tractare oportet. Diuisio oratio est totum in suas partes distribuens. oratio dicitur. non enim diuisio quæcunque ad Dialecticum spectat, sed ea, quæ mente, & voce fit, id est cū

rem aliquam simul intelligentes singulas eius partes inuestigare, & voce exprimere conamur, & propterea diuifio talis oratio dicitur, alia verò diuifiones, nempe, cum gladio lignum, vel aliud quiduis scindimus, Dialecticæ non sunt. Est igitur Dialectica diuifio oratio, qua de toto aliquo loquentes singulas eius partes enarramus, quæ diuifio manifestat eam quam intellectu concepimus, vt totum hoc, bonum scilicet, assumentes in singulas suas distribuimus partes, vtile, honestum, & delectabile, in qua oratione duo sunt. Alterum, totum illud quod secatur in partes, & hoc diuifum dicitur: Alterum, ipsius enumeratæ partes, & hæc membra diuidentia dicuntur. Ex vtroque autem constituta oratio diuifio est, quæ sicut, & definitio in diuisionem nominis, & diuisionem rei primò diuidi potest. Diuifio Nominis est oratio quæ vox in suas significationes distinguitur vt canis significat sydus quoddam, significat & animal terrestre, hæc diuifio nominis est, non enim res aliqua per eam in suas partes diuiditur, sed sola vox. Hanc Græci enumerationem vocabant. Tali autem diuisione non vnâ vocem tantum, sed & orationem integram in varios sensus quos recipit, distinguimus, quas orationes amphibologicas vocant. vt aio te Aeacida Romanos vincere posse

posse. Cræsus Halim ingressus perdet quàm plurima regna. Diuisio Rei est, cum res aliqua in suas partes, vel accidentia distinguitur, quæ triplex est. Prima diuisio generis in species. hæc autem est, cum commune aliquod in minus communia, de quibus per se prædicatur, diuiditur, vt, Elementorum aliud ignis, aliud aer, aliud aqua, aliud terra, hæc autem diuisio fieri aliquando solet per differentias, ex quibus species constituuntur, vt animalium aliud rationale, aliud irrationale, idem est, ac, animalium, aliud homo, aliud brutum. Altera diuisio est Totius in partes, ex quibus componitur, & hæc duplex solet esse secundum duplicem rationem partium, ex quibus componitur. sunt enim quædam partes, quæ ad naturam, & essentiam rei pertinent. quales sunt, forma, & materia, de quibus superius diximus, & secundum has fit diuisio quædam essentialis in partes, vt hominis alia pars anima, alia corpus. Vasis alia pars argenti, alia figura. Quædam sunt partes, quæ quantitatis rei, potius quàm naturæ, partes sunt, & secundum has fit diuisio, quæ in partes integrantes dicitur, quam aliqua partitionem vocant, vt corporis humani alia pars caput, alia brachia, alia thorax, alia venter, alia pedes. in his enim decorus partium ordo ser-

B 3 uan-



mandus est. Similiter Terræ alia pars Asia, alia Africa, alia Europa. Tertia diuisio est, quædo subiectum aliquod in varia accidētia, quæ illi insunt, distribuitur, vt hominum alius doctus, alius indoctus, hominum alius liberalis, alius prodigus, alius avarus, alius studiosus, alius prauus. Ad hanc Diuisionem pertinent diuisiones eæ, quibus subiectum in suas potētiās diuidimus, vt rationalis animæ alia potētia intellectus, alia, voluntas, alia memoria, animalis alia potentia sensus, alia appetitus, alia ad motum. Solet autem hæc accidentium diuisio adhuc dupliciter fieri. aliquando enim accidens in sua subiecta diuiditur, vt alborū aliud lilium, aliud nix, aliud Cignus & cætera. Virtutum alia in parte intellectiua, alia in sensitiua sunt. Aliquando etiam accidens in accidentia diuiditur, vt dulcium aliud flauum aliud album. His igitur constitutis, præcepta in diuisione obseruanda constituamus. Primū præceptum est, ne plura membra contineat, quam par est: si enim aliquis diuisione prima animal in omnes suas species diuidat, nō erit congrua diuisio, nam cū diuisio rei manifestandæ gratia inuenta sit, si multa contineret membra, fastidium potius, & obscuritatē quā cognitionem pareret. Adde etiam quòd diuidentia membra quendam ordinem inter se petunt, quem si tam multa sint, obseruare difficillimum

limum est. Circa hoc autem præceptum tria attendenda sunt. Primum, vt si alicuius communis generis species pauce sint, per illas diuisio fiat, vt elementorū aliud Ignis, aliud Aer, aliud Aqua, aliud Terra. Secundum si species plurimæ sunt, tunc per aliquas species superiores diuisio procedat, & has rursus per alias diuidamus, vt animalium aliud homo, aliud brutum. Brutorum aliud aereum, aliud aqueū, aliud terrenum: & hæc rursus per alia, donec ad vltima deueniamus. Tertium, potest etiam diuisio fieri per duas oppositas differentias, vt animalium, aliud rationale, aliud irrationale, sed horum causas perferutari, alterius negotij est. Secundum præceptum. Singula mēbra diuisionis debent esse inferiora diuisio, id est diuisum sub se plura debet amplecti, quā singula membra, vnde non esset congrua diuisio, animalium aliud sentit, aliud mouetur. nam sentire ita commune est sicut animal, cum omne animal sentiat. Tertium præceptum. Omnia membra simul sumpta sint suo diuiso æqualia, ita vt nihil contineatur sub diuiso, quod non sub aliquo membro, nec aliquid sub membro, quod non sub diuiso: vnde non est diuisio bona, animalium aliud rationale, aliud irrationale, aliud elementum. hoc enim tertium membrum non est sub diuiso. Quartum præceptum est, vt membra inter se aliquam habeant

æqualitatem, id est, vnum in altero non continetur. vnde non est diuisio bona, animalium aliud irrationale; aliud bipes, vnum enim alterum includit, cum aliquod sit irrationale simul & bipes. Nec ista, hominum alius pius alius litteratus; cum sint homines pii simul & litterati.

*De modis argumentandi, & loquendi per
Diuisionem. Cap. VII.*

QVadruplex est modus, quo circa diuisionem argumentari possumus. Primus est a positione diuisi ad positionem alicuius ex membris diuidentibus, & è conuerso, id est, de quocunque ipsum diuisum affirmare verum est, de eodẽ aliquod ex diuidentibus membris affirmare verum erit, vt leo est animal, ergo rationale, vel irrationale. Similiter de quo membrum aliquod affirmatur & ipsum diuisum affirmabitur, vt equus est irrationalis, ergo animal. hic tamen obseruandum est, vt a diuiso procedentes non vnum membrum solũ, sed omnia sub disiunctione colligamus non enim valet hoc, est animal, ergo rationale, sed inferre, oportet ergo rationale, vel irrationale. At ab ipsis mēbris ad diuisum progredientes possumus, & ab omnibus simul, & singulis diuisum inferre, vt hoc est irrationale, ergo animal.

nimal. item, hoc est rationale, vel irrationale, ergo animal. Obseruandum etiam alterum est, vt in partitionibus cum diuiso aliquid commune, quod de singulis prædicetur, assumamus, vt mundi alia pars Africa, alia Asia, alia Europa, prædicatio sic est constituenda, Africa est pars mundi, Asia est pars mundi, & Europa est pars mundi. Secundus argumentandi modus, à negatione diuisi ad negationem membrorum diuidentium, & è conuerso, idest, si de aliquo diuisum negare verum est, de eodem, & membra diuidentia negare verum erit, vt lapis non est animal, ergo nec rationalis, nec irrationalis. Item si membra negare verum est, & ipsum diuisum negare verum erit, vt lapis non est rationalis, nec irrationalis ergo nec animal. hic autem modus aliter se habet quàm præcedens. à negatione enim diuisi procedentes omnia membra simul & singula licet negare, & ab ipsis ad diuisum regredientes non ab vno solo, sed ab omniū negatione procedere debemus, non enim valet, non est rationale, ergo non est animal. valet tamen, non est rationale neque irrationale, ergo non est animal. Tertius modus est a positione diuisi, & negatione vnius membri ad affirmationem alterius, si fuerit diuisio bimembris, vel à negatione duorum, vel trium, si fuerit plurium membrorum, idest si de aliquo affirmas diuisum, & negas vnum,

aut

aut duo membra, affirmabis certè membrum reliquum, vt hoc corpus est elementum, & nō est ignis, nec aqua, nec terra, ergo est aer: leo est animal non rationale, ergo irrationale. Quartus modus est inter ipsa membra diuidentia ab affirmatione vnius ad negationem alterius, vt hoc est ignis, ergo non est aqua, hoc est caducum, ergo non est perpetuum. non tamen semper iste modus argumentandi valet, non enim sequitur, virtus est honesta, ergo non est delectabilis. vtrunque enim est, nisi velis inferre, non eadem ratione est delectabilis, qua est honesta. Modus loquendi interroganti triplex est, Primum enim quærenti. Quæ diuisio est ista? Responde, per aliquā speciem ex superius assignatis. Secundò. Qualis est diuisio? Responde, bonam, vel malam. Tertiò, Quot partibus constat hæc diuisio? Respōde, duobus, tribus, secundum numerum partium, seu membrorum ipsius.

Quid Argumentatio, quæ species, quæ præcepta ipsius sint. Cap. VIII.

Argumentatio præcipuum est Dialecticæ instrumentum, quo ad probandas veritates ignotas, falsitatesque repellendas vti solemus, hæc autem est oratio, in qua vnum ex altero consequi denotatur, idest, oratio, in qua propositio vna incognita, ex altera cognita probatur, & declaratur, vt sponsia est animal, ergo

ergo est sensitiva. Dicitur autem oratio, quia una vox argumentatio non est. Dicitur, in qua unum denotatur consequi ex altero, quia non fat est, ut unum ex altero sequatur, ut argumentatio sit, nisi in tali oratione talis consecutio exprimitur, unde ista, Argumentatio non est: sponsia est animal, & est sensitiva, licet unum ex altero sequatur, nisi illud explicetur, dicendo sponsia est animal, ergo est sensitiva. ex quo fit, ut in argumentatione qualibet sint tres partes necessariae. Prima, illa propositio ex qua altera infertur, scilicet sponsia est animal, quae dicitur antecedens, seu argumentum. Altera, illa, quae infertur, scilicet, sponsia est sensitiva quae dicitur consequens. Tertia illa coniunctio, ergo, vel similis explicans consecutionem, quae dicitur nota illationis. Tota autem oratio ex Antecedenti, seu Argumento, & consequenti, & nota illationis constructa, Argumentatio est. Argumentationis quadruplex est species, Syllogismus, Enthymema, Indictio, & Exemplum. Syllogismus est oratio in qua ex duobus propositionibus inter se dispositis tertia necessario colligitur, ut omne animal est substantia, omnis homo est animal, ergo omnis homo est substantia. prima propositio maior, secunda minor, tertia conclusio dicitur. Enthymema est Syllogismus truncatus, id est, qui ex una propositione procedit ad al-

terius

terius probationem, vt omnis homo est animal, ergo omnis homo est sensitivus. Inductio est à singularibus sufficienter enumeratis ad vniuersale progressio, vt iste ignis est calidus & ille ignis est calidus, ergo omnis ignis est calidus. Exemplum est ex vno, vel pluribus particularibus vnius particularis propter similitudinem illatio, vt Deus pepercit. Ninivitis pœnitentiam agentibus, ergo, & alijs peccatoribus parcat, si eos pœnituerit. Has species breuiter modo pro incipientium captu tractasse sufficiat, plura enim suis in locis tradenda sunt. Nunc quæ Argumentationis præcepta sint, dicamus oportet. Est autem vnum impræsentia solum obseruandum, vt in Argumentatione vnum verè ex altero sequatur, & inferatur sicut sequi, & inferri denotatur. quando enim talis consequentia, & illatio deest, argumentatio vitiosa redditur, vt si dicas homo mouetur, ergo currit, argumentatio mala est, cum non bene inferatur hominē currere, ex eo quod mouetur, potest enim moueri, & non currere, si tantum ambulet. at si dicas, homo currit, ergo mouetur, argumentatio bona est. optime enim colligitur, hominem moueri ex eo quod currat, vbi diligenter debes aduertere, Vitium, vel rectitudinem Argumentationis non consistere in veritate, vel falsitate propositionum ex quibus constat, sed

in recta, vel non recta vnius ex altera deductio-
ne. potest enim fieri, vt argumentatio bona sit
ex propositionibus falsis, in quibus tamen il-
latio recta est, vt homo volat, ergo homo ha-
bet alas potest etiam fieri vt Argumentatio vi-
tiosa sit ex propositionibus veris recta illatio-
ne deficiente, vt homo est animal, ergo habet
duos pedes: propterea Argumentatio vera, vel
falsa non est dicenda, sed bona, vel mala, signū
vnū adhiberi potest, quando consequentia ma-
la est, nempe, cum antecedēs possit esse verum
consequenti existente falso, non quòd propter
falsitatem propositionis mala sit, sed quòd in
tali casu certum est non esse illationem rectā,
cum in consequentia bona si antecedens verū
est, & consequens verum sit. ex vero enim nō se-
quitur falsum. Reliqua in lib. quarto tradētur.

*Quis sit disputandi modus observandus inter scho-
lasticos concertantes. Cap. IX.*

Disputatio veritatis alicuius indagandæ
causa est. cum enim plurima nobis non
statim manifesta sint, eò quòd multa simul
eorum veritatem impediencia occurrant,
nec facile sit ista discernere, Disputatione
indigemus, qua, proposita re, alia omnia,
quæ illius non sunt, separantes, veram e-
ius naturam consequamur, vnde effluxit, vt
clara

clara veritatis cognitio dicatur distincta, quæ si segregata ab alijs multis, quibus rei veritas opprimebatur, & verbum. Disputare optima Analogia deductum est, ut enim plantæ & vires putantur, reiectisq. inutilibus, quibus suffocatae erant, purgantur, ita illa disceptatio, quæ ea, quæ veritatem velut supprimebant reijciuntur, meritò dicitur disputatio.

Prima Regula communis. Ex his id tam Respondenti quàm Argumentanti obseruandum maxime videtur, ne finem hunc Disputationis qui est, veritatem indagare, peruertant, dum manifeste falsa defendunt, vel circa res admodum per se notas tempus inutiliter consumunt. Vnde cauere oportet à proteruia, quod clarè falsum est, sustinendo, vel quod manifestum est pertinaciter negando. Poterit tamen propter scholasticorum exercitationem verum aliquando impugnari, & falsum aliquod defendi.

Secunda Regula communis Vtriq. etiam id obseruandum est, ut id, cuius veritas inquiritur, & quod disputandam proponitur, quod thema, vel positio vel quæstio dicitur, attentè consideretur, & disputatio circa illud versetur, vel circa ea, ex quibus illius cognitio dependet, nec fiant extra rem digressiones, vel verba inaniter iactentur, aut repetantur.

Tertia Regula communis. Illud vtriq. obser-

seruandum est, vt initio semel beneuolentiam comiter, & molestè captent. Is qui argumentatur, Magistri, circumstantium, & Respondentis. Respondens verò solius argumentantis, vterque autem ardorem aliquem ac vim modo seruato disputationi adhibeat. hoc enim & disputantium ingenium acuitur, & circumstantium animi ad attentè, & sine fastidio, & non citra vtilitatem audiendum eriguntur.

Prima Regula Argumentantis. Argumentans maximè obseruet vt suam argumentationem integrâ proponat aduersus id, quod proponitur à Respondente defendendum, semper præmittens, Sic argumentor, sic contendo, vel simile, quam postquam semel proposuerit, sinat. Respondentem suas partes agere. nec interrumpat illum donec aliquid ei negetur, vel respondeatur.

Secunda Regula Argumentantis. Si aliquid ex ijs, quæ fuerunt ab eo proposita. Respondens negauerit, alio argumento conetur illud probare, & postea sinat illum respondere. Si autem aliquid ei responderit, vel aliquam solutionem adhibuerit, quæ videatur vel falsa, vel dubia, vel non cum precedentibus dictis, aut assertionibus. Respondentis cohærere, vel tandem ei libuerit impugnare, illud alio argumento conetur repellere, quod dicitur replicare, & circa id poterit multoties eadem argu-

argumentandi methodo utitur, sic multipliciter

Prima Regula Respondentis. Attentè conaderet ea quæ ab argumentante opponuntur; quibus propositis fideliter eisdem verbis totâ argumentationem bis reiteret: & in posteriori repetitione ante omnia suspiciat antecedentis terminos, an aliquis patiaturs multas significationes, vel ipsum antecedens diuersos habeat sensus. quod si ita fuerit, distinctione utatur, & illam eligat sensum, qui magis ad præsentem disputationem pertinere videatur, quo facto obseruet secundum regulam. Ut consequentiam aduertat, quæ si ei visa fuerit vitiosa, eò quod Consequens ex antecedenti non inferatur, consequentiam imprimis neget, quod fiet hoc pacto, si resumpto antecedenti, siue verum sit, siue falsum dicat, Transeat: quo verbo non asserit illud esse verum vel falsum, sed impertinens ad inferendum tale consequens, & resumpto Consequenti dicat: Nego Consequentiam. Differt autem inter hoc, quod est negare consequens, & negare consequentiam. Negat consequens qui negat illud esse verum, negat consequentiam, qui illud sane verum sit; siue falsum, ex antecedenti negat inferri. Quòd si consequentia, & illatio bona visa fuerit, vel quia necessaria, vel quia probabilis est, obseruet tertiam regulam. In posteriori repetitione argumentationis ne-

get,

get antecedens . si enim admittit esse verum, cum consequentia bona sit, consequens etiam erit verum , quod erit oppositū eius quod ipse defendit. Argumentans enim id semper inferre conatur, quod est contra positionem Defendentis, propterea videat Respondens, vt in bona consequentia. Argumentantis neget Antecedens, cuius si fuerit duplex pars, neget eam quam prius illi falsa apparuerit, quamuis poterit etiam inconsequentia non bona sed apparenti, vel probabili concedere antecedens verum, & negare consequentiam. Debet tandem quatuor verbis vti Respondens. Distinguo, Nego, Concedo, Respondeo. Distinguo dubias: Nego falsa, vel malas Consequentias: Concedo, vera: Respondeo, quod ad difficultatis solutionem facit. In responsione autem obseruet Regulam vltimam. Cum Solutio ab eo petita fuerit, videat, ne quicquam contra suas assertiones vel contra aliquam aliam solutionem ab eo datum dicat, vel aliquid, ex quo facile oppositum contra eum conuincatur. Hæc autem omnes regulæ vsu, & exercitatione ipsa magis manifestabuntur, & in promptu erunt.

Quid sit terminus in communi, & quotuplex.

Cap. X.

Absolutis Instrumentis tribus, prout incipientium ingenio sat erat, ad simplicissima rursus Dialecticæ Elementa redamus oportet, quæ Grammatici, Dictiones, Logici Terminos communiter vocant, & ut ab ipso nomine incipiamus, Aristoteles terminum docet esse extremum alicuius corporis, vel rei, extra quod nihil illius rei est, & intra quod omnia eiusdem rei sunt, quo pacto duo extrema puncta vnius lineæ dicimus terminos lineæ, quia talis linea non habet vllam suam partem extra illa, & omnes ipsius lineæ partes intra ea continentur, hac, Analogia utimur in propositionibus ipsis, quarum extrema terminos vocamus. Sunt autem propositiones, quantum sat est modo cognoscere, orationes, quibus verè, vel falsò aliquid exprimimus, & harum extrema, quorum vnum Subiectum, alterum Prædicatum est, termini sunt, ut in hac, homo est animal, homo, & animal termini dicuntur; his enim clauditur illa propositio, sicut linea duobus finitur punctis. hoc autem pacto definitio termini est: *Extremum*, in quod resolvitur propositio, ut in subiectum & prædicatum. Vocamus autem Subiectum id, de quo

quo a liquid dicitur . Prædicatum verò , quòd de aliquo dicitur , vt in hac propositione , homo est animal , homo subiectum , animal prædicatum est , atque ista duo sunt extrema , in quæ propositio illa vltimo diuidi potest , propterea termini dicuntur . Cum autem propositiones non solum vocibus , sed etiam scripturis , & in ipso intellectu fiant , vt enim voce proferimus , homo est animal , ita intellectu cognoscimus , hominem esse animal , & idem scripturæ mandamus , imò propositio in voce explicat propositiones intellectus , sicut scriptura voces exprimit . Solet communiter distingui triplex terminus , Mentalis , Vocalis , Scriptus . Mentalis terminus est cognitio correspondens termino Vocali . vt enim vox homo est vnus terminus , & vnum extremum huius propositionis , homo est animal , ita cognitio in intellectu , quæ cognosco talem vocem , vel rem per ipsam significatam , dicitur terminus Mentalis , seu notitia , vel conceptus , nam idem sunt . Pari ratione ista scriptura , homo , illi voci subordinata , dicitur terminus scriptus . Vnde possent hi termini sic definiri . Terminus Mentalis est extremum in quod soluitur ea propositio , quæ est in intellectu . Terminus Vocalis est extremum , in quod resoluitur propositio vocalis . Terminus Scriptus est extremum , in quod resoluitur scripta propositio . Intellige

semper de resolutione in subiectum, & Prædicatum. nam apud Arist. aliæ voces, seu signa, quæ in propositione sunt, præter subiectum, & prædicatum, non censentur propriè termini, quales sunt coniunctiones, aduerbia, & quantitatis signa, vt omnis, nullus, aliquis. Terminus mentalis seu conceptus duplex est. Alter non ultimatus, Alter ultimatus. Non ultimatus est cognitio, seu notitia, qua voces, seu scripturas significatiuas cognoscimus. Ultimatus verò est cognitio, qua res per tales voces aut scripturas significatas cognoscimus, vt cum aliquis audit vocalem hanc propositionem, homo, est animal, vel eam scriptâ legit, prius vocum, seu scripturarum singulares habet cognitiones, & hæ dicuntur conceptus non ultimati: posterius rerû significatarum habet cognitiones, & hæ dicuntur Conceptus ultimati, vnde ignari significationis vocabulorum solum habent conceptus non ultimos. Conceptus Ultimatus duplex est, quidam directus, quidam Reflexus. Directus ille est per quē cognoscimus res per voces aut scripturas significatas, vti diximus. Reflexus est, alter cōceptus & cognitio, qua priores conceptus nostros cognoscimus, nempe cum intēligimus nos intēligere, & cognoscimus nos cognoscere: non solum enim res ipsas contemplamur, sed & tales contēplationes animū ad ipsas reflecten

res cōtemplamur, & tales posteriores cōtēplationes seu cognitiones cōceptus vocamus reflexos. Quamuis autem Dialectica proximē circa hos omnes cōceptus versetur, voces autem non nisi horum ratione attendat tamen, quia voces clariores sunt, & per eas magis quæ in intellectu sunt, nota fiunt, frequentius de vocibus in dialectica fit sermo. Et propterea vocales terminos deinceps explicabimus. Solet autem Vocalis Terminus primò diuidi in significatiuum, & non significatiuum. Significatiuus est qui ad aliquam rem manifestandam est impositus vt homo, animal. Non Significatiuus est, qui cum nullam rem significet, pro se in propositione constituitur, vt Dac est vox, Blitiri est sonus, subiecta enim harum propositionum nullius rei significatiua sunt: At quia harum rarus est vsus ad terminos significatiuos Vocales transeamus.

De termino vocali Significatiuo.

Cap. XI.

Terminus vocalis Significatiuus est vox significatiua ad placitum, ex qua simplex componitur propositio. Vt autem, quo pacto terminus significet, percipi possit,

C 3 sit,

fit, quid signum, quid significare sit, aduertamus. Signum est, quod præter sui cognitionem, alterius etiam cognitionem inducit, vt fumus signum ignis est: ipsius enim cognitio cognitionem ignis etiam occulti facit. Duplex ergo Cognitio quæ Notitia dicitur. Signo cuilibet responderet. Prior, ipsiusmet signi, Posterior eius cuius notitiam inducit. Signum duplex est alterum Naturale, alterum Voluntarium, quod ad placitum, seu ex Instituto dicitur. Signum Naturale illud est, quod ex natura sua seclusa hominum voluntate aliud facit cognoscere, sicut fumus est signum naturale ignis. Signum ad placitum, quod ex se alterius cognitionem non inducebat, sed solum, quia homines, vel alia quæuis causa id alterius signum constituit, sicut sonitus campanæ signum est lectionis ad placitum. Signum tam naturale, quam ex Instituto reperitur in rebus, & in vocibus Signum Naturale in rebus, est res, quæ ex natura sua alterius facit cognitionem, vt vestigium signum est naturale animalis, & fumus ignis. Ex instituto verò est res, quæ, vt diximus, non ex natura sua, sed hominum voluntate & instituto, vel alia extrinseca causa alterius facit cognitionem, vt ramus appositus signum est ad placitum vini vendibilis: & sonitus lectionis. In vocibus autem signum Naturale est vox, quæ ex se alterius facit cognitionem,

nem, vt gemitus est signum naturale tristitiæ, & brutorum voces naturalia signa suarum passionum sunt. Ad placitum autem est vox, quæ propter hominum voluntatem alterius cognitionem facit, quales sunt voces quibus loquimur. hæ enim non ex natura sua rerum, & conceptuum signa sunt, sed quia linguarum auctores has, vel illas voces rebus manifestandis adaptarunt. huiusmodi signa vocales termini sunt. dicuntur enim significare ad placitum, quasi sint signa voluntaria, & ex hominum instituto rerum manifestatiua. apud logicos enim significare idem est, ac esse alterius signum quod alij significare Instrumentaliter vocant. quasi voces quædam instrumenta sint, quibus res conceptas exprimimus. Ex his autem manifesta fit termini definitio. Est enim illa particula, vox, loco generis ad excludenda realia signa, quæ termini non dicuntur. non enim fumus, aut sonitus campanæ, termini sunt. Dicitur, Significatiua ad placitum. ad excludendas voces brutorum, & eas hominum, quæ naturaliter significant, vt gemitus, suspiria, nec enim ista termini sunt. Dicitur deniq. ex qua simplex componitur propositio, vt manifestetur totum illud, ratione cuius tales voces termini dicuntur, hoc autem est propositio, cuius extrema termini sunt. Ex his omnibus colligitur termino cuiuslibet, duplicem in intelle-

ctu respondere conceptum. alter est Non vltimatus, qui ipsius vocis cognitio est, alter Vltimatus, qui est ipsius rei per talem terminū significata. Terminorū alius Æquiuocus, alius Analogus, alius Vniuocus. Æquiuocus est, qui significat plura, vt plura sunt, vt hoc nomen Petrus, respectu plurium, qui tali nomine nominantur, & Canis respectu canis latrabilis, & marini, & sideris cælestis. Analogus est, qui significat plura propter aliquem ordinem ad vnum, vt homo respectu viui, & picti, & Nero, de Rege quodam, & hominibus crudelibus propter ipsius similitudinem dicitur. & sanum, vt animal, quod sanitatem habet, & vrinam, & pomum, quæ ad sanitatem referuntur, significat. In quo Analogo observandum est plura esse significata, vnum principale, reliqua minus principalia. Principale illud est, ad quod significandū vox primo fuit imposita, vt illius vocis Nero principale significatum est quidā rex, reliqua significata minus principalia sunt scilicet, homines crudeles, qui propter illius similitudinem in crudelitate, Neronēs dicuntur. Similiter principale significatum illud est, ad quod reliqua significata reducuntur, vt in sano. Significatum principale est animal habens sanitatem, reliqua enim eatenus sana dicuntur, quatenus ad sanitatem animalis ordinantur. nam vrina sana dicitur, vt sanitatis anima-

animalis signum est, & pomum sanum dicitur, quod ipsius animalis sanitati conducit. Vniuocus est, qui significat vnum, vel plura, vt in vno conueniunt, vt Petrus respectu vnius, & ista vox homo, respectu viuorum, quæ quamuis plures homines significet, eos tamen, vt in vna natura humana conueniunt, significat: in quo ab Æquiuoco differt, qui plura, vt plura sunt, nec, vt in vno conueniunt, significat. Sunt autem hic duæ regulæ aduertendæ: Prior est. Omnis terminus Æquiuocus, vel Analogus potest esse Vniuocus, si ad vnum significatum comparetur, vt Canis, respectu latrabilis, & sanum respectu animalis. Posterior Regula, quando terminus Æquiuocus restringitur ab vno significato, sumitur vniuocè, vt canis latrabilis ambulat. Analogus verò cum sine restrictione est, stat pro principali significato, vt si dicas, homo currit, sumitur pro viuus, nisi restringatur a membro minus principali, dicendo, homo pictus est imago, vel ab aliquo signo demonstrante illud minus principale significatū, vt hic homo est benè pictus, si demonstras imaginē. Differunt autē hi termini quantum ad conceptus. nā sicut in Analogo, & Æquiuoco plura sunt significata, ita & plures correspondēt vltimati cōceptus secūdū significatorū multitudinē: at vniuoco, cū vnū significet, vnicus correspondet cōceptus. In cōceptu vero nō vltimato nō differūt, vt

enim

enim sunt singulæ voces, seu termini, ita singulos habent conceptus non ultimos.

Caput XII.

TErminorum iterum alius Categorematicus, alius Syncategorematicus, alius Mixtus. Categorematicus est qui aliquid vel aliqua per se significat, ut homo, populus, album. Syncategorematicus, qui nihil per se significat, tamen alteri termino adiunctus illum facit aliter significare, ut omnis, nullus, non, quæ dicuntur aliquo modo significare, id est aliquem modum applicant termino, cui iunguntur: quamvis hæc propriè non sunt censenda pro terminis, cum nec subiecti, nec prædicati locum habeant. Mixtus est, qui aliquid aliquo modo in se significat, ut doctè, sapienter, qui dicuntur Categorema in se includere. Pari ratione ista propriè termini non sunt, sed verborum modi, ut inferius dicemus. Solet Categorematicus terminus in complexum, & in incomplexum subdiuidi. Complexus est, cuius partes per se significatiuæ sunt, ut homo iustus. Incomplexus, cuius partes per se non sunt significatiuæ, ut homo. Illæ partes dicuntur per se significatiuæ, quæ retinent significationem, quam ante habebant, quando non erant simul iunctæ. Hoc autem cognoscitur, cum totum
nihil

nihil aliud significat quàm partes, quod non fit in hac voce, dominus. Vnde quatuor necessaria sunt ad terminum complexum. Primum, vt sit quoddam totum, idest habeat aliquam vnionem plurium dictionum, quod significatur in hoc quod dicitur, cuius partes. si enim partes habet, totum est: vnde istæ voces, homo, animal, leo, non sunt terminus complexus, sed plures termini, cum nullam copulationem ad inuicem habeant. Secundum, vt hæ partes sunt significatiuæ, ad excludendas voces simplices, quæ partes habent, nempe syllabas, sed hæ non significant. Tertium vt sic istæ partes significant, idest vt earum significatio sit tota significatio totius, & totum nihil aliud significet, quàm partes, ad excludendas voces simplices aliquas, cuius partes videntur significare, vt domus, dominus, non tamen est eadem significatio totius. Exigitur quartum vt partes non significant eandem rem, tunc enim esset terminus Incomplexus, vt Marcus Tullius Cicero. Subdiuiditur iterum Categoricalis in Communem, & singularem. Communis, qui, & Vniuersalis dicitur, est cuius significatio non prohibet illam à multis vniuocè participari, sicut equus, arbor, homo. quamuis enim non esset in mundo, nisi vnus equus, vna arbor, aut vnus homo, illi essent communes termini, cum ex parte suæ significatio-

nis

nis apti sint ad multa vniuocè significanda, si multa essent, vnde Sol, Phœnix, sunt termini communes; si enim essent plures Soles, & Phœnices his eisdem nominibus significarentur.

Dixi, à multis participari, intellige, seorsum, de singulis, aut binis, vnde Roma, Mantua nō sunt termini communes, licet plura significēt, quia non seorsum, non enim quilibet ciuis est Roma, aut Mantua, propterea potest sic defini: ri, Terminus communis est, qui plura diuissim significat. Dixi, vniuocè: quia hoc nomen Petrus potest pluribus adaptari, sed non vniuocè, ideo non est terminus Communis. Singularis est, cuius significatio prohibet illum à multis vniuocè participari, vt Petrus, vel aliter, qui vnum tantum significat, aut plura coniunctè, vt Roma Mantua. Ex his liquet hoc Complexum Petrus, vel Paulus, seu quoduis disiunctum ex terminis singularibus esse terminum communem, cum de singulis seorsum prædicetur, demonstrato enim Petro, verum est dicere, iste est Petrus, vel Paulus. Idem etiam demonstrato Paulo: at si copulatiuè sumantur, quodlibet complexum terminus est singularis cum seorsum de multis non prædicetur. At cōplexa, quæ ex terminis communibus fiunt, siue ex utroq. communi, siue ex vno singulari altero communi, tam copulatiuè quàm disiunctiue, termini Communes sunt; quia de singu-

lis inferioribus, aut saltem binis prædicantur, vt homo, & leo: homo vel leo: Petrus & leo: Petrus vel leo. Subdiuiditur Communis in Transcendentem & non transcendentem. Transcendens est qui omnia significat, vt Res, Ens, Vnum, Bonum, Aliquid, Verum, quæ hoc vocabulo ex singulis initialibus literis conflato clauduntur, Reubau, quamuis isti non propriè Cōmunes existant, cum analogi sint. Non transcendens est, qui limitatam habet significationem, vt homo. Singularium quidam Collectiuus, quidam Determinatus, quidam Vagus, quidam ex suppositione. Collectiuus est, qui tantū plura coniunctè significat, vt Roma. Determinatus, qui vnum tantum significat, vt Petrus, Vagus, qui vnum significat indeterminatè vt hic homo. Ex Suppositione, qui vnum significat, & potest plura significare, vt filius hominis, filius Cæsaris, supposito quòd vnum habuerit filium, & hi singulares in supponendo, communes in significando dicuntur.

Cap. XIII.

Terminorum Categorematicorum, & Incomplexorum alius est terminus Concretus, alius Abstractus, Iterum alius Connotatiuus, & alius Absolutus. Concretus est, qui ab alio denominatur, vt homo, album. Abstractus,

ſus, a quo alijs denominatur, vt humanitas, a
 qua homo, albedo, a qua album dicitur. Con-
 notatiuus, qui ſignificat aliquid per modum
 adiacentis. Abſolutus, qui ſignificat per modum
 per ſe ſtantis. Differunt autem hæc quatuor,
 Adiacere, Per ſe ſtare, Significare, Connota-
 re: duo priora competant rebus ſignificatis;
 duo poſteriora terminis ipsis ſignificantibus.
 Illa res adiacere dicitur largè vocabulo ſum-
 pto, quæ alteri ineſt, & in alio ſuſtentatur, ſi-
 cut veſtes adiacent homini, & accidentia ſub-
 ſtantia, & partes toti, licet illud propriè dica-
 tur adiacere, quod alteri ineſt, & non eſt pars,
 nec de natura eius, ſicut veſtis, & accidentia
 propriè adiacent. Illud verò per ſe ſtat, quod
 alteri non adiacet, quamvis alia ſint in ipſo,
 vt homo, animal terminus igitur non dicitur
 Abſolutus ex eo, quòd ſignificet rem, quæ per
 ſe ſtat, ſed quia illam ſignificat, ac ſi per ſe ſta-
 ret, vt albedo, iuſtitia, nec terminus dicitur,
 Connotatiuus, quia ſignificat rem, quæ alteri
 adiacet, ſed quia ſignificat per modum adia-
 centis, ſiue adiaceat, ſiue non. Vnde duplex Cõ-
 notatiuus, Extrinſecus, & Intrinſecus. Intrin-
 ſecus, qui ſignificat per modum adiacentis rē,
 quæ non adiacet, vt corporeus, animatus. Ex-
 trinſecus, qui ſignificat per modum adiacentis
 rem, quæ propriè adiacet, & hic denominati-
 uus dicitur, vt album, veſtitum. Significare au-
 tem

tem est aliquid ex impositione manifestare, vt homo hominem significat. Connotare, est id manifestare, quod ex impositione sequitur, vt album significat albedinem, vt adiacet alteri. Et quia adiacet corpori, dicitur connotare corpus. Alij, quod nos dicimus Connotare, vocant significare de materiali: quod nos vero significare, dicunt significare de formali: vtrunque tamen Connotatiuo inest, nec est idem Cōcretus & Connotatiuus: homo enim Concretus est, non Connotatiuus, licet omnes Connotatiui Concreti sint, nec idem abstractus, quod absolutus. Corpus enim absolutus est, nō tamen abstractus, quāuis omnes abstracti absoluti sint. His subdiuisionibus explicatis iterum Terminus à principio diuiditur in Terminum Primæ intentionis, & Terminum Secundæ intentionis. Primæ intentionis ille est, qui ad res ipsas significandas est impositus, vt homo, album. Secundæ intentionis est, qui ad significandos terminos & voces, quatenus res significant, est impositus: vt nomen, verbum, oratio, definitio: propterea enim Primæ intentionis dicuntur, id est, primæ impositionis, quia prius termini ad significandas res impositi fuerunt. posterius autem sunt etiam impositi alijs termini ad ipsos priores terminos significandos, ideo secundæ intentionis, id est, impositionis dicuntur, vt sicut priores termini res

fi-

significant, ita etiam posteriores ipsos terminos significant, seu voces rerum significatiuas. Dico autem, rerum significatiuas, quia termini significantes solas voces: secundum se sunt primæ intentionis, vt hi, vox sonus, gemitus, suspirium.

Cap. XIII.

HVcusque terminum vnumquemq. per se diuisimus. at si vnum alteri cōparemus, complures existēt terminorum species. alij enim sunt Pertinentes, alij Impertinentes. Impertinentes sunt qui ad inuicem sic se habent, vt nec repugnent inter se, nec se in bona consequentia inferant, vt album iustū: hæc enim non repugnant, quia possunt vni inesse: aliquis enim potest esse albus, & iustus: nec se inferunt. Non enim est bona consequentia, hoc est albū ergo iustum: nec è conuerso, quia alterum sine altero esse potest. Pertinentes sunt, quorū alter alteri repugnat, vt album, & nigrum, homo & equus, non enim ista duo vni inesse possunt, vel similiter, quorum vnus alterū infert, vt homo, visibile. isti dicuntur pertinentes sequela, illi pertinentes repugnantia. Pertinentium sequela, alij se habent vt superior, & inferior, vt homo & animal. Inferior est qui alterū infert & non infertur ex illo, ut homo. Superior, qui

qui ab altero tantum infertur . vt animal respectu hominis . Inferior excessus , superior excedens dicitur . Alij conuertibiles , qui se inuicem inferunt , vt homo , risibile . alij Synonymi , qui significant eandem rem , cum diuersæ sint voces , vt vestis , indumentum . In his autem Pertinentibus sequela sunt aliquot modi argumentandi obseruandi . Primus circa superiorem & inferiorem . Ex parte alicuius subiecti si de aliquo affirmatur inferior , affirmabitur superior , vt homo est animal , ergo est viuens , non autem contrà , si de aliquo affirmatur superior affirmabitur inferior , non enim valet , hoc est viuens , ergo hoc est animal , quia viuens est superius animali . Negatiue autem valet , contra a superiori ad inferiorem , vt hoc non est animal , ergo non est homo , non autem hoc , non est homo , ergo non est animal . Secundus modus ex parte prædicati , & tunc valet affirmatiue & negatiue , ex parte vtriusque scilicet . quidquid affirmatur , vel negatur de inferiori , affirmabitur , vel negabitur de superiori , particulariter tamen sumpto , vt homo currit , ergo aliquod animal currit , homo non est irrationalis , ergo aliquod animal non est irrationale . Similiter , quicquid affirmatur , vel negatur de superiori vniuersaliter tamen sumpto , etiam affirmabitur , vel negabitur de inferiori .

D ri ,

rius non enim dicitur bene, hoc non est album ergo nigrum, potest enim aliquid esse nec album, nec nigrum, quale est cœlum. Si qua alia circa hæc supersunt, alibi dicenda sunt, atque hæc diuisiones sufficiant terminorum, quæ præcipuè necessariæ visæ sunt.

De Nomine, & Verbo. Cap. XV.

E Nunciatio simplex ex nomine, & verbo tanquam ex duabus partibus nomine, vt materia, verbo, vt forma constat. Nomen autem est vox significatiua ad placitum sine tempore, cuius nulla pars separata est significatiua finita & recta. Differunt significare tempus importare tempus, & significare cum tempore. Id tempus, significat, quod impositum est ad explicandum vel tempus totum, vel aliquā ipsius partem, vt hi termini, dies, hora tēpus. Id connotat, vel importat tempus quod significat aliquid, quod tempore determinato fit, vt cœna, prandium. Id cum tempore significat quod significat vel esse aliquam actionem, vel passionem quæ fiunt in tempore, & ea significat prout fiunt in tempore, vt currit, vincit. Primum, & secundum nomini conueniunt. Tertium Verbo, & participio, non Nomini. Propterea ad separandum Nomen a Verbo, & Participio in ipsius definitione ponitur illa pars, sine tempore. Adiungitur præterea, quod nulla pars nominis separata significet,

D a ad

ad differentiam orationis, quæ nomen est: cū ipsius partes per se significēt, vt dicemus. Nomen enim incomplexus terminus est: quòd si compositæ figuræ nomina ex partibus significatiuis constare videntur, tales tamen partes, cum in compositione sunt, iam non significant: cuius signum est quòd aliquando etiam pristinum characterem amittant, quòd si aliquæ retineant, id per accidens est, nec necessarium. Dicitur præterea, finita, ad excludendas negatas voces, vt non homo, non leo; quæ cum nihil certi aut determinati significant, simpliciter nomina dicendæ non sunt additur vltimo, recta propter obliquos casus, qui cum per se partes propositionis non sint nisi rectis adiuncti sint, nomina non sunt, sed nominum casus. Verbum est vox significatiua ad placitum cum tempore, cuius nulla pars separata est significatiua finita, & recta, & est eorum quæ de altero dicuntur nota. In quæ definitione aliquæ particule cum nominis definitione communes videntur, quamuis nō eadem ratione hic, & illic cōstituatur. Hic enim dicitur, quòd nulla pars verbi sit significatiua per se, ad excludendas orationes ex pluribus verbis, vt currere est moueri, legit, & studet, sicut indefinitione nominis excludebantur orationes ex pluribus nominibus, vt homo iustus. Præterea dicitur, finita, ad excludendum

ver-

verbum infinitum, vt non currit, non vincit, quod cum nullam actionem determinatam significet, verbum non est. Circa quod aduerte, Verbum tria habere. Primum enim significat aliquam operationem, vt curro cursum, disputo disputationem, in quo cum nomine conuenit, ac propterea dicitur, vox significativa ad placitum, sicut & nomen. Secundo, illam significat, vt fit in tempore, in quo a nomine differt, sed cum participio communicat propterea dicitur, cum tempore, ad differentiam nominis. Tertio illam vnit cum aliquo nomine subiecto, vt homo currit, & hoc proprium est verbo, ac propterea dicitur, est notae eorum, quae de altero praedicantur. quando autem audis, verbum infinitari, hoc intellige, quando negatio eius significationem destruit, vt idem fit, non disputat, ac est, non disputans. Dicitur tandem, recta. vt enim in nomine solus rectus nomen dicitur, reliqui obliqui casus, ita verbum praesentis indicatiui, verbum est praeteritum & futurum, casus verbi. hoc autem fit, quia propositio simplex non conflatur ex alijs modis praeter indicatiuum. in quo praeteritum, & futurum ad praesentis normam expendantur, nam praeteritum nihil aliud est, quam quod fuit praesens, futurum quod erit praesens, ideo praecipua ratio verbi in praesentis consistit, quamuis non sit negandum praeteritum.

& futurum verba esse, cum ex eis propositiones fiant.

De oratione, & Enunciatione.

Cap. XVI.

O Ratio est vox significatiua ad placitum, cuius partes separatæ sunt significatiuæ, vt dictiones. Id autē significat, vt dictio, quod terminus est, vt sit sensus. Oratio est vox significatiua ex pluribus simplicibus terminis composita, nec obstat orationem aliquam ex propositionibus aliquando esse constatā, vt Deus est verax, & homo est mendax; tales enim orationes etiam ex dictionibus simplicibus conponuntur, propterea orationes sunt. Oratio quædam imperfecta, quædam perfecta. Imperfecta est, quæ non constituit quietum audientis intellectum, sed suspensum dimittit, vt si venires ad me. Sunt autem illæ omnes orationes imperfectæ in quibus non est verbum, & in quibus est relatiuum cum vnico verbo, & in quibus sunt dictiones, quæ virtutem habent suspendendi, & non est nisi vnicum verbum, vt vbicunque, quandocunque. Oratio perfecta est, quæ perfectum generat sensum, & intelligentiam, vt homo studet. Harum quædam Enunciatiua, quædam non Enunciatiua. Enunciatiua est, quæ cum perfectum generet sensum,

sum, verè vel falso significat, vt Deus est iustus. Non Enunciatiua illa est, quæ cum perfecta sit, nihil veri, nihil falsi significat, qualis est oratio interrogatiua, imperatiua, optatiua & similes, quas Dialecticus in vniuersum non curat, qui solum verum, vel falsum indagat. Est igitur Enunciatio, quæ communiter propositio dicitur, Oratio perfecta, quæ verè, vel falso significat, vt leo non est animal, homo disputat, est autem quædam simplex, quam Categoricam, quædam composita, quam hypotheticam alij vocant. Simplex est Enunciatio cõstans ex subiecto, copula, & prædicato tanquã partibus præcipuis. Subiectum, id est, de quo aliquid dicitur, vt homo in hac propositione, homo est Dialecticus, quod aliquando vna dictio est, aliquando vna integra propositio, quoties est cum relatiuo, qui, & quoties materialiter accipitur, vt fit in hac, homo qui est iustus spernit mundum, vbi totum id, homo, qui est iustus: locum habet vnus subiecti: similiter in hac: homo est animal, est propositio, illud totum, homo est animal, subiectum est, quia materialiter sumitur, & in his vtriusque illud verbum, quod in tali propositione, quæ subiectũ est, inest, dicitur minus principale. Copula est ipsum verbum. Prædicatum est id, quod de alio dicitur, sicut Dialecticus, in illa propositione, homo est Dialecticus. Euenit

aliquando propositiones non habere aliquod prædicatum, & tunc copula totalis prædicati locum habet, & huiusmodi propositio, de secundo adiacente dicitur, vt homo est, aliquando præter copulam prædicatum aliud inest, & huiusmodi de tertio adiacente dicitur, vt Deus est bonus. Enunciatio Hypothesica est, quæ ex pluribus simplicibus principalibus, vel earum locum habentibus componitur, vt Virtus est sequenda, & vitium fugiendum, dicitur autem locum simplicium habentibus, quia Enunciationes aliquando fiunt ex orationibus, quæ licet simplices non sint propositiones, earum tamen virtutem habent, vt si homo studeret, esse doctus. Omissa igitur Hypothesica, ad simplicem manifestandam prius accedamus.

De materia, forma, & qualitate simplicis.

Enunciationis.

Cap. XVII.

Quemadmodum in re aliqua naturali quatuor præcipue philosophi considerant, Materiam nempe, ex qua res facta est, Formam per quam est, Passiones, & proprietates à tali re procedentes, quas Qualitates vocant, & deniq. magnitudinem, & dimensionem rei, quæ

quæ quantitas dicitur : ita proportionē quādam hæc quatuor in Enunciatione, quæ cōpositum quoddam est, logici speculantur. Enunciationis materia est ordo, & habitudo quædā inter subiectum, & prædicatum. Forma est ipsorum vnio, & connexio quam verbum importat. Qualitates sunt, quod affirmatiua sit, quod negatiua, vera, aut falsa. Quantitates autem, quod vniuersalis, particularis, aut indefinita sit, vt suo ordine trademus. Cum igitur Enunciationis materia, sit habitudo prædicati ad subiectum, fit, vt cum tripliciter prædicatum se ad subiectum habere possit, triplex sit & propositionis materia. Prima est Naturalis, altera Contingens, tertia Remota. Naturalis est, in qua prædicatum, vel est definitio subiecti, vel pars definitionis ipsius, vel subiectum est de definitione prædicati, vt, homo est animal, homo est rationalis, homo est animal rationale, homo est risibilis. Similiter etiam harū negatiuæ. Contingens est, quando prædicatum sic inest subiecto, vt possit non esse, vel, sic non inest, vt possit inesse, vt equus est albus, homo disputat. Remota est, quum prædicatum sic non inest subiecto, vt numquam inesse possit, vt homo est leo, album est nigrum, & harum omnium negatiuæ: in eadem enim materia sunt negatiuæ, in qua & affirmatiuæ. De forma autē Enunciationis nihil aliud quā quod de verbo dictum

Cum est, tractare modo oportet. Circa quali-
 tatem autem, Enunciatio Simplex, in Veram,
 & Falsam diuidi primò potest. Vera est quæ
 rem ita se habere significat, sicut se habet, vt
 homo est animal. Falsa quæ aliter significat,
 quàm res se habeat, vt homo est leo, nec eodẽ
 modo veritas vel falsitas in omni simplici E-
 nunciatione sumenda est Enunciations nam-
 que de præterito & futuro ex præsentis ratio-
 ne pendent: tunc enim propositio de præteri-
 to vera erit, si aliqua præsentis eiusdẽ præces-
 serit vera. Similiter & propositio de futuro. si
 aliqua de præsentis futura sit vera, & tales enun-
 ciationes de præsentis, dicuntur propositiones
 de inesse, vt Petrus cucurrit, erit vera si ista Pe-
 trus currit, fuit aliquando vera. Similiter & i-
 sta Antichristus erit, est vera. si aliquando ista,
 Antichristus est, futura sit vera. Præterea est e-
 tiam propositio aliqua necessaria, alia impos-
 sibilis, alia contingens. Necessaria est, quæ signi-
 cat ita rem esse sicut est, nec aliter se res habe-
 re potest, vt homo est animal. Impossibilis,
 quæ aliter significat, quàm res se habet vel ha-
 bere potest, vt homo est leo. Contingens est, quæ
 significat rem sic se habere, qualiter se habere,
 & non habere potest, vt homo currit. Necessa-
 ria semper est vera, Impossibilis semper est
 falsa. Contingens aliquando vera, Impossibilis
 semper est falsa. Contingens aliquando vera,
 ali-

aliquando falsa. Propositio in materia naturali affirmatiua, est necessaria, vt homo est animal. Negatiua impossibilis, vt homo non est animal. In materia remota contra, negatiua necessaria, vt homo non est lapis. In materia verò contingenti vtraque contigens & negatiua, vt homo currit, homo non currit. Enunciationum simplicium quædam affirmatiua, quædam negatiua.

Affirmatiua est cuius copula principalis affirmatur, vt homo est animal Deus est verax. Negatiua, cuius copula principalis negatur, vt vitium non est virtus. Dico autē de copula principali, quod negetur, vel affirmetur, non enim habenda est ratio copulæ minus principalis, quam superius considerauimus. Erit enim Enunciatio affirmatiua, si copula principalis affirmatur, etiam copula minus principali negata, qualis est ista, qui mecum non colligit, dispergit, & contra erit negatiua, copula minus principali affirmata, si tamen principalis negetur: vt si sequitur Christum, non ambulat in tenebris. Dico etiam vt copula negetur vel affirmetur, quando enim negatio vnicum extremū negat, quòd fit in terminis infinitis, Enunciatio affirmatiua erit, vt lapis est non animal, nō homo est albus. Sunt autem Enunciationes aliquæ, quæ duas habent copulas principales, & simplices sunt formaliter, quamuis virtute cōpositæ

affirmare, vt nullus homo non est animal, idest
 omnis homo est animal: vnde dici solet, pari-
 tas negationum affirmat, imparitas negat. sed
 hoc intelliget virtute. nam semper negatio ne-
 gat, negat autem id solum, quod post se est, vt
 homo non est bonus, illa negatio non negat su-
 biectum, sicut ista, nullus homo est bonus, nul-
 lus impius est gratus Deo.

De quantitate simplicis Enunciationis.

Cap. XV III.

ENunciatio simplex secundum quantita-
 tes, quadruplex est: quædam Vniuersalis,
 quædam Particularis; quædam indefinita, quæ-
 dam singularis. Vniuersalis est, in qua subie-
 ctum est terminus communis signo vniuer-
 sali determinatus. vt omnis homo appetit bo-
 num, nullus impius habet pacem. In his deno-
 tatur quod omni indiuiduo subiecti prædica-
 tum competit, vel ab eo remouetur. Particu-
 laris est, in qua subiectum est terminus com-
 munis aliquo signo particulari determinatus,
 vt aliquis homo disputat, in qua denotatur,
 quod non omni prædicatum conueniat, & non
 ab omni remoueat. Indefinita, cuius subie-
 ctum est terminus communis communiter ac-
 ceptus, nullo tamen signo determinatus, vt ho-
 mo currit. Hæ autem indefinitæ in materia
 naturali æquivalent vniuersalibus, & earum
 fre-

frequens est in scientijs, vsus, vt homo est animal huic æquiualeat, omnis homo, est animal. Singularis est, in qua subiicitur terminus singularis, vel terminus communis signo demonstratiuo determinatus, vt Paulus fuit decapitatus, iste homo est iustus. In his omnibus diligenter attende non esse habendam rationem prædicati, sed subiecti. quantumcumq. enim prædicatum sit commune si subiectum singulare sit, & enuntiatio singularis erit. vt Petrus est homo, seu Petrus est omnis homo. Similiter etiam si subiectum commune sit, quamuis prædicatum sit singulare, enuntiatio communis erit, vt aliquis homo est Paulus. Cum igitur triplex sit enunciationis facta diuisio secundum species, aliquo modo, cum in Categoricalam, & Hypotheticam Secundum qualitatem in veram vel falsam, affirmatiuam, & negatiuam. Secundum quantitatem, cum in vniuersalem, particularem, indefinitam, & singularem diuisa est. Triplex erit etiam interrogandi, & respondendi modus. Quæ enuntiatio est ista? Qualis enuntiatio est ista? Quanta enuntiatio est ista? Ad primum responde, esse Categoricalam, vel Hypotheticam. Ad secundum, per qualitatem esse veram, vel falsam, affirmatiuam vel negatiuam. Ad tertium, responde per quantitatem, esse vniuersalem, particularem, indefinitam, vel singularem.

De

*De enunciatione hypotetica.**Cap. XIX.*

SVprà quid esset enuntiatio hypotetica de finiuimus, est enim ex simplicibus enunciationibus, vel ex complexis locum simplicium habentibus, media aliqua coniunctione composita. Huius tres sunt species, conditionalis, copulatiua disiunctiua. Conditionalis est in qua vna parte concessa posterior sequitur, vt si homo currit, homo mouetur. Copulatiua, in qua coniunguntur partes per coniunctionē copulatiuam, Deus est bonus, & iustus saluatur. Disiunctiua, in qua partes iunguntur per copulam disiunctionis, vt ego moriar, vel tu non viues. Conditionalis diuidi solet in causalem, rationalem, & particulariter conditionalem. Causalis, in qua coniunctio est causalis, vt quia sol lucet, dies est. Rationalis, in qua est cōiunctio illatiua, vt sol lucet, ergo dies est. Conditionalis, in qua coniunctio est condicionalis, vt si sol lucet, dies est. Hæc autem tres cōmuniter conditionales dictæ & consequentiæ quædam, & simul enunciationes sunt. Consequentia, quia in eis vnum ex alio denotatur inferri: enunciationes, quia in eis verum, vel falsum exprimitur. Vt consequentiæ sunt, bonæ vel malæ dicuntur, & ex antecedenti, & consequenti

quenti constat. Est autem antecedens in conditionali, & causali, quod immediatū est post coniunctionem, quale est id, sol lucet, in his, si sol lucet, dies est, quia sol lucet, dies est, reliquū est consequens. In rationali verò, quod antecedit coniunctionem antecedens est. Earum autem triū rectitudo, vel vitium, in bona vel mala consecutione vnius ex altero consistit, vt superius diximus. Quæ partes verò enunciationes sunt. veræ, vel falsæ necessariae, impossibiles, & contingentes sicut reliquæ dicuntur. Et quantum ad hoc, Rationalis a Copulatiua non differt, ita vt possimus quatuor species enunciationis hypotheticæ constituere. Copulatiuam, Disiunctiuam, Propriè conditionalem, & Causalem. Ad Copulatiuam multæ enunciationes reducuntur, hæ nempe, in quibus est aliquod aduerbium temporis vel loci, vel coniunctiones aduersatiuæ, vel relatiuæ. vt dum lego, vos auditis: vbi est magister, est discipulus: Paulus est sanctus, sicut Petrus: tanta est turris, quantus mons: qualis pater, talis filius, & multæ aliæ huiusmodi. Hic autē hypotheticam pro composita Enunciatione accepimus, quāuis antiqui aliter eo vocabulo vsi sint, vt inferius trademus Harum veritas, & falsitas non eodem modo in omnibus pensanda est. Veritas enim copulatiuæ & Rationalis in suarum partium omnium veritate consistit,

sistit, vt tunc Copulatiua vel Rationalis vera sit, cum omnes eius partes veræ sunt. Vnde ista est vera, Ignis est calidus, & aer est humidus, terra autem sicca. singula enim partes veræ sunt. Eius autem falsitas ex partium falsitate, siue omnium, siue vnius solum, prouenit, adeo vt si copulatiua quatuor, aut quinque partes, aut plures habet, inter quas vna inueniatur falsa, tota etiam copulatiua falsa erit, qualis est ista: terra est grauis, & ignis levis, & aqua non est Elementum, tota est falsa cum tertia eius pars falsa sit. Disiunctiua autem vera est, cum vna eius pars est vera, adeo vt si plures partes veræ simul aut falsæ sint, tota etiam disiunctiua falsa sit. Vnde hæc vera est, Ignis est calidus, vel non est calidus, Petrus stat, vel non stat: hæc autem falsæ: homo est animal, vel homo est risibilis, quia vtraque pars vera. Similiter, homo non est animal, vel homo non est risibilis. ita sentiebant antiqui Græci, & Latini de Disiunctiuæ veritate, vel falsitate, quamuis recentiores non admodum propriè disiunctiuis vtentes, existimant Disiunctiuam, cuius non solum vna pars, sed etiam omnes veræ sunt, & ipsam etiam esse veram, præsertim, quando disiunctiuæ fiunt ex partibus inter se non oppositis, vt Petrus ambulat, vel Paulus studet. tunc autem falsa est solum Disiunctiua, cum omnes partes falsæ sunt. Con-

ditionalis autem veritas solum in illatione consistit, vt illa sit cōditionalis vera quæ consequentia sit bona, illa verò falsa, quæ consequentia sit mala, siue propositiones veræ sint, siue falsæ, propterea dici solet, conditionalis nihil ponit in esse, vnde ista vera est, nullo homine currente, si homo currit, mouetur, cum sit recta illatio. ista verò falsa, etiam homine currente, si homo mouetur, homo currit, cū non sit recta illatio. At causalis plura petit ad sui veritatem, nempe, quòd vtraq. pars sit vera, & antecedens sit causa consequentis, adeo vt ex vnius horum defectu falsa sit, vnde ista est vera, quia ignis est calidus, ignis est leuis, non solum quia vtraq. pars vera est, sed etiā, quia antecedens, scilicet, ignis est calidus, est causa consequentis, quod ignis sit leuis. Ista verò est falsa, quia fumus est, ignis est, fumus enim non est causa ignis. Similiter & ista falsa est, nullo homine currente, quia homo currit, homo mouetur, cum prior pars sit falsa. Hæc omnia intellige in affirmatiuis hypotheticis: nam negatiuæ opposito modo se habent. Sunt enim ad affirmatiuarum rationem examinandæ. Negatiua enim est falsa, cuius affirmatiua vera, vera autem, cuius affirmatiua falsa.

De

*De reliquis accidentibus Hypotheticæ
Enunciationis . Cap. XX.*

Non solum Hypotheticæ Enunciationes veræ aut falsæ, sed etiam necessariæ, impossibiles & contingentes sunt, ac reliqua accidentia, quæ simplicibus insunt, participant, quamuis non eodem modo omnibus accidant. Copulatiua enim necessaria est cum omnes eius partes necessariae sunt, qualis est ista, homo est animal, & Deus est vnus, illa autem contingens est, cuius vtraque pars est contingens, & compossibilis, vt homo studet, & leo currit. Dico autem, vt pars vtraque sit compossibilis, idest, vt simul vera, vel simul falsa esse possit. nam cum impossibilis est, idest, vt simul vera, vel falsa esse non possit, quamuis vtraque pars sit contingens, copulatiua non erit contingens, sed potius impossibilis, qualis est ista Petrus stat, & Petrus non stat: similiter ista, ego non lego. Potest etiam copulatiua contingens esse, quando vna pars est necessaria, & altera contingens, qualis est ista, homo est animal, & equus currit. nam ratione vnius partis contingentis poterit tota copulatiua aliquando esse vera, aliquando falsa. Vera quidem, cum contingens simul cum necessaria fuerit vera, tunc enim vtraq. pars

E 2 vera

vera erit, falsa autem cum sola contingens fuerit falsa, manente etiam necessaria vera, quia ex vnius falsitate tota copulatiua sit falsa. Illa vero est impossibilis, cuius vel omnes partes sunt impossibiles, vel solum vna pars, vel tandem vtraque pars fuerit contingens, sed impossibilis, vt diximus: vnde ista est impossibilis, homo non est animal, & homo non est rationalis, est enim vtraque pars impossibilis. Similiter & ista, homo non est animal, & equus est hinnibilis. est enim vna pars impossibilis, Tandem, & ista, Petrus stat, & Petrus non stat, quia cum vtraque pars sit contingens per se, est tamen impossibilis. Idem iudicium est de rationali sicut de copulatiua. Disiunctiua autem necessaria est, cuius partes impossibiles sunt, siue vtraque sit contingens, siue, vna necessaria, & altera impossibilis, quales sunt istæ, homo est animal, vel homo non est animal, vel homo non est sensibilis. Petrus stat, vel Petrus non stat. Contingens, cuius vtraque pars contingens, & composibilis, vel cuius vna pars contingens, quales sunt istæ, Petrus currit vel aliquis homo studet, est enim vtraque pars contingens, & composibilis, Similiter homo, non est animal, vel equus currit: est enim vna pars contingens. Similiter, ista eadem ratione, homo est animal, vel equus currit, contingens est, cum possit

possit esse vera, vel falsa, quamuis secundum recentiores sustinentes veram esse Disiunctiuam, cum vtraque pars est vera, ista vltima necessaria est, quia vna pars est necessaria. Impossibilis autem Disiunctiua est, cuius vtraque pars impossibilis qualis est ista, vel homo non est animal, vel homo non est rationalis: quamuis secundum antiquos etiam Disiunctiua, cuius est vtraque pars necessaria, est impossibilis, vt ista, vel homo est animal, vel homo est rationalis. Conditionalis autem, & causalis, cum præcipuè in illatione quadam consistant, maxime, earum contingentia necessitas, vel impossibilitas secundum illationem pensandæ sunt. vt conditionalis sit necessaria, in quia vnum ex altero necessario sequitur, vt, si homo currit, homo mouetur. Impossibilis verò, in qua vnum ex altero sequi non potest, vt, si ignis esset calidus, ignis frigeraceret. Contingens verò, in qua vnum contingenter ex altero sequitur, hoc est, aliquando sequitur, aliquando non sequitur, vt si Petrus assidue lectionibus intersit, euadet doctus. Vnum autem præter hoc habet Causalis, vt præter illationem vnius ex altero tanquam ex causa vt diximus, habetur ratio partium, sicut in Copulatiua, quauis enim vnum ex altero necessario sequatur tanquam ex causa, si pars vtraque necessaria non sit,

Causalis non erit necessaria, sed contingens, vel impossibilis, unde ista contingens est, quia homo currit, homo mouetur, ista impossibilis quia ignis est frigidus, ignis est grauis. Hæc pari ratione intelligenda sunt in affirmatiuis, nã negatiuæ ex harum ratione discernuntur, vt sit negatiua impossibilis, cuius sit affirmatiua necessaria, & negatiua necessaria, cuius affirmatiua impossibilis, & negatiua contingens, cuius affirmatiua contingens.

De affirmatione, & negatione, ac quantitate hypotheticæ. Cap. XXI.

VT autem inter has, quæ affirmatiuæ, quæ negatiuæ sint dignoscatur: duo obseruanda sunt. Alterum est, coniunctionem in his se habere sicut in simplicibus enunciationibus verbum principale, vt quemadmodum simplex non dicitur affirmatiua nec negatiua, ob extrema solum affirmata vel negata, sed propter copulam principalem, ita hypothetica non dicatur affirmatiua, vel negatiua propter simplices, ex quibus componitur, sed pro ratione coniunctionis eas connectentis, quæ si negata fuerit, & hypothetica negatiua erit: si affirmata, affirmatiua. unde ista est affirmatiua, si nullus homo currit, nullus homo mouetur: quia coniunctio non est negata, ista ve-
rò

rò negatiua, non si homo mouetur homo currit, idem in alijs intelligendum est. Alterum quod obseruari, debet huiusmodi est, negationem quæ conditionalem, & causalem negat, non negare simplices Enunciationes, ex quibus componuntur, sed vnionem illarum, vt qui dicit, Non quia fumus est ignis est, non negat quòd sit ignis, & fumus, sed quòd non sit ista vnio, & sequela, quòd fumus sit causa, vt ignis sit: similiter in ista, Non si homo mouetur, homo currit. At in Copulatiua, & Disiunctiua negatio totum negat, & coniunctionem, & partem: vnde Copulatiua negata æquiualeat Disiunctiua, ex oppositis partibus, & contradicentibus. Similiter, & Disiunctiua negata Copulatiua, vt non homo currit, & homo mouetur, huic æquiualeat, nullus homo currit, vel nullus homo mouetur. Et hæc, non homo currit, vel mouetur, illi, nullus homo currit, & nullus homo mouetur, negatiua enim copulatiua disiunctiua affirmatiua, & disiunctiua negatiua copulatiua affirmatiua, ex oppositis partibus æquipollēt. Circa quantitatem verò Hypotheticæ, propriè nec vniuersales, nec particulares secundum se sunt: cum enim quantitas Enunciationis subiecto respectu prædicati sit, hæc autem prædicatum non habeat, non enim vnum de alio prædicant, sed quandam Enunciationum conne-

xionem important, fit vt singulares sint reputandæ, & solam contradictoriam fortiantur oppositionem. Quod si aliquando vniuersales aut particulares vocantur, idest, per quandam partium denominationem, quò, modo Syllogismi vniuersales, vel particulares iuxta propositiones, ex quibus constant, dici solent. Præter hæc autem vnum est attendendum, esse quasdam Hypotheticas, quæ ex alijs etiam Hypotheticis componuntur, & hæc iudicandæ sunt secundum coniunctionem principalem. Dicitur autem ea principalis, quæ alias connectit, vt ista Copulatiua est, si homo currit, homo mouetur, & si homo studet, euadet doctus; duæ enim Conditionales per copulatiuam coniunguntur, similiter in alijs, quæ multis modis esse possunt. Tunc autem veritas & falsitas, Contingentia, & reliqua in istis debent considerari secundum Hypotheticas, ex quibus componuntur, sicut in illis Hypotheticis, de quibus locuti sumus, erat consideratio partium simplicium. Atque hæc de Enuntiatione tam simplici quam coniuncta dicta sufficiant.

FINIS PRIMI LIBRI.

73

INTRODVCTIONIS IN DIALECTICAM ARISTOTELIS.

LIBER SECVNDVS.

De Suppositione. Cap. I.



V M de termino, & propositione hucusq. tractatum sit, de his quæ terminis accidunt differere oportet. Hæc autem sunt Suppositio, Ampliatio, Restrictio, Alienatio, Diminutio, & Appellatio. Suppositio igitur est vsus termini pro se, vel pro suo significato, vt in hac propositione, Homo est animal, vox illa, homo, loco rei constituitur. At verò in hac, Homo est nomen, pro re aliqua sed pro se sumpta est. Voces enim non solum rerum signa sunt, sed earum loco dum de rebus disputamus substituuntur, cum res in disputationem proferre non semper possumus, Hoc tamen priuilegio ipsæ voces gaudent, vt, quando de eis disputatio sit, per easdem differamus, nihil earum loco collocantes. Ex quo duplex exoritur vocum suppositio. Altera quando vocibus rerum significatarum loco vtimur. Altera cum pro se ipsis sumuntur.

Prior

Prior Formalis, posterior Materialis est.
 Suppositio materialis, est vsus termini pro se, qualiter subiectum supponit in hac propositione, homo est vox. huius suppositionis indicium est, cum prædicatum ipsi voci, non rei per vocem significatæ conuenire denotatur, vt in illa propositione prædicatum, vox, non rei significatæ per illam vocem, Homo, sed ipsi voci inest: propterea è talis vox; Homo materialiter supponit.

Suppositio Materialis duplex est, quædam Intrinsicæ, quædam Extrinsicæ. Intrinsicæ, est vsus termini pro se, secundum id, quod sibi naturaliter inest, idest, quando voci attribuiamus ea, quæ non ex significatione ei adueniunt, vt Homo est sonus, Leo est vox, quæ suppositio etiam vocibus non significatiuis inest. Extrinsicæ est vsus termini pro se secundum id, quod ei ex significatione prouenit, id sit cum de vocibus aliquid enunciamus, quod illis vt significatiuæ sunt inest, vt Homo est nomen. Disputat est verbum. Hæc autem suppositio in vocibus significatiuis tantum reperitur. Suppositio autem Formalis, est vsus termini pro re quam significat, cuius quædam Propria quædam Impropria.

Suppositio Propria, est vsus termini pro re quam propriè significat, id est ad quam significandam primò est impositus, sicut supponūt

Ter-

Termini in hac propositione, Homo currit. Impropria est vsus termini pro re quam improprie significat, idest ad quam significandā per similitudinem, vel figuram aliquam à propria significatione transfertur, vt Iste homo est pictus. Iste homo est Nero. similiter de alijs figuratis locutionibus.

Suppositio Propria quædam est simplex, quædam personalis, Simplex, est vsus termini pro suo tantum immediato significato, idest, pro re, quam primò ex se repræsentat, vt hæc, vox Homo, in ista propositione Homo est species. Supponit enim non pro Petro, aut Paulo, vel alio quouis indiuiduo, sed pro homine in communi.

Suppositio personalis est, vsus termini pro suo mediato significato, vt Homo vincit, vbi, Homo, non pro homine in communi, sed pro inferioribus scilicet Petro, vel Paulo sumitur. Personalis quædam Discreta, quædam Communis Discreta, est vsus termini singularis personaliter accepti, vel termini communis signo demonstratiuo determinati, vt Petrus studet. hic homo contemplatur. Dico autem, Personaliter accepti, quia terminus singularis aliquando simpliciter supponit, vt in hac, Petrus est indiuiduum, quod tunc fit, cum non licet ex ipso inferre speciem, aut genus, non enim dices, Petrus est indiuiduum, ergo homo

homo, vel Animal est indiuiduum: Personaliter autem supponit, cum illa licet inferre, valet enim, Petrus disputat, ergo homo disputat, & animal disputat. Suppositio communis est vsus termini communis pro suis inferioribus, vt omnis homo appetit scire, vbi Homo, pro singularis hominibus accipitur. Huius quædam est Accidentalis, quædam Naturalis. Accidentalis est vsus termini pro omnibus inferioribus secundum exigentiam tēporis, quod importatur per copulam suæ propositionis, vt Omnis homo scribit, vbi subiectum pro præsentibus solum secundum tempus illius verbi supponit. Naturalis est vsus termini pro omni suo inferiori significato, vt, Omnis homo est animal, supponit enim homo, non solum pro præsentibus, sed pro omnibus secundū quodcumque tempus, quod in propositionibus necessarijs fit, quæ suppositio alibi est examinanda.

*De Suppositione communi. Et signis indicantibus
eam. Cap. II.*

Suppositio communis, quæ vsus termini pro suis inferioribus est, quædam est Distributiua, quædam Copulata, quædam Determinata, quædam verò Consula, Suppositio

tio Distributiva; est vsus termini communis pro omnibus suis significatis copulatiuè sumptis. Tunc autem terminus pro suis significatis copulatiuè sumitur, quando pro illis ita accipitur, vt in singula seorsum, respectu eiusdè prædicati, vel subiecti in propositione copulatiua resoluator. vt subiectum in hac: Omnis homo currit, sic enim est resoluendum. Iste homo currit, & iste homo currit, & iste homo currit, & reliqua demonstrando singula inferiora cum eodem prædicato. Suppositio copulata est, vsus termini communis pro suis significatis collectiuè sumptis, quod fit cum pro illis seorsum respectu alicuius subiecti, vel prædicati non accipitur, sed pro omnibus simul media coniunctione copulatiua, vt omnes Apostoli Dei sunt duodecim. idest, isti Apostoli, & isti, & alij simul sunt duodecim. Suppositio determinata est vsus termini communis pro omnibus suis significatis disiunctiuè, quod tū fit, cum in singula seorsum respectu subiecti, vel prædicati vnius in propositione disiunctiua resoluitur, vt subiectum in hac, Aliquis homo currit, sic enim est resoluendum: Iste homo currit, vel iste homo currit, & reliqua similiter singularia. Suppositio confusa est vsus termini communis pro omnibus suis inferi oribus disiunctim, quod fit cum pro omnibus simul, & non seorsum respectu vnius subiecti prædicati sumi-

sumitur, vt subiectum in hac, ad equitandum requiritur equus. est enim resoluendum: requiritur ad equitandum iste equus, vel iste, vel alius, non tamen de singulis seorsum dices, iste equus requiritur, vel iste equus requiritur, quia omnes istæ singulares sunt falsæ. Cùm igitur tot suppositiones existant; æquum est, vt quomodo termini supponant ostendamus: at quoniam suppositionum varietas ex vi aliquorum signorum, quæ in propositionibus sæpe sunt prouenit, horum distinctionem, & naturam primò aperiamus. Sunt aliquæ voces quæ terminis adiunctæ eorum suppositiones variant, & aliter eos significare faciunt, quæ signa quantitatis dicuntur. Inter hæc quædam Nomina, quædam Aduerbia, reperiuntur. Nomina, vt Omnis, Nullus, Aduerbia, vt Semper, Nunquam. Similiter quædam Syncategorematica, vt Omnis, Non, & Vel quædam Mixta, vt Nemo, Semper, Nullibi. Item quædam Affirmatiua, vt Omni, Semper. quædam Negatiua, vt Nullus, Nullibi. Denique, quædam Vniuersalia, vt Nullus, Omnis, &, Semper; quædam, Particularia, vt Aliquis, Aliquando Vel, inter mixta vniuersalia computantur aduerbia numeralia, vt Bis, Ter. similiter & nomina, vt Duo, Tria, Quatuor, quando alijs nominibus non iunguntur. alijs enim adiuncta Syncategoremata vniuersalia sunt, sicut

& Omnis, quicumque, & similis, quæ omnia aliquando diuisiuè, aliquando collectiuè sumuntur. Diuisiuè cum licet seorsum singularia separare respectu eiusdè prædicati, vt quatuor homines, siue omnes homines currunt. tunc enim licet resolvere, iste currit, & iste currit. Collectiuè autem cum non licet seorsum resolvere, vt quatuor homines portant totū pondus. Omnes ciues sunt mille.

Præter hæc sunt alia signa partim vniuersalia, partim particularia, ac proinde Media dicuntur: includunt enim particularitatem, & vniuersalitatem, vt Alter, Neuter, Vterque, Omne, pro speciebus singulorum, resoluntur enim per, &, quæ vniuersalitas dicitur, & per, Vel, quæ particularitas est, vt alter oculus est dexter, id est omnium duorum iste, vel ille. Neuter, id est aliquorum duorum neque iste, neque ille. Vterque, id est aliquorum duorum, iste, & ille, similiter. Omne animal fuit in arca Noe, id est, cuiusque speciei animalis hoc, vel illud indiuiduum fuit, & hæc signa incompleta dici solent. hæc intellige quando incomplete sumuntur. aliquando enim completè sumuntur, & tunc distribunt, præ omnibus singularibus: hæc etiam omnia intellige de signis non impeditis, aliquando enim simul duo concurrunt, & vniuersale fit particulare, & particulare vniuersale, de quibus

tra-

traderetur cognitio cū de equipollentijs disseremus.

*De regulis indicantibus suppositiones ratione
signorum. Cap. III.*

Propositis varijs signis, à quibus terminorum suppositio dependet, superest vt regulas assignemus, quibus diuersorum signorum variæ manifestentur suppositiones:

Sit igitur prima regula: Signa mixta vniuersalia tam affirmatiua, quàm negatiua distribuunt categoremata inclusum in se, particularia vero illud determinant, vt semper, id est in hoc tempore, & in hoc tempore, & reliquo. Nunquam, ne hoc tempore, ne hoc tempore. Aliquando hoc, vel illo tempore. At in termines propositionis in quâ sunt variam potestatem habent, namque negatiua distribuunt omnes sicut suum categoremata, vt, Nunquam homo est leo, subiectum, & prædicatum huius distributiue supponit, virtute illius mixti negatiui, vt sit sensus: omni tempore nullus homo est leo. Affirmatiua verò vniuersalia confundunt, vt semper homo est albus, extrema confusa manent. At in his, quæ particularia sūt affirmatiua, vt, aliquando homo est albus, extrema supponūt, ac si nullum signum ibi esset.

Secun-

Secunda Regula, Terminus communis communiter supponens, si sine signo sit, vel cum signo Syncategorematico particulari, supponit determinatè, vt homo currit, aliquis homo legit. Petrus, vel Paulus studet, hoc enim subiectum complexum, determinatè supponit. Cum autem in propositione signa Syncategorematica sunt, & vniuersalia, tunc affirmatiua sibi proximos terminos distribuunt, remotos postpositos confundunt, negatiua verò postpositos omnes distribuunt, omnis homo est animal. Homo distribuitur, animal confunditur. Nullus homo est animal, totū distribuitur. Hoc intelligi debet, quādo affirmatiua vniuersalia diuisiuè tenentur, cū enim sumuntur collectiue proximos sibi terminos copulatiuim supponere faciūt, vt quatuor homines portant totū pondus. Tunc autē maximè copulatiuim sumuntur, cū singulis illius termini inferioribus cui iunguntur, nihil per se denotatur inesse, vt diximus, sed simul omnibus. Tertia Regula. Verba quæ suam actionē in terminum cōmunem primò applicant, virtutē habēt proximos sibi confundendi, vt promitto tibi equū Parisijs venditur piper, quæ dicuntur signa specialia confusionis, & demum quicunque terminus ex alterius resolutione dependet, confusus manet, vt bis cantauī Missām, ad equitandum requiritur equus; vbi ille terminus,

F Mis-

buitur. Quando verò duo signa eiusdem virtutis sunt: nempe quia vtrumque distribuit per se mutuo se impediunt, & determinanti æquivalent. vnde in hac, Non omnis homo est animal, subiectum determinatè supponit, quia æquivaleret isti, aliquis homo non est animal, hoc intellige respectu subiecti: nam cum talia duo supra prædicatum cadunt, illud supponere confusè faciunt, vt in hac, Nullus homo nō est animal, quæ isti æquivaleret, Omnis homo est animal.

Sexta regula. Signa incompleta immedios terminos incompletè distribuunt, id est, partim vniuersaliter, partim particulariter supponere faciunt, vt superius diximus, & inferius in eorum resolutione magis manifestabitur. Alia signa sunt præter ista, quæ partim affirmatiua, partim negatiua sunt, vt præter, tantum & alia quæ exponibilia dicuntur, de quibus in 3. lib. differemus.

De resolutione suppositionis terminorum.

Cap. IV.

Dialectici ad manifestandam suppositionis vim, & varios propositionum sensus ex diuersa terminorum suppositione provenientes, in qua maximè earum veritas, seu falsitas consistit, vtuntur resolutione quadam

F 2 quam

est. Copulatiuus, disiunctiuus, copulatus, disiunctus. Copulatiuus est, in quo singularia seorsum respectu vnius subiecti, vel prædicati sumuntur in propositione copulatiua, vt iste homo est animal, & iste homo est animal, & reliqui singuli, ergo omnis homo est animal. hæc autem resolutio debetur termino supponenti distributiue. Disiunctiuus est, in quo singularia singula per se respectu subiecti, vel prædicati vnius, sumuntur in propositione disiunctiua, vt iste homo currit, vel iste homo currit, ergo homo currit, & hæc debetur termino supponenti determinate. Istæ autem duæ resolutiones ad veritatem, & falsitatem propositionis manifestandam, & probandam conducunt. Maxime autem interest inter ascensum copulatiuum, qui debetur termino supponenti distributiue, & disiunctiuum qui debetur supponenti determinate. Cum enim vterq. ad veritatem propositionis communis probandam, & declarandam ordinetur necesse est, vt singularia per quæ ascenditur vera sint, cum discrimine tamen: in disiunctiuo. n. sufficit vnius singularis veritas ad propositionis communis veritatem, vt homo currit, vera est si vel vnũ singulare currat: propterea nõ oportet multa singularia numerare. At in copulatiuo non vnius solũ, sed omnium singularium, quæ sub illo termino sunt, veritas est necessaria ad vniuersalis veritatem propterea omnia in ascensu annumerare oportet. Oppositũ autẽ obseruandum

est in descensu, quo ad vniuersalis falsitatem ostendendā, Tunc enim in disiunctiuo per omnia singularia descendere oportet, cum vnus aut plurium singularium falsitas propositionē particularem falsam efficere non sufficiat. In copulatiuo verò, vel ad vnum singulare satis erit descendere, propositio enim vniuersalis, ex vnus singularis falsitate falsa fit.

Præter has resolutiones duas, Dialectici duas alias assignant, quibus suppositionis copulatæ, & confusæ vim manifestent, ponuntq. ascensum, & descensum copulatum, & disiunctum; Copulatus est quum omnia singularia simul sub copula coniunctiua respectu vnus prædicati sumuntur, vt omnes Apostoli Dei sunt duodecim. id est, isti apostoli, & isti, & alij simul sunt duodecim. Quæ resolutio debetur termino supponenti collectiue. Disiunctus est quum omnia singularia sub disiunctione sumuntur, ita vt non liceat quodlibet per se sumere, vt equitandum requiritur equus, id est requiritur iste, vel iste equus, in quo à disiunctiuo differt sicut & copulatus a Copulatiuo. In copulatiuo enim & Disiunctiuo singularia per se cum prædicato sumimus, quod fit in propositione copulatiua vel disiunctiua, Ac in disiuincto, & copulato singularia omnia simul cum vno prædicato in propositione categorica constituimus. Ascensus, &

De-

Descensus Copulatiuus,& Disiunctiuus quidā est Affirmatiuus, qui sub propositione affirmatiua fit, quidam Negatiuus, qui sub propositione negatiua: in illo singularia per propositiones affirmatiuas: in hoc per negatiuas enumerantur.

De regulis circa ordinem resolutionis,

Cap. V.

VT propositionum veritas nota fiat, resoluendi ordinem aduertere oportet, qui sequentibus propositionibus manifestatur. Prima Propositio: Nullus terminus supponēs Materialiter, Simpliciter, vel Singulariter vllam habet singularium resolutionem: vnde his homo est species, leo est nomen, Petrus sedet, subiecta resoluenda non sunt.

Secunda propositio; Sub termino, vel aggregato supponenti collectiue non est resolutio copulatiua facienda; nec sub confuse supponenti, disiunctiua, vt iste, & iste sunt duo, non dices, ergo iste est duo. Similiter non dices Parisijs, & Romæ venditur piper, ergo Parisijs & Romæ venditur hoc piper, vel venditur hoc piper.

Tertia propositio. Non est resolutio facienda sub duobus terminis simul, sed sub vno prius, & dum sub illo resolutio fit, alter immotus, idest eodem modo se habens, maneat,

F 4 vt

vt Omnis homo est omnis homo, sic resolue; Iste homo est : omnis homo , & iste homo est omnis homo . Non autem sic , iste homo est iste homo, & iste homo est iste homo.

Quarta propositio , Terminus Mixtus vniuersalis affirmatiuus , vel negatiuus , prius in se resoluendus est copulatiue ratione categorematis in eo inclusi, quàm resoluantur termini propositionis, vt semper homo currit , hoc tempore homo currit , & hoc tempore homo currit. Nunquam omnis homo currit, nec hoc tempore omnis homo currit, ne hoc tempore omnis homo currit. Bis cantauit Missam , semel cantauit Missam, & iterum semel cantauit Missam. Facta autem resolutione Mixti, propositionis termini iuxta suas regulas resoluantur .

Quinta propositio . Sub determinato ascende prius, quàm sub distributo. In descensu verò poteris etiam a distributo incipere, vt Homo non est animal; non ascendes sub prædicato, sic: Homo non est hoc animal, & homo non est hoc animal , ergo homo non est animal ; nam singulares propositiones antecedentis sunt veræ , consequens vero falsum , quod fieri in consequentia bona non potest . talem defectum argumentandi vocant Dialectici : A pluribus determinatis respectu partium multitudinis, ad vnicam determinatam respectu totius

totius multitudinis. Multitudinem vocant terminum distributum. Partes verò multitudinis singularia, quæ sub eo sunt. Poterit tamen sub tali distributo descendi, vt homo non est animal, ergo homo non est hoc animal, & homo non est hoc animal. tunc enim non dabitur antecedens verum, & consequens falsum.

Sexta propositio. Sub distributo termino, vel complexo prius descende, quàm sub confuso, licebit tamẽ sub confuso ascendere: non enim dices, Omnis homo est animal, ergo omnis homo est hoc animal, vel, Omnis homo est hoc animal, valet tamen ascendendo, Omnis homo est hoc animal, ergo Omnis homo est animal. Idem intellige de aliquo termino vniuersali a quo alter pendet, vt, Ad equitandum requiritur equus, prius oportet resolvere illud gerundium in sua inferiora.

Septima propositio. Quando termini eodẽ modo supponunt vel determinate, vel distributiue, commodius est subiectum quàm prædicatum prius resolvere, vt in hac, homo est animal, in qua termini determinatè supponunt, & in hac: Nullus homo est equus, in qua distributiue. Hæc omnia intelligenda sunt in propositione, quæ nõ habet signa exponibilia: ista enim prius resoluenda sunt (vt dicetur inferius.) Similiter intelligenda sunt in resolutione prima, facta enim resolutione distributi
con-

confusus manet determinatus, & sub eo potest fieri resolutio, ut omnis homo est animal, ergo iste homo est animal: & iste homo est animal, postea prædicatum resolu, Iste homo est hoc animal, vel iste homo est hoc animal.

Ultima propositio. In conditionali, seu causali propositione, subiectum consequentis prius est resoluendum, quam termini antecedentis, ut in his: Si omnis homo in gratia obierit, nullus condemnabitur. Si nullum alimentum suppedites animali, omne morietur, hæ sunt regulæ maximè in resolutione observandæ, quas sequentibus carminibus facilis quis memoriæ mandare poterit:

Simpliciter, pro vno, pro se vox supra q̄scat.
Cernere confusum, collectum spargere noli,
Cuiq. suum tribuens, tu primò mixta resolu,
Ne tangas, voces binas, contemne priora,
Ultima contemplans quādo deductio regnat.
Aspice signatū ascendens, commune relinque,
Ima petens confusa finas, communia sume.
Elige subiectum quando fors postulat æqua.

De resolutione incompleta. Cap. VII.

Est alius. Ascensus, & Descensus mixtus, partim constans copulatione, partim disjunctione, qui debetur terminis incòpletè supponentibus; quales sunt illi, qui cum his signis sunt, de quibus supra locuti sumus, scilicet Alter, Neuter, Vterque. hi enim terminum pro suis inferioribus binis supponere faciunt, ac propterea talis suppositio Duorum vocatur, sed id cum discrimine. nam Alter, binaria inter se distribuit, in se ipsis verò disiungit, vt Alter oculus est dexter, idest, horum duorum iste, vel iste est dexter. Vterq. verò binaria disiungit inter se, & inter se copulat, vt Vterque pes est claudus, idest horum duorum iste, & iste est claudus, vel horum duorum iste, & iste est claudus. Neuter, idem prorsus facit, sed negatiuè, vt Neutra manus est dextra, idest harum duarum nec ista, nec ista est dextra, vel Harum duarum nec ista, nec ista est dextra. Est etià aliud signum incompletum, Omnis, quod aliquando complete sumitur, sicut & præcedentia, & tunc distribuunt terminum cui iunguntur pro omnibus suis inferioribus. Aliquando Omnis, incompletè sumitur, cum termino generico iungitur, tunc autem distribuit species, disiungit verò indiuidua specierum, vt Omne animal

Dereolutione Relatiuorum. Cap. VII.

Relatiuorum contemplationem ad Grammaticū pertinere non est qui eat inficias; tamē quia sola cognitio talis ad veritates, vel falsitates propositionum, quæ a relatiuis oriūtur dignoscendas non sufficit, Dialectico examine opus est: propterea paucis ex grammatica accersitis, ea, quæ secundum Dialecticam in his obseruanda sunt trademus. Relatiuum igitur est sermonis antecedentis recordatiuū. Est autem duplex, aliud substantiæ, aliud accidentis. Relatiuum substantiæ est, qui suum antecedens per modum nominis substantiui refert nec refert vtrum antecedens sit substantia vel accidens, siue nomen Connotatiuum, siue Absolutum, siue vnum nomen, siue vna oratio, dūmodò vnius substantiui locum habeat. Relatiuum Accidentis est, quod refert per modū adiectiui, siue illud sit substantiæ, siue vnum nomen, siue vna oratio.

Relatiuum substantiæ, aliud Identitatis, aliud Diuersitatis. Identitatis est, quod pro eodem accipitur, pro quo suum antecedens, siue pro eodem numero, vt Beatus vir, qui timet Dominum. siue pro eadem specie, vt, In ligno, vicimus, in quo peccauimus. Relatiuum Diuersitatis est, quod pro alio supposito accipitur, quam suum antecedens, vt
Petrus

plicationis. Aliquando non ponitur a parte vnius extremi alterius propositionis, sed ipsum per se relatiuum extremum constituit, vt Homo est animal, qui est risibilis, & talis propositio formaliter hypothetica est, & virtualiter Copulatiua. Est autem in vtriusque resolutione magnum discrimen. cum enim hypothetica est, immediatè in copulatiuam est resoluenda, vt Homo mouetur, qui aliquando studet, resoluatur, Homo mouetur, & ille aliquando studet. At cum categorica est, non est immediatè in copulatiuam resoluenda, quousque antecedens ipsius resoluatur, vt Omne animal quod est rationale est risibile, non est resoluendum, Omne animal est rationale, & illud est risibile, sed antecedens in singularia prius resoluetur, & facta singularium resolutione, poterit vnumquodque singulare in copulatiuam resolui, nempe, Hoc animal quod est rationale est risibile, & hoc animal quod est rationale est risibile, postea, hoc animal est rationale, & illud est risibile.

Secunda propositio, In hypothetica Copulatiua virtuali, vel formali, relatiuum refert suum antecedens restrictè, idest pro illo eodem pro quo suum antecedens accipiebatur in sua categorica, vt Homo qui disputat, & ille contemplatur, ille scilicet homo qui disputat, contemplatur, idem inest relatiuo. Diver-

sita-

ciprocum, licet ipsius loco antecedens constituitur, seruata distinctione, vt homo disputat, qui loquitur, idem est ac Homo disputat, & homo disputans loquitur. Ex quo sequitur, tale relatiuum supponere sicut suum antecedens supponeret eodem loco constitutum.

Quarta propositio, in resolutione obseruare oportet, vt reciprocum simul cum antecedente resoluiamus simul, & non reciprocum, cum a parte vnius extremi est, vti diximus. At cum propositio hypothetica est, antecedens resoluitur relatiuo non reciproco manente inuariato, vt Animal est irrationale, & canis est illud. resolue, Hoc animal scilicet equus est irrationale, & canis est illud, vbi, Illud, supponit pro animali, sicut in priori: propterea consultius erit ponere antecedens loco relatiui, dum fit resolutio sub antecedenti, scilicet animal est irrationale, & canis est animal, nempe irrationale.

De Ampliatione. Cap. VIII.

Cum supra terminos pro rebus secundum tempus per copulam importatum existentibus supponere docuerimus, superest vt modò explicemus quando termini pro pluribus, vel paucioribus quam tempus copulae exigit, supponant, quam Dialectici Ampliationem,

G nem,

nem, vel Restrictionem vocant, quæ multi veritati propositionum cognoscendæ prodest, cum ab ea & propositionum contritio, & multiplex argumentandi modus pendeat. Est autem Ampliatio: extensio termini a minori ad maiorem suppositionem. Quando enim terminus in propositione pro re secundum tempus præsens existente accipitur, dicitur suum statum habere, at quando indifferenter & disiunctim simul pro præsentibus, & alio accipitur tempore, dicitur ampliari, ut in hac, Iusti viuent vitam pacificam. Iusti, non solum pro præsentibus, sed etiam pro futuris accipitur. Est autem diuersus Ampliationis modus in terminis singularibus, & in communibus, tam absolutis, quam connotatiuis.

Terminus singularis cum vnum tantum significet, ampliatur quoad existentiam sui significati secundum varias differentias temporis, ut Petrus cucurrit, idest Petrus qui est, vel fuit, cucurrit, quæ dicitur ampliatio temporum. Terminus autem communis cum plura significet, non solum secundum tempus, sed etiam secundum supposita varijs temporibus existentia, ampliatur, ut in hac, multi homines saluabuntur, subiectum non solum pro præsentibus, sed etiam pro futuris ampliatur.

Terminus autem Connotatiuus cum præcipue formam significat secundum eam ampliatur

pliatur; vt in hac Album fuit nigrum, subiectum ratione albedinis ampliatur, vt sit sensus: hoc corpus quod modo habet, vel habuit albedinem, fuit nigrum. Triplex igitur Ampliatio est; Sola temporum, quæ inest singularis. Temporum, & suppositorum, quæ inest communibus. Temporum, & Formarum, quæ connotatiuis conuenit terminis.

Tempora autem secundum quæ termini ampliantur apud Dialecticos quinque sunt, Præsens, Præteritum, Futurum, Possibile, & Imaginarum, vt tunc terminus ampliari dicatur, quando secundum plures differentias vel omnes horum temporum disiunctim supponit.

Dico autem disiunctim; quia cum terminus secundum plura tempora Copulatiue accipitur, ampliatio non est, vt subiectum in hac, Petrus est, & fuit doctus, non ampliatur, sed opus est; vt secundum plura tempora, vel omnia, sub disiunctione accipiat, vt, Petrus est, vel fuit doctus; siue tempora sint expressa, vt in exemplo præcedenti, siue virtute in vno verbo contineantur, vt in sequentibus regulis manifestabitur, quæ plurimum roboris in communi loquendi usu habent.

Prima regula. Verbum præteriti, ampliatur suum subiectum secundum duas temporis differentias: præteriti nempe, & præsentis: suum verò appositum restringit pro tempore præterito. Verbum autem futuri similiter subie-

terminos ad præsens, vel præteritum, vel futurum, vel possibile, vt Rosa est corruptibilis scilicet; quæ est vel erit, vel potest esse.

Quarta Regula. Verba significantia actum animæ interiorē, ampliānt ad quinque temporū differentias, vt Alexander appetebat alium orbem. ibi, Orbis ampliatur pro eo, qui est, vel erit vel potest esse, vel saltem imaginabatur esse. Similiter intelligo Chimærā, Opto sanitatem.

De modis argumentandi in Ampliatione.

Cap. IX.

Vtilis est admodum argumentandi modus in Ampliatione, vbi maximè obseruandum est, terminum Amplum se habere ad eundem nō amplum, sicut terminus superior ad inferiorem se habet. vt enim superior amplectitur inferiorem, & alios præter illum, ita amplus comprehendit minus amplum, & ipsum excedit. Homo enim dū ampliatur pro his, qui sunt, vel erunt, includit seipsum, vt supponit solum pro his, qui sunt, iuxta quod sumitur primus modus argumentandi, vt enim valet a superiori distributo ad inferiorem affirmatiuè, vel negatiuè, scilicet, omne animal currit, ergo homo currit, similiter, Nullum animal currit, ergo homo nō currit: ita ab amplo distributo ad non amplum va-

let affirmatiuè, vel negatiuè, vt Omnis homo potest disputare, ergo homo qui est, potest disputare, similiter nullus homo potest esse lapis, ergo nullus homo est lapis. Hoc autem vnum debet attendi, vt quando affirmatiuè argumentamur, ponatur constantia termini nō ampli, idest aliqua propositio affirmatiua, per quam denotetur illum terminum non amplum supponere, aliter argumentatio mala erit. Poterit enim antecedens dari verum & cōsequens falsum, vtputa si nullus esset homo præsens, tunc antecedens verum esset, scilicet Omnis homo potest disputare: ratione enim ampliationis, subiectum supponit pro his qui possunt esse, consequens autem falsum, homo qui est potest disputare, cum nullus homo sit ex casu supposito. At si in antecedenti addatur constantia subiecti non ampli denotans illud esse, non dabitur antecedens verū, & consequens falsum, & in hunc vsum inuenta est a Dialecticis Constantia.

Secundus modus. Sicut valet ab inferiori ad superiorem terminum particulariter sumptum affirmatiuè, vel negatiuè, vt homo currit, ergo animal currit, similiter homo nō currit, ergo animal non currit, ita valet a non amplo ad amplum non distributum, idest particulariter sumptum, affirmatiuè vel negatiuè dummodò in negatiuo modo argumentandi ponatur Constantia non ampli, vt Homo dispu-

disputat, ergo homo potest disputare, similiter aliquis homo qui est non potest disputare, & homo est, ergo aliquis homo non potest disputare.

Ex quibus fit, ut sicut non valet a superiori sine distributione ad inferiora, ad superiorem distributum, non enim valet Animal currit, ergo homo currit, nec valet, Homo currit, ergo omne animal currit, ita nec valet a non amplo ad amplum distributum, nec ab amplo non distributo ad non amplum. non enim dices Homo potest disputare, ergo homo disputat, cum argumentemur ab amplo sine distributione ad non amplum, nec similiter homo non disputat, ergo homo non potest disputare, cum ex parte prædicati a non amplo ad amplum distributum argumentemur. In his argumentandi modis obseruandum est ne dum argumentemur a subiecto amplo distributo ad non amplum, committatur defectus ex parte prædicati, ab amplo non distributo ad non amplum argumentando non enim valet, Omnis homo potest disputare, ergo Omnis homo disputat, quia prædicatum illud Disputare, manet amplum sine distributione, negatiue valeret quidem quia negatio prædicatum distribuit, ut nullus homo potest disputare, ergo nullus homo disputat.

*De Restrictione, Alienatione, & Diminutione.**Cap. X.*

Restriccio est termini coarctatio a maiori ad minorem suppositionem, quæ opposita est Ampliationi. Fit autem talis termini restrictio maximè quatuor modis. Primò per copulam implicationis, vt Omnis homo, qui est iustus spernit mundum, vbi illud subiectum, Homo, restringitur, vt pro iustis solum supponat. Secundò per additionem adiectiui in eodem extremo, vt, vir sapiens amat scientiã Dico autem in eodem extremo, cum enim adiectiuum in alio extremo, quàm substantiuum sit, collocatur, nulla fit restrictio. si enim dicas, Omnis homo est sapiens, subiectum, Homo non solum pro sapientibus, sed etiam pro omnibus hominibus supponit. Tertiò, per additionem obliqui a parte etiam eiusdem extremi, vt, Omnis liber Aristot. est Græcè conscriptus, vbi subiectum, liber pro his solum, quos Aristoteles scripsit, supponit: & tunc obliquus dicitur Determinatio, rectus autem Determinabile. Tandem. Quartò restrictio fit, per appositionem substantiui inferioris, vt Apostolus Paulus scripsit ad Romanos, vbi subiectum illud, Apostolus, restringitur, vt pro Paulo supponat. Omnes hæ additiones non mutant significationem, vel diminuunt eorum,

eorum, quibus adiunguntur, sed solum ad pau-
ciora supposita trahunt.

Sunt autem aliqua addita, quæ terminum
improprie supponere faciunt, & ex propria
significatione in impropriam transferunt, vt,
duo leones marmorei sunt in foro. Homo pi-
ctus est in aula, in quibus subiecta pro signifi-
catis similitudinarijs accipiuntur, & talis ac-
ceptio, Alienatio dicitur: est enim Alienatio;
distractio termini a propria ad impropriam
significationem. Sunt etiam addita diminuen-
tia termini integram significationem, vt Ae-
thiops est albus, secundum dentes, qui ter-
mini diminuti, dicuntur, Dicta secundum
quid.

In his autem vtrisque attendere oportet,
ne argumentemur a termino alienato, vel di-
minuto, ad eundem terminum absolute, & sim-
pliciter sumptum: non enim valet Aethiops
est albus secundum dentes, ergo est albus: nec
valet, Duo leones marmorei sunt in foro, er-
go duo leones sunt in foro.

Circa modum verò argumentandi in Re-
strictione idem obseruandum est quod in Am-
pliatione. Terminus enim non restrictus ha-
bet locum superioris, seu Ampli: Restrictus
verò inferioris, seu non ampli. Vnde est prior
argumentandi modus, a non restricto distri-
buto ad restrictum affirmatiuè, vel negatiuè,
dummodò in affirmatiuo argumentandi mo-
do.

do ponatur Constantia restricti, vt Omnis homo disputat; & aliqui homines docti sunt, ergo omnis homo doctus disputat, similiter, Nullus homo currit, ergo Nullus homo albus currit.

Posterior modus. A restricto ad non restrictum non distributum affirmatiuè, vel negatiuè, constantia in negatiuo posita, vt homo doctus non disputat, & homo doctus est, ergo Aliquis homo non disputat. Similiter, equus albus currit, ergo equus currit. Ex quibus fit, eadem ratione qua in Ampliatione, non valere à non restricto non distributo ad restrictum, vt, non sequitur, Equus currit, ergo equus albus currit, nec a restricto ad non restrictum distributum, similiter enim non sequitur, Omnis equus regis currit, ergo Omnis equus currit.

De Appellatione. Cap. XI.

Appellatio species quædam Restrictionis est, quæ maximè in adiectiuis terminis respectu terminorum quibus iunguntur, reperitur, siue tales termini absoluti, siue connotatiui sint. Est autem Appellatio, applicatio significati formalis vnius termini, ad formale, vel immediatum significatum alterius. vt si quis dicat, Petrus est logicus magnus, hic terminus, magnus, applicat suum formale

le ad formale sui substantiui, denotatque Petrum esse magnum, & peritum logices, talisq. applicatio, Appellatio dicitur, & terminus applicans suū formale, Appellans dicitur, is autem cui applicatur, Appellatum. Fit etiam similis Appellatio in termino Absoluto, quando aliquid ipsius immediato significato conuenire denotatur, vt homo est species, Cognosco animal. Video Petrum: In quibus propositionibus tales termini, nempe, homo, Animal, Petrus pro immediatè significatis sumuntur.

Quamuis autem in his vsum & vim locutionis maxime inspicere oporteat, quasdam tamen regulas præscribere iuuabit.

Prima Regula. Quando terminus absolutus subiicitur prædicato, non conuenienti suo mediato significato, tale prædicatum appellat immediatum significatum ipsius subiecti, vt Homo est species, Animal est genus, prædicata enim illa homini, vel animali insunt, vt homo, & animal sunt, idest, vt conceptu communi cognoscuntur.

Secunda Regula. Quando adiectiuus terminus cum cōnotatiuo ponitur a parte eiusdem extremi, appellat formale ipsius substantiui. vt iste est monachus albus. Petrus est logicus magnus in quibus denotatur, quòd ille sit albo habitu, & hic peritus logices. Cum autem tales duo termini a parte extremi eiusdem
non

non sunt, talis appellatio non fit, vt, si dicas: Iste monachus est albus, non significat quòd sit albo habitu.

Tertia Regula. Verba significantia actum animæ appellant formale, vel immediatum significatum proprii termini, cui iunguntur, vt Cognosco venientem. Vidi Papam, in quibus denotatur me cognoscere aliquem venire, & me vidisse Papam, dum erat Papa. Idem censendum est de quibusdam verbis applicantibus significationem suam terminis connotatiuis, vt facio calceum, construo domum, in quibus significatur me inducere formam in materiam, non autem quòd faciam corium, vel lapides, ex quibus fit calceus, vel domus.

Quarta Regula. Nomina numeralia primitiua termino substantiuo iuncta multiplicant formam, & suppositum substantiui, vt tres homines, idest tria supposita, habentia suas singulas peculiare naturas: iuncta tamen adiectiuo multiplicant solum materiale, vt, tria alba, idest tria corpora habentia albedinem; adeò vt si fieri possit vt vna, & eadem albedo in tribus esset distinctis corporibus, talia possent tria alba dici, si album adiectiue sumatur. aduertenda est autem hæc regula magis pro Theologia, quàm pro Logica. Circa modum argumentandi id obseruandum est, ne sub termino appellato argumentemur, & varietur

rietur, vel auferatur appellatio termini appellantis. Vnde non valet, Petrus est logicus, & Petrus est magnus, ergo est logicus magnus, nec valet, est logicus manus, ergo est logicus, & est magnus, nec valet video venientem. Petrus est veniens, ergo video Petrum, nec similiter valet: Iste facit calceum, Calceus est corium, ergo facit corium, nec similiter è conuerso.

De Enunciationis simplicis oppositione.

Cap. XII.

DE proprietatibus terminorum in propositione hucusque tractauimus. Aequum erit modò de accidentibus ipsarum propositionum, quæ ad inuicem collatæ sortiuntur, differere; ea sunt Oppositio, Equipollentia, & Conuersio. Non autem hic de oppositione, quæ inter res inuenitur agimus, secundum quam calor frigiditati, & albedo, nigredini opponitur; nec de ea, quæ inter terminos, secundum quam alij Contrarij, alij Contradictorij, alij relatiui, alij Priuatiui sunt: sed de illa, quæ inter propositiones versatur. Est autem oppositio, duarum propositionum utroque extremo eodem ordine participantium, secundum qualitatem, vel quantitatem repugnantia,

Qua-

Quadruplex autem est oppositio. Contradictoria, Contraria, Subcontraria, Subalternata. Contradictoria, est oppositio duarum propositionum secundum qualitatem, & quantitatem repugnantium, nimirum quia altera vniuersalis altera particularis, altera affirmatiua, altera negatiua, vt omnis homo est albus, aliquis homo non est albus. Contraria est oppositio duarum propositionum vniuersalium, secundum qualitatem repugnantium vt Nullus homo est albus. Omnis homo est albus.

Subcontraria, est oppositio duarum propositionum particularium secundum, qualitatem repugnantium, vt Aliquis homo est albus, Aliquis homo non est albus, nec hic indefinitam a particulari discernimus. Subalternata, est oppositio duarum propositionum sola quantitate repugnantium, vt omnis homo est albus, aliquis homo est albus: Nullus homo est albus, homo non est albus. Harum duarum, propositio vniuersalis dicitur subalternans: particularis verò, Subalternata. Sunt autem quædam particularius omni oppositione obseruanda.

Primum est, vt utroque extremo eodem ordine participant, id est idem habeant subiectum, & prædicatum: vnde istæ nullatenus opponuntur Homo non est animal; Lapis non est equus: nec iste Homo non est equus, Homo

mo est animal, nec ista Homo est animal, animal non est homo.

Secundò obseruandum est, vt ista identitas extremorum sit in Nomine, in re significata, In integritate. In tempore, & loco. In nomine, vt sit eadem dictio categorematici. vnde ista non opponuntur. Cicero scripsit, Tullios non scripsit. Angelus est Dei, Angelus non est Deus, Corpus est album, corpus non est albedo. In re significata ne sit æquiuocatio: non enim opponuntur, Canis latrat, canis non latrat. In integritate, vt idem sit totale subiectum, & totale prædicatum: vnde omnia signa, omnes termini, qui partes extremorum efficiuntur, debent esse in vtraque propositione opposita; quare omnes hæ non opponuntur, Petrus non currit velociter, Petrus currit. Omnis equus regis possidetur a Rege, Aliquis equus non possidetur a Rege. Petrus est animal. Petrus non est animal album. Omnis homo est omne animal. Homo non est animal.

Dixi de terminis qui efficiuntur partes extremorum, alia enim signa, quæ totam propositionem significant, mutantur: nam negatio mutatur, & quantitas in aliquibus. In tempore, & loco vt oppositarum veritas, vel falsitas, sumatur à rebus secundum eundem locum, & tempus, vnde ista non opponuntur: Petrus legit, Petrus non legit, si vna pro vno tem-

tempore, altera pro altero tempore sumatur, nec iste, Ego sum in Diui Petri, Ego non sum in Diui Petri, si vna vno loco, altera altero a me proferatur.

Tertio obseruandum est, vt proprietates terminorum non mutantur, scilicet, Suppositio, Appellatio, & reliquæ. suppositio autem, ea, quæ non prouenit ratione signorum quantitatis, hæc enim mutari debet, sed alia, qualis est Materialis, Simplex. Personalis, ne in vna simpliciter in altera personaliter, vel materialiter supponant. Idem in Ampliatione, vt seruetur eadem Ampliatio; licebit tamen in contraria negatiua, terminos magis amplios esse, quam in affirmatiua. vnde istæ opponuntur, omnis homo disputat, Nullus homo potest disputare. In subcontrarijs vero affirmatiuam magis ampliari, vt homo non disputat, homo potest disputare: debet etiam attendi, vt seruentur præcepta Resolutionis terminorum, & ordo ascendendi, vel descendendi idem sit in vtraque opposita propositione.

De quibusdam præceptis alijs in oppositione.

Cap. XIII.

PRæterea, quæ dicta sunt, obseruandum est etiam, vt in omni oppositione, præter subalternam, mutetur qualitas, vt altera sit
affir-

affirmatiua, altera negatiua. Quantitas autē non in omni mutanda est, nisi in Contradictoria, & Subalterna, vt, altera vniuersalis, altera particularis sit, Contrarię enim vniuersales simul, Subcontrarię verò particulares esse debent.

Hoc etiam seruandum est in vniuersalitate syncategorematica, qualis est coniunctio copulatiua. Et, in particularitate qualis est, Vel. Quando enim complexum copulatum est subiectum, in sua Contrariā propositione manet ipsa copula copulatiua, in sua verò contradictoriā mutatur, Vel, vnde istę sunt contrarię Petrus, & iste equus est irrationalis. Petrus & iste equus non est irrationalis: istę verò Contradictorię, Petrus, & iste equus est irrationalis, Petrus, vel iste equus non est irrationalis. Quando verò vtrunque complexum est per Vel, propositiones sunt Subcontrarię. Hoc autem intelligendum est, quando, Et, accipitur disiunctiue, & Vel, disiunctiue, & complexa constant ex partibus singularibus. Quādo enim copulatum, vel disiunctum accipiuntur, habentur tales propositiones pro singularibus, inter quas sicut & inter singulares non est nisi sola oppositio contradictoria, & talia subiecta inuariata debent manere, quod idē censendum est de propositionibus de signo Collectiuo. Vnde hę solum opponuntur contradictorię, Omnes Apostoli Dei sunt duo.

H

de-

decim, Omnes Apostoli Dei non sunt duodecim. Similiter ista, Isti Apostoli, & isti alij & sunt duodecim Isti Apostoli, & isti, & alij non sunt duodecim. Præterea obseruandum est, vt in signis mixtis habeatur ratio categoræmaticæ inclusi in illis quantum ad eius quantitatem, vt mutetur in Contradictoria, vniuersale in particulare, affirmatum in negatum, in Contraria seruatur vniuersalitas: in Subcontraria verò particularitas. Vnde huius propositionis, Nunquam homo currit, Contraria est, semper omnis homo currit. Contradictoria verò, Aliquando homo currit. Postremo obseruandum est, esse aliquot signa, etiam Mixta, & syncategorematica, quæ non plenam habent vniuersalitatem, nec particularitatem, ac inde Incompleta dicuntur, & in talibus propositionibus Contradictoria maxime reperitur oppositio. Capere autem oportet, vt in vna propositione fiat vniuersale, quod in altera erat particulare, aliter nulla erit oppositio. Vnde ista non opponuntur, Vterque homo currit, vterque homo non currit, seu neuter homo currit, cum in vtraque maneat eadem vniuersalitas, & particularitas, cum signum vtriusque per Et, & per Vel, exponatur, vt diximus.

○ Ista tamen contradicunt, Vterque oculus est dexter, Alter oculus non est dexter, quia id quod in vna exponitur per vel, in altera

expo-

exponitur per Et. & ita particularitas in vniuersalitatē & e contra mutatur, vt patet exponenti. Idem iudicandum est de hominibus & aduerbijs numerabilibus quæ incomplete vniuersalia sunt, ac proinde optimus contradicendi modus est toti propositioni negationem apponere: Bis cantauī Missam. Non cantauī bis Missam. Tres homines currunt, Non currunt tres homines. Complexa autem ex termino compari, vel ex terminis communibus, pensanda sunt tanquam termini communes in Contrarietate, & Contradictione, & alijs oppositionibus. Propterea eis debet addi signum vniuersale, vel particulare, hoc vno excepto, vt in contrarijs maneat Et. in Contradictorijs vero in vna, Vel, in altera. Et in vtraque subcontraria. Vel vnde istæ sunt contrariæ, Omnis homo, & equus currit, istæ cōtradictoriæ, Homo & equus currit, Nullus homo & equus currit, Nullus homo vel equus currit. Istæ currit subcontrariæ, homo vel equus currit, homo vel equus non currit. Hoc intellige de subiecto, nam verbum complexum non debet mutari, Omnis homo currit, vel non currit. Nullus homo currit, vel non currit, sunt contrariæ, nec oportet mutare illud, Vel. Ex his non difficile erit oppositiones in propositionibus hypotheticis inuenire, cum enim quantitationem non habeant, solam Contradictoria for-

tiuntur oppositionem, quæ facilis est in Con-
ditionali, & Causali per negationis appositio-
nē, vt, si sol lucet dies est, Non si sol lucet dies
est. Quia æstas est, calor est, Non quia æstas
est: calor est. In disiunctiua verò & Copulati-
ua est participalis alius contradicēdi modus.
Nam Disiunctiua, & Copulatiua ex partibus
contradicientibus compositæ, inter se contra-
dicunt. Iste enim Contradictoriæ sunt, nullus
homo est animal, & nullus equus est albus.
homo est Animal, vel equus est albus. Possent
etiā inter has Contrariæ, & subcontrariæ se-
cundum partes assignari sed id intelligenti,
quæ dicta sunt, facere non erit difficile.

De legibus oppositarum. Cap. XIV.

Hæc autem lex, & natura Contradicto-
riarum est, vt in nulla materia vtraque
simul vera, aut falsa esse possit, sed ex vnius
veritate alterius falsitas, & ex falsitate veri-
tas sequatur, Contrariarum lex est, vt in ma-
teria naturali, & remota altera vera, altera
falsa necessario sit; In materia contingentes
vtraque falsa esse possit, nunquā tamen ve-
ra: vnde ex vnius veritate alterius falsitas col-
ligitur, quia vtraque vera nequit esse: tamen
ex vnius falsitate alterius veritas non infer-
tur, cum vtranque falsam esse formaliter non
repugnet.

Subcontrariarum lex, in materia Naturali & Remota eadem est cum alijs; in materia vero contingenti vtraque vera formaliter esse potest, non tamen falsa vnde ex vnius falsitate alterius veritas, non tamen ex alterius veritate, alterius colligitur falsitas.

Subalternarum lex est, vt in materia Naturali, & Remota simul veræ, vel falsæ sint: in materia verò Contingenti altera vera, altera falsa potest esse; ita tamen vt, si vniuersalis est vera: particularis sit vera: at si particularis falsa, vniuersalis sit falsa, non contra: potest enim particularis esse vera, & vniuersalis falsa.

Sunt autem aliquot regulæ pro vsu & cognitione oppositarum propositionum. Prima regula: Propositis duabus propositionibus oppositis, si Subalternans vnius est contraria alterius, illæ sunt Contradictoriæ, verbi gratia: omnis homo est albus, homo non est albus, sunt contradictoriæ, nam Subalternans illius negatiuæ quæ est ista, nullus homo est albus, est Contraria prioris scilicet, Omnis homo est albus. Perinde est ac si dicamus, in Contradictorijs, Subalternans particularis est Contraria propositionis vniuersalis.

Secunda. Datis duabus oppositis, si affirmatiua inferat Contradictoriam negatiuæ, nec inferatur ab ea, illæ sunt Contrariæ, ac si dicas Contraria affirmatiua infert Contradictoriam negatiuæ; omnis homo est albus, nul-

Ille homo est albus, illa affirmatiua infert hanc
Homo est albus, quæ est contradictoria negati-
uius illius.

Tertia. Si ex contradictoria negatiua se-
quatur affirmatiua, illæ sunt subcontrariæ,
Homo est albus, homo non est albus, ex con-
tradictoria huius negatiua quæ est, Omnis
homo est albus, sequitur illa affirmatiua, Ho-
mo est albus, & non contra. Propterea illæ
sunt subcontrariæ, perinde est ac si dicatur,
Contradictoria subcontrariæ infert aliã sub-
contrariam. Quarta. Si contradictoria vnius
est Contraria vel subcontraria alterius, illæ
sunt Subalternæ, vt Omnis homo est albus,
aliquis homo est albus, Contradictoria parti-
cularis est Contraria vniuersalis, & Contra-
dictoria vniuersalis est Subcontraria particu-
laris, ac propterea illæ subalternæ.

De Aequipollentia. Cap. XV.

AEquipollentia est duarum propositio-
num vtroque extremo eodem ordine
participantium vis eadem a varijs signis pro-
uenians. Vnde tales propositiones se mutuò
inferunt, prodestque hoc ad obscuras, propo-
sitiones in clariore resoluedas. Sunt autem
aliquot regulæ obseruandæ.

Prima Regula: Datis duabus Contradicto-
rijs cuicunque præponatur negatio, fit alteri
æqui-

æquipollens. Verbi gratia Omnis homo est albus, aliquis non est albus. Si priori addas negationem, & dicas, Non omnis homo est albus, æquiualeat illi Aliquis homo non est albus: si huic addas negationem, Non aliquis homo non est albus, æquiualeat huic, Omnis homo est albus. Vfus huius regulæ est, Quando tibi oblata fuerit propositio habens præpositam negationem, cuius vis tibi ignota est de me negationem, & quære illius Contradictoriam, nam huic æquipollebit cùm illa negatione præposita.

Secunda: Datis duobus contrarijs cuicunque postponatur negatio fit alteri æquipollens; Nullus homo est albus, omnis homo est albus: si dicas Nullus homo non est albus, æquiualebit huic omnis homo est albus; si dicas omnis homo non est albus, æquiualebit alteri nullus homo est albus. Huius regulæ idem est vsus sicut qui & primæ.

Tertia: Datis duabus subalternis cuicunque præponatur, & postponatur negatio, alteri æquipollet, Omnis homo est albus, Homo est albus, si dicas, Non omnis homo nō est albus, æquipollet huic, aliquis homo est albus: si autem dicas: Non aliquis homo non est albus, æquipollet huic, Omnis homo est albus. Idē in his: Nullus homo est albus, Homo non est albus. si enim dicas, Nonnullus homo non est albus, æquipollet, Aliquis homo nō est albus:

particulari verò huic nō congruē addēs duas negationes. Huius pariter regulæ idem est v-
sus qui & aliarum. Est autem hæc negationis
virtus, vt cadens supra terminum supponen-
tem vniuersaliter, faciat eum supponere par-
ticulariter, & cadens supra particulariter sup-
ponentem, faciat eum supponere vniuersali-
ter, affirmatum neget, negatum affirmet: vn-
de, Non omnis æquiualeat Quidam non. Non
nullus, Quidam, Non aliquis, Nullus, Omnis
non, Nullus, at, Nullus non, Omnis. Quando
ex his vltimis vnum cadit supra subiectum,
alterum supra prædicatum, vt Omnis homo
non est albus. Nullus homo non est albus.

Ex hoc sequitur quod paritas negationū
virtute affirmat, imparitas negat, quādo par-
tes extremorum non efficiuntur, & tunc ter-
tia negatio exercet suam virtutem post se, si
cut si nulla præcessisset. Aliquando Rhetores
ornatus causa, & vt magis negantes explicēt
affectum, solent negationes multiplicare præ-
sertim quando plura nomina ad vnum verbū
referuntur, quorum vnum ab altero non pen-
det, ita vt cum singulis verbum accipi possit,
& tunc talis propositio negatiua est censenda
nec ex his strictis Dialecticorum regulis est
pensanda vt, Iste non veretur Deū neque ho-
mines. Nullus homo, nullo loco, nullo tēpore,
nullo momēto quiescit, id est, nullus homo, ali-
quo tēpore, loco, aliquoue momento quiescit.

De

De Conuersione. Cap. XVI.

Conuersionis est, duarum propositionum vnius ad alteram per extremorum transpositionem consequentia necessaria : cuius Antecedens dicitur Propositio conuersa, consequens autem Propositio conuertens, nec oportet sit mutua inter eas consequentia, hæc enim conuersio est, Omnis homo est animal, ergo animal est homo. non semper tamen valet contra à conuertente ad conuersam, vt, si conuertatur, Omnis homo est albus, ergo aliquod album est homo, non tamen contra valet, aliquod album est homo : ergo Omnis homo est albus.

Conuersionis tres sunt species. Prima est Conuersio Simplex, quæ in terminis dici solet, quando ex prædicato subiectum, & ex subiecto prædicatum fit, eadem quantitate extremorum, & qualitate seruata, quo pacto vniuersalis negatiua, & particularis affirmatiua in se ipsas conuertuntur, vt nullus homo est lapis, ergo Nullus lapis est homo, Homo est animal, ergo animal est homo. Secunda species est, quando extrema mutantur manente qualitate, mutata tamen quantitate, quæ Conuersio in parte dici solet, quo modo vniuersalis affirmatiua, & negatiua conuertuntur, vt omnis homo est animal, ergo aliquod ani-

Simpliciter feci, conuertitur Ena per acci.

Asto per contra, sic fit conuersio tota.

Afferit, A, negat E, sunt vniuersaliter ambæ.

Afferit, I, negat O, sunt particulariter ambæ.

ita A autq; horum q; . . .

Litteræ enim denotant propositiones conuertendas per A, intelligitur vniuersalis affirmatiua per E, vniuersalis negatiua. per I, particularis affirmatiua, per O, particularis negatiua. Circa hæc aliqua communiter obseruanda sunt.

Primò, In conuersione accipiatur totale extremum, vnde quando expressum non est, debet fieri resolutio, vel quando aptè fieri non potest, debet fieri aliqua circumlocutio. Iste liber est Aristotelis, ergo aliquod ens Aristotelis est iste liber, Nullus homo est omnis homo, ergo nihil quod sit omnis homo, est homo. Cærus velociter currit. Currens velociter est cærus.

Secundò, obseruari debet genus suppositio nis, vt non mutetur ex simplici in personale, vel ex Materiali in aliam quamuis, vnde non valet, Homo est nomen, ergo nomen est homo. Leo est species, ergo species est leo, nisi sit eadem suppositio.

Tertiò, obseruetur eadem Ampliatio, non enim valet senex fuit iuuenis, ergo iuuenis fuit senex. Sed debet aliquid assumi ad seruand-

uandam terminorum Ampliationem, scilicet ille, qui fuit iuuenis, est, vel fuit senex. Basilica incipit esse, non valet aliquod incipiens esse est Basilica, sed aliquod incipiens est, vel erit basilica, similiter conuertatur, Adam est prior Antichristo, ergo aliquod prius Antichristo est vel fuit Adam. Obseruanda est etiam appellatio, si qua occurrerit.

FINIS SECVNDI LIBRI.



INTRODVCTIONIS IN DIALECTICAM

ARISTOTELIS.

LIBER TERTIVS.

De Modalibus, & Exponibilibus.

*Quid & quoruplex Modus, & Enun-
ciationis Modalis.*

CAPITVLVM I.



E Enunciationis absolu-
tè prædicarum inesse su-
biecto enunciantibus, pa-
riterque de compositis,
& earum omnium pro-
prietatibus hucusque e-
gimus: Nunc de simpli-
cibus quibusdam Enun-
ciationibus prædicatum cum aliquo modo
enunciantibus, quas Modales vocant, differa-
mus.

mus. Circa eas autem tria oportet speculari, earum scilicet Equipollentiam, Oppositionem, & Conuersionem, non enim in his aliarum eadem observantur præcepta, & leges. Est autem Modus, parti vel toti propositioni adiacens determinatio. Modi enim non aliud sunt, quam limitationes, & coarctationes eorum quæ communia, & indifferentia sunt. Qui enim dicit, homo disputat, indeterminatè profert hominem, at cum dicitur, homo albus disputat, iam ratione illius adiecti subiectum restrictum est, tale enim adiectum modus dicitur.

Modus duplex est, alter, qui additur parti propositionis; nempe nomini, aut verbo; quales sunt obliqui casus, & adiectiua nomina, quæ Modi sunt nominum, similiter aduerbia verborum significationes determinantia, quorum præcipua consideratio grammatica est. Alter modus est, ipsius propositionis compositionem determinans, vt verum, falsum contingens: dicimus enim, hominem esse animal verum est, hominem currere contingens est, qui modi totam ipsam propositionem veram, vel contingentem esse determinant. Et quamuis multi huiusmodi modos enunciationes modales, de quibus est consideratio, consistere existimauerint, tamen adhuc inter huiusmodi modos distinguendum videtur sunt enim quidam enunciationis cō-

posi-

posi-

positionem ita determinantes, vt simul etiā eiusdem enunciationis materiam determinent, ad indicent, & de huiusmodi præfens est **disputatio**.

Est igitur Modus qualiter hic consideratur, vox significatiua, enunciationis compositionem ratione materiae determinans. Cum autem triplex sit materia, vt superius diximus. **Necessaria**, **Remota**, **contingens**, triplex etiam modus erit. nempe **Necessarium**, **Impossibile**, **Contingens**: nam & si ponatur quartus, scilicet possibile, re tamen cum contingenti idem est. En igitur, quid Modus, & quoduplex sit. **Modalis** autem **Enunciatio** est, quæ aliquo ex his modis est determinata, quæ puri ratione triplex est secundum modorum numerum, seu potius quadruplex, si modi secundum vocem considerentur. Est autem obseruandum, modos dupliciter usurpari: vno modo aduerbialiter, nempe cum dicimus, homo impossibiliter est lapis. Deus necessario est vnus, Petrus contingenter, seu possibiliter disputat. Altero modo **Nominaliter**, vt hominem disputare est contingens, Deum esse vnum est necessarium. Est autem discrimen, cum enim nominaliter sumuntur, locum habent prædicati, & quæ simplex erat enūciatio, in infinitiuū mutatur, & vnus habet subiecti rationem, vt si dicas, hominē
dispu-

corpus illud, quod album est, posse esse nigrū, sed diuisè, id est, non vt quando album est, nigrum sit. Similiter idem sensus est in istis, calidum contingenter est frigidum, ambulante possibile est sedere: scribentem contingit nō scribere, in quibus omnibus prædicata suppositis, seu materialibus subiectōrum conuenire denotantur. Modalis composita est in qua partes, dicti, vel Enunciationis etiam secundum sua formalia significata simul vniuntur, vt ambulante sedere est impossibile, sensus compositus est, nempe impossibile, esse, quod ambulans, dum ambulat, sedet. Idē sensus est in alijs, scilicet calidum esse frigidū impossibile est dum calidum est, seu impossibile calidum est frigidum, contingenter album est dulce. At quamuis ista distinctio sensus compositi, & diuisi sit verissima, & tales Enunciationes hosce sensus admittere recipiendum sit: non tamen refert quantum existimo quod modus in medio, vel extra ponatur, sed vtcunque collocetur, vtrunque sensum admittri, ac ideo distinguenda semper potius est, quamuis si aures consultamus, modus in medio constitutus sensum diuisum facere videbitur, sed id non semper est, nec in Aristotele habet fundamentum.

li est vera cuius de Inesse, nempe illa propositio, ad quam dictum resolvitur, est impossibilis. Vnde ista vera est, hominem esse equum est impossibile, cum reducatur in illam, homo est equus, quæ est impossibilis. Illa verò falsa est, cuius de inesse, vel est necessaria, vel contingens, ob quam rationem istæ falsæ sunt hominem esse animal est impossibile, & equum esse album est impossibile.

Tertia regula. Enunciatio de possibili vera est, cuius de inesse non est propositio impossibilis, siue sit necessaria, siue sit contingens, vnde istæ veræ sunt, hominem esse animal est possibile, equum esse album est possibile, licet de præsentī nullus equus sit albus, vnde aduerte. Illud in præsentī dici possibile quod potest esse, siue sit, siue non sit, siue possit non esse, siue non possit non esse. Illa autem falsa est, cuius de Inesse est propositio nec necessaria nec contingens, sed impossibilis. istæ nanque falsæ sunt, hominem non esse animal est possibile, & equum esse canem, est possibile, vtrunque enim horum impossibile est. Pro Contingenti verò non constituitur alia regula præter hanc eandem de Possibili: quia Contingens, vt hic consideratur, inter modos idem re significat quod possibile, vt inferius dicemus. In his autem propositionibus inesse vnum attendi debet, vt seruetur idem tempus in ipsis quod erat in

dictis, vnde ista, Petrus cucurrisse est contingens, reducenda erit in hanc de Inesse, Petrus cucurrit. Similiter in alijs temporibus, has tres regulas, de compositis oportet intelligere. diuisa enim prius resoluenda sunt ratione connotationis subiecti, vt hoc album possibile est essenigrum, resoluator, hoc quod est, vel potest esse album, possibile est esse nigrum, cū ampliacione semper extremorum; postea reducatür ad suam de in esse cum materiali subiecti scilicet, hoc est nigrum est possibile. idē in alijs modus. si enim ad suam de inesse resolueretur immediatē esset falsa, scilicet album est nigrum est possibile, & tamen illa diuisa vera erat. præterea diuisa prius debet resolui in singulares, quando est de subiecto communi, & postea singulares adde inesse reduci possunt.

5. Quarta Regula, Modales omnes veræ sunt necessariae, Falsæ autem Impossibiles, nunquam Contingentes sunt. Quamuis enim dicta Modalium aliqua necessaria, aliqua impossibilia, aliqua contingencia reperiantur: tamē ipsæ Modales si veræ, necessariae, si falsæ, impossibiles sunt, vnde ista necessaria est, equum esse album est contingens, quia ita est, nec potest aliter esse, quin sit contingens, equum album. Ista autem est impossibilis, equum esse album est necessarium, & ita, hominem esse doctum est impossibile, pariter est impossibilis.

sibiis. Ex quo fit, vt aliud sit propositionem esse necessariam, & aliud esse de modo necessario; potest enim esse propositionem esse necessariam, & de modo contingenti, vti diximus, & similiter esse Impossibilem, & de modo necessario: tunc enim ducitur de modo necessario, vel de modo contingenti, quando cum talibus modis enunciatur, sine sit vera, aut falsa, necessaria, vel impossibilis. Inter hasce Modales quædam Affirmatiuæ, quædā Negatiuæ etiam reperiuntur: earum tamen negatio vel affirmatio non a dicto, sed a copula ipsius modi petenda est, vt illa sit affirmatiua, cuius copula modi affirmata est quantumcumque dictum affirmetur vel negetur: Istæ enim affirmatiuæ sunt hominem non esse animal est impossibile, Petrum currere est contingens, & similes. Illa verò negatiua est, cuius copula modi negatur, quantumcumque dictum affirmetur, vel negetur: istæ enim negatiuæ sunt hominem currere non est impossibile, equum non esse album non est necesse, & aliæ huiusmodi.

In Modalibus etiam quantitas inest, quædam enim est vniuersalis, quædam particularis. Dupliciter autem in his quantitas sumi potest. Altero modo ex parte ipsius modi, vt illa sit vniuersalis, quæ modum habet vniuersalem illa particularis, quæ modum sortitur particularem. Sunt autem modi vniuersales

duo, impossibile, & necesse, duo autem particulares, contingens nempe, & possibile. Altero modo ex parte dicti, quod si fuerit vniuersale, & Modalis dicetur vniuersalis. Similis est ratio, si fuerit particulare, indefinitum, aut singulare. At quamuis duplex hæc quantitas in Modalibus inueniatur, præcipuè tamen in oppositione, & Aequipollentia earum habenda est ratio quantitatis modi: ac propterea censenda est vniuersalis, quæ modum habet vniuersalem, quantumcunque dictum sit singulare. E contra particularis erit, quæ modum habet particularem, quantumcumque dictum sit vniuersaliter sumptum.

De Modalium Aequipollentia.

Cap. III.

CVm igitur quatuor sint modi, etiã erunt propositiones Modales secundum genus, quædam de possibili, quædam de contingenti, quædam de impossibili, quædam de necessario. Contingens autem dupliciter accipitur vno modo vt opponitur necessario, vt idem sit contingens, & id quod potest esse, & non esse. Altero modo vt idem dicatur quod possibile, scilicet quod potest esse, & sic est superius ad necessarium: quod enim necessarium est, potest esse, non tamen omne quod potest esse, est necessarium, & sic sumitur in præ-

præfenti iſte modus, non priori modo, vnde,
re non differunt contingens, & poſſibile, ſed
voce tantum.

Quælibet autem harum quatuor propoſi-
tionum quatuor habet ſub ſe ſpecies, prima
eſt in qua dictum & modus affirmantur, vt Pe-
trum currere eſt poſſibile. Petrum currere
eſt contingens. Petrum currere eſt impoſſi-
bile. Petrum currere eſt neceſſe. Altera eſt,
in qua dictum negatur, & modus affirmatur,
vt Petrum non currere eſt poſſibile. Petrum
non currere eſt contingens. Petrum non cur-
rere eſt impoſſibile. Petrum non currere eſt
neceſſe. Tertia eſt, in qua dictum affirmatur
& modus negatur, vt Petrum currere non
eſt poſſibile, & ſic conſequenter in alijs mo-
dis. Quarta eſt in qua vtrunque negatur, vt
Petrum non currere non eſt poſſibile: idem
in alijs, quas omnes propoſitiones ſequens
tibi figura manifeſtat, vbi ſingulæ ſecundum
ſuos modos collocantur in ſingulis quadran-
gulis.

POSSIBILE.

Petrum currere est possibile.

Petrum non currere est possibile.

Petrum currere non est possibile.

Petrum non currere non est possibile.

IMPOSSIBILE.

Petrum currere est impossibile.

Petrum non currere est impossibile.

Petrum currere non est impossibile.

Petrum non currere non est impossibile.

CONTINGENS.

Petrum currere est contingens.

Petrum non currere est contingens.

Petrum currere non est contingens.

Petrum non currere non est contingens.

NECESSE.

Petrum currere est necesse.

Petrum non currere est necesse.

Petrum currere non est necesse.

Petrum non currere non est necesse.

His constitutis aduertendum est, singulas vnius modi habere singulas aliorum modorum æquiuales, vna enim de possibili, quæcumque sit, habet alteram de contingenti, & aliam de impossibili, & aliam de necessario sibi æquipollentes. Idem etiam fit in alijs aliorum modorum: quæ tamen propositiones æquipollean, sequentibus regulis manifestabitur, quæ licet de vno modo sint. per eum tamen reliqui cognoscuntur.

Prima Regula. Propositio de possibili vtroque affirmato æquiualeat vni de Contingenti vtroque affirmato, & alij de Impossibili de modo solum negato, & alij de Necessario de vtroque negato: & sic omnes hæ quatuor propositiones sunt æquipollentes, Petrum currere est possibile. Petrum currere est contingens. Petrum currere non est impossibile. Petrum non currere non est necesse.

Secunda Regula. Propositio de possibili de dicto solum negato, æquiualeat vni de Contingenti de dicto solum negato, & vni de Impossibili de vtroque negato, & vni de Necessario de modo solum negato, vnde hæ quatuor æquiualent, Petrum non currere est possibile. Petrum non currere est contingens. Petrum non currere non est impossibile. Petrum currere non est necesse.

Tertia Regula. Propositio de possibili de modo solum negato æquipollet vni de Contingenti-

tingenti de modo solum negato, & vni de impossibili de vtroq. affirmato, & vni de necessaria de dicto tantum negato, vnde istæ sunt æquiuales. Petrum currere non est possibile. Petrum currere non est contingens. Petrum currere est impossibile. Petrum non currere est necesse.

Quarta Regula. propositio de possibili vtroque negato æquiualeat vni de Contingenti vtroque negato, & vni de Impossibili de dicto solum negato, & vni de Necessario de vtroque affirmato, vnde istæ æquipollent. Petrum non currere non est possibile. Petrum non currere non est contingens. Petrum non currere est impossibile. Petrum currere est necesse.

Vnum tamen in his omnibus obseruandum est, vt quoties dictum est de subiecto communi, varietur eius quantitas in propositionibus solum de necessario, vt si in alijs est particulare, in propositione de necessario fiat vniuersale, vel, si in his est particulare, in illis fiat vniuersale. vnde istæ æquiualent, hominem currere est contingens, hominem currere non est impossibile, omnem hominem non currere non est necesse. Vel si in illis assumatur vniuersalitas, in hac debet deponi, aliter non æquiualerent. Sequentes figuræ has omnes manifestant.

ÆQUIPOLLENTES.

Petrum currere est possibile.
 Petrum currere est contingens.
 Petrum currere non est impossibile.
 Petrum non currere non est necesse.

ÆQUIPOLLENTES.

Petrum currere non est possibile.
 Petrum currere non est contingens.
 Petrum currere est impossibile.
 Petrum non currere est necesse.

ÆQUIPOLLENTES.

Petrum non currere est possibile.
 Petrum non currere est contingens.
 Petrum non currere non est impossibile.
 Petrum currere non est necesse.

ÆQUIPOLLENTES.

Petrum non currere non est possibile.
 Petrum non currere non est contingens.
 Petrum non currere est impossibile.
 Petrum currere est necesse.

ÆQUIPOLLENTES DE SVBIE-
cto communi.*amabimus*

Hominem currere est possibile.
 Hominem currere est contingens.
 Hominem currere non est impossibile.
 Omnē hominem non currere non est necesse

ÆQUIPOLLENTES.

dentuli

Hominem currere non est possibile.
 Hominem currere non est contingens.
 Hominem currere est impossibile.
 Omnem hominem non currere est necesse.

ÆQUIPOLLENTES.

thine

Hominem non currere est impossibile.
 Hominem non currere est contingens.
 Hominem non currere non est impossibile.
 Omnem hominem currere non est necesse.

ÆQUIPOLLENTES.

Purgura

Hominem non currere non est impossibile.
 Hominem non currere non est contingens.
 Hominem non currere est impossibile.
 Omnem hominem currere est necesse.

Si tamen ista facilius cognoscere desideras, per quasdam voces poteris ea in promptu habere, quæ sunt ab antiquis excogitatæ, scilicet, Amabimus, Edentuli, Iliace, Purpurea, in quibus continentur quatuor vocales, A, E, I, V. A, designat modalem, cuiuscunque sit modi affirmatiuam, de utroque. E, negatiuam de dicto, affirmatiuam de modo. I, negatiuam de modo, affirmatiuam de dicto. V, negatiuam de utroque. Aduerte præterea in illis singulis vocibus esse quatuor vocales, prima significat de possibili, secunda significat propositionem de contingenti, tertia de impossibili: quarta de necessario. illæ ergo sunt æquipollentes, quæ vnica voce continentur, vt patet in prima voce Amabimus, prima enim est de possibili, & quia est, A, est tota affirmatiua. Petrum currere est possibile, secunda est de contingenti & quia est A, est tota etiam affirmatiua. Petrum currere est contingens, tertia est de impossibili, & quia est, I, est negatiua tantum de modo. Petrum currere non est impossibile, quarta est de necessario, & quia est, V, est tota negatiua. Petrum non currere, non est necesse. Omnes hæ quatuor inter se sunt æquipollentes, similiter illæ, quæ alijs dictionibus continentur, seruando eundem ordinem. Quod si velis proposita aliqua modalis, eius Æquipollentes cognoscere, colloca eam in sua voce, & tunc sume alias secundum

dum illam vocem potest autem cognosci, in qua voce sit, si fuerit de possibili, considerando primas vocales quæ ei conueniant, si fuerit de contingenti, considerando secundas, tertias verò, si fuerit de impossibili quartas, si de necessario: verbi gratia, Petrum currere est impossibile, continetur in iliace, vbi tertia est de impossibili toto affirmato, tunc sumere oportet alias æquipollentes secundum vocalium ordinem, & qualitatem, prima est de possibili de modo solum negato, quia est, I, secunda de contingenti eodem modo, tertia est illamet, quarta est de necessario de dicto tantum negato, quia est, E, idem in alijs modis vniformiter.

De oppositione Modalium. Cap. IV.

A Equipollentia Modalium perspecta facile est earum oppositionem inuenire, omnes enim propositiones, quæ sunt in Amabimus, de quibus fuit prima regula superior, sunt subcontrariæ earum, quæ sunt in Edentuli, de quibus fuit secunda regula. Præterea omnes, quæ sunt in Iliaca de quibus fuit tertia regula, sunt contrariæ earum quæ sunt in Purpurea de quibus fuit quarta regula. Præterea quæ sunt in iliace, & in amabimus cōtradiciunt. Similiter & illæ quæ sunt in purpurea, & edentuli, deniq. illæ, quæ sunt in purpurea, & Am-

& Amabimus sunt subalternæ, & illæ pariter quæ sunt in Iliace & Edentuli, quæ omnia sequens figura manifestat.


AEQVIPOLLENTES.

Petrum non currere non est possibile.
 Petrum non currere non est contingens.
 Petrum non currere est impossibile.
 Petrum currere est necesse.

AEQVIPOLLENTES.

Petrum currere non est possibile.
 Petrum currere non est contingens.
 Petrum currere est impossibile.
 Petrum non currere est necesse.

LIBERI
PURPUREA. ILIACE.
CONTRARIAE.



SVBCONTRARIAE.

AMABIMVS. EDENTVLI.

Petrum currere ~~non~~ est possibile.
 Petrum currere est contingens.
 Petrum currere non est impossibile.
 Petrum non currere non est necesse.

AEQVIPOLLENTES.

Petrum non currere est possibile.
 Petrum non currere est contingens.
 Petrum non currere non est impossibile.
 Petrum currere non est necesse.

Quan-

Quando autem Modales sunt de termino communi, tunc in earum oppositione obseruandum est, vt quoties dicta sunt oppositæ qualitatis. scilicet, alterum est affirmatum, alterum negatum: tunc etiam mutetur quantitas subiecti, vt in vna sit particulare, in altera vniuersale, vnde si prima de Amabimus est hæc, omnem hominem currere est possibile, eius contradictoria erit ista vltima de Iliace, hominem non currere est necesse, & eius subcontraria ista prima de Edentuli, hominẽ non currere est possibile, quando vero dicta non sunt opposita secundum affirmationem, & negationem, non debet mutari quantitas, hæc autem regula semper vera est, tamen in contrarijs, licet manere eandem quantitatem vniuersalem, & in subcontrarijs particularem, vnde istæ sunt contrariæ, omne animal non esse hominem est necesse; quæ est in Iliace, & omne animal esse hominem est necesse, quæ est in Purpurea, & iste subcontrariæ hominem currere est possibile hominem non currere est possibile, prior est in Amabimus, posterior in Edentuli. Hæc omnia intellige quando dicta sunt oppositæ qualitatis, aliter enim debet manere eandem quantitas in oppositis. In subalternis verò quarum vna est de possibili, & altera de Necessario, obseruandum est, ne dictum in possibili sit vniuersale, & in necessario par-

ticulare, sed in vtroque vniuersale, vel in-
necessario sit vniuersale, in propositione au-
tem de possibili particulare: vnde ista subal-
ternantur, omne animal esse hominem est ne-
cesse, quæ est in purpurea, & omne animal ef-
se hominem est possibile, vel aliquod animal
esse hominem est possibile: non tamen ista,
omne animal esse hominem est possibile, ali-
quod animal esse hominem est necesse.

*De Aequipollentia & opposiuitone Modalium se-
cundum Aristotelem, & ipsarum con-
uersione. Cap. V.*

ARistoteles secundo Perihæ, quâuis mo-
dum communem, quem hætenus secu-
ti sumus in assignanda Modalium Aequipol-
lencia, & Oppositione, non reprobet, alterum
tamen verioremodum ipse docet quem
pro studentium exercitio nõ grauior expo-
nere, & ad methodum quandam faciliẽ redu-
cere. Aristoteles igitur easdẽ modales quas
superius enarrauimus, assumit, diuerso tamẽ
ordine distribuit. primo enim loco eam, quæ
de necessario est, constituit: Secundo eam, quæ
de possibili: tertio de contingenti: Quarto de
impossibili, cuius ratio optima est, id enim in
anteriori loco ponendum est, quod vt antece-
dens se habet ad alterum, cum igitur neces-
sarium antecedit possibile (quod enim ne-
cessa-

cessarium est, possibile est, non tamen omne, quod possibile est, necessarium est: cum hominem esse album possibile sit, non tamen necessarium) meritò à necessario potius, quàm a possibili incipiemus. Constituantur ergo quatuor rotuli, in quorum singulis sint quatuor propositiones æquipollentes ex eisdem Modalibus sumpto initio ab ipsis de necessario, uti diximus, quæ facilius his dictionibus nostris poterunt comprehendere, nempe, Argutule, Vestigia, Sine metu, Mutabatis, Prima dictio est, Argutule, in qua sunt quatuor Aequipollentes, prima de necessario tota affirmatiua denotata per A, nempe, Petrum esse animal est necesse. Secunda, de possibili tota negata denotata per primum, V, nempe, Petrum non esse animal non est possibile, tertia similiter negata de contingenti per secundum V, ut Petrum non esse animal non est contingens, quarta de Impossibili de modo affirmato, & dicto negato scilicet Petrum non esse animal est impossibile hæ igitur quatuor æquipollentes sunt. Pari ratione pro alijs tribus poterunt eadem arte quatuor æquipollentes constitui incipiendo semper a necessario.

Quòd si oppositione in his quæris, considera eas quæ sunt in prima, & secunda dictione, sibi mutuò esse contrarias, quæ autem in tertia, & quarta, subcontrarias, at quæ in pri-

quæ autem in secunda, ijs quæ sunt in quarta. Quæ omnia sequens figura manifestat.

ÆQUIPOLLENTES.

Petrum esse animal est necesse.

Petrum non esse animal non est possibile.

Petrum non esse animal non est contingens.

Petrum non esse animal est impossibile.

ÆQUIPOLLENTES.

Petrum non esse animal est necesse.

Petrum esse animal non est possibile.

Petrum esse animal non est contingens.

Petrum esse animal est impossibile.

ARGVTVLE. VESTIGIA.

CONTRARIÆ.

SVBALTERNÆ.

CONTRADICTORIÆ

SVBALTERNÆ.

MVTABATIS. SINE METV.

Petrum non esse animal non est necesse.

Petrum esse animal est possibile.

Petrum esse animal est contingens.

Petrum esse animal non est impossibile.

ÆQUIPOLLENTES.

Petrum esse animal non est necesse.

Petrum non esse animal est possibile.

Petrum non esse animal est contingens.

Petrum non esse animal non est impossibile

K 3 Oppo-

Oppositione autem & Aequipollentia vtcun-
que discussis, conuersionem earundem moda-
lium superest explicare. Circa quam vnum
ante omnia aduertendum est, Modales non
esse conuertendas nisi secundum earum di-
cta. Modo, semper manente prædicato, &
tunc sit.

Prima propositio: Modales omnes de mo-
do necessario, possibili, contingenti, affirma-
tis, impossibili verò, negato, conuertuntur
secundum sui dicti conuersionem, id est, si di-
ctum fuerit vniuersale affirmatiuum, conuer-
tatur per accidens, si vniuersale negatiuum,
aut particulare affirmatiuum, simpliciter, si
particulare negatiuum non conuertatur; idē
enim est iudicium de dictis, & de simplicibus
Enunciationibus. Vnum tamen obseruabi-
mus, vt quoties vniuersalis affirmatiua de ne-
cessario conuertitur, si fuerit de sensu diuiso
mutetur in possibile, verbi gratia, omnē ho-
minē esse animal est necesse conuertatur, ali-
quod animal esse hominem est possibile, nisi
enim sic conuertatur, multoties fient malæ
consequentia, vt patet in istis, omne nigrum
esse corpus est necesse, non conuertitur ali-
quod corpus esse nigrū est necesse, hæc enim
est falsa, illa vera. Similiter, omne Gramma-
ticum esse hominem est necesse, non conuer-
titur, aliquem hominem esse Grammaticum
est necesse. Idem etiam obseruandum erit in

vni-

vniversalī negatiua, præsertim in ijs quæ modum aduerbialē habet, vt inferius dicemus. Idem censendum de particulari affirmatiua quod de ipsa vniversalī, vt mutetur necessarium in possibile, quando verò sensus compositus fuerit, non est opus mutare modum.

Secunda propositio. Modales omnes de impossibili affirmato, & de Contingenti possibili, & necessario negatis, non conuertuntur, quoties dictum est vniversale affirmatiuum, non enim valet, omne animal esse hominem est impossibile, vel non est necessarium, ergo hominem esse animal est impossibile aut nō necessarium. Idem dicitur de alijs modis negatis.

Tertia propositio modales eadem, nempe de impossibili affirmato, & de alijs modis negatis conuertuntur, quoties dicta simpliciter conuerti possunt, nempe cum sunt vniversalia negatiua, aut particularia affirmatiua, vt nullum hominem esse animal est impossibile, conuertitur, nullum animal esse hominem est impossibile. Similiter, nullum animal esse hominem non est contingens, aut non possibile, aut non necesse, conuertitur; nullum hominē esse animal non est contingens, aut non possibile, vel non necesse.

Quarta propositio. Nihil prohibet modales per Contrapositionem conuertere, quando dicta vniversalia affirmatiua, aut particu-

laria negatiua sunt, sicut & simplices Enun-
ciationes conuertebantur, hoc tamen verum
& facile, sed tamen parum utile est.

De Modalibus de modo Aduerbiali.

Cap. VI.

Non parum ad proprietates propositio-
num cognoscendas naturam horum
modorum intelligere prodest. Cum igitur mo-
di quatuor sint, ex his duo sunt vniuersales,
Necessario, & Impossibiliter, duo autem par-
ticulares, ex vniuersalibus alter est affirma-
tiuus, scilicet, Necessario: alter verò negati-
uus, scilicet Impossibiliter. At vterque parti-
cularis est affirmatiuus, immò pro eodem
sumuntur, scilicet, Possibiliter, & Contingenter.
Erit autem particularis negatiuus si
postponatur negatio, scilicet, Possibiliter nō,
vel, Contingenter non. Vnde necessario se ha-
bet, sicut omnis: Impossibiliter, sicut, Nullus;
Possibiliter, sicut, Quidam: Possibiliter non,
sicut, Quidam non. Ex quo patet, Necessa-
rio, & Impossibiliter, opponi contrariè: Pos-
sibiliter, & Possibiliter non, opponi subcon-
trariè: Necessario, & Possibiliter, subalternè:
similiter, Impossibiliter, & Possibiliter non.
At necessario, cum possibiliter non: Impossi-
biliter, cum possibiliter, contradictoriè, vt
sequens figura faciliè manifestabit. Similiter,
sicut

ficut, Omnis non, valet, Nullus: & Nullus nō,
 Omnis, ita Necessario non, Impossibiliter:
 & impossibiliter non, Necessario. Item ficut,
 Non omnis, Quidam non: & Nonnullus, Qui-
 dam, æquivalent: ita, Non necessario, Possibi-
 liter non: non impossibiliter, possibiliter.
 Demum ficut, non quidam, nullus, non quidā
 non, omnis: ita etiam: non possibiliter impos-
 sibiliter, & non possibiliter non, necessario,
 æquipollent, vt eadem figura manifestat.

ÆQUIPOLLENTES.

Impossibiliter non.

NECESSARIO.

Non possibiliter non.

ÆQUIPOLLENTES.

~~Non~~ necessario non.

IMPOSSIBILITER.

Non possibiliter.

CON-

CONTRARIÆ.

SVBALTERNÆ.

CONTRADICTORIÆ

SVBALTERNÆ.

SVBCONTRARIÆ.

ÆQUIPOLLENTES.

Non impossibiliter.

ÆQUIPOLLENTES.

Non necessario.

POSSIBILITER.

Non necessario non.

POS-

POSSIBILITER NON.

Non impossibiliter non.

Ex his facile erit, Oppositionem quamlibet inter ipsas propositiones inuenire, hoc enim ante omnia obseruandum est, vt in omni oppositione habeatur ratio tota ipsius modi, illæ enim erunt contrariæ, quarum modi sunt contrarij, vt iste, homo necessario currit, homo impossibiliter currit, illæ subcontrariæ, quarum modi subcontrarij, quamuis subiecta sint vniuersalia, vt omnis homo possibiliter currit, omnis homo possibiliter non currit. Sic etiam in alijs oppositionibus, & tales propositiones dicuntur oppositæ, de modo. Quod si præter modi oppositionem accesserit quantitas subiecti debita cuique oppositioni, magis opponuntur & tunc dicuntur oppositæ de subiecto, & modo, vt si contrarijs addatur vniuersalitas in vtroque subiecto. Contradictorijs in vno, Subcontrarijs in neutro, Subalternis in vno tantum: vnde istæ sunt contrariæ de subiecto & modo omnis homo necessario currit, omnis homo impossibiliter currit: istæ subcontrariæ, homo possibiliter currit, homo possibiliter non currit: istæ contradictoriæ, omnis homo necessario currit, aliquis homo possibiliter non currit istæ sub-

alter-

alternæ, Omnis homo necessariò currit, possibiliter homo currit, vel omnis homo necessario est animal, aliquis homo possibiliter est animal: tamen ratio præcipua oppositionis in modo consistit, vt ea sola ablata oppositio auferatur, ea vero posita ponatur. Ex quibus habes innumeras oppositiones, secundum quod multi sunt modi æquipollentes, & oppositio ex modis solis, & oppositio ex modis cum subiecto potest sumi, quorum exempla sunt facilia.

Circa conuersionem autem nõ est aliquid peculiare præter ea, quæ diximus de simplicium conuersione, sed vniuersalis affirmatiua per accidens conuertatur, particularis autem affirmatiua, & vniuersalis negatiua simpliciter, vnde ista, omnis homo possibiliter est animal conuertenda est in hanc, aliquod animal possibiliter est homo. hæc autem, nullus homo possibiliter est animal, in hanc nullum animal possibiliter est homo. Vnum autem aduertendum est, vt modus vniuersalis affirmatiuus mutetur in conuertente in particularem affirmatiuum, vt, ista creans necessario est Deus, conuertatur in hanc Deus possibiliter est creans. Est etiam aliud aduertendum, Modum impossibiliter in se habere negationem, ac propositionem reddere negatiuam, nisi ab alia negatione impediatur. Vnde ista negatiua est omnis homo impossibiliter

biliter est lapis, & conuertenda etiam in negatiuam, nempe. omnis lapis impossibiliter est homo, vel in hanc, nullus lapis possibiliter est homo: ista autem affirmatiua est propter duas negationes, nullus homo impossibiliter est animal conuertenda in hanc, aliquod animal possibiliter est homo, vniuersalis enim affirmatiua in particularem conuertitur. Denique maximè valor modorum est considerandus, ne eam quæ est affirmatiua, in virtute, conuertamus sicut negatiuam, & id quod erat particulariter sumendum, vniuersaliter sumamus. Particularis verò negatiua de subiecto non est conuertenda, sicut nec reliquæ Enunciationes. non enim conuerteret, aliquod animal impossibiliter est homo, nec, aliquis homo possibiliter non est Grammaticus. Atque hæc de istis Modalibus, quæ nulla ratione sunt paruipendenda, cum horum modorum cognitio non mediocrem ad rerum naturas cognoscendas vsum exhibeat.

DE ENUNCIATIONIBVS.

De contingenti specialiter sumpto. Cap. VII.

ABsolutis Modalibus Enunciationibus, quæ ex prædictis quatuor modis componebantur, superest vt vnum alium modum cuius Aristoteles in Prioribus meminit, explicet.

plicemus, hic autem est contingens non in ea
significatione, qua superius vsurpabatur illi
enim contingens per possibili sumebatur, vt
illud esset contingens seu possibile, quod esse
potest siue possit non esse, siue non possit non
esse, ideò de necessario, atque etiam de existi-
stenti non necessario prædicabatur hic autẽ
pro alio contingens vsurpatur pro illo nem-
pè quod potest esse, & potest non esse, siue sit,
siue non sit, & hoc contingens repugnat & cõ-
tradicit non solum necessario, sed etiam im-
possibili: quod enim necessarium, aut impos-
sibile est, contingens non est, tale autem con-
tingent vocant specialiter sumptum. Huius
natura est admodum consideranda, habent
enim hoc propositiones de necessario, vt si af-
firmatiuum dictum est necessarium, negati-
uum sit impossibile, & e contra, si negatiuum
necessarium, affirmatiuum impossibile, vt si
hominem esse animal est necesse, hominem
non esse animal est impossibile, & si hominẽ
non esse lapidem est necesse, hominem esse
lapidem est impossibile. Hoc idem habent
Enunciationes de impossibili, vt si vna oppo-
sita sit impossibili, At de contingenti Enun-
ciationes, si dictum oppositum est contingẽs
& alterum necessario erit contingens, vt si
hominem esse album est contingens, etiam
& hominem non esse album erit contingens,
maxime in his quæ de sensu diuiso sunt. Ex
quo

quo fit vt negatiua de contingenti virtualiter sit affirmatiua, eū eam ex se inferat, quod non fit in alijs modis, cum vna opposita non inferat alteram; vti diximus: & hoc notare maxime oportet pro Syllogismis de contingenti, traditis ab Aristotele in primo priorū, quos explicabimus in quarto libro. Enunciations autem de contingenti sic conuertere oportet: Affirmatiuæ enim vniuersalis & particularis conuertuntur, sicut reliquæ, in particularis conuertuntur, sicut reliquæ, in particularem affirmatiuam, at vniuersalis negatiua conuertere non potest in vniuersalem negatiuam, non enim conuertitur, nullum hominem esse album est contingens, in hanc, nullum album esse hominem est contingens, poterit tamen particulariter cōuertere. At particularis negatiua, quæ in alijs non conuertebatur, hic conuertere potest in particularem negatiuam: valet enim, aliquem hominem non esse album est contingens, ergo aliquod album non esse hominem est contingens, & hoc sufficiat pro introductione huius in Aristotelem, vbi exactius hoc examinabitur.

LIBER
DE EXPONIBILIBVS.*De Exclusiuis . Cap. VIII.*

ENunciationibus Modalibus absolutis, quibus ratione modi peculiaris inerat difficultas, nunc de quibusdam alijs, quæ ob aliquem terminum, vel signum in eis inclusum multas ac varias in valore cōtinent propositiones, ac propterea obscurum habent sensum per illas inclusas, quæ clariores sunt, manifestandum tractemus, quas Exponibiles propositiones vocant, quem tractatum eo antiqui Dialectici probationes terminorum appellarunt, quòd tales propositiones per eas, quas in se includunt, quæ manifestiores sunt, probari possint, hasque exponentes vocant. Inter huiusmodi igitur Enunciationes primum genus est earum, quæ aliquo signo exclusiuo tenentur, quale est tantum, solum, & similia, quarum duplex est modus, quædam enim dicuntur de excluso extremo nimirum cum tale signum prædicatum determinat, & ab eo exclusionem facit, vt homo est tantum animal rationale: quædam absolute exclusiue dicuntur, cum tale signum totam modificat propositionem, quod fit, cum signum ex parte subiecti tenetur, utroque autem modo bifariam fit exclusio: aut enim præ-

prædicatum est aliquis numerus, & tunc exclusio dicitur secundum pluritatem, aut est aliqua alia res, & tunc exclusio dicitur secundum rem. Latè autem differunt Enūciationes hæ duæ, nempè quando est exclusio in prædicato, aut quando est exclusio in subiecto, vt videre est ex sensu diuerso earundem enunciationum, hæc enim prædicabilia sunt tantum quinque; si exclusio fiat in prædicato, vera est: facit enim sensum, prædicabilia non excedere numerum quinarium, quod verum est, at si exclusio fiat in subiecto, scilicet, tantum prædicabilia sunt quinque propositio est falsa, quia facit sensum, nulla alia, à prædicabilibus, esse quinque, quod quidem falsum est. Vtriusque igitur modi expositio tradenda est. Et quidem eam quæ est de excluso prædicato exponere facile est si auferamus signum & à prædicato remoueamus, si fuerit numerus, quemcumque alium numerum, si fuerit res, quamcumque aliam rem. Ista igitur prædicabilia sunt tantum quinque, exponitur, prædicabilia sunt quinque, & non plura, similiter, homo est tantum animal rationale, exponitur, homo est animal rationale, & nihil aliud: at propositiones exclusiuas de subiecto excluso non ita facile est exponere: diuidendæ enim prius sunt, habent se namq. in quadruplici differentia, quædam sunt integræ affirmatiuæ, id est, in quibus ipsum si-

L gnum

gnum & propositionis copulā affirmatiur, vt
 tantum homo est risibilis. Secūdo quedam sūt
 harum oppositæ, quæ vnā habent præpositā
 negationē, vt, non tantum homo est risibilis.
 Tertiò quedam sunt de copula negata, desi-
 gno autem affirmato, vt tantum homo nō est
 risibilis. Quartò quedam sunt harum opposi-
 tæ de vtroque negato, vt, non tantum homo
 non est risibilis. Omnes autem istæ per hypo-
 theticas propositiones resoluendæ sunt, qua-
 rum prior pars constet ex eodem prædicato
 & subiecto ipsius exclusiue ablato signo, po-
 sterior autem ex eodem prædicato, & oppo-
 sito subiecti, vt tantum homo est animal, ex-
 ponitur, homo est animal, & nihil aliud ab
 homine, seu, nullum nō homo est animal: nō
 tamen omnes eodem modo exponendæ sunt,
 sed prima per copulatiuā, cuius prior sit ip-
 samet exclusiua ablato signo, posterior nega-
 tiua vniuersalis de opposito subiecti, vti dixi-
 mus, vt, tantum homo est risibilis, homo est ri-
 sibilis, & nullum non homo est risibilis. Hu-
 ius autem negatiua disiunctiue est resoluenda
 per partes contradictorias propositionibus
 prioris, vt, non tantum homo est risibilis, ex-
 ponitur, nullus homo est risibilis, vel, aliquod
 non homo est risibile. Tertia autem Proposi-
 tio exponenda est Copulatiue, sicut prima,
 ita vt prior pars sit ipsa exclusiua ablato si-
 gno, quæ in omnibus dicitur præiacens, & po-
 sterior

teriori vniuersalis affirmatiua de eodē prædicato, & opposito subiecti sicut in alijs, vt tantum homo non est risibilis, exponitur, homo non est risibilis, & quodlibet aliud a b homo nunc, seu omne non homo est risibile. Quarta exponitur per disiunctiuam sicut secunda ex partibus contradictorijs huius tertiæ, vt, non tantum homo non est risibilis, Omnis homo est risibilis, vel; aliquod non homo non est risibile, Vnde semper habenda est regula, vt prima, & secunda resoluantur contradictorio modo, similiter tertia & quarta, propterea vtile erit in resolutione secundæ prius resolvere primam, & in resolutione quartæ prius resolvere tertiam.

De oppositione exclusiuarum. Cap. I X.

ANtequam Oppositionem harum tradamus, non inutile erit aliquas dictiones assignare, quibus iuuenes proutiores sint in istis exclusiua resoluendis. Sunt igitur hæ quatuor. Istæ, Regit, Proram, Clauor: quæ suo ordine singulæ, singulis exclusiuis deferuiunt obseruatis tamen illis duobus superius enarratis: nempe vt prima, & tertia exponantur copulatiue, secunda, & quarta disiunctiue. Similiter, vt prior pars constet ex eodē prædicato, & subiecto, posterior, ex eodē prædicato & opposito subiecti, obseruatis etiam qua-

tuor vocalibus notandis pro alijs etiā, quæ
inferius sequuntur. A. denotat vniuersalem
affirmatiuam. E. vniuersalem negatiuam.
I. particularem affirmatiuam. O. particula-
rem negatiuam. Est igitur prima dictio. Iste,
pro exclusiua tota affirmatiua scilicet, tantū
homo est risibilis, denotat, vt prior sit parti-
cularis affirmatiua, secunda vniuersalis ne-
gatiua, vt expositum est. Regit, pro negatiua
non tantū homo est risibilis, denotat, vt
prior sit vniuersalis negatiua, posterior par-
ticularis affirmatiua, opposito modo primæ.
Aliæ etiam dictiones exponendæ sunt iuxta
vocaleſ suas. Est etiam præter hæc conside-
randa vis signi exclusiui: quemadmodum
enim signum vniuersale affirmatiuum distri-
buit immediatos terminos, & mediatos con-
fundit: ita Exclusiuum opposito modo, imme-
diatos confundit, mediatos distribuit, vt tan-
tū homo est animal, homo confunditur, ani-
mal distribuitur. Hinc est, quòd tales proposi-
tiones conuertuntur per vniuersales affirma-
tiuas, vt tantū homo est animal, conuer-
titur, omne animal est homo. In negatiuis hoc
nō valet, quia negatiō mutat virtutem signi.
Ex his Oppositiones in Exclusiuis inuenire,
non est difficile, illæ enim quæ copulatiuè re-
soluuntur, scilicet prima, & tertia sunt con-
trariæ, quæ verò disiunctiuè, vt secunda, &
quarta subcontrariæ, prima verò & secunda,

ter-

tertia cum quarta contradictoria. Prima cū quarta, & secunda cum tertia subalterna, vt sequens figura manifestat.

I S T E. P R O R A M.

Tantum homo est animal.
Tantum homo non est animal.

C O N T R A R I Æ.

S V B A L T E R N Æ

C O N T R A D I C T O R I Æ

S V B A L T E R N Æ

S V B C O N T R A R I Æ.

C L A V O. R E G I T.

Non tantum homo non est animal.
Non tantum homo est animal.

Post exclusiua sequitur aliud propositio-
nis genus quod propositio Exceptiua di-
citur, quæ signo aliquo exceptionis modifica-
tur, quale est præter, & aliud simile, in quibus
obseruandum est, vt terminus exceptus sit in
ferior termino, à quo fit exceptio, & talis ter-
minus, à quo exceptio fit, distribuatur, aliter
enim non fiet congrua exceptiua, vt omne a-
nimal præter hominē est expers rationis. pro-
pter quod antiqui talem propositionem per
tres exponentes manifestabant, quando affir-
matiuā erat, quarum prima quidē esset vni-
uersalis, præiacens cum termino excluso in
subiecto, scilicet, Omne animal aliud ab ho-
mine est irrationale: Secūda vniuersalis affir-
matiuā, in qua prædicetur subiectū Excepti-
uæ de termino excepto, scilicet, omnis homo
est animal: Tertia vniuersalis negatiua, cu-
ius subiectum sit terminus exceptus, & idem
prædicatum exceptiuæ, scilicet, nullus homo
est irrationalis. Contradictorio autem modo
fiebat in negatiua scilicet, non omne animal
præter hominem est irrationale, exponitur
per Disiunctiuā ex partibus contradicenti-
bus. At quando est negatiua de copula, non
de signo, vt omne animal præter hominem,
non est rationale, tunc copulatiuē per tres v-
niuersales, prima negatiua, secunda, & tertia
affirmatiua, de eisdē subiectis & prædicatis,

et

et

sicut

sicut prius, scilicet, nullum animal aliud ab homine est rationale, omnis homo est animal & omnis homo est rationalis. Huius autem negatiua per disiunctiuam ex partibus contradicentibus, vt, non omne animal præter hominem non est rationale. Quamuis autem hoc verum sit, clarius, & distinctius resolutio fiet, si per duas tantum exponentes resoluantur, omisissis nempe secundis, nam cum exceptiua propriè non fiat, nisi cum exceptus terminus continetur sub eo à quo fit exceptio, non opus est, hanc exponentem addere. Poterunt autem tales exponentes his dictionibus facilius retineri, Date, Prompti, Penam, Pigro, quæ eadem via procedunt, sicut in Exclusionis, vt prima sit pro prima exceptiua, & ita reliquæ suo ordine, similiter prima, & secunda contradicant. tertia etiam, & quarta. At, prima, & tertia sint contrariæ, secunda, & quarta subcontrariæ, vt facile erit cuilibet experiri.

De Reduplicatiuis. Cap. XI.

SUNT alia propositiones, quæ reduplicatiuæ dicuntur, eò quòd aliquod signum habeant, quod aliquid supra terminum præcedentem superponat, vt homo in quantum rationalis est risibilis, hæc autem signa dupliciter vsurpantur, aliquando termini præcedentis aliquam rationem manifestant, secundum quam aliquid ei denotatur cōuenire, vt, ens, in quantum ens, est obiectum Metaphysicæ,

color quatenus color, est obiectū visus, & tūc dicuntur specificatiuè teneri. Aliquando causam prædicati important, vt homo quatenus rationalis, est risibilis, id est, causa cur homo sit risibilis est, quia rationalis est, & tunc quadruplex constituitur. Reduplicatiuarum species sicut in alijs. Primo est purè affirmatiuarum, homo inquantū rationalis, est risibilis. Secunda negatiuarū de signo, non omnis homo inquantū rationalis, est risibilis. Tertia negatiuarū solū de copula, homo inquantū rationalis non est risibilis. Quarta est, in qua totū negatur, non omnis homo inquantū rationalis, nō est risibilis. Et quamuis à multis harū quælibet per quatuor exponentes manifestari soleat, id tamen inutile videtur, commodius autē & distinctius erit ad causales reducere, & secundū has in omnibus de illis iudicare. Reducetur igitur prima ad causalē affirmatiuā, quia homo est rationalis, homo est risibilis. Secunda ad causalē negatiuam, non quia homo est rationalis homo est risibilis. Reducitur tertia ad causalē affirmatiuā de solo consequenti negato, vt, homo inquantū rationalis non est risibilis, id est, quia homo est rationalis nō est risibilis. Quarta verò ad causalē negatiuam de consequenti negato, vt non omnis homo inquantū rationalis, nō est risibilis, id est, nō quia homo rationalis est, risibilis nō est. Sic igitur exponi congruè potest

re-

reduplicatiua,quādo causaliter tenetur:nam quādo specificatiuè tenetur, tūc nullo modo per causalē exponi debet, sed aliquo vocabulo clariori explicari, vt homo, inquantū homo est species, idest homo, cōmuniter sumptus, & in generali est species. Aliquādo reduplicatio fit non in causa, sed secundum consequentiā solam. vt homo inquantū risibilis, est rationalis, sed hoc rarò, & tūc non per causalē, sed per Conditionalē fiet expositio, scilicet, si homo est risibilis, homo est rationalis.

De Exponibilibus quibusdam verbis. Cap. XII.

PRÆter signa Syncategorematica sunt aliqua Categoremata, quæ cum obscurum reddant propositionis sensum, expositione egent, inter ista est verbum Differt, Aliud, & Diuersum. Duplex harum propositionum, constituitur species, prior affirmatiuarum, homo differt ab equo, vel, est alius seu diuersus ab equo, & talis per tres exponentes exponēda est, duæ priores sint affirmatiuæ, per quas extremorum existentia significetur, tertia negatiua eorundem extremorum inter se, vt, homo est, & equus est, & homo non est equus. Posterior species est negatiuarum, quæ disiunctiuè contradictorio modo exponi debent, vt, homo non differt ab equo, homo non est, vel equus non est, vel homo est equus.

Sunt

Sunt etiam alia duo verba, quæ propositio-
 nes exponibiles, & affirmatiuas, & negatiuas
 constituunt, quæ sunt, incipit & desinit, hæc
 iunguntur rebus, quæ vnico instanti totum
 suum esse habent, aut perdunt, vel rebus, quæ
 spatio temporis, & successiuè esse acquirunt,
 & deperdunt. Primi generis sunt substantiæ.
 Secundi sunt multa accidentia; & secundum
 hoc variè talia verba exponenda sunt. Ver-
 bum Incipit, quando iungitur termino signi-
 ficanti substantiam, est resoluendum per co-
 pulatiuam, cuius prior pars sit de præsentis af-
 firmatiua, & posterior negatiua de præterito
 cum isto aduerbio Immediatè, per quod de-
 notatur temporis illius præteriti propinqui-
 tas cum tali præsentis, vt homo incipit esse;
 homo est, & immediatè ante hoc non fuit.
 Quando vero iungitur termino significanti
 rem quæ successiuè habet suum esse, est re-
 soluendum etiam copulatiuè per hypotheti-
 cam, cuius prior pars sit de præsentis negato
 & futuro affirmato cum illo eodè aduerbio;
 calor incipit esse, calor non est, & immediatè
 post hoc erit. Si verò talis propositio fuerit
 negatiua, disiunctiuè contradictorio modo
 exponatur, vt calor non incipit esse, calor
 nunc est, vel, non immediatè post hoc erit.
 Verbum autem Desinit, iunctum termino si-
 gnificantis rem, quæ totum esse suum simul
 habet, exponi debet per copulatiuam, cuius
 prior,

prior pars sit de præfenti negato, & pofterior de præterito affirmato cum illo eodem aduerbio, Petrus definit eſſe, Petrus non eſt, & immediatè ante hoc fuit. Pari ratione quando iungitur rebus ſucceſſiuis, in hoc enim non eſt diſcrimen, motus defuit eſſe, motus non eſt & immediatè ante hoc fuit, negatiua autem propoſitio diſiunctiuè contradictorio modo eſt exponenda ſicut in alijs omnibus. Horum rationes & cauſas quærere, altius eſt, quàm noſtra præſens patiatur ſpeculatio, eſt enim negotium Phyſicum, ſatis ſit Dialectico modum exponendi noſcere, cætera ſupponantur.

De Comparatiuis, & Superlatiuis.

Cap. XIII.

Sunt etiam alie propoſitiones, quæ aliqua indigent expoſitione, quales ſunt propoſitiones de Comparatiuo, & Superlatiui. Propoſitio igitur de Comparatiuo tres habet exponentes. Prima eſt in qua ſubiicitur ſubiectum poſitiui comparatiui. Secunda in qua ſubiicitur terminus comparatus. Tertia in qua vnum cum altero reſpectu poſitiui confertur, cum aduerbio denotante exceſſum: verbi gratia, leo eſt fortior homine, leo eſt fortis, & omnis homo eſt fortis, & leo eſt magis fortis. Aliquando Comparatiuum ſumitur abuſiuè, & tunc non ponit poſitiuum, vt melius aliquando dicitur minus malum.

-M-

Quan-

Quando autē propositio est negatiua, vt leo non est fortior homine, disiunctiuè contradictorio modo est resoluenda.

Superlatiuum verò aliquando sumitur negatiuè, aliquando positiuè. Cum positiuè tenetur, resolui debet per Copulatiuam, cuius prior pars sit propositio ex subiecto & termino Superlatiui composita, posterior affirmatiua de Comparatiuo cum termino comparato vniuersaliter sumpto; verbi gratia. Aristoteles fuit doctissimus Græcorum, Aristoteles fuit Græcus, & quocumque Græco doctior. At quando tenetur negatiuè, posterior propositio erit vniuersalis negatiua, in qua subijcitur terminus superlatiui cum Comparatiuo, & terminus comparatus est ipsum subiectum, vt Cicero fuit eloquentissimus latinorum, id est, Cicero fuit latinus, & nullus latinus fuit illo eloquentior. Plures possent propositiones adduci, quæ expositione indigere videntur, sed obseruanti modum resoluendi prædictas, & sensum locutionis, non erunt difficiles.

FINIS LIBRI TERTII

IN-

INTRODVCTIONIS
IN DIALECTICAM
ARISTOTELIS.

LIBER QVARTVS.

De Argumentatione.

*De Argumentatione bona & mala,
formali, & materiali.*

Cap. I.



Argumentationum partibus materialibus, nempe propositionibus, & ipsarum partibus, & accidentibus hactenus discussis, nunc tandem ipsam argumentationem explicare aggredimur. Est igitur argumentatio, quæ Consequentia dici solet, oratio in qua vnum ex alio inferri denotatur, vt superius declarauimus. Hæc autem duplici parte constat, & Antecedenti, & Consequenti. Antecedens est illa propositio, ex
quæ

qua altera inferitur. Consequens verò cap-
sa quæ inferitur: Dicitio illa, qua talis con-
secutio vnius ex altera denotatur, Nota illa-
tionis dicitur. Solet aliquando Consequen-
tia vitiosa fieri, cum id quod inferri denota-
tur, non ita sicut denotatur inferitur, opposi-
tum autem in Consequencia bona accidit.
Hæc omnia in primo libro explicuimus, nūc
ad alia, quæ illic propter incipientium cap-
tum inexplicata omisimus transeamus. Con-
sequencia, seu Argumētatio bona duplex est,
quædam formalis. quædam materialis: Ma-
terialis est oratio in qua pars altera verè ex
altera inferitur, ob rerum solam coniunctio-
nem, vt Petrus est homo, ergo Petrus est sub-
stantia, quia enim homo necessario cum sub-
stantia coniungitur, ea sola causa fit, vt ex ta-
li antecedenti consequens colligatur. Dixi-
mus autem ob eam solam causam, quia non
propter modum colligendi, sed propter re-
rum connexionem dumtaxat illa fit illatio, si
enim in consequenti aliud colligeremus de
Petro cum quo non necessario homo coniu-
geretur, Consequencia vitiosa esset, vt si dixe-
ris, Petrus est homo, ergo Petrus est albus.
Potest enim antecedens verum, & conse-
quens falsum esse, ex quo fit, vt illa Consequē-
tia non sit bona propter illam formam & mo-
dum colligendi scilicet ex vno alterum infer-
re, sed propter connexionem rerum signifi-

catarum in Consequenti, & Antecedenti. Vnde talis Consequentia valebit in omnibus his solum, in quibus talis connexio fuerit reperi-
ta: propterea licebit argumentari eadem ratione qua inferebatur, Petrus est homo, ergo est substantia, ita sciētia est habitus, ergo est qualitas, Iustitia est virtus, ergo est habitus, Arbor est viuens, ergo est corpus: In his enim omnibus eadem est connexio consequentiū cum suis antecedentibus, nempe superiorum cum inferioribus. Tales igitur consequentiæ, & aliæ huiusmodi materiales dicuntur. Argumentatio vero formalis, est oratio in qua vnum ex altero inferitur non solum propter rerum connexionem, sed etiam propter modum colligendi, vt si dicas, Omne bonum est appetendum, Omnis virtus est bona, ergo Omnis virtus est appetenda: In hac enim argumētatione etiam si nulla esset rerum connexio propter solam formam talē inferendi, vnum ex altero inferretur. Vnde sit vt si talem formam applies alijs rebus quātuncunque in connexis firma sit, & constans illatio, vt si dixeris, Omnis lapis est animal, Omnis homo est lapis, ergo Omnis homo est animal, optimè ex tali antecedenti Consequens colligitur, Talis consequentia formalis est, qua in omni materia, in omni propositione simili applicata semper est bona, dico autem in Omni simili propositione, quia si

ap-

applicetur dissimilibus propositionibus apparebit quidem eadem, sed non erit. Similitudo autem duarum propositionum in his præcipue cōsistit, primo ut sint eiusdem qualitatis, idest si vna est affirmatiua, & altera sit affirmatiua, si vna negatiua, & altera etiam negatiua: hoc intelligere oportet quantum ad copulas principales. Vnde istæ in qualitate similes sunt, animal quod non est rationale, est risibile homo qui currit, mouetur. Est enim vtraque affirmatiua. Secundo, ut sint eiusdem quantitatis, idest si vna vniuersalis, & altera vniuersalis: si vna particularis indefinita, aut singularis, & altera eodem modo. Tercio, ut in vtraque eadem sit acceptio terminorum, scilicet eadem Suppositio, Ampliatio, Appellatio, & sub hoc intelligitur, ut si vna fuerit Modalis, & altera similiter eiusdem modi, vel æquiualentis, si vna Exponibilis, & altera, si vna de subiecto complexo, & altera. hæc omnia eatenus dicta sint, ut cum formam Argumentationis aliquam, quæ in aliquibus propositionibus bona erat, velis alijs propositionibus applicare, obserues, ut tales propositiones in his tribus prioribus assimilentur, alias talem formam argumentationis mutabis. Non enim eadem est forma, quæ est in istis, Omnis homo est animal, omne risibile est homo ergo omne risibile est animal, & ea quæ est in istis, Omnis homo est ani-

animal. Tantum risibile est homo, ergo tantum risibile est animal, cum propositiones huius non sint similes alterius: idem in alijs oportet dicere.

De regulis generalibus bonæ consequentiæ.

Cap. II.

SVnt aliquot generales regulæ quibus consequentiarum, & Argumentationum vis in inferendo maximè manifestatur, quæ aliquibus principijs innituntur. Primum est, Ex vero non sequitur nisi solum verum, idest in bona consequentia, scilicet Antecedens verum est, oportet consequens verum esse, in quo principio fundatur.

Prima Regula. Si Antecedens est possibile aut contingens, Consequens etiam contingens, aut possibile, aut necessariū si vero Antecedens necessarium, consequens erit necessarium verbi gratia, Homo currit, ergo mouatur. Huius Argumentationis Antecedens contingens est, pariter etiam & consequens, vt enim homo potest currere, & non currere ita moueri & non moueri. Præterea, homo est animal ergo est substantia. Huius Antecedens necessarium, & Consequens etiam necessarium. si enim daremus oppositum, Antecedens esse necessarium & Consequens non necessarium, tunc posset verum interre fal-

S sum

sum, quod fieri non potest, & patet, nam si Antecedens necessarium verum erit semper, sic Consequens non necessarium poterit esse falsum, tunc igitur Antecedens verum inferret consequens falsum, ut homo videt, ergo homo est animal: Antecedens quidem possibile, Consequens necessarium, ex possibili vero, vel contingenti numquam sequitur impossibile.

Secundum principium. Falsum non sequitur nisi ex falso. Huic innititur altera regula, Si Consequens est falsum, Antecedens erit falsum, si Consequens impossibile, etiam Antecedens erit impossibile, si consequens contingens, Antecedens non erit necessariū: aliter enim si Antecedens esset necessarium, esset semper verum, si autem Consequens contingens posset esse falsum, & tunc Antecedens verum inferret consequens falsum contra primum principium.

Tertium principium. Ex falso potest sequi verum, vel falsum, id est, fieri potest, ut in bona Consequentia ex Antecedenti falso sequatur aliquando Consequens verum, aliquando, consequens falsum V. g. ista est Consequentia bona Homo est lapis, ergo est corpus, ubi antecedens falsum infert consequens verum, Similiter & ista est bona, Homo est lapis, ergo caret sensu, ubi utrumque falsum, cui principio innititur.

Tertia Regula: Ex antecedenti impossibili potest inferri Consequens aliquando impossibile, aliquando contingens, aliquando necessarium, ut patet in his consequentijs, homo est equus, ergo homo est animal: hic enim ex impossibili inferitur necessarium, similiter homo volat, ergo homo mouetur, ex impossibili sequitur contingens. Similiter etiam homo est leo, ergo homo est rugibilis: utrumque est impossibile.

Quartum principium. Verum inferitur ex vero, vel falso, idest Consequens verum potest inferri Aliquando ex Antecedenti vero aliquando ex Antecedenti falso, ex quo sequitur quarta Regula. Consequens necessarium inferri aliquando ex Antecedenti impossibili, aliquando ex necessario aliquando ex Contingenti, ut patet in his consequentis, homo est leo, ergo homo est animal: homo est corpus, ergo homo est substantia. Equus est albus, ergo equus est corpus.

Quinta regula in bona consequentia contradictorium consequentis, inferitur contrarium antecedentis, non autem contra. Valet enim homo currit, ergo homo mouetur, non mouetur, ergo non currit. Non tamen valet a contradictorio Antecedentis, non enim valet, Non currit, ergo non mouetur.

Sexta Regula. Quicquid inferitur ex Consequenti, inferitur etiam ex antecedenti, & ex

quocunque infertur Antecedens , infertur etiam Consequens . verbi gratia homo est animal, ergo est viuens . Si ex hoc Consequenti inferamus, homo est corpus, poterit etiam inferri ex illo Antecedenti scilicet , homo est animal, ergo homo est corpus, quæ Argumentatio dicitur de primo ad vltimum. Similiter in eadem Consequencia , si illud Antecedens homo est animal, infertur ex altero Antecedenti, nempe homo est rationalis, ex eadem poterit inferri idem consequens, nempe, homo est rationalis, ergo homo est corpus. Hæ sunt Regulæ pro Consequencia bona obseruandæ , post quarum explicationem ad species ipsius Argumentationis discutiendas transeamus . habet enim Argumentatio quatuor sub se species , Syllogismum, Enthymema, Inductionem, & Exemplum , ne quarum singulis ordine trademus, ac primum de Syllogismo qui omnium prima species est. Cum autem ex Syllogismis quidam sit hypotheticus , qui partem aliquam antecedentis propositionem habet hypotheticam , quidam Categoricalis, qui ex simplicibus propositionibus conficitur , initium ab hoc sumemus , qui simplicior est.

*De Syllogismo Categorico, & eius principijs.**Cap. III.*

SYllogismus est oratio, in qua quibusdam
 Positis necessario aliud sequitur per ea,
 quæ posita sunt, Dicitur, Oratio, loco gene-
 ris: additur, Quibusdam, vt intelligamus nõ
 vnã propositionem, sed plures necessarias
 esse ad syllogismum, non enim Syllogismus
 est argumentatio, quæ ex vnica propositio-
 ne alteram infert, sed quæ ex pluribus. Dici-
 tur, Positis, vt notum sit, tales propositiones,
 ex quibus Syllogismus confitetur, aliquem
 inter se ordinem, & dispositionem habere,
 quam inferius trademus. Dicitur etiam, Po-
 sitis, idest concessis, quia vis Syllogismi tan-
 ta est, vt si semel quis Antecedens admiserit
 cogatur & Consequens admittere ex virtute
 ipsius Antecedentis præconcessi, & hoc si-
 gnificatur in illo, quod dicitur, Ex necessita-
 te aliud sequitur per ea posita sunt. Dici-
 tur tandem, aliud, quia conclusio, quæ infer-
 tur, semper est Enunciatio aliqua ab Antece-
 denti distincta: Non enim est Syllogismus,
 cum idem infertur, quod erat in Antecedenti,
 Constat ante Syllogismus materia, & for-
 ma: Materia quidem duplex est, remota, &
 propinqua, Remota, sunt termini: Propinqua,

simplices propositiones, quarum subiecta, vel prædicata termini dicuntur. Hi vero termini, ex quibus Syllogismus remotè conficitur, tres solum sunt: Propositiones autè due, quæ Præmissæ dicuntur, quæ ex illis constant terminis. Cum igitur duplex propositio ex tribus terminis, quin bis vnus sumatur, componi nequeat, fit vt vnus illorum in vtraque propositione repetatur, & talis, Medium in Syllogismo dici solet; Ille vero terminus, qui cum Medio in priori propositione, quæ Maior dicitur assumitur; Maior extremitas appellatur, ille verò alter, qui in posteriori propositione, quæ Minor dicitur, subsumitur, Minor extremitas vocatur, vt exemplo hoc patet, Omne animal est sensibile, Omnis homo est animal; vbi, animal est Medium Sensibile; Maior extremitas, Homo, Minor extremitas.

Forma syllogismi est figura, & modus. Figura est ordinatio trium terminorum inter se secundum debitam subiectionem, & prædicationem: idest illa dispositio, qua inter se ita disponuntur, vt vnus de Medio, vel Medium de altero, vel de vtroque prædicetur, vel vterque de ipso. Modus est ordinatio propositionum inter se secundum certam qualitatem, & quantitatem, scilicet quod si vna propositio negatiua, altera sit affirmatiua vel si vna particularis, altera vniuersalis, vel alijs modis, de quibus inferius dicemus.

Syl-

Syllogismorum duplex est modus inferendi, prior eorum, qui directè concludunt, posterior eorum, qui indirectè. Ille syllogismus directè concludit, qui conclusionem infert, in qua Maior extremitas de Minori prædicatur, qualis est iste, *Omne animal est sensibile. Omnis homo est animal, ergo Omnis homo est sensibilis*, ille verò concludit indirectè qui conclusionem infert in qua minor extremitas de Maiori prædicatur, *ut Omnis homo est animal, Petrus est homo, ergo aliquod animal est Petrus. Eorum autem qui directè concludunt, quidam est perfectus, quidam imperfectus. Perfectus est, qui nullius indiget, ut appareat necessariò concludere, idest qui conclusionem ita clarè, & dilucidè necessariò infert, ut lumine ipso rationis statim eius robur in concludendo perspiciatur, ut in isto, *Omne animal est substantia, Omnis homo est animal, ergo omnis homo est substantia*. Imperfectus est, qui alicuius mutationis circa propositionem indiget, ut appareat necessariò concludere, idest qui verè necessariò concludit, tamen non id apparet, quin prius fiat aliqua mutatio, scilicet aliqua conversio vel transpositio Oppositionis, per quam ad perfectum reducatur, de qua reductione postea dicere oportet.*

De triplici figura Syllogismorum, & Regulis communibus earum. Cap. IV.

SYllogismorum figura triplex est, iuxta triplicem Medij cum extremitatibus dispositionem. Prima in qua Medium alteri extremitati subijcitur, & altera prædicatur, ut Omne animal est substantia, Omnis homo est animal. Secunda in qua de utraque extremitate prædicatur, ut Omnis homo est animal, Nullus lapis est animal. Tertia in qua utraq; extremitati subijcitur, ut Omnis homo est corpus, Aliquis homo est animal. Sub qualibet autem figura varij sunt syllogismorum modi cum secundum quamlibet illarum multipliciter possint in quantitate, & qualitate ordinari propositiones. Sunt tamen quædam regulæ omni figure communes quas generaliter obseruare oportet.

Prima. Ex puris particularibus nihil necessario, sequitur, idest quando utraque præmissa est propositio particularis, vel Mediū in utraque particulariter supponit, tales præmissæ erunt inhabiles ad inferendum aliquā conclusionem. Vnde iste Syllogismus nihil valet. Homo est animal, Equus est animal, ergo Equus est homo. semper enim Medium debet in vna vel utraque præmissa vniuersaliter

liter supponere, quòd si fuerit aliquod complexum diuisiuè, sufficiet vt vna pars in vna, altera in altera distribuatur, vt Omnis homo, & Equus currit, Sortes, & Brunellus homo, & omnis equus sunt, ergo Sortes, & Brunellus currit.

Secunda. Ex puris negatiuis nihil sequitur id est, quando vtraque præmissa fuerit propositio negatiua, nihil ex tali dispositione sequetur formaliter. Vnde iste syllogismus est nullus, Nullum accidens currit, Nullus homo est accidens, ergo Nullus homo currit.

Dixi, formaliter, quia aliquando infertur conclusio, sed id non prouenit ex vi Syllogismi & propositionum dispositione, sed propter naturam quorundam Terminorum, qui adinuicem vnus de altero negatur, vt Nullus homo est lapis, Nullus Equus est homo, ergo Nullus Equus est lapis.

Tertia. Si aliqua præmissarum fuerit particularis, conclusio debet esse particularis, vt in hoc Syllogismo, Omnis musicus cantat. Aliquis homo est musicus, ergo aliquis homo cantat. In hac autem Regula id etiã obseruandum est, ne aliquis terminus particulariter supponens in præmissis, vniuersaliter supponat in conclusione. Vnde iste Syllogismus non valet. Aliqua substantia nõ est animal. Omnis homo est animal, ergo aliquis

quis homo non est substantia, nam Maior extremitas supponebat in præmissis determinatè, in conclusione verè distributiue: Non autem valet a non distributo ad distributum.

Quarta. Si aliqua præmissarum fuerit negatiua, Conclusio negatiua erit propter has autem duas regulas dici solet, Conclusio sequitur debiliorem partem, idest, particularem, vel negatiua fuerit aliqua præmissarum, talis erit conclusio. Quinta Medium non debet assumi in conclusione, aliter enim esset conclusio eadem cum vna ex præmissis. Non enim valet. Omne animal est substantia, Omnis homo est animal, ergo Omne animal est substantia. Aliquando licet Medium in conclusione ponere ad seruandam proprietatem Termini, vt Cognosco Petrum, & Petrus est veniens, ergo Cognosco Petrum, qui venit: Non enim aliter valeret, scilicet, Cognosco venientem, tunc enim variaretur appellatio, & daretur antecedens verum, & consequens falsum.

*De principijs quibus nituntur Syllogismi perfecti,
& de modis perfectis primæ figuræ.*

Cap. V.

DVo sunt principia naturali lumine perspecta, quibus humanum ingenium dissentire nequit, & in his nituntur quatuor modi

di Syllógismorum concludentium directè primæ Figuræ, qui modi perfecti ob id sunt, & ad eos ceteri reducuntur. Alterum principium est, Quicquid affirmatur vniuersaliter de aliquo subiecto, affirmabitur de illo, de quo tale subiectum affirmatur: quod principium vocant Dici de omni, in quo fundantur duæ consequentiæ perfectissimæ, & syllogismorum duplex modus. Prior, quando prædicatum vniuersaliter affirmatur de subiecto vniuersaliter affirmabitur de eo de quo tale subiectum etiam vniuersaliter affirmatur, vt Omne animal est substantia, & Omnis homo est animal, ergo Omnis homo est substantia, & iste dicitur primus modus figuræ primæ, scilicet Ex vniuersalibus affirmationibus.

Posterior est. Quando prædicatum de aliquo vniuersaliter affirmatur, si tale subiectum de alio particulariter affirmatur, etiam & prædicatum de eodem particulariter affirmabitur, vt omne animal est viuens, Aliquod corpus est animal ergo Aliquod corpus est viuens, Alterum principium est.

Quando vniuersaliter negatur aliquod prædicatum ab aliquo subiecto, negabitur de eo etiam, cui tale subiectum competit, & hoc vocetur Dici de nullo, in quo fundantur duo modi syllogismorum perfectorum. Prior est.

Quando prædicatum vniuersaliter negatur
ab

ab aliquo subiecto, vniuersaliter etiam negatur de omni eo, de quo subiectum vniuersaliter affirmatur, vt Nullum animal est lapis, Omnis homo est animal, ergo Nullus homo est lapis. Posterior est. Quando prædicatum vniuersaliter negatur de subiecto, & subiectum tale particulariter de aliquo prædicatur ab illo particulari illud prædicatum remouebitur, vt Nullum album est nigrum, Aliquis homo est albus, ergo Aliquis homo nõ est niger: Hæc igitur duo principia per se nota quatuor modos perfectos constituunt in prima figura, vt primus sit vniuersalis affirmatiuus, Secundo hoc collocetur vniuersalis negatiuus, Tertiò particularis affirmatiuus, Quarto particularis negatiuus. Sic autem vocantur, quia per primum infertur vniuersalis affirmatiua conclusio, Per Secundum Vniuersalis negatiua, Per Tertium Particularis affirmatiua, per Quartum verò particularis negatiua. Antiqui memoriæ causa carmina cõposuerunt, quibus omnes vtiles modi omnium syllogismorum cuiusque figuræ contingerentur. Sunt autem ista:

Barbara, Celarent, Darij, Ferio, Baralipton.
 Celantes, Dabitis, Fapesmo, Ferisefomorum)
 Cesare, Camestres, Festino, Barocco, Darapti
 Felapton, Disamis, Datisi, Bocardo, Ferison.)

In

In quibus obseruandum est esse quatuor vocales, A, E, I, O, Per A, intelligitur Vniuersalis affirmatiua: per E, Vniuersalis negatiua, Per I, particularis affirmatiua: Per O, particularis negatiua. Similiter obseruandum est in singulis dictionibus esse tres Syllabas: si enim in aliquibus sunt plures, vltimæ sunt metri causa. Per primam syllabam intelligenda est Maior, per Secundam Minor, per Tertiam Conclusio. Duo prima carmina sunt pro prima Figura, in quibus, si respicias quatuor dictiones primas, inuenies quatuor modos Syllogismorum perfectorum prædictos. Barbara, continet vniuersalem affirmatiuum, Celarent vniuersalem negatiuum, Darij, particularem affirmatiuum, Ferio, particularem negatiuum. Nec oportuit distinxisse alios duos Modos, in quibus ex duabus vniuersalibus affirmatiuis inferretur particularis affirmatiua, & ex duabus vniuersalibus, altera negatiua, & altera affirmatiua, inferretur particularis negatiua. Nam hi modi sub Barbara, & Celarent, continentur: Syllogismus enim qui infert vniuersalem, potest etiam particularem subalternatam inferre.

De modis indirectè concludentibus in prima figura, & de inutilibus modis eiusdem.

Cap. VI.

PRæter quatuor prædictos modos perfectos, sunt adhuc in prima figura alij quinque indirectè concludentes, sequētibz quinque dictionibus indicati. Primus est Baralip-ton, Ex duplici vniuersali affirmatiua, concluditur particularis affirmatiua, Omne animal est substantia, Omnis homo est animal, ergo aliqua substantia est homo.

Secundus Celantes. Ex duplici Vniuersali, altera affirmatiua, & altera negatiua, concluditur indirectè vniuersalis negatiua. Nul-lum animal est insensibile; Omnis homo est animal, ergo nullum insensibile est homo.

Tertius est Dabitis. Ex maiori vniuersali affirmatiua, & Minori particulari affirmatiua concluditur particularis affirmatiua, Om-ne album est currēs, Aliquis homo est albus, ergo Aliquod currens est homo.

Quartus ex Fapesmo. Ex maiori vniuersali affirmatiua, & Minori vniuersali negatiua concluditur negatiua cōclusio particularis. Omne album est coloratum, Nullus coruus est albus, ergo Aliquod coloratum non est coruus.

¶

Vlti-

Vitimus est Frisefomorum. Ex maiori particulari affirmatiua, & Minori vniuersali negatiua, concluditur particularis negatiua, Aliquod nigrum est homo, Nullum album est nigrum, ergo Aliquis homo non est albus.

Sunt autem duæ regulæ Modis omnibus perfectis primæ figuræ conuenientes, quæ in modis indirectè concludentibus non habent vniuersaliter locum, quarum prior est. In Modis perfectis primæ Figuræ, Minori existenti negatiua, nihil sequitur, Vnde non valet, Omne album est coloratū, Nullus coruus est albus, ergo Nullus coruus est coloratus. Huius regulæ ratio est, Quia argumentamur à non distributo ad distributum ex parte Maioris extremitatis, cuius signum est, si enim talis extremitas in Maiori distribueretur, esset syllogismus bonus, sed talis propositio esset à communi modo loquendi aliena. Vnde ista valet, Omne album est omne coloratū, Nullus coruus est albus, ergo Nullus Coruus est coloratus. Hæc tamen regula non habet locum in modis indirectè concludentibus, in Fapesino enim & Frisefomorum valet Minori existenti negatiua, vt diximus.

Posterior regula est. In primæ figuræ modis perfectis, Maiori existenti particulari, nihil sequitur. Vnde non valet, Aliquod coloratum est album, Omne nigrum est coloratū
ergo

ergo Omne nigrum est album. Huius regula ratio est, quia Maiori existenti particulari, Medium in neutra præmissarum vniuersaliter sumitur, cuius signum est, si in vna distribuatur, valebit: sed talis propositio erit inuitata. vt Aliquod coloratum est album, Omne nigrum est omne coloratum, ergo Omne nigrum est album. Hac etiam regula non valet in Modis indirectè concludentibus, nã in Frisefom. valet Maiori existenti particulari.

Ex his regulis simul cum prioribus communibus colligitur, non posse esse in prima Figura nisi quatuor modos perfectos, nam duæ propositiones quadrupliciter possunt secundum quantitatem ordinari: aut enim vtraque vniuersalis, aut vtraque particularis, aut Maior vniuersalis, & Minor particularis, aut Maior particularis, & Minor vniuersalis. Quæque autem harum secundum qualitatem possunt adhuc quadrupliciter disponi: quando enim vtraque est vniuersalis, tunc aut vtraque est affirmatiua, & sic est primus modus utilis ad inferendum in Barbara, aut vtraque negatiua, & hic est modus inutilis: quia ex negatiuis nihil sequitur, aut prima est negatiua, & secunda affirmatiua: & iste modus est utilis in Celarent, aut maior est affirmatiua & minor negatiua: & iste est inutilis modus per priorem Regulam positam.

Item,

Item, quando vtraq. est particularis tunc aut vtraq. est affirmatiua, vel vtraq. negatiua, vel prior affirmatiua, & posterior negatiua, vel prior negatiua, & posterior affirmatiua, & in his omnibus nullus reperitur modus utilis, quia ex puris particularibus nihil sequitur. Si verò Maior sit vniuersalis, & minor particularis, aut vtraque affirmatiua, & iste est modus utilis in Darij, aut vtraq. negatiua, & tunc est inutilis, aut prior negatiua, posterior affirmatiua, & est utilis in ferio: vel Maior est affirmatiua & minor negatiua, & iste est inutilis, quia in prima figura Minori existenti negatiua, nihil sequitur. Postremò potest esse Minor vniuersalis, & maior particularis, aut vtraque negatiua, aut vtraq. affirmatiua, vel prior affirmatiua, posterior negatiua, vel prior negatiua, & posterior affirmatiua, & nullus es istis modis est utilis, quia maiori existenti particulari nihil sequitur in prima Figura. Vnde solū supersunt quatuor modi, duo collecti ex prima combinatione, duo alij ex tertia: qui modi sunt illi prædicti, inclusi quatuor dictionibus primis.

De Regulis secundæ figuræ, & eius modis.

Cap. V I I.

Secunda figura est, in qua Medium prædicatur de vtraq. extremitate, cuius Figuræ

N tres

tres Regulae speciales sunt. Prima. Quando Maior est particularis non valet Syllogismus. Non enim sequitur, Aliquod coloratum est album, Nullum nigrum est album, ergo Nullum nigrum est coloratum. Ratio huius est, quia ex parte Maioris extremitatis argumentamur a non distributo ad distributum. Vnde si aliqua via fuerit per quam talis extremitas in conclusione non distribuatur, valebit Syllogismus, vt Aliquod coloratum est album, Nullum nigrum est album, ergo Nullum nigrum omne coloratum est.

Secunda. Ex puris affirmatiuis non valet Syllogismus, Omnis homo est animal, Omnis leo est animal, ergo omnis leo est homo, Huius ratio est, quia in neutra praemissarum Medium vniuersaliter sumitur, cuius signum est, si in altera distribuatur, valebit Syllogismus, Omnis homo omne animal est. Omnis leo est animal, ergo Omnis leo est homo.

Tertia. In secunda figura semper conclusio negatiua debet esse. Haec pendet ex illa Regula communi: Vna praemissa negatiua existenti, conclusio negatiua. erit. In secunda Figura quatuor modi utiles inueniuntur, selecti ex sexdecim modis, sicut in prima Figura. Designantur autem quatuor dictionibus primis tertij carminis, scilicet, Cesare, Camestres, Festino, Barocco. Primus. Ex Maiori negatiua vniuersali, & minori affirmatiua vniuersali

fali infert conclusionem negatiuam vniuersalem directè, Nullus lapis est animal, Omnis homo est animal, ergo Nullus homo est lapis. Potest hic indirectè concludere, si Conuertens conclusionis inferatur, scilicet: Nullus lapis est homo.

Secundus est Camestres. Ex Maiori vniuersali affirmatiua, & Minori negatiua vniuersali infertur conclusio negatiua vniuersalis directè. Et quia negatiua conuertitur simpliciter, etiam hic modus potest indirectè concludere, Omnis homo est animal, Nullus lapis est animal ergo Nullus lapis est homo, vel indirectè, Nullus homo est lapis.

Tertius est Festino. Ex maiori negatiua vniuersali, & Minori affirmatiua particulari sequitur Còclusio negatiua particularis. Nullum iniustum est bonum, Aliquis homo est bonus, ergo Aliquis homo non est iniustus. Iste modus non concludit indirectè, quia particularis negatiua, nec simpliciter, nec per accidens conuerti potest.

Quartus modus est, Barocco. Ex Maiori vniuersali affirmatiua, & Minori particulari negatiua. Conclusio infertur particularis negatiua, Omne currens mouetur, Aliquis homo non mouetur, ergo Aliquis homo non est currens, Eadem ratione nec iste potest indirectè concludere. Posset præter hos alius esse modus concludens indirectè, scilicet: Ex ma-

iori affirmatiua particulari, & minori negatiua vniuersali, quem modum diximus ineptū ad concludendum directè: Vnde valet, Aliquod coloratum est album, Nullum nigrum est album, ergo Aliquod coloratum non est nigrum, qui modus correspondet Frisefom: qui erat in prima Figura, concludens indirectè.

De tertia Figura, Regulisq. & Modis eius.

Cap. VIII.

Tertia figura est, in qua Medium vtrique extremitati subiicitur, duo autem ei insunt. Alterum est, Minori existenti negatiua nihil sequitur, vnde non valet, Omne animal est corpus, Aliquod animal non est lapis ergo Lapis non est corpus, Ex parte enim Maioris extremitatis arguitur a non distributo ad distributum, cuius signum est si in conclusione non distribuatur maior extremitas, valebit, vt Omne animal est corpus, Aliquod animal non est lapis, ergo lapis non omne corpus est. Alterum est, in Tertia figura semper conclusio est particularis. Vnde non valet Omnis homo est rationalis, Omnis homo est animal, ergo omne animal est rationale, Arguitur enim a non distributo ad distributum ex parte Minoris extremitatis cuius signum est, si illa minor extremitas distribuatur, valebit syllogismus; sed tales propositiones efficiuntur de incon-

consuetudo modo loquendi. Vnde valet, Omnis homo est rationalis, Omnis homo omne animal est, ergo omne animal est, rationale.

In tertia Figura sex modi vtile: inueniuntur, significati vltima dictione tertij carminis, scilicet Darapti & sequentibus. Primus igitur est in Darapti. Ex vtraq. præmissa vniuersali affirmatiua sequitur conclusio particularis affirmatiua. Omne animal est substantia, Omne animal est sensibile, ergo aliquod sensibile est substantia. Secundus est in Felapt. Ex præmissis vniuersalibus Maiori negatiua & minori affirmatiua insertur Conclusio particularis negatiua, Nullum animal est insensibile, Omne animal est corpus, ergo Aliquod corpus non est insensibile.

Tertius est in Disamis, Ex maiori particulari affirmatiua, & minori affirmatiua vniuersali insertur conclusio affirmatiua particularis. Aliquod animal currit, Omne animal est substantia, ergo aliqua substantia currit.

Quartus est in Datisi. Ex maiori vniuersali affirmatiua: & minori particulari affirmatiua insertur conclusio particularis affirmatiua. Omne currens mouetur, Aliquod currens est homo, ergo Aliquis homo mouetur.

Quintus est in Boccardo. Ex minori affirmatiua vniuersali, & minori negatiua particulari insertur conclusio negatiua particularis. Equus non est homo, Omnis equus est animal

mal, ergo Aliquod animal non est homo.

Sextus est in Ferison. Ex maiori vniuersali negatiua & minori particulari affirmatiua sequitur conclusio particularis negatiua, Nulla arbor est animal, Aliqua arbor est corpus, ergo Aliquod corpus non est animal.

Etiam in hac figura syllogismi indirectè concludunt, quorum conclusiones simpliciter conuertere possunt, quales sunt tres existentes in Darapti, Disamis, Datifi. Ex his omnibus patet, vnde viginti modos esse vtilis, nouem ex prima figura, quatuor ex secunda, sex ex tertia. Patet etiam in prima figura concludi omnia genera propositionum scilicet, vniuersalem affirmatiuam, Vniuersalem negatiuam, & particulares affirmatiuam & negatiuam. In secunda vero figura solum vniuersalem, & particularem negatiuas, in tertia particulares affirmatiuam, & negatiuam. Patet etiam inter omnes propositiones particularem negatiuam pluribus posse modis syllogizari. Concluditur enim directè in vno primæ & duobus modis secundæ, & tribus tertiæ figuræ. Post hanc particularem affirmatiuam, concluditur enim in vno primæ & tribus tertiæ. Post hanc, vniuersalem negatiuam, quæ solum in vno primæ & duobus secundæ concluditur. Vltimum locum habet vniuersalis affirmatiua, quæ solum syllogizatur in Barbara.

De modis reducendi syllogismos imperfectos ad perfectos. Cap. IX.

SVperius syllogismos imperfectos ad perfectos qui solum sunt quatuor primæ figuræ reducendos esse diximus, vt eorum vis, & in concludendo robur magis innotescat, prius tamen modum, quo id fiat, tradere oportet. Fit autem dupliciter ista reductio, aut per ostensionem, aut ad impossibile. Reductio per ostensionem, est cum aliquis syllogismus ex illis imperfectis per conuersionem alicuius propositionis per eosdem terminos fit in aliquo ex quatuor perfectis, vt si fiat syllogismus in Cesare, Nullus lapis est animal, Omnis homo est animal, ergo Nullus homo est lapis: reducitur ad celarent ostensiuè, nempe per simplicem conuersionem maioris, sic, Nullum animal est lapis, Omnis homo est animal, ergo nullus homo est lapis. Vtimur autē hac ostensione, vt manifestemus conclusiones syllogismorum optimè sequi ex suis præmissis. Vis autem probationis in hac regula consistit: Quicquid sequitur ex consequenti bonæ consequentiæ, sequitur etiam ex antecedenti. Cum igitur fit bona consequentia à conuersa ad conuertentem, quicquid sequitur ex conuertente, etiam sequetur ex conuersa. Talis autem conclusio sequitur ex con-

N 4. uer-

uertente, vt manifestè patet in syllogismo perfecto, ergo eadem conclusio bene inferebatur etiam ex conuersa, quæ erat præmissa syllogismi imperfecti.

Reductio ad impossibile est, cum ex contradictorio Conclusionis cum aliqua præmissa inferatur Contradictorium alterius Præmissæ, & hoc in syllogismo perfecto. Fiat enim syllogismus in Barocco, Omne sensibile est animal, Arbor non est animal, ergo Arbor non est sensibilis. Si sumatur Contradictorium Conclusionis huius pro Minori cum eadem Maiori, inferetur in Barbara cōtradictorium Minoris præcedentis, vt Omne sensibile est animal, Omnis arbor est sensibilis, ergo Omnis arbor est animal.

Vsus huius reductionis est, cum quis negat conclusionem prædicti syllogismi concessa Maiori, & Minori, existimans consequentiam non esse bonam, ob idq. præmissas posse veras esse, conclusione existente falsa. Tunc aduersus huiusmodi hominem sumendum est contradictorium conclusionis, quam negat, quod tenetur admittere tanquam verum, cum duo contradictoria simul vera non sint, & illud idē Contradictorium simul cū vna ex præmissis concessis inferetur Cōtradictorium alterius præmissæ etiam concessæ in modo perfecto, quem non possit ipse negare, vt teneatur admittere duo contradictoria, quod est maxime

absur-

absurdum, vel consequentiam priorem affirmare & probare ut bonam, cum non possit cōsequens illius esse falsum, antecedente existente verò: Verbi gratia, in syllogismo prædicto concedit quis, Omne sensibile est animal, arbor non est animal, negat autem conclusionē arbor non est sensibilis, tunc argumentor, Cōtradiçtorium igitur erit verum, nempe, Omnis arbor est sensibilis, cum eadem igitur maiori, quæ data est vera, infero in syllogismo perfecto contradiçtorium minoris, sic, Omne sensibile est animal, Omnis, arbor est sensibilis, ergo omnis arbor est animal; syllogismus hic in Barbara evidenter colligit ex præmissis veris cōclusionem veram, quæ est contradiçtoria minoris concessæ ut veræ, non igitur dandum fuit contradiçtorium illius cōclusionis verum esse: Ecce quo pacto conuincitur, Conclusionem in Barocco non potuisse esse falsam, præmissis existentibus veris, ex quo constant talenr syllogismum esse argumentationem bonam, cum non possint præmissæ veræ esse conclusionem falsam. Hi igitur sunt duo modi syllogismos reducendi ad quatuor illos perfectos primæ Figuræ:

De modo, quo singuli Imperfecti ad Perfectos reducuntur. Cap. X.

Qui autem syllogismi, & qualiter, & ad quos perfectos reducuntur, manifestandum

dum est. Omnes igitur syllogismi cuiusque figuræ, reducuntur ad illos quatuor primos perfectos primæ, sed non eodem modo, nec omnes ad vnum, quod vt facilius intelligatur, notandæ sunt quatuor consonantes, quæ in dictionibus præscriptis reperiuntur, prima, quæ est in principio cuiusque dictionis, & hæc denotat talem syllogismum reducendum esse ad modum perfectum, qui tali littera incipit, vt qui incipit in C, ad Celarent, qui F, ad Ferio, qui B, ad Barbara, qui D, ad Darij. Vnde Cesare, Camestres, Celantes, ad Celarent reducuntur: Barocco, & Boccardo, ad Barbara, Festino, Ferison, Fapesmo, Felapton, ad Ferio, reliqui ad Darij. Est etiam, S, & hæc denotat talem præmissam, vel conclusionem significatam per vocalem præcedentem, conuertendam esse simpliciter, vt Cesare, ratione primæ, nempè C, indicat reducendum ad Celarent, ratione, S, notatur, Maiorem, quæ significatur per E: ante S, conuertendam simpliciter. Est etiam, P, & hæc notat conuersionem per accidens præmisse notatæ in vocali præcedenti, vt Darapti denotatur, vt conuertatur ad Darij per solam conuersionem Minoris, vbi est, P, per accidens. Est præterea, M, & hæc denotat transpositionem præmissarum, vt ex Maiori fiat Minor. Denique est, C, & notat talem modum reducendum per Impossibile, sumpto contradictorio conclu-

omnes figuræ reducuntur ad quatuor primos perfectos

quatuor perfecti primæ sunt

simpliciter autem ut C. P. utroque acci.

m. uult transponi, c. impossibilem duci

tionis loco præmissæ notatæ per vocalem antecedentē. Sub hac autem reductione includuntur modi imperfecti indirectè concludentes.

Cesare igitur reducitur ad Celarent per conuersionem simplicem Maioris, Nullus lapis est animal Omnis homo est animal, ergo nullus lapis est homo, si dicas, Nullum animal est lapis, Omnis homo est animal, ergo nullus homo est lapis. Camestres etiam ad Celarent per conuersionem simplicem Minoris, quod notatur in S, medio, & præmissarum transpositionem, quod notatur per illud, M, & simplicem conuersionem conclusionis, quod notatur per vltimum, S, verbi gratia, Omnis homo est animal: Nulla arbor est animal, ergo Nulla arbor est homo: Reducitur sic, Nullum animal est arbor, Omnis homo est animal, ergo Nullus homo est arbor.

Barocco ad Barbara ad impossibile, quod significatur per C, cum eadem maiori, & contradictorio conclusionis posito pro minori, Omnis homo est animal, Arbor non est animal, ergo arbor non est homo, sic, Omnis homo est animal, Omnis arbor est homo, ergo Omnis arbor est animal.

Eadem obseruatione poterunt omnes alij facile reduci, quos pro exercitatione iuuenū reducendos relinquimus. Quamuis autem Barocco, & Boccardo per Impossibile reducuntur, non ita hoc intelligendum est, quasi alij

etiam

non

non reducantur, sed quod hi non ostensione, sed tantum per Impossible reducantur, ceteri enim & ostensione, & per impossibile reduci possunt.

Quo pacto alij modi ad Impossible reducantur.

Cap. XI.

Cum non solum illi Modi duo, sed etiam omnes alij ad impossibile reducantur in eisdem quatuor primæ figuræ, superest ut modum quo reduci possint, & ad quem ex illis quatuor reducantur, aperiamus. Non enim eadem via omnes, nec ad eundem modum, ad quem per ostensionem, reducuntur. Propterea aduertendum est primò, Syllogismos quatuor Secundæ figuræ reduci, sumpto Contradictorio conclusionis pro minori cum eadem maiori, ex quibus inferitur contradictorium Minoris, ut fiat in Cesare Syllogismus, Nullus lapis est animal, Omnis homo est animal, ergo Nullus homo est lapis. Reducitur sic iuxta prædictam regulam, nullus lapis est animal, Aliquis homo est lapis, ergo Aliquis homo non est animal, qui Syllogismus est in Ferio, At Syllogismi Tertiæ Figuræ reducuntur contradictorio conclusionis sumpto pro Maiori, cum eadem Minori, ex quibus inferitur contradictorium Maioris, ut fiat Syllogismus in Darapti, Omnis homo est animal, Omnis

nis homo est risibilis, ergo Aliquod risibile est animal: Reducitur iuxta regulam sic, Nullum risibile est animal, Omnis homo est risibilis, ergo Nullus homo est animal, in Celarent.

In modis autem indirectis primæ assumendum est contradictorium cōclusionis pro Maiori, & Maior debet fieri Minor, ex quibus inferetur contradictorium Minoris mediatè, præter Celantes, in quo Minor sumenda est pro maiori, & Contradictorium conclusionis pro Minori ad inferendum contradictorium maioris, vt fiat Syllogismus, in Fapesmo. Omne animal est sensibile, nullius lapis est animal, ergo aliquod sensibile non est lapis, reducitur ad barbara, omne sensibile est lapis, omne animal est sensibile, ergo omne animal est lapis.

Aduertendum est. Secundo in Syllogismis ad Impossibile reducentibus non semper inferri Contradictorium præmissæ alterius Syllogismi primò & immediatè, aliquando enim infertur contraria, vt in Darapti, aliquando contraria conuertentis negatiuè, vt in Fapesmo, sed quia ex istis facile est deducere contradictoria propterea asseritur, Syllogismum ad Impossibile inferre contradictorium.

Aduertendum est. Tertiò esse aliquot dictiones: quibus manifestatur ad quos modos primæ Figuræ, reliqui ad impossibile reducuntur, nempe nesciebatis, Odiebam, Letare, Romanis

manis, in quibus tria consideranda sunt. Primum, esse quatuor vocales denotantes illos quatuor primæ figuræ, A, denotat Barbara, E, Celarent, I, Darij, O, Ferio.

Deinde prima dictio habet quinque Syllabas pro quinque modis indirectis primæ figuræ. Secunda quatuor pro quatuor modis Secundæ, duæ ultimæ sex, pro sex modis Tertiæ. Postremò primæ Syllabæ significant primos modos, Secundæ secundos, & sic consequenter in qualibet dictione. Vnde Nesciebatis prima syllaba est pro Baralipson, notat reducendum ad Celarent. Secunda notat Celantes reducendum ad Darij, & sic consequenter. Pariter in secunda Figura, Odiebam, prima indicat Cesare reducendum ad Ferio. Secunda Camestres reducendum ad Darij. eadem est ratio in alijs omnibus. Aduertendum est vltimo Aristotelem etiam duos ex prima figura modos particulares reduxisse ad alios duos vniuersales ad Impossibile, sed non immediatè sicut reliquos, sed mediatè: nam primò reducuntur ad Secundam Figuram, & ex Secunda figura per ostensionem postea reducuntur ad Barbara, & Celarent, vt Darij ad Impossibile reducit ad Camestres eadem, regula qua Syllogismus secundæ Figuræ reducuntur: nempè, cum eadem Maiori, & contradictorio conclusionis pro Minori, ex quibus infertur contradictorium Minoris, vt fiat in Darij,

Darij, Omne animal sentit, Aliquod albū est animal, ergo Aliquod album sentit, reducitur Omne animal sentit, Nullum album sentit, ergo Nullum album est animal. Ferio autem reducitur ad Cesare, vt nullus lapis est animal Aliquod album est lapis, ergo Aliquod album non est animal, reducitur, Nullus lapis est animal, Omne album est animal, ergo Nullum album est lapis. Postea verò hos reducere ad Celarent ostensiuè facile est. Ex quibus omnibus patet quot sint Syllogismorum modi, & quo pacto omnes ad illos duos vniuersales primæ tanquam ad fontem reducantur. Erit satis vtile, si studiosi iuuenes in his reducendis maximè exerceantur, totum enim negotium logicum maximè ex natura Syllogismi recta cognitione, & speculatione dependet, ob idque nos quosdam solum reduximus, vt iuxta regulas his exemplis illustratas reliquos inter se conferentes reducerent.

*De arte inueniendi Medium ad concludendum
quamque propositionem.*

Cap. XII.

Postquam vniuersos modos concludendi in qualibet figura ostendimus, superest, vt artem qua proposita quauis conclusione, Medium aptum ad eam concludendum inuenia-

niatur, ostendamus. Hac autem sequentibus continetur cōclusionibus. Ante quas oportet supponere noticiam trium Terminorum, scilicet, medij antecedentis, consequentis, & extranei. Illud medium dicitur antecedens ad aliquem terminum, quod infert illum, vel tanquam inferius, vel tanquam conuertibile, vt homo est antecedens ad animal, & ad risibile. Illud dicitur consequens alicuius, quod inferitur ex illo, vel tanquam superius, vel tanquam conuertibile, vt animal est consequens ad hominem, & hinnibile ad equum. Illud autem dicitur extraneum, quod de illo non potest affirmari, vt homo ad equum.

Est igitur prima conclusio, ad concludendum vniuersalem affirmatiuam, quod solum fit in Barbara oportet sumere medium consequens ad subiectum, & antecedens ad prædicatum, id est terminum qui de subiecto prædicetur, & sit illo superior, & inferior prædicato verbi gratia ad concludendum Omne animal est substantia sume corpus, Omne corpus est substantia, Omne animal est corpus, ergo omne animal est substantia, vel sume aliquod conuertibile cum subiecto, scilicet sensibile, sic, Omne sensibile est substantia, Omne animal est sensibile, ergo omne animal est substantia.

Secunda. Ad concludendam particularem affirmatiuam in Tertia figura, vel in prima
per

per conuerſionem particularis affirmatiuæ ſumendum eſt Medium, quod ſit antecedens ad vtrumque, ſcilicet ſubiectum & prædicatum, verbi gratia Ad concludendum, aliquod animal eſt ſubſtantia, ſume iſtud Medium homo, ſic Omnis homo eſt ſubſtantia Omnis homo eſt animal, ergo. Aliquod animal eſt ſubſtantia, in Darapti.

Tertia. Ad concludendam vniuerſalem negatiuam in Ceſare, & Celarent ſumendum eſt Medium extraneum ad prædicatum, & conſequens ad ſubiectum, verbi gratia ad concludendum, Nullus homo eſt lapis, ſumendum eſt animal, vel, Riſibile, ſic, Nullum animal eſt lapis, Omnis homo eſt animal, ergo nullus homo eſt lapis, vel nullus lapis eſt animal, omnis homo eſt animal, ergo nullus homo eſt lapis.

Quarta. Ad concludendum eandem vniuerſalem negatiuam in Cameſtres, vel Celantes indireccte, ſumendum eſt Medium extraneum ad ſubiectum, & conſequens ad prædicatum, vt ad concludendum eandem, ſcilicet, nullus homo eſt lapis, ſume inanimatum. Omnis lapis eſt inanimatus, nullus homo eſt inanimatus, ergo nullus homo eſt lapis.

Quinta. Ad concludendum particularem negatiuam in Tertia figura aut indireccte in prima, ſumere oportet Medium antecedens ad ſubiectum, & extraneum ad prædicatum, vt ad concludendum, animal non eſt inſenſibi-

le, sumatur, Homo, sic, nullus homo est insensibilis Omnis homo est animal, ergo animal non est insensibile.

Sexta . Ad inferendum particularem affirmatiuam indirecte in Baralipton, & Dabitur , sumendum est medium antecedens ad subiectum, & consequens ad prædicatum, vt ad concludendum, aliquod corpus est equus, sumendum, est, Viuens, sic, Omne viuens est corpus, Omnis Equus est viuēs, ergo aliquod corpus est Equus , nec potest aliud Medium ad concludendum aptum sumi, si enim altius hoc speculati fuerimus, inueniemus Medium aliquod posse modis nouē se habere ad extremitates, ex quibus conclusio Syllogismi constat, ex quibus modis, sex apti, tres vero inepti ad inferendum cōperientur. Primo enim potest esse cōsequens ad subiectum, & prædicatum, id est superius vtraque extremitate, & tunc est inutile; quia si superius est vtraque extremitate, debet de vtraque affirmatiue prædicari, & faciet præmissas affirmatiuas in secunda figura, quod esse non potest . Secundo potest esse extraneum ad vtranque extremitatem, & sic etiam est inutile, quia debet de vtraque negari, & sic faceret ambas præmissas negatiuas quæ est combinatio inutilis . Tertio potest esse extraneum subiecti, antecedens prædicati, & sic etiam est inutile, quia si est antecedens prædicati, denotat Maiorem esse affirmatiuā

in

in qua Maior extremitas, quæ est prædicatum prædicetur de Medio, & si est extraneum Minoris extremitatis, vel negatur de illa, & tunc in prima figura esset minor negatiua, vel Minor extremitas negatur de ipso, & tunc talis Syllogismus esset in Tertia figura minori negatiua, quod esse non potest. Reliqui sex modi quibus mediū potest sumi, sunt vtilis, & tales sunt supradicti, nā vel est antecedens ad vtrūque & tunc infert particularem affirmatiuam in Tertia figura, vel est cōsequens ad prædicatum, antecedens ad subiectum, & sic infert particularem affirmatiuam indirecte in Baralipon, & Dabitis, vel consequens ad subiectum, & antecedens ad prædicatum, & sic infert vniuersalem affirmatiuam in Barbara, vel extraneum subiecti, consequens prædicati, & sic infert vniuersalem negatiuam in Camestres, & Celantes, vel est extraneum prædicati, consequens subiecti, & sic infert vniuersalem negatiuam in Celarent, & Cesare; Vel est extraneum prædicati, antecedens subiecti, & sic infert particularem negatiuam in tertia figura, & indirecte in prima.

*De dictionibus, quibus hæc regulæ facilius retinentur
& de principijs quibus combinationes inutiles
examinantur. Cap. XIII.*

SI autē magis in prōptu istas regulas habere cupis, sūt quædā inuētæ dictiones, quibus
O 2 faci-

facilius cognoscamus, quo Medio quæque propositio concludenda sit, Dictiones autem hæ sunt.

Fecana, Cageti, Dafenes, Hebare, Gedaco, Gebali. Febas, Hedas, Hecas in quibus primū est considerandum tertiam vocalem ultimā denotare conclusionem quæ debet inferri eo modo, quo superius diximus de istis vocalibus, ac propterea in tribus ultimis dictionibus non ponitur tertia vocalis, quia per illas designatur Medium inutile ad inferendū. Est secundo considerandum esse sex consonantes, B, C, D, F, G, H. Per, B, intelligitur medium cōsequens ad prædicatum, per C, antecedens ad prædicatum, per D, extraneum ad prædicatū: reliquæ tres sunt pro subiecto, F, consequens ad subiectum, G, antecedens, H, extraneum, Aduertendum tertio primam dictionem esse pro prima regula, secundam pro secūda, & sic consequenter. Vnde Fecana, idest ad concludendum vniuersalē affirmatiuā in Barbara, sumendum est Medium consequens ad subiectū, quod denotatur per F, & antecedens ad prædicatum, quod notatur per C, sic in alijs. Sunt autem duæ vocales mediæ notandæ. A, significat prædicatum, E, subiectum. Hæ autem dictiones in sequenti figura habentur expressam figuram ridiculo vocabulo antiquiorem Asinorum vocabant, quia hominibus tardi ingenij ista ars inueniendi Medium non esset intelligibilis, sed iā profecto nullus est ita ingenij inops, cui non sit facilis, & manifesta.



Sunt autem duo principia, quibus Aristoteles utitur ad combinationes inutiles Syllogismorum examinandas, quæ vocantur Dare terminos, in quibus Omni, & dare terminos, in quibus nulli. Hoc autem nihil aliud est, quàm proposita combinatione aliqua inutili, dare tres terminos similes eadē dispositione dispositos, in quibus vniuersalis affirmatiua composita ex extremitatibus stet in veritate cum illis duabus propositionibus, & dare alios tres eadem dispositione dispositos, in quibus vniuersalis negatiua composita ex extremitatibus sit simul vera cum illis duabus propositionibus, & per hoc probatur talis duarum propositionum dispositio esse inutilis, quia qua parte est vera negatiua vniuersalis, est inutilis dispositio ad inferendam affirmatiuam: nam tunc daretur antecedens verum, & consequens falsum, quod repugnat bonæ consequentiæ: qua parte est vera affirmatiua vniuersalis, est inutilis eadem dispositio ad inferendum negatiuam eadem causa, ac ideo non est formalis consequentia. Formalis enim consequentia in terminis, & propositionibus similibus semper ita se habet ut antecedens verum, & consequens falsum esse nequeat. Dare terminos affirmatiue, est dare terminos, in quibus omni, Dare negatiue, est dare in quibus nulli, verbi gratia volo probare hanc dispositionem esse inutilem, animal est currens, Homo est animal, do tres terminos

nos, in quibus vniuersalis affirmatiua constās ex extremitatibus propositionum cōpositarū. ex illis, stet in veritate cum eisdem propositionibus eodem modo dispositis, color, accidēs, albedo, sic, color est accidens, albedo est color, Omnis albedo est accidens. Talis ergo dispositio non potest inferre semper negatiuam quia modi affirmatiua ex illis extremitatibus compositis est vera. Do alios tres, in quibus Nulli, animal, currens, Homo. Animal currit, homo est animal. Cū his potest esse quod nullus homo currat, ergo non est illa dispositio apta formaliter ad inferendum affirmatiuam & sic oratio est inutilis: ita possunt dari termini in omni inutili combinatione. Potest autē in istis terminis inueniendis hæc regula obseruari, vt accipiamus vel duos terminos diuersos, & qui adinuicem negentur cum aliquo superiori ad vtrumque, vel duos terminos, quorum vnus sit consequens ad alterum cum aliquo extraneo, vel etiam cum superiore, vel tres disparatos, & per hos poteris examinare quamcunque combinationem.

De Syllogismo ex obliquis, & de Expositorio.

Cap. XIII.

A Liquando Syllogismi ex terminis obliquis fiunt, non solum ex parte extremitatum

tatum, vt Omnis creatura est Dei, Angelus est creatura, ergo Angelus est Dei. Omnis Iustitia est perfectio, in Deo est Iustitia, ergo in Deo est perfectio, sed etiam ex parte Medij, aliquando enim medius terminus est obliquus vt in Maiori, vel in Minori, vel in vtraque simul. Etiam obliquus varius esse potest iuxta casum multitudinem. Verbi gratia. Cuiq. animali inest sensus, homo est animal, ergo homini inest sensus. In omni loco est Deus. Terra est locus, ergo in terra est Deus. Sunt autem, in istis ista obseruanda, Primum vt extremitas, quæ fuerit obliqua in præmissis, ita maneat in conclusione, vt apparet in Syllogismis positis. Secundo quando medium est obliquum in vna præmissa, tunc illa extremitas, quæ cū medio obliquo ponitur, debet in conclusione inferri in recto, & altera extremitas in obliquo. Verbi gratia, Omnis entis est scientia, Corpus est ens, ergo Corporum est scientia, Quando verò in vtraque est obliquum medium, extremitas inferetur vtraque in recto, vt nulla pax vera inest impio, ocium inest impio, ergo ocium non est pax. Tertio quando in præmissa negatiua fuerit obliquus, in affirmatiua rectus, sequitur conclusio de obliquo nulli animal irrationali inest ratio, Equus est animal irrationale, ergo Equo non inest ratio, quando autem fuerit affirmatiua de obliquo, & negatiua recta, non ita sequitur, non enim valet
homo

homo non est Angelus, Omni homini inest intellectus, ergo Angelo non inest intellectus. Præter hos Syllogismos aliquando euenit, vt medium in quibusdam sit terminus singularis & hic Syllogismus expositorius dicitur, qui maxime Tertiæ figuræ familiaris est eo, quod in ea Medium subijciatur, proprium autē sit singularium terminorum subijci. Petrus est animal, & Petrus est currens, ergo aliquod currens est animal. Fiunt etiam Syllogismi expositorii ex medio vniuersali, puta cum volumus alicuius generis, vel superioris inferius aliquod demonstrare, vt si fieret Syllogismus in Barocco. Omnis homo est animal, aliquod album non est animal, ergo aliquod album nō est homo fit expositorius si sumamus aliquod inferius sub minori, scilicet aliquod album, quod non sit animal nempe Niuem, & fiat Syllogismus in Felapton, nulla nix est animal, omnis nix est alba, ergo aliquod album non est animal. Iste Syllogismus ab Aristotele vocatur Expositorius, quia per summptionem inferiorum probat vniuersalius illud minoris præcedentis, idest aliquod album non est animal, & talis etiam in alijs figuris a Tertia optime fieri potest.

De sex potestatibus, & tribus defectibus Syllogismorum. Cap. XV.

Syllogismorum potestates sex sunt, prima est plura concludendi, Syllogismus enim qui infert Vniuersalem, potest inferre eius vniuersalis subalternatam, & inferens conclusionem, potest inferre eius conuertentem, & id quod sequitur ex tali conclusione.

Secunda est, Verum ex falsis Syllogizandi, eadem enim forma Syllogismi aliquando verum ex vero deducimus, vt Omne animal est sensibile, Omnis homo est animal, ergo Omnis homo est sensibilis: Aliquando verum ex falso, vt Omnis leo est rationalis, Omnis homo est leo, ergo Omnis homo est rationalis: Aliquādo etiam falsum ex falso concluditur.

Tertia est, Circulariter Syllogizandi: Est autē Syllogismus circularis ille, qui ex alterius conclusione cum vnius præmissæ conuertente infert alteram præmissam hoc autem fit in terminis conuertibilibus, vt Omne corpus est cōpositum ex materia & forma, Omne ens mobile est corpus, ergo Omne ens mobile est cōpositum ex materia & forma: Fit circularis conuersa Maiori, Omne compositū ex materia & forma est corpus, Omne ens mobile est compositum ex materia & forma, ergo omne ens mobile est corpus.

Quar-

Quarta est, Conuersiue syllogizandi, Est autem syllogismus conuersiuus, qui ex contradictoria, vel contraria prioris syllogismi cum altera præmissarum tollit alteram, idest eius contrariam, vel contradictoriam infert, quo maxime utimur, quando alterius rationem euertere volumus, vt omne album currit, Omnis homo est albus, ergo omnis homo currit: Fit conuersiuus ad tollendam Maiorem, Nullus homo currit, Omnis homo est albus, ergo aliquod album nõ currit. Potest etiam maior eadem particularis fieri, & erit in Boccardo.

Quinta est, syllogizãdi per impossibile: Est autem hic syllogismus qui ex contradictorio alicuius propositionis veræ, negatæ, cum altera propositione clare vera, infert manifeste propositionem falsam, vt fiat regressus ad negandum oppositũ propositionis negatæ, Verbi gratia negat quis, spongia est sensibilis, argumentabor sic, Omne animal est sensibile, Nulla spongia est sensibilis, ergo, nulla spongia est animal: Ista cõclusio est falsa, ergo præmissa aliqua falsa, non maior, quia est manifeste vera, ergo minor, opposita ergo negata, prius erat vera, hic autem oportet sumere cõtradictorium nam in contrarijs ex falsitate vnus non sequitur veritas alterius, cum vtrumque falsum esse possit.

Sexta potestas est, Ex oppositis syllogizãdi. Est autem iste syllogismus, quo ex duabus

con-

contrarijs, vel contradictorijs inferitur conclusio, qua negatur idem de se ipso. Vtimur hoc contra proteruos, contraria, vel contradictoria admittentes, Verbi gratia Nulla substantia est animal, Omnis substantia est animal, ergo animal non est animal.

Sunt autem tres in Syllogismis defectus: Primus est, Petere principium, qui tunc accidit, quando idem per idem vel aliquid per æque, aut magis ignotum probatur, vt Omnis homo est homo, & omnis homo est homo, ergo omnis homo est homo. Secundus est, Non propter hoc accidere falsum, qui tunc euenit quando syllogizando falsitas conclusionis illatæ imputatur alicui propositioni in antecedenti quæ vere non erat causa falsitatis illius: hoc autem maxime fit in Syllogismis, in quibus est aliqua præmissa superflua, Verbi gratia homo est animal, & omne corpus est viuens Omnis lapis est corpus, ergo Omnis lapis est viuens, Conclusio est falsa, ergo illa pars Antecedentis est falsa, scilicet, homo est animal. Hic falsitas conclusionis imputatur propositioni, quæ non est causa, nam ea semota adhuc sequitur conclusio falsa.

Tertius dicitur fallacia contrariæ opinionis, hic autem est, quando assentimur duabus contrarijs, vel contradictorijs, aut in vniuersali, aut in propria forma expressis, vt qui admitteret omne animal est corpus, & nigrum
nul-

nullum est corpus, in communi admittit has, omnis coruus est corpus, nullus coruus est corpus, quæ formaliter sunt contrariæ. Hoc defectu admonemur, ne simus præcipientes in concedendo, sed prius attente consideremus, & omnia perpendamus, ne postea in contraria, vel contradictoria dilabamur.

De Syllogismo ex Modalibus.

Cap. XVI.

Absolutis iam Syllogismis, qui ex propositionibus simplicibus, ac modo vacantibus conficiuntur, non inutile mihi futurum visum est. si ea, quæ Aristoteles fusissime de Syllogismis Modalibus tractat in breues, & paucas redegero conclusiones, ut has luenes prius facile edocti, se ad grauiiores in eisdem disputationes melius, & aptius accingant, ac propterea conclusiones simplices ex obscuro, & perplexo Aristotelis contextu erutas, proponam, difficultates quæ circa ipsas sunt, in proprium locum reseruando.

Quintupliciter igitur possunt ordinari istæ propositiones, secundum Modos duos necessario, & contingenter, de his enim, præcipuus est sermo, nam alij præposita, aut postposita, vna negatione, vel altera, æquivalent necessario, ut constat ex superioribus, aut enim vtræque est de necessario, aut altera de necessario,

al.

altera de inesse, quæ sine modo est, aut vtraq. de contingenti, aut vna de contingenti, & altera de inesse, aut tandem vna de contingenti, & altera de necessario. Hic autem sumimus contingentes pro eo, quod potest esse, & non esse, quod dicitur contingens specialiter sumptum, cuius naturam explicuimus Libro Tertio, & iuuabit lectorem illa eadem repetere.

Sit igitur prima Conclusio. In omni figura, & modo cuiusque figuræ ex vtraq. præmissa de Necessario. conclusio sequitur de necessario. Valet enim omne animal necessario est sensibile, omnis homo necessario est animal, ergo omnis homo necessario est sensibilis, similiter nullus lapis necessario est animal, omnis gemma necessario est lapis, ergo nulla gēma necessario est animal. Idem in alijs modis & figuris oportet existimare. Secunda Cōclusio. In prima figura maiori existente de necessario & minori de inesse, sequitur conclusio de necessario. In alijs vero figuris sequitur cōclusio necessaria, si illa sit necessaria quæ est maior syllogismi reductione facta ad primam Figuram. Vnde in secunda figura existente negatiua de necessario affirmatiua de inesse, sequitur conclusio de necessario, quia Negatiua fit maior in reductione ad primam. In Barrocco hoc non valet, quia non reducitur in terminis, nec in Boccardo, neutra enim existenti

stenti de necessario siue maiori, siue minori, & altera de inesse sequitur de necessario. In Tertia vero figura, si fuerit vniuersalis negatiua, de necessario sequitur Conclusio necessaria, vt in Felapton, & Ferison, quando vtraq. affirmatiua sit vniuersalis, vt in Darapti, siue sit maior, siue minor, sequitur necessaria: si altera particularis, vt in Disamis, & Datisi, si vniuersalis fuerit necessaria, sequitur conclusio alijs modis non contingit in his figuris.

Tertia Conclusio. In prima figura, vtraque contingenti in quatuor modis sequitur conclusio contingens, & in eisdem modis etiam sequitur, quando vtraque est negatiua vel minor sola, sed imperfectè. Dico imperfectè, quia opus est prius conuertere Minorem negatiuā in affirmatiuam, vel vtramque negatiuam in affirmatiuam, quod licet in Contingenti, vt superius diximus. Vnde sequitur, Contingit nullum album currere, contingit nullum hominē esse album, ergo Contingit omnem hominem currere, sed imperfectè sequitur, quia debemus mutare vtramque negatiuam in affirmatiuam, vt clarè, & manifestè sequatur. Si militer in alijs modis, Minori, vel vtraque existenti negatiua.

Quarta Conclusio. In prima figura in eisdem modis quatuor seruata eadem qualitate, & quantitate, propositionum, maiori existenti de Contingenti, & Minori de inesse, sequi-

quitur conclusio Contingentis specialiter dicti: at contra. Maiori existente de Inesse, & Minori de Contingenti, tam affirmatiua, quam negatiua, sequitur conclusio Contingentis non specialiter dicti, sed communiter, scilicet pro possibili, & inesse sumpti, vt facile erit exemplis ostendere.

Quinta Conclusio. In eadem prima Figura idem iudicium est de inesse necessario, & de Inesse solo, vt si Maior Contingens, & Minor necessaria, sequatur conclusio Contingentis specialiter dicti, scilicet pro eo quod potest esse, & potest non esse, at si Maior de necessario & Minor contingens, siue affirmatiua siue negatiua, Conclusio erit contingentis generalis. Quòd si necessaria fuerit maior, & negatiua, potest inferri conclusio de Inesse, vt necessario, nullum intelligens est equus, Contingenter omnis homo est intelligens, ergo nullus homo est equus.

Sexta Conclusio pro secunda figura. Ex vt aque contingenti in secunda figura vtcunque disponantur nihil sequitur, nec quando negatiua est contingens, & affirmatiua necessaria, vel de inesse. At quando affirmatiua est contingens, & negatiua necessaria, vel de Inesse, sequitur conclusio contingentis generaliter dicti, vt necessario nullus equus est homo, Contingenter omne currens, est homo, ergo Contingenter nullum currens est equus.

Se-

Septima Conclusio, pro tertia figura. In tertia figura, ex vtraque de Contingenti sequitur conclusio contingens, & ex vna de Contingenti, & altera de Necessario, vel de inesse, si contingens fuerit illa, quæ est Maior in reductione in figura prima erit conclusio Contingentis specialiter dicti, si verò fuerit in reductione Minor, erit Conclusio contingentis generaliter dicti.

De Syllogismo hypothetico. Cap. XVII.

Postquam de Syllogismo simplici hucusque. latius differuimus, superest vt de Syllogismo hypothetico introductionis modo aliquid attingamus. Est igitur syllogismus hypotheticus, qui ex altera aut vtraque præmissa constat hypothetica. Huius tres sunt præcipuæ species secundum hypotheticas propositiones, ex quibus conficitur. Est enim conditionalis, Copulatiuus, Disiunctiuus. **C**onditionalis est, qui ex præmissa constat conditionali, vt si sol lucet, dies est, sed sol lucet, ergo dies est. Fiunt autem in hisce duo modi Syllogismorum, quidam procedunt ex Maiori conditionali, & ipso Antecedenti solo pro Minori ad positionem eiusdem consequentis in conclusione, vt si est homo, est animal, sed est homo, ergo est animal, & hæc prima figura horum Syllogismorum esse potest, sub qua quatuor

P sunt

latius partes non habent aliam negationem, quam eam, quæ totam ipsam negat, tunc enim valet à tota copulatiua pro maiori cum vna parte affirmatiua pro minori ad alterius negationem vt non homo currit simul, & sedet, sed currit, ergo non sedet, vel etiam, sedet ergo non currit; à Negatiua autem non valet ad affirmatiuam, non enim dicitur, Non currit ergo sedet.

Secundus Modus est, quando vtraque pars habet aliam negationem præter negationem totius; tunc enim valet à tota copulatiua, & vna negatione ad alterius affirmationem, vt Non homo non studet, simul & non legit, sed non studet, ergo legit, vel etiam, Non legit, ergo studet, contra non valet.

Tertius Modus quando vna pars habet negationem altera non, tunc enim valet à tota copulatiua, & parte affirmatiua ad partem negatam, vt non homo currit, & non mouetur sed currit, ergo mouetur. Hi sunt modi in copulatiuis negatiuis, nam in affirmatiuis non sunt syllogismi, sed consequentiæ quædam; Omnis enim affirmatiua copulatiua infert quamlibet sui partem, siue ambæ partes sint affirmatiuæ, siue negatiuæ, siue vna affirmatiua altera negatiua, vt homo currit, & leo est fortis, ergo homo currit, & ita in alijs omnibus poteris singulas partes per se inferre.

Est & syllogismus disiunctiuus, qui ex pro-

positione constat disiunctiua, in hoc autem procedimus semper a tota disiunctiua cum vna parte ad oppositam alterius, vel cum opposito vnius partis, ad positionem alterius partis, verbi gratia, aut est dies, aut est nox, est dies, ergo non est nox, vel aliter, aut est dies, aut est nox, non est dies, ergo est nox, hic autem argumentandi modus fit in disiunctiuis affirmatiuis, siue vtraque pars sit affirmatiua, siue vtraque negata, siue prior affirmatiua posterior negata: Vel contra prior negata posterior affirmata: semper tamen debemus procedere vel ab vna parte ad oppositam alterius, vel ab opposita vnius partis ad alteram partem. Vnde valet quando vtraque pars est negatiua, Aut non est sanum, aut non est ægrum, sed est sanum, ergo non est ægrum, vel aliter non est sanum, ergo est ægrum. Idem fit quando vtraque affirmatiua, & quando altera etiam est affirmatiua. Possunt autem duæ figuræ harum distingui, sicut in Conditionalibus, altera in qua pro Minori ponimus priorem partem disiunctiua, aut oppositam eius, pro consequenti verò posteriorem, aut ipsius oppositam. Altera contra, in qua pro Minori posteriorem partem, aut eius oppositam ponimus, pro conclusione verò priorem, aut eius oppositam, qui omnes Syllogismi in eo fundantur, quod superius diximus, disiunctiuam esse veram, cuius vna sola pars est vera, reliquas falsas.

fas. Ex his, multi colliguntur disjunctiuorum, Syllogismorum modi, quos per hanc artem, & regulam facile erit diligenti lectori, & admodum vtile inuenire, & singulos per se distribuere. Qui plura de istis Syllogismis videre cupit Boet. legat peculiariter de his tractantem.

De reliquis speciebus argumentationis.

Cap. XVIII.

SVpereft, vt breuiter quid aliz argumentationum species fint explicemus: Enthymema, vt Boet. afferit, est oratio, in qua non omnibus præmissis propositis, festinata inferitur conclusio, vt homo est animal, ergo homo est corpus dicitur etiam truncatus Syllogismus, quia ei deest aliqua præmissa, vnde ad Syllogismum reduci potest per additionem illius præmissæ, quæ deest: Reducetur enim illud Enthymema sic ad syllogismum, Omne animal est corpus, Omnis homo est animal, ergo omnis homo est corpus. Inductio, quam alij Enumerationem vocant, est ab inferioribus ad superius progressio, vt iste ignis calefacit, & iste ignis calefacit, & sic de singulis, ergo Omnis ignis calefacit. Fit etiam aliquando inductio non a singularibus, sed a minus communibus, vt homo sentit, leo sentit, & reliqua animalia, ergo omne animal sentit. Aliquando

P 3 pro-

procedimus negatiue, aliquando affirmatiue de quibus superius diximus in libro Tercio. Hic autem attendendum est, vt omnia inferiora quoad fieri possit enumerentur.

Exemplum est ab vno singulari ad alterum propter aliquam similitudinē illatio, vt Deus pepercit Niniuitis pœnitentibus, ergo & nobis parceret, si pœnitentiam agamus. Potest exemplum aliquando a duobus, vel tribus, singularibus, sumi, semper tamen obseruanda est aliqua similitudo inter ea, in cuius virtute vnum singulare ex altero colligatur. Exemplo, & Enthymemate frequentius Rhetores, sicut syllogismo, & inductione dialectici vtuntur. Hæc sunt, quæ de argumentationibus, præsertim de syllogismis, Dialecticæ studiosos prædiscere oportet ante Aristotelis doctrinam, postea fusiis, copiosis, ac exactius ista percepturos.

FINIS QUARTI LIBRI.



IN-

INTRODVCTIONIS IN DIALECTICAM

ARISTOTELIS.

LIBER QVINTVS.

De Locis, & fallacijs syllogismorum.

De Duplici syllogismo secundum Materiam.

Caput I.

Syllogismus & forma, & materia, tan-
quam duplici parte intrinseca per-
ficitur. Forma dispositio, & ordina-
tio duarum propositionum inter se,
secundum debitam quantitatem, & qualita-
tem trium terminorum dispositionem est, de
qua abundè in libro Quarto locuti sumus.
Materia proxima propositiones sunt, ex qui-
bus constructus est. Hæ autem in duplici dif-
ferentia se habent, quædam enim sunt Nec-
cessariæ, quæ semper veræ sunt, nec eas ali-
quando falsas esse accidit: quales sunt illæ, in
quibus definitio vel pars aliqua definitionis,

P 4 genus

genus nempe, aut differentia definito prædicatur: vt homo est animal rationale, homo est animal, homo est rationalis. Similiter ille, in quibus aliqua inseparabilis proprietas de suo subiecto prædicatur, vt homo est risibilis equus est hinnibilis, album est disgregarium visus, ignis est calefactiuus. Similiter, & ille, in quibus affectus, de suis proprijs causis prædicamus, vt animal rationale est risibile, frigiditas congregat, calor separat. Has omnes propositiones Necessarias vocamus. Quædam aliæ sunt, quæ probabiles dicuntur, quasi probatæ, & receptæ vel omnium consensu, vel plurimorum, vel sapientum, & horum, vel omnium, vel plurimorum, vel maxime probatorum. Sunt enim quædam propositiones. quarum non est ea euidencia, quin possit intellectus eis dissentire, tamen receptæ sunt iam ab omnibus tanquam veræ, vt Figulus figulum odit: Omnis mater diligit filium suum: Amicis est benefaciendum. Aliæ à plurimis, vt Diuitiæ sunt parandæ. Honores sunt expetendi. Aliæ ab omnibus sapientibus, vt ex nihilo nihil naturaliter fit. Sol est maior terra. Aliæ à plurimis sapientibus, vt non sunt infiniti mundi; non est corpus indiuisibile. Plura sunt rerum principia. Hæ enim olim receptæ fuerunt à plurimis philosophis, quâuis non omnibus. Aliæ à paucis, sed celeberrimis, vt Ideæ non sunt. Est quinta substantia
præter

præter elementa: Visus fit per intus susceptio-
nem. Hæ enim a Peripateticis probantur. Om-
nes hæ propositiones probabiles sunt, non
quia veræ, aut falsæ sint: sed quia pro veris re-
cipiebantur, & nulla videtur ratio euidens in
contrarium. Sunt etiam & aliæ probabiles,
quæ ex istis aliqua via deducuntur, quas ali-
qui probabiles mediatas vocant. Ex his igitur
vtrisque propositionibus fiunt syllogismi:
quemadmodum enim eadem forma circuli,
aliquando in ære, aliquando in auro, vel in a-
lia materia fit ita, & eadem forma, & figura,
syllogismi, aliquando propositionibus necessa-
rijs applicatur, aliquando vero probabilibus,
vt si sumas propositiones has necessarias, om-
ne animal rationale est risibile, Omnis homo
est animal rationale, ergo omnis homo est risi-
bilis. Syllogismus conficitur in Barbara. At
si sumas has probabiles, Omne quod est bonû
expetendum est, Omnes diuitiæ bonæ sunt, er-
go, Omnes diuitiæ sunt expetendæ eadem fit
in Barbara, forma. Si igitur materiam ipsam
syllogismi consideramus, duas syllogismo-
rum species constituemus: & illorum, qui ex neces-
sarijs constanter, & hi Demonstratiui: & eorû
qui ex probabilibus, & hi Dialectici, seu Topi-
ci dici solent.

*De demonstratione, & Dialectico Syllogismo.**Cap. I I.*

Demonstratio Syllogismus est, ex necessa-
rijs propositionibus propriâ Conclusio
nis causam exprimentibus compositus. Duo
enim necessaria sunt ad hunc Syllogismum,
qui Demonstratio dicitur: alterum, ut ex neces-
sarijs conflatur: ille enim, qui ex probabili-
bus, aut illis propositionibus quæ non neces-
sariæ sunt, componitur, demonstratio non est.
Alterum, ut præmissæ causa propria conclu-
sionis sint: idæa, in præmissis contineatur cau-
sa vera, propter quam conclusionis prædica-
tum subiecto inest. Propter hæc igitur duo:
ista demonstratio est, Omne compositum ex
contrarijs corruptibile est, Omne mixtum
corpus est ex contrarijs compositum. ergo
Omne mixtum corpus corruptibile est. Om-
nes enim hæc propositiones necessariæ sunt,
& causa, quare corpus mixtum corruptibile
est in præmissis exprimitur, nempe quia ex
contrarijs compositum est. Quo fit ut in De-
monstratione hi termini tres concurrant, Ma-
ior extremitas, & hæc est aliqua proprietas
de subiecto monstranda: ipsum subiectum Minor
extremitas, & causa proprietatis in subiecto,
ipsum Medium. Fit aliquando demonstratio
cum medium est aliquis effectus, sed hæc non
simplici-

simpliciter demonstratio dicitur. Hic Syllogismus qui demonstratio simpliciter dicitur; est adeò efficax, & validus, vt non quamcumque cognitionem Conclusionis demonstratæ efficiat: sed claram, certam de infallibilem, quæ dicitur Scientia: ac propterea Demonstratio est Syllogismus faciens scire, & Scire propriè, est rem necessariam per propriam causam cognoscere. Syllogismus Dialecticus, est Syllogismus ex probabilibus confectus, Non oportet autem vt semper ex vtrâque præmissa probabili procedat: aliquando enim ex vtraque probabili fit, vt Omne bonum est amplectendum, Labor est bonus, ergo est amplectendus, Aliquando fit ex vna probabili, ex altera necessaria, vt omnis virtus est anteponnenda diuitijs, Iustitia est virtus, ergo Iustitia est anteponnenda diuitijs: Maior probabilis quidem, Minor tamen necessaria, sicut homo est animal. Hic Syllogismus non est adeò efficax, sicut prior, non enim scientiam conclusionis facit, sed opinionem, idest, cognitionem quandam non admodum claram, certam, & infallibilem: secundum quam aliquando decipi possumus. Quod enim opinione tenetur, errori expositum est. Tali Syllogismo vtimur circa quamlibet questionem dubiam, seu problema, probabiliter partem vtrâque probando. Est enim Problema, questio, seu interrogatio contradictionis alicuius vtrunque partem

tem amplectens; vt an diuitiæ sint bonæ, necne, an scientia præstet sanitati necne, an honor sit anteponendus famæ necne. Horum, vtranque partem probabiliter Dialectico syllogismo disputamus. Quædam enim logicæ pars, quæ Topica dicitur, ab alijs autem Dialectica, methodum, & viam docet probabiliter circa quamlibet problematis partem disputandi, in qua quædam communes regulæ, & Notæ continentur, ex quibus argumentorum copia suppeditatur, quæ in præsentī breuiter & clarè tradenda suscipimus.

Quid Locus & quotuplex in generali.

Cap. III.

Locus est argumenti sedes. Analogia, seu similitudine sumpta à loco corporum, vt enim locus continet corpus, ita id a quo argumenta extrahuntur tanquam in eo contenta, locus dicitur. Ideo aliter etiam definiri solet, nempe, Locus est id, a quo ad propositam quæstionem conueniens trahitur argumentū. Præterea, quemadmodum res occultæ, & absconditæ maxime loci in quo sunt ostensione inueniuntur: ita argumenta, his quos locos vocant, cognitis apparent, ac propterea loci dicuntur. Vnde definiri etiam solet, Locus est nota communis, cuius admonitu, quid in vna quaque reprobabile sit, inueniri potest: ac si

cla-

clarius diceretur. Est signum quoddam commune argumenta ostendens, quibus probabiliter circa res disputare possimus. Tandem quemadmodū in locis varijs, varia procreantur, & pro locorum diuersitate diuersa producuntur, ita non omnia argumenta, quæ circa res fiunt, ab eodem fonte procedunt, sed a diuersis: ac ideo hæc, Loca vocantur. Locus duplex est, alter, qui dicitur Maxima, alter, Differentia Maxima. Locus maxima propositio vniuersalis per se probabilis, cuius veritati multæ argumentationes Dialecticæ innituntur, verbi gratia fiant istæ argumentationes Planta est viuens, ergo Planta est corpus animatum. Iustitia est virtus, ergo Iustitia est habitus bonus. Concha est animal, ergo Est viuens sensibile, omnes hæc, & similes, bonæ sunt. Quod si petas, cui innituntur omnes hæc, respondere oportet, has omnes huic inniti principio: De quocumque prædicatur definitio, de eodem & definitum potest prædicari. Talis propositio Maxima dicitur. Aduerte igitur partes definitionis: Dicitur propositio vniuersalis: quia maxima non solum est pro vna, aut altera argumentatione; sed pro multis circa quamcumque materiam, vt secundum prædictam maximam poterit argumentari in omnibus definitionibus quarumcumque rerum. Additur: per se probabilis: quia tales Maxima Dialecticæ non probantur, cum nullam

illis

illis probabiliorem assumere possimus propositionem, ad earum probationem; sed per se sunt probabilissimæ, & multæ ex eis sunt necessariæ. Additur ultimo, cuius veritati multæ argumentationes dialecticæ inniuntur: ut intelligas, has Maximas non esse sumendas ut partes argumentationum, tanquam maiore, aut minorem: sunt enim extrinseca principia, quæ argumentationem non de necessitate componunt, sed ipsam corroborant, & probare faciunt: quibus sublaris tales argumentationes nullius prorsus ponderis essent, ac propterea Maxima dicuntur, quasi supra Minores, & Maiores; quæ sunt Syllogismorum partes Locus differentia maximæ est, in quò inter se plures maximæ distinguuntur & separantur, non enim omnes sunt eiusdem rationis, quædam enim argumenta vnius rationis, quædam alterius procreant; unde variè nominantur, ac tales denominationes dicuntur Loci differentia maximæ, ut a Contrarijs dicitur locus, a quò ducuntur argumenta probantia rem per sua contraria. A definitione, a quò ducuntur argumenta probantia definitionem, similiter a causis, ab effectibus, &c. Sicut autem sub vna maxima multæ argumentationes concluduntur: ita & sub vna differentia maximæ plures maximæ continentur, ut sub hoc loco a definitione continentur plures maximæ, nempe, De quocumque prædicatur definitum, de eodem;

et de

& de-

& definitio. Quod prædicatur de definitione, etiam de definito: & aliæ, de quibus dicemus. Ut autem quomodo has differentias liceat sumere cognoscamus, tres termini in his argumentationibus sunt aduertendi, Medius, Minor extremitas, & Maior. Hi autem cognoscuntur, si talis argumentatio, quando Syllogismus non fuerit, ad eum reducatur, cum enthymemata, & inductiones ad syllogismi formam reduci queant, ut Aristot. docet. Verbi gratia, Animal rationale est risibile, ergo homo est risibilis. Risibile est Maior extremitas: animal rationale terminus est medius: homo verò minor extremitas. Ut autem locum, à quo argumentum procedit cognoscamus, inspiciendus est terminus Medius, & ab eo denominandus est locus: ut si inferens est definitio. Locus dicetur a definitione: si definitum, a definito, si causa, a Causis, si effectus, ab effectibus & sic de reliquis.

Locus differentie maximæ triplex est in generali. Internus, Externus, Medius. Internus est, a quo ducuntur argumenta probantia questionem per ea quæ sunt substantia rei, ut per definitionem per definitum, vel per ea, quæ comitantur substantiam rei. Externus est, a quo argumenta petuntur, quæ probant rem per extrinseca, & repugnantia. Medius, a quo argumenta sumuntur, quæ rem per ea, quæ nec omnino intrinseca, nec omnino extrinseca sunt

sunt, probant, de quibus sigillatim est dicendum.

De loco intrinseco. Cap. IIIL.

Locus intrinsecus duplex est, Altera Substantia rei. Alter a Concomitantibus substantiam. Locus a substantia est a quo argumenta ducuntur, quæ rem per ea, quæ sunt substantiæ ipsius, vel eam significant, probant. Est autem locus triplex. a Definitione, & definito, a Descriptione, & descripto, ab interpretatione & interpretato. Locus a Definitione est, habitudo definitionis ad definitum, secundum quam definitio ipsum definitum fert semper secum. Vocamus autem hic definitionem, orationem inexplicantem naturam rei per ea, quæ sunt de substantia ipsius: qualis est definitio, quæ datur per genus, & differentiam, vel per eas partes, quæ sunt rei substantia. Ab hoc autem loco sumuntur quatuor modi argumendi, quatuor Maximis innixi: duo ex parte subiecti quæstionis, duo ex parte prædicati, ut sit quæstio, an Iustitia sit virtus: potest primo probari affirmatiue ex parte subiecti, ponendo ipsius definitionem, scilicet, habitus tribuens cuique quod suum est, est virtus, ergo Iustitia est virtus. Alter modus est negatiuus ad probandam oppositam partem adhuc ex parte subiecti: Habitus tribuens cuique quod suum est, non est vitium, ergo Iustitia non est vitium

Prior fundatur in hac maxima. Quicquid prædicatur affirmatiue de definitione, affirmabitur de definito. Posterior in hac. Quicquid negatur de definitione, negatur de definito. Alij duo modi sunt ex parte definitionis prædicati, alter affirmatiuus, sic, iustitia est habitus bonus, ergo iustitia est virtus: Alter negatiuus idem negando. Est autem Maxima prioris. De quo affirmatur definitio affirmatur definitum, posterioris vero. A quo negatur definitio, etiam definitum negatur. Aliquando conuerso modo per definitum definitionem probamus, & locus dicitur a definito, & sunt tot modi argumentandi fundati eisdem maximis mutando terminos, nempe. Quod affirmatur de definito, etiam de definitione: Quod negatur simili ratione. Idem ex parte prædicati. Locus à Descriptione est similis fere loco a definitione, hoc vno dempto quod loco definitionis sumimus descriptionem, & locus a definito similis est loco a descripto. Vocamus autem. Descriptionem, orationem explicantem rem non per differentias substantiales sed per accidentia propria, quæ passim ponuntur loco differentiarum, cum differentia ipsæ plurimum occultæ sint quo definiendi genere fere semper Oratores vtuntur, definiunt enim, seu describunt hominem esse animal bipes, magni cerebri, erecta facie. Sunt similes modi argumentandi, simili-

Q les

ex his locus a toto, & partibus a quo argumē-
ta ducimus, partes per totum, aut totum per
partes probātia. Sex autē modis totū aliquod
est. Totum vniuersale, totum in quantitate, to-
tum integrale, totum in modo, totum in loco,
totum in tempore. Totū vniuersale vocatur
quodcunque superius prædicatum respectu
inferiorum, quæ partes subiectiue dici solent,
vt animal respectu hominis, leonis, & aliorū
homo respectu indiuiduorū. Est autē a toto v-
niuersali modus argumētādi quadruplex. Pri-
mus ex parte subiecti affirmatiuus, a toto ad
singulas partes disiunctiue, vt elementum est
leue, ergo aqua, vel terra, vel aer, vel ignis est
leuis, huius Maxima. Quod de toto vniuersali
affirmatur, de aliqua eius parte affirmabitur.
Secūdus ex parte prædicati etiā affirmatiuus
a toto ad partes disiunctiue, vt cibus est bonus
ergo vtilis, aut honestus, aut delectabilis. Ma-
xima, De quo totum vniuersale affirmatur, ali-
qua eius affirmabitur pars. Tertius ex parte
subiecti negatiuus, a toto ad partes etiā disiū-
ctiue, vt animal non est expers rationis, ergo
vel homo vel brutū non est expers rationis.
Maxima. Quod negatur de toto, negatur de
aliqua parte. Quartus negatiuus ex parte præ-
dicati a toto, ad singulas, aut oēs partes copu-
latiue, vt negligētia nō est bona, ergo nec vti-
lis, nec honesta, nec delectabilis. Maxima, a
quo remouet totū vniuersale, remouetur singu-

vt, omne animal est sensibile, ergo concha est sensibilis, & spongia est sensibilis, & reliqua. Maxima. Quod de toto in quantitate vniuersali affirmatur, & de singulis partibus affirmabitur. Secundus ex parte prædicati affirmatiuus, a toto ad singulas partes, vt homo habet omnem sensum, ergo visum habet. Maxima. De quo affirmatur totum vniuersale in quantitate, affirmantur singulae partes. Tertius negatiuus ex parte subiecti a toto ad singulas etiam partes, vt nullum animal est insensibile, ergo leo non est insensibilis. Maxima. Quod negatur de toto vniuersali in quantitate, negabitur de singulis partibus. Quartus ex parte prædicati negatiuus, a toto ad singulas partes, vt lapis nullum habet sensum, ergo non habet visum, Maxima. A quo totum remouetur vniuersale in quantitate, & singulae partes remouebuntur.

A partibus etiam ad huiusmodi totum trahitur argumentum. Primus affirmatiuus ex parte subiecti, ab omnibus partibus copulatiue ad totum, vt aqua est corpus simplex, terra est simplex, aer est simplex, ignis est simplex, ergo omne elementum est corpus simplex. Maxima. Quod de omnibus partibus prædicatur etiam de ipso vniuersali in quantitate affirmabitur. Secundus ex parte prædicati affirmatiuus, etiam ab omnibus partibus ad totum, vt homo habet visum, auditum, gu-

stum, & reliquos, ergo habet omnem sensum. Maxima. De quo omnes partes affirmantur, & ipsum totum in quantitate vniuersale. Tertius ex parte subiecti negatiuus, ab omnibus partibus ad totum copulatiue, vt homo non caret sensu & brutum non caret sensu, & omnia inferiora, ergo nullum animal caret sensu. Maxima. Quod negatur de omnibus partibus etiam vniuersaliter de toto in quantitate negabitur. Quartus ex parte prædicati ab omnibus partibus ad totum, vt lapis non habet gustum, nec auditum, nec visum, nec reliquos, ergo nullum habet sensum. Maxima. De quo omnes negantur partes & ipsum totum negabitur. Alterum totum est particulare, vt aliquod animal, & in hoc sunt similes argumentandi modi, qui erant in toto vniuersali, nam indefinitum quod totum vniuersale est. æquiualeat particulari, propterea non repetuntur.

A toto Integrali.

Totum integrale est, corpus aliquod respectu partium quantitatis, vt domus respectu fundamenti, & reliquarum partium huiusmodi, & animal respectu capitis, pectoris, ventris, &c. Hæ autem partes in duplici sunt differentia, quædam enim necessaria, quædam non necessaria sunt. Necessariæ dicuntur, siue quibus totum consistere nequit, vt hominis nec-

cessariæ partes sunt caput, cor, pectus Non necessariæ vero dicuntur, sine quibus totum ipsum potest cōsistere quemadmodum digitus, nasus aures, non sunt animalis necessariæ partes. Argumenta a necessarijs partibus solum ducimus. Est autem primus argumētandi modus ab affirmatione totius integralis ad omnes simul, & singulas per se eius partes necessarias, vt est homo, ergo pectus habet, cor habet, & similia. Similiter, Deus gubernat vniuersum, ergo, & homines gubernat. Maxima. Posito toto integrali, ponuntur partes necessariæ. Alter modus est, a totius negatione, ad negationem partium omnium disunctiue, vt non est domus, ergo vel non est fundamentū, vel non est tectum, vel deest aliqua alia pars necessaria. A partibus ad totum sunt alij duo argumentandi modi. Alter affirmatiuus ab omnibus partibus necessarijs ad totum, vt est cor, est pectus, sunt intestina, & reliquæ partes necessariæ, ergo est animal. Maxima. Positis omnibus partibus ponitur totum. Alter modus est a negatione vnus partis principalis ad negationem totius, vt non est fundamentum, ergo non est domus. Maxima, Ablata vna parte necessaria auferitur totum.

De Toto in modo.

Totum in modo vocamus quodcumque
vocabulum respectu sui ipsius cum ali-
qua restrictione sumpti, quod pars in modo
dicitur: unde homo, totum in modo, homo
doctus, pars in modo oportet autem confide-
rare, vt talis restrictio non sit distrahens, aut
diminuens significationem totius. tunc enim
non erit pars, aut totum, unde leo marmo-
reus, homo pictus, album secundum dentes,
non sunt partes in modo. Sumitur autem in
his argumentum, & a toto, & a parte. Primus
a toto ex parte subiecti affirmatiuus, a toto
ad partem, vt omnes homines appetunt scire,
Maxima. Quod de toto in modo vniuersali-
ter predicatur, etiam de parte affirmabitur.
Secundus ex parte predicati affirmatiuus, a
toto ad partem, vt Deus fecit cuncta anima-
lia, ergo fecit animalia terrestria. Maxima.
De quo totum in modo vniuersaliter affirma-
tur, etiam pars affirmabitur. Tertius ex par-
te subiecti negatiuus, a toto ad partem, Nul-
lum homo est odio habendus, ergo nec homi-
nes inimici sunt odio habendi. Maxima. Quod
negatur de toto vniuersaliter, & de eius parte
negabitur. Quartus idem ex parte predicati,
Deus nullos homines vult perire, ergo non
vult homines peccatores perire, sed vt con-
uer-

uertantur. Maxima, De quo totum vniuersaliter negatur, etiam pars in modo negabitur. In his omnibus modis obseruatum est, & semper obseruari debet, vt quoties a toto hoc ad partes argumentati fuerimus, semper totum cum vniuersalitate sumatur, oppositū fiet, cum a parte in modo ad totum ducatur argumentum tunc enim totum particulariter sumere oportet. A parte similiter argumentamur ex parte subiecti, & ex parte prædicati affirmatiue, & negatiue. Sunt enim maximæ. Quod affirmatur de parte in modo, & de eius toto particulariter sumpto, & de quo affirmatur pars in modo, etiam totum particulariter, & quod negatur, de parte in modo, & de toto, & de quo negatur, pars etiam totum particulariter tamen.

De toto in loco, & toto in tempore.

Totum in loco, est aduerbium tempus vniuersaliter significans, vt, vbique, nullibi nusquam. Totum in tempore, est quod tempus vniuersaliter significat, vt Numquam, semper, & similia. In vtroque autem toto valet ad singulas partes, tam affirmatiue, quam negatiue, vt, vbique est Deus, ergo in deserto est Deus: vbique sunt animalia, ergo in india sunt animalia: nullibi est chimera, ergo in Hispania non est chimera. Similiter in tempore, sem-

P semper Deus fuit, ergo fuit Deus olim, nunquā lapides sentient, ergo nec post mille annos sentient. A Parte vero etiam valet, a singulis enim partibus ad totum valet, sed non omni modo sed a parte affirmatiue ad negationem totius negatiui, & a parte negatiue ad affirmatiui negationem, vt hic est Petrus, ergo nonnullibi est Petrus, Romæ non est Rex ergo non vbique est Rex, cras non legam, ergo non semper legam, cras legam, ergo nonnumquam legam. Quod si omnes partes sumamus, tunc valebit ab omnibus partibus simul ad suum totum, sicut in alijs vniuersalibus, vt Deus est in cælo, in terra, in mari, & alijs locis ergo est vbique. Idem in negatiuis, & alijs etiā totis. Maximæ sunt. Posito toto in loco, vel in tempore, ponuntur singulæ partes. Posita vna parte remouetur totum oppositum parti. Positis omnibus partibus, ponitur illarum totum, possent etiā aduerbia, tempus & locum particulariter significantia, dici totum, vt alicubi, aliquando, in quibus sunt idem modi argumentandi, qui in toto vniuersali, & indefinito.

De loco a Causis.

Loci argumentandi a causis fere inter omnes præcipui sunt, ac merito inter inter-nos numerantur, cum causæ maximam cū rei substantia affinitatem habeant, adeo, vt per

cas

res optime res definiri valeant. Est autē causa id, ad cuius esse aliud sequitur, vt ignis causa est caloris, quippe ad ipsius esse, calor sequatur. Quadruplex autem est genus causæ. Efficiens, Materialis, Formalis, & Finalis, de quarum singulis ordine trademus loca, & argumentandi modos.

A causa efficienti.

CAusa efficiens, est id, a quo primo incipit motus, & operatio, verbi gratia ignis calefacit aquam, motus huius initium fuit ignis ignis est causa efficiens. Causa efficiens diuidi solet in necessariam & sufficientem, necessaria ea vocatur, a qua ita procedit effectus, vt non possit posita causa non procedere, nec ab alia causa talis effectus possit prouenire, vt solis præsentia est causa diei, posita enim præsentia solis non potest non esse dies, nec dies ab alia causa prouenire potest, quam ab illo. Altera causa est sufficiens, quæ suū effectū sēper producit, quāuis effectus possit ab alijs causis prouenire, vt iugulatio est causa mortis, & ignis causa caloris, tamē hi effectus ab alijs possūt prouenire causis: multa enim calorem producūt præter ignem, & mortem efficiunt præter iugulationem. Iterum, causa duplex est, quædā actu, quædam potentia. Causa actu est, quæ operationem ipsam effectus significat, vt edificans,

simpliciter, quia plura sunt necessaria quam domificator, vt possit domus fieri, nempe materia, & forma, & finis sed valet positus alijs necessarijs. Maximæ. Posita causa potentiali cum alijs requisitis possibilis est effectus, & posito effectu necessario præcessit causa. quartus a causa actuali ad effectum, & e contra valet affirmatiue, & negatiue, sed ex parte effectus cum verbo denotante operationem, vt ædificans est, ergo ædificium fit, ædificium fit, ergo ædificans est, similiter negatiue. Maximæ. Operante causa fit effectus: Cessante causa non fit effectus, & e contra. Præter hos modos vulgares sunt alij vtilis admodum, cum enim omnis causa efficiens effectum sibi in eo, quo potest assimilari studeat, probabiliter quæ insunt causis attribuimus effectibus, & e contra, vt mundus est factus a Deo, ergo bonus est, liber iste est ab Aristotele editus, ergo philosophia bona refertus est: A magistris peritissimis didicit iste literas, ergo maxime peritus est, non est domificator peritus, ergo non erit domus pulchra, non conuersatur cum bonis, ergo non est bonus.

A causa Materiali.

Materialis causa est, ex qua inexistenti aliquid fit, sunt enim duo necessaria ad materialem causam: alterum, vt ex ea aliquid fiat alterum, vt ita ex ea fiat, vt assumatur ipsa

sa intra id quod fit, quo pacto ex terra dicimus fieri vasa, & ex lignis, & lapidibus domū. Materia duplex est, altera permanens, altera transiens. Permanēs est, cuius substantia in re effecta manet, vt lignum materia permanens est cathedræ, quia facta cathedra adhuc manet in ea lignū. Trāsiēs vero cuius substantia nō manet, vt farina & aqua sunt materia panis, sed facto pane iā non est farina aut aqua. Sunt autem communes argumentandi modi. Primus à materialis causæ siue permanentis siue transeuntis affirmatione, ad effectus possibilitatem, vt farina & aqua sunt, ergo panis potest esse: lignum est, ergo potest fieri cathedra; quamvis non simpliciter valet, cum pluribus causis opus sit. Secundus locus à causis istis negatiuē, sed non simili modo, sed à permanenti cum simplici verbo, non est ferrum, ergo non sunt arma ferrea. A transeunti vero cum præteriti verbo ad præsentiam effectus vt non fuit farina, ergo non est panis. valebit tamen in præsentī quando est verbum significans operationem effectus, vt non est farina, ergo nō fit panis. Maximæ horum sunt posita materiali causa possibilis est effectus. Remota materia permanenti remouetur effectus. Non præcedente materia transeunti nullus sequitur effectus. Tertius modus est ab Effectu, in Permanenti valet affirmatiuē, non autem negatiuē, vt, sunt arma, ferrea, ergo est

est ferrum. Negatiuè non valet non sunt arma, ergo non est ferrum. In Transeunti negatiuè non valet. affirmatiuè vero sequitur causam præcessisse, vt panis est, ergo fuit farina. Præter hos vulgares modus arguendi sunt alij vtilis, nempè prædicare proprietates, quæ insurgunt, ac proueniunt ex varijs materijs, & remouere etiam quæ diuerse sunt, vt homo est ex terra factus, ergo est corruptibilis, domus constat ex lapidibus, ergo durabilis est, gladius est ex plumbo, non igitur acutus est, & ad hunc locum pertinent argumenta, quæ trahuntur ex locis, & diuersa natura locorum, vt piscis in aquis degunt, sunt igitur humidi, natus est in Germania. ergo strenuus est, & alia similia quorum vsus est frequens.

A Causa Formali.

CAusa Formalis est, qua res habet aliquid esse, albedo est causa formalis albi, & anima animalis. Hæc duplex est, altera Accidencialis, quale est omne accidens respectu proprii subiecti, quod denominat, altera Substantialis, quales sunt formæ quæ faciunt substantias, vt anima hominis anima leonis, forma ignis, vt similes. Locus est facilis à causa ad effectum affirmatiuè & negatiuè, & ad effectum etiam ad causam, vt albedo inhaeret, ergo album est, non inhaeret, ergo

non

non est album, & è contra. Maximæ. Posita, vel ablata, causa formali ponitur, vel aufer-
tur effectus, & è contra. In hac est peculiaris
argumentandi modus, pertinet tamen ad lo-
cum a Coniugatis, propterea illic explicabi-
tur.

A causa Finali.

Finis est, cuius gratia aliquid fit, vt fanitas
finis est medici, ipsius enim causa medi-
cus remedia adhibet. In hac est vulgaris mo-
dus argumentandi, à fine bono, vel malo ad
bonitatem, vel malitiam rei, dummodo sit fi-
nis per se idest, ad quem res secundum se or-
dinatur: valet enim, frui Deo bonum est, er-
go, & eius mandata obseruare bonum est, oc-
cidere, malum est, ergo insidias parare malū
est. Dico quando finis est per se, nam si quis
furetur vt faciat eleemosynam, furari non est
bonum, quamuis finis sit bonus, quia talis fi-
nis non est per se ipsius furti. Sunt tamen alij
valde vtilis modi argumentandi in hac cau-
sa. Primus, cuius finis bonus, & id bonum, cu-
ius finis melior, & id melius, cuius optimus,
& id optimum, vt melius est recte viuere, quā
multa cognoscere, ergo melior scientia est ip-
sa virtus, Optima naturalium cognitionum
est cognitio substantiæ primæ, ergo Metaphy-
sica est prima & optima scientiarum natura-
lium. Idem etiam valet opposito modo de
malo

malo, cuius finis peior aut pessimus, id peius est, aut pessimum. Hinc iste locus plurimum valet ad persuadendum, cum voluntas maxime in bonum inclinetur, & à malo avertetur. Secundus qualis est finis, tales, & debent alie tres causas admoueri, ex quo colligimus proprietates reliquarum causarum secundum finis proprietatem, vt domus debet nos defendere à ventis, debet ergo ex lapidibus fortibus constare, pater intendit benè filium educare, debet ergo bono magistro committere eum, gladius, secare debet, oportet ergo vt si acuta acie, huiusmodi sunt innumera argumenta. Tertius qualis est finis, talia debent esse media ad finem, vt, vis ad vitam ingredi, oportet ergo seruare mandata Dei, scientia, præditos esse oportet, studijs ergo, & vigilijs incumbendum est. Quartus, à fine remouenda sunt media extranea, & deformia ei, vt studeo sapientiæ, non ergo est mihi orandum, vir bonus aspirat ad fælicitatem, non ergo voluptatibus carnis se debet obruere. Secundum hanc normam innumera sumuntur argumenta.

De loco à Generatione, & Corruptione, & ab Vsu.
Cap. VII.

Loca hæc proxima causis sunt. Est autem Generatio, vt communiter explicemus,

R rei

rei productio, Corruptio vero rei destructio. Vfus autem: secundum quem rebus utimur, Est locus à Generatione affirmatiuus, Cuius generatio est bona, & ipsum bonum, & è contra, similiter circa malum, Cuius generatio est mala, ipsum est malum, & è contra. Per bonum autem, & malum intelligimus reliqua nomina similes qualitates significantia vt Christi natiuitas bona fuit, ergo & Christus ipse bonus fuit, peccatum malum fuit, ergo & ipsum committere malum fuit, Alter locus à Corruptione. Cuius corruptio bona, ipsum malum, cuius corruptio mala, ipsum bonum: æquum est latrones suspendi, ergo latrones iniqui sunt, impium fuit Christum occidisse, ergo Christus innocens fuit. Hic autem attendamus, vt bonum, & malum per se summamus. aliter enim non valebit argumentum. non enim valet, vtile nobis fuit Christum, mori ergo Christus inutilis fuit, quia non sumimus id quod est per se, mors .n. vt mors est, vtilis, nec qua parte homines Christum occiderunt, bonum fuit, sed ex ipsius beneplacito qui morte sua nos redemit. Tertius locus est ab vsu, cuius vsus bonus, aut malus, & ipsum bonum, aut malum est, & è contra, dum modò vsum, non autem abusum summamus, vt letificare cor stomachum roborare bonum est, ergo & vinum bonum est: non tamen valet, occidere amicū, malum est ergo gladius

ma-

malus est , hic enim non vsus , sed abusus est.

Communiter accidentibus.

Communiter accidentia vocantur , quorum vnum cum altero coniungitur , siue vnum antecedit , alterū sequatur , siue simul sint , vt concepisse . & parere . floruisse , & habere fructus , esse Irim , & futuram pluuiam , pati verecundiam , & rubescere . Hæc autem sunt in duplici differentia . Quædam , quorum vnum cum altero necessario coniungitur , quâuis non conuertibiliter , vt parere necessario coniungitur cum eo , quod est concepisse , nō è contra . Quædam , quorum vnum cum altero plerunque coniungitur , vt bacchanalia esse , & rixas fieri . Tunc vnus argumentandi modus in ijs quæ necessario coniunguntur ex parte eius , quod cum altero iungitur affirmatiuè , ex parte vero alterius negatiuè , qui modus est consequentia necessaria . vt peperit , ergo concepit , fructus fert , ergo floruit , è contra non concepit , ergo non pariet , non floruit , ergo non feret fructus . Alter modus est in ijs , quæ plerunque iunguntur , & in his sumitur similis consequentia , sed probabilis tantum vt bacchanalia sunt , ergo rixe erunt , nō sunt rixe , ergo nō fuerunt bacchanalia , Ad hos argumētādi modos pertinet argementa , quæ sumuntur à signis naturalibus physio-

R 2 gno-

gnomicis, a prodigijs, a portentis, & quæ ab augurijs olim sumebantur, quamuis talia argumenta, iam inania & fallacia sint. Reducuntur etiam argumenta, quæ sumuntur ex suspicionibus, a dictis, a factis alicuius quamuis non omnia necessaria sint, aut probabilia.

externis
De locis extremis, ab oppositis, & disparatis.

Cap. VIII.

Non solum ab ijs, quæ rei substantia sunt vel eam circumstant argumenta trahimus, sed etiã ab ijs, quæ extranea, & aduersa sunt, ac tales loci externi dicuntur, inter quos de oppositis & disparatis esset modò agendũ, si in Primo libro abundè hoc iam nouis auditoribus, quò se in arguendo exercerent non concessissemus. Hic solum maximas ipsas, & aliquos argumentandi modos, quos illic prætermisimus aperiemus. Est Maxima prima pro Relatiuè oppositis. Relatiua simul se ponuntur, & simul se perimuntur in proprijs subiectis, vt si pater est, etiam filius est, & si pater non est, nec filius est. Altera in eodem subiecto, si vnum affirmatur, & alterum negatur respectu eiusdem termini, vt Petrus est filius Pauli, ergo non est eius pater: negatiuè non valet, non est pater, ergo non est filius, potest enim esse, quòd nec sit pater nec filius. Maxima pro contrarijs, & priuatiuis, De quo vnũ af-

firma-

firmatur, & alterum negari debet vt nix est
 alba, ergo non est nigra. homo videt, ergo non
 est cæcus; negatiue non valet nisi sumamus
 proprium subiectum capax talium opposito-
 rum, & sumamus contraria, quæ non habent
 medium; tunc enim, de quo negatur vnum, af-
 firmatur alterum, vt homo non videt, ergo est
 cæcus; leo non est cæcus, ergo videt; aqua non
 est calida, ergo est frigida: ignis non est frigi-
 dus, ergo est calidus. In Contradictorijs de
 quo affirmatur vnum, negatur alterum, & è
 contra, vt lapis est, non homo, ergo non est ho-
 mo, non est homo, ergo est non homo, præser-
 tim in subiectis existentibus. In Contradicto-
 rijs est modus argumentandi a contradic-
 torio prædicati, ad contradictorium subiecti,
 vt, homo animal est, ergo non animal non ho-
 mo est, & etiam inconsequentijs, vt si homo
 est, animal est, ergo si non animal est, non ho-
 mo est, quæ consequentia dicitur è contrarijs.
 Alter modus in cōtrarijs, cum contraria præ-
 dicata de cōtrarijs vel oppositis prædicamus,
 vt Prudentia est virtus, ergo Imprudentia est
 vitium: Virtus est amanda, ergo vitium est o-
 dio habendum, lumē delectat, ergo tenebrę cō-
 tristant, quæ consequentia dicitur in ipso, cu-
 ius Maxima, Sicut se habet propositum in
 proposito, ita, & oppositum in opposito, vel
 contraria de contrarijs prædicantur.

De loco a Maiori.

MAius vocatur id, quod magis probabile, & verum videtur, vt maius est hominem vincere equum, quam vincere leonem, hoc enim minus est, idest minus probabile, & minus apparens verum. Argumentamur a Maiori ad minus negatiuè tripliciter. Primo, maiori & minori positis a parte subiecti, vt Angelus non potest cogere voluntatē hominis, ergo nec Dæmon. Maxima. Vno de duobus enunciato, si cui magis videtur inesse non inest, nec ei, cui minus videtur inesse, incrit. Alter ex parte prædicati positis maiori, & minori, vt homo non potest domare equum, ergo nec poterit subijcere leonem. Maxima, duobus de vno enunciatis, si quod magis videtur inesse, non inest, nec id quod minus. Tertius ex parte vtriusque extremi, vt Rex nō potuit expugnare castrum, ergo nec Dux expugnabit urbem. Maxima. Duobus de duobus enunciatis si quod alteri magis videatur inesse non fuit, ergo nec alteri, alterum, quod minus videtur, incrit. Horum trium maxima communis est, si quod magis videtur, non est verū, nec id quod minus videtur, verum erit.

De loco a Minori.

LOci a Minori sunt tres, sed affirmatiui. Primus ex parte subiecti, vt Dux expulis ho-

hostes, ergo Imperator expellet. Maxima. Duobus de vno enunciatis, si quod minus videtur, inest, & id quod magis videtur, inerit. Secundus ex parte prædicati, vt vicit leonem, ergo vincet æquum. Maxima. Duobus de vno enunciatis, si quod minus videtur inesse, inest, & id quod magis videtur, inerit. Tertius ex parte vtriusque, vt Christus pro nobis gravissima tulit tormenta, ergo & nos hæc modica ferre debemus. Maxima. Duobus de duobus enunciatis, si quod alteri minus videtur inesse, inest, & alterum, quod magis videtur, alteri inerit communis maxima. Si, quod minus videtur, est verum, & id, quod magis.

Simili.

Similia dicuntur, vel quæ aliquam formam eiusdem rationis participant, vel quæ eadem inter se proportionem habent. verbi gratia album albo simile est, & homo homini secundum formam. at Dux & Auriga similes sunt secundum proportionem. Varoque autem modo valet argumentum affirmatiue, & negatiue, vt, Cignus disgregat visum, ergo, & nix, equus non est particeps, rationis ergo nec leo. Debemus autem sumere similitudinem in eo, ratione cuius prædicatum inest, aliter non valebit, non enim valet, cignus sentit, ergo & nix, quia quamuis similiter in albedi-

R 4 ne,

ne tamen albedo non est ratio quia cignus sentit similiter in simili secundum proportionē valet, vt sicut se habet ancilla ad dominantē, ita sensus ad rationem, sed non debet ancilla imperare dominā, ergo nec sensus rationi. Sicut se habet auriga in curru, ita dux exercitus, sed auriga attentē, & cantē debet dirigere currum, ergo & dux prudenter gubernare exercitum. Maxima. Similium & proportionalium idem est habendum iudicium. Huic loco ascribitur a Pari, seu Aequali, vt lex est: Qui occiderit patrē obuolutus corio deiiciatur in profluentem, ergo & qui occiderit matrem est deiiciendus, quia par est peccatum. Etiam sunt opposita loca, nempe a Dissimili, & Dispari, sed eorum non est admodum frequens vsus, quorum Maxima. Dissimilium, & disperantium diuersa est ratio.

De locis alijs extrinsecis a transmutata proportione. Cap. IX. quod quatuor terminis habentibus proportionem eam, quatuor terminis habentibus proportionem eam, quatuor terminis habentibus proportionem eam, quatuor terminis habentibus proportionem eam.

Propositis quatuor terminis, duobus prioribus proportionem eam habentibus, quā tertius, & quartus habent, eadem proportio primi & tertij, secundi, & quarti colligitur atque tale argumentum, & permutata pro-

por-

portio ne dici solet, quo argumentandi modo frequentius Arithmetici uti solent, ut sicut se habent duo ad quatuor, ita & sex ad duodecim, est enim proportio dupla, scilicet maior numerus minorem bis continet, ergo sicut se habent duo ad sex, ita se habent quatuor, ad duodecim, utraque enim est tripla: præterea sicut se habet homo ad risibile, ita equus ad hinnibile, in utraque enim prædicatum de suo subiecto affirmatur, ergo sicut se habet homo ad equum, ita risibile ad hinnibile est enim utraque predicatione disparata.

Ab Auctoritate.

Solet ab auctoritate argumentum tantum duci affirmativum, ne philosophi docent elementa esse quatuor, sunt igitur quatuor vocamus affirmativum, quando auctoritatem affirmamus quamvis id quod probamus sit negativum, ut philosophi docent cælum non esse corruptibile, cælum igitur non est corruptibile. In hoc loco est latitudo probabilisationis, secundum maiorem vel minorem auctoritatem. Maxima. Experto cuique in sua arte credendum est. Super omnes auctoritates est diuina ecclesie reuelata, cui secundum fidem catholicam assentire tenemur. certior enim est quaecumque scientia.

natione patebit, quamuis Cicero cū alijs adnumerauerit. parum autem refert ab alijs secernere, vel cum alijs computare, dum modo ipsorum recta explicatio & vsus tradatur.

A Coniugatis.

Coniugata dicuntur, quæ se habent sicut abstractum & concretum, vt album, & albedo, & iustum, & iustitia. Est primus locus argumentandi in his prædicando aliquid denotans bonum, vel malum, tam affirmatiuè, quàm negatiuè, vt sanctum est obedire, ergo sancta est obedientia, diuitem esse non est optimum, ergo diuitiæ non sunt optimum bonū. Alter modus est, subiijciendo, & prædicando in propositionibus essentialibus, vt album est coloratum, ergo albedo est color: in ijs verò, quæ per accidens sunt, non valet, non enim sequitur, album est dulce, ergo albedo est dulcedo.

A Casibus.

Casus sunt plura denominatiua inter se ab eadem forma inflexa, vt sapiens, sapienter, iustum, iustè. In his valet etiam affirmatiuè, & negatiuè argumentum, vt iustum est bonum, ergo quod iustè fit bene, fit, sapientem esse optandum est, ergo sapienter agere optandum est.

A Com-

paries est albus propter calcem, ergo & calix est alba: Theophrastus est factus doctus, quia audiuit Aristotelem, ergo & Aristoteles fuit doctus. Hic modus non valet, nisi quando subiectum potest recipere tale prædicatum, nõ enim dicens, nix est alba propter albedinem, ergo albedo est alba, quia albedo non est aptum subiectum ipsius albi. Valet tamen diligo hominem propter Deum, ergo magis diligo Deum. Maxima etiam, Propter quod vnumquodq. tale, & id magis, quando potest tale esse, id est, idem recipere prædicatum Supererat locus vltimus a diuisione, sed in primo libro de eo, & ipsius maximis diximus. Hi sunt præcipui loci, quos adole scētes exercere erit utile ante Arist. copiosam, & exactā doctrinā.

De syllogismorum fallacijs & erroribus.

De syllogismo vitioso.

Cap. XI.

Cum syllogismi perfectio in recta forma, & recta materia consistant, rerumq. imperfectio ex eorum quæ ad perfectionem necessaria sunt defectu, consurgat, fit vt in Syllogismo multiplex vitium, & error contingat. Est enim quidam error in Forma, quando non fit ea propositionum dispositio, quæ
in

Et cum syllogismus simile vesti ex vili panno recte cōstructa. Tertius euenit error in vtroque simul nempè in Forma, & Materia, vt Quod mouetur est sensibile, Cadauer mouetur, ergo Cadauer est sensibile, forma enim huius vitiosa est, cū sit ex puris particularibus. Materia etiā apparens est, ex æquiuocatione verbi, mouetur, nam aliquando pro motu locali, aliquando pro alteratione, & etiam pro augmentatione sumitur. Licet igitur error tripliciter contingat, vel in Forma, vel in Materia, siue Necessaria, siue probabili, vel in Materia & Forma, frequentius tamen in Materia probabili errores accidūt, cum amplior sit, & communior, ac etiam imperfectior sit, ac propterea error in ea non ita facile percipitur. Ex his cecidit, vt syllogismus, qui est instrumentum cognitionis, & scientiæ, sit erroris & deceptionis causa, quod cuilibet instrumento commune est, rectè enim adaptatus calamus benè scribit, ac characteres delineat si tamen non rectè aptetur maculas potius chartæ imprimit. Tali syllogismo vtuntur qui alios decipere conantur, & qui se potius videri sapientes, quàm esse student dicti Sophistæ, à quibus etiam syllogismus talis Sophisticus est nuncupatus. cuius errores distinctè aperire oportet, non vt eis vtamur alios decipientes, sed vt ab eis caueamus, & similibus hominibus nos eripere valeamus.

De

do vocibus & importunitate verborum sola,
vel alia causa respondens, admittit contradi-
ctorium, non est Redargutio, verbi gratia su-
stinet, quis dormientes non videre, fit syllogis-
mus sophisticus, Omne visum habens, videt,
Omnes dormientes visum habent, ergo om-
nes dormientes vident, cogitur vi syllogismi,
quia fallaciam illius nominis: visus: ignorat
concedere conclusionem, tunc redactus est
ad metam redargutionis, & contradictionis.

De Meta Falsa

Falsum vocatur id quod omnibus circum-
stantibus cognitum est tanquam falsum,
& re ipsa falsum est, & ad id conatur redigere
sophista respondentem, vt homo habet quod
non amisit, non amisit alas, ergo habet alas.

De Meta inopinabilis

Inopinabile est id quod contra circumstan-
tium opinionem est, siue ipsum sit verum,
siue falsum, ad quod sophista redigere cona-
tur respondentem, vt saltem apud astantes vi-
ctoriam de eo habuisse videatur, vt si corā ru-
sticis solem maiorem terra cogeret concede-
re, hi enim sicut maiorem lapidem esse existi-
mant. Similiter si coram hominibus virijs de-
ditis regem posse infelicem esse conuinceret,

fali includuntur. quæ dicitur: Non ens, id est, quoties respondens cogitur id cõcedere quod non est, vel non apparet esse, vt conuincatur erroris, & ignorantia, quæ circa non ens versatur, & Sophista ex hoc sapiens videatur, propterea has fallacias quibus decipere conatur singulas ostendamus.

De fallacia in communi. Cap. XIII.

Fallacia non vno modo tantum dicitur, aliquando enim & pro errore, & deceptione ex ipso argumento sophistico proveniente sumitur, aliquando pro ipso met argumento, & loco, & utroque modo in presenti usurpatur. Est autem aduertendum, quemadmodum Dialectici ex suis locis argumenta vere deducunt, probabiliter argumentatur, ac opinionem rerum faciunt: ita & Sophista ex eisdem locis sæpe apparentur argumenta extrahentes, & non quidem vere, deceptionem faciunt, vt. n. Dialecticus argumentatur a superiori vniuersaliter ad inferius, scilicet, omne animal sentit, omnis homo est animal, ergo omnis homo sentit: ita Sophista argumentatur in apparenti vniuersali: Omnis canis latrat. Sydus cæleste est canis, ergo sydus cæleste latrat, Propterea in fallacia qualibet duo concurrunt. Alterum illa similitudo apparentis loci ad verum quæ mouet intellectum, seu imaginationem.

Huius fallacię triplex est species. Prima, quando vox simpliciter est æquiuoca, ex qua fit syllogismus sophisticus, vt omne corpus est substantia. Trina dimensio est corpus, ergo Trina dimensio est substantia, in hoc est æquiuocatio corporis, quod aliquando compositam substantiam, aliquando trinam dimensionem significat, quæ quantitas est. Secunda species est, cum vox est analoga, vt, omne quod currit pedes habet, Tyberis currit, ergo Tyberis habet pedes. Quod ridet, habet os, Pratum, ridet, ergo Pratum habet os. Tertia species cum variatur ampliatio vel genus, aut alia proprietas grammaticalis, vt Omne animal est coloratum, Mulier est animal, ergo est coloratum. Quod surgebat stat, sedens surgebat, ergo sedens stat.

De fallacia Amphibologia.

Amphibologiæ fallacia, est error proueniens ex vnitae orationis plures patientis sensus, cuius causa apparentiæ est vnitae orationis, causa verò non existentiae, est ipsa sensuum multiplicitas, vt Quicquid est Aristotelis, possidetur ab Aristotele, Hæc est logica Aristotelis, ergo Hæc logica possidetur ab ipso. Hic varium ille genitiuus sensum facit, nam significat habitudinem possidentis,

& rei possesse, similiter & ordinem causæ & effectus, & hæc est vna species ipsius, quando nepe eadem manet orationis constructio. Altera species est, quando mutatur constructio, vt quando casus mutatur, sicut, quodcumque vides, hoc vides, sed lignum, vides, ergo ligno vides. illud enim hoc, mutat sensum, si in ablatiuo, aut si in accusatiuo construatur, vel etiam quando id, in quod transit actio verbi, mutatur in suppositum, vt Quoscumque volo me accipere, volo me accipiant, sed hostes volo me accipere, ergo hostes volo me accipiant, hic enim modo appositum in suppositum, modo suppositum in appositum conuertitur. Tertia species, quando vna oratio plura significat, sed vnum principaliter, alterum similitudine quadam, vt Quoties littus aratur, terra scinditur, Cum indocilis docetur. littus aratur ergo cum indocilis docetur terra scinditur, illa enim oratio, littus aratur, principaliter significat, littus aratro scindi, quadam similitudine verò significat frustra quicquam agere.

De fallacia Accentus.

Error iste provenit, cum aliqua dictio variè significat ex diuersa pronuntiatione spiritus, quantitatis, vel accentus, vt qui loquitur hamatur, hamo capitur, vinum amat, ergo

vinum hamo capitur. Omnis pōpulus est arbor, Roma est pōpulus, ergo Roma est arbor, dictio enim pōpulus: ex varia quantitate primæ syllabæ varia significat. Prouenit etiā iste error, quando separatur vna dictio in plures, vel ex pluribus fit vna. Sic, quod Deus facit inuite, facit coacte, Racemos Deus facit inuite, ergo Racemos facit coacte, est deceptio, nam sunt duæ partes in minori, nempe præpositio; in: & ablatiuus, vite: in maiori autem est vna dictio, nempe aduerbium. Similiter. Tu es, qui es, quies est priuatio motus, ergo tu es priuatio motus. Prouenit etiam tertio hæc fallacia, quando cum pronuntiatione mutatur gestus, quod fit in Ironijs, mutatur enim sensus per Ironicam pronuntiationem, vt quicumq. alterum vocat album, ipsum dicit esse album, sed pueri æthiopem vocant album, ergo pueri dicunt ipsum esse album. Tandem fit ista deceptio cum mutatur diphtongus, vt quicumque desiderat æquum, desiderat iustum, sed qui desiderat equitare, equum desiderat, ergo qui desiderat equitare, desiderat iustum.

De fallacia Compositionis, & Diuisionis.

Cap. XIV.

TRia circa fallacias has speculari oportet. Primum quid Compositio, & quid

S 4 Di-

Diuifio fit. Secundum quid Cōpōitionis fallācia, & quid etiam Diuifionis fallācia. Tertiō quot harum species; Cōpōitio igitur & Diuifio non vno modo dicuntur. Primo. n. Cōpōitio est, quāties significatio vnius termini applicatur integræ significationi alterius vt si dicas, album potest esse nigrum si sensus fit, albo ipsi, nempe corpori cum albedine simul accidere nigrum, cōpōitio est, sic autem fit Diuifio cum non integræ, sed parti significationis alterius significatio applicatur, vt si in eadem propositione fiat sensus, illud corpus quod album est, nigrum potest esse non tamē simul cum albedine Diuifio est. Fit etiam altero modo Cōpōitio & Diuifio, cum vna dictio potest construi cum varijs dictionibus in eadem oratione, si autem cum vna construat, facit vnum sensum, si vero cum altra, facit alterum sensum, & in hoc talis oratio differt ab Amphibologia, in qua eadem seruat dicti onum constructio, vt quicquid viuit semper erit, dictio: semper: potest construi cum verbo: viuit: & sensum facit verum potest etiam construi cum verbo, erit: & sensum facit falsum, tunc cōstruere talē dictionem cum ea, cū qua magis apparet construi, Cōpōitio est, vt coniungere com verbo: viuit; at cōiungere, cum eo, cum quo minus cōiungi apparet, Diuifio est, vt si cōstruatur cū illo verbo: erit: & in hoc pronūciationē, & lo-
quendi

quendi pharasin oportebit considerare; sunt
etiam compositio & diuisio tertio modo, ut
dicemus in earum speciebus.

V *hinc con-*
mittitur
fallacia
compositio
in alio
tempore
ut in
se quod non
est pro
dicto ante
quam sit
conclusio
nam falsum
est sensu
compositio
Circa secundū fallacia Compositionis & di-
uisionis fit cum in consequentia aliqua da-
tur antecedens verum, & consequens falsum,
eo quod diuisum sensum in compositum, vel
Compositum, in diuisum mutamus: non enim
licet hos mutare, tunc autem fit Compositio-
nis fallacia peculiariter, cum consequens fal-
sum quod sequebatur ex sensu composito fal-
so in antecedenti, attribuiamus eidem anteceden-
ti in sensu diuiso vero, vel cum Conclusio-
nem, quæ sequebatur in sensu diuiso vera,
sumimus in sensu composito falsam. Exem-
plum prioris. Omnia quinque sunt duo &
tria, Quinarius non est duo & tria, ergo Qui-
narius non est quinque, in hoc syllogismo
conclusio est falsa, & sequitur ex anteceden-
ti composito falso, nam illa minor falsa est,
si predicatum compositè & copulativè tenea-
tur, esset autem vera, si diuisivè teneretur, fa-
cit enim sensum quinarius non est duo, & qui-
narius non est tria, è contra maior diuisa est
falsa, composita vera, tunc esset fallacia Cō-
positionis velle tribuere falsitatem conclu-
sionis veritati minoris diuisæ, cum tamen ex
eā non sequatur. Exemplum posterioris. Om-
nem hominem scribere est possibile, Aliqui
non

non enim inferabatur, nisi in sensu diuisione:
ut si dicas, Iuuenes esse senes est impossibile.
Homines sunt Iuuenes, ergo homines esse se-
nes impossibile est, conclusio est falsa, & Ma-
ior in sensu diuisione, ex qua conclusio sequitur,
in sensu vero composito est vera, & attribuere
ei falsitatem conclusionis, est fallacia Diui-
sionis, quia quod est diuisa sequitur attribui-
mus compositæ. Altera species harum falla-
ciarum est, cum est aliquod complexū, quod
diuisiue, & copulatiue sumi potest, ratione
cuius mutatur sensus. ut superius diximus:
similiter de cōplexo disiuncto, vel disiunctiuo,
ut Omne animal est rationale, vel irrationa-
le. Sed nō omne animal est rationale, ergo om-
ne animal est irrationale, est quidem diuision-
is fallacia in Maiori; quæ potest sensum di-
siunctum facere, & sic est vera. est enim pro-
posito categorica, cuius sensus est, de quoli-
bet animali per se esse verum enunciare hoc,
scilicet esse rationale, vel irrationale, & sic
non inferitur conclusio illa, potest disiunctiue
sumi, & sic est diuisa falsa, facit enim sensum:
omne animal est rationale, vel omne animal
est irrationale, & ex ea talis conclusio etiam
falsa sequitur. fallacia consistit in eo, quod
tribuimus compositæ veræ, quod non sequi-
tur, nisi ex ea diuisa falsa. Et opposito modo
fallacia compositionis cum sensus compositus
est falsus, diuisus verus. Tertia species,
est

est cum aliquam dictionem cum varijs construimus, propter quod mutatur sensus; ut quicquid uiuit semper erit; Equus uiuit; ergo equus semper erit, conclusio falsa; & maior in sensu diuiso falsa; nempe, si dictio semper coniungatur cum verbo erit, & sic procedit conclusio, at si iungatur cum verbo uiuit, est compositio, & vera. Similiter quauentmq. imaginem auream habentem vestem vidi, ipsa est ex auro, sed ligneam imaginem vidi habentem vestem auream, ergo imago lignea auro, conclusio est falsa, & etiam maior diuisa nempe si illa dictio auream, iungatur cum vesti, sic enim ex ea infertur conclusio, at si composita sumatur est vera, nempe si iungatur cum imagine ac propterea est fallacia diuisionis conclusionem tribuere composita.

De fallacia figura dictionis.

Fallacia hæc accidit, cum ex similitudine duarum dictionum inter se accidentalit, colligimus similitudinem significatorum, quod primo euenit cum dictio vnius generis grammaticalis existimatur esse alterius generis propter similem desinentiam, ut qui poetam concederet esse doctam sicut musam: quia musa est fœmininum nomen, & qui Eustochium concederet esse sanctum, quia finitur in um, sicut

sicut templum. Altero modo euenit, cum nomen vnius predicamenti sumimus pro altero predicamento, vt quicquid hodie emisti, modo comedisti, Carnes crudas hodie emisti, ergo carnes crudas modo comedisti, est figura dictionis, quia, quicquid, significat substantiã, crudum vero qualitatem. Euenit etiam, cum simplicem suppositionem in personalem, vel e contra mutamus, vt homo est species, Iulius est homo, ergo Iulius est species, cum præsertim hoc sit in indiuiduo, & vniuersali, nam hic videtur mutari modus cum vniuersale quale quid, indiuiduum hoc aliquid significat.

De fallacijs extra dictionem.

De fallacia accidentis.

Cap. XV.

QUO facilius hæc fallacia intelligatur (est enim, admodum communis) notandum est aliqua quadrupliciter vñ quid esse posse. Primo dicuntur ea vñ, quæ vñum prorsus significant, quàmuis sub diuersis nominibus aut modis diuersis, quo pacto duo synonyma vñum dicuntur, similiter definitum & ipsius definitio, illa tamen in voce differunt, hæc vero in significandi modo, cum definitum confuse, definitio eandem explicite dicat. Altero modo quædam dicuntur

vnum, quæ cum non eandem naturam signifi-
 cent, vnum tamen est de essentia alterius, si-
 cut genus vel differentia idem sunt cum spe-
 cie, & species cum individuo puta homo & a-
 nimal, homo & rationale, homo, & iustus. Ter-
 tio quædam alia dicuntur vnum minori vni-
 tate, quorum vnum est alterius proprium, pu-
 ta homo, & risibile; non tamen risibile est de
 essentia hominis. Tandem quædam alia dicun-
 tur vnum, quorum vnum alterum claudit tan-
 quam accidens, vt homo, & album. Ista qua-
 tuor non ita vnum sunt, quin aliqua inter ea
 differentia inueniatur, nec ita sunt diuersa,
 quin etiam aliquo modo vnum sint, ex quo fit
 quod aliqua, quæ vni tribuimus, etiam alteri
 damus: aliqua vero vni applicamus, quæ alte-
 ri non concedimus, dicimus enim album colo-
 ratum, & currere, & sedere, quæ etiam de ho-
 mine albo prædicamus: at album esse accidens,
 colorem, qualitatem dicimus, quæ de homine
 non enunciamus, & in vniuersum est Regula,
 Omnia ea quæ vni conveniunt secundum id,
 in quo ab altero differt, remouenda sunt ab al-
 tero, cetera vero concedenda simul, aut negan-
 da. Verbi gratia, album dicitur currere ratio-
 ne ipsius subiecti, corpus enim albedinem ha-
 bens dicitur currere. præterea album dicitur
 accidens ratione formæ, in qua cum subiecto,
 non est idem, non prædicabitur ergo accidens
 de corpore.

Ex

Ex his nota est fallacia accidētis, quæ fit quoties tribuimus vni oīa, quæ tribuimus alteri, quæ tamē nō illi, qua parte cū altero vnū est, conueniunt, existimantes propter identitatē, & vnitatem id licere, quo defectu peccant omnes hi syllogismi, & consequentiæ homo est risibilis, risibile est propriū ergo homo est propriū. Ensis est gladius, gladius est secūda declinationis, ergo Ensis est secūda declinationis. Petrus est homo, homo est species, ergo Petrus est species, & in vniuersum quoties suppositio variatur, sicut quando procedimus ex puris particularibus ex maiori particulari in prima figura, ex puris affirmatiuis in secunda figura, & similia. Similiter quoties appellationem mutamus, vel ex diuisis ad coniuncta, vel è contra procedimus, vt video Corruscū, & corruscus est veniens, ergo video venientem. Hic canis est pater, Et hic canis est tuus, ergo est pater tuus. Puer hic est magnus logicus, ergo est magnus, & est logicus. Similiter quoties a genere, seu a superiori ad inferius absque vniuersalitate, vel ab inferiori ad superius vniuersaliter procedimus, vt animal est album, ergo homo est albus, vel omnis homo est risibilis, ergo omne animal est risibile, de quibus in locis a toto diximus. Nec mirearis, si fallacia suppositionis hic collocetur, & in figura dictionis cum diuersis rationibus vitium vnum ad duas species fallaciarum referatur

ratur, illic enim Figura dictionis hic unitas extremorum consideratur.

De fallacia secundum quid

& simpliciter.

Fallacia ista ex similitudine loci a toto in modo procedit, erat enim totum in modo dictio respectu sui ipsius cum aliquo adiecto sumpta, quod dicebatur pars in modo, ut homo, & homo albus, valebat autem a parte ad totum & e contra, ut illic explicuimus. Sunt autem aliqua adiecta quæ diminuunt significationem totius cui iunguntur, vel eam distrahunt, & alienant, & talia non totum in modo, aut pars, sed dicta secundum quid nuncupantur, ut homo mortuus, album secundum dentes & similia, Quæ autem adiecta distrahant, ex ijs quæ in secundo libro de alienatione diximus, facile est videre. At ea dicuntur diminuere quando cum eis ita prædicatum, vel subiectum cum aliquo copulatur, ut eis semotis oppositum enunciatur, verbi gratia, *Æthiops secundum dentes albus dicitur*, ablato verò illo adiecto secundum dentes, niger, vel non albus dicitur, nisi subiectum alia ratione esset album ut homo secundum dentes est albus, si ille etiam secundum totum se albus esset, adhuc albus diceretur, sed nō ex virtute, & ratione illius adiecti, est igitur fallacia

ta.

talibus dictis secundū quid, ad ipsā absolute
 sumpta, vel ē contra, tam affirmatiuē, quā ne-
 gatiuē argumentari, vt in ipsis huius fallacię
 modis comperietur. Est primus modus a di-
 cto diminuyente secundum locum, non n. valet
 non licet prandere in templo, ergo non licet
 prandere: licet in mari non audire sacrum, er-
 go licet non audire sacrum non valet. Secun-
 dus modus a dicto diminuyente secundum te-
 pus, non n. sequitur, non est licitum diebus ve-
 neris vesci carnibus, ergo non est licitum ve-
 sci cānibus: expedit tempore naufragij proij-
 cere merces, ergo expedit proijcere merces.
 Tertius a dicto diminuyente ad aliquid, vt fe-
 bricitanti non est bonum vinum, non valet,
 ergo non est bonum vinum. Amentia non ex-
 pediunt arma, ergo non expediunt arma. Quar-
 tus a dicto diminuyente secundam partem, vt
 est albus secundum dentes, ergo est albus, non
 sequitur non est albus secundum dentes, ergo
 non est albus, hoc intelligi debet, quando illa
 pars non est proprium subiectum illius acci-
 dentis, tunc enim valet, vt est crispus capite, er-
 go est crispus, bene sequitur: est cæsus oculis,
 ergo est cæsus, est curuo naso, ergo est aqui-
 linus, in his enim bene sequitur, quia talia
 prædicata illis partibus propriè, & adæqua-
 tē insunt. Quintus a dicto distrahente, vt
 duo leones marmorei sunt in foro, ergo duo
 leones sunt in foro, hic est homo pictus, ergo

T est

est homo, non sequitur. Eadem est fallacia sepe argumentari ab ipsis totis, non enim valet non est albus: ergo non est albus secundum dentes: non est leo, ergo non est lapi deus; licet comedere carnes, ergo licet in die veneris, & alijs similiter non valet, sicut nec ab ipsis partibus, nisi tale prædicatum omni ex parte, & integrè subiecto insit, tunc enim valeret, vt non est bonum mentiri, ergo non est boni mentiri in bello, nec domi, & similia.

De ignorantia elenchi, ibi Cap. XVI.

Superius quid esset Elenchus diximus, est enim syllogismus contradictionis, id est inferens, & probans contradictoriam eius quod concessum est, vel simul duo inferens contradictoria: si verè autem probat verus elenchus: si cum deceptione, Sophisticus dicitur. Vnde duplici ex parte elenchus deceptio accedit, vno modo, quando id non fit syllogismo bono sed fallaci, altero modo, quando syllogismus bonus est non tamen probat veram contradictoriam propositionis concessæ, sed apparentem, cum non obseruet leges vera contradictionis, & tales fallaciæ quæ hac parte fiunt, dicuntur secundum ignorantiam Elenchi, quas Arist. 1. Elench. c. 4. quatuor numerat. Prima quando contradictoria non summuntur ad idem, vt numerus ternarius excedit

excedit binarium, & non excedit quaternarium, ergo ternarius excedit numerum, & non excedit. Secunda quando non sumuntur secundum idem, vt corpus hoc est duplum ad aliqd secundum latitudinem, & non secundum longitudinem, ergo est duplum, & non duplum. Tertia similiter, idest quando non seruatur idem modus; vt currit velociter, non currit tardè, ergo currit & non currit. Quarta quando non seruatur idem tempus, vt dormio noctu, non dormio mane, ergo dormio, & non dormio sed de his latè diximus libro Secundo.

De Fallacia Consequentis.

Fallacia ista procedit ex similitudine illius loci, quo à positione antecedentis ad positionem consequentis, & ab opposito consequentis ad oppositum antecedentis procedebamus. Secundum vero fallaciam hanc fit transmutatio, nempe ad oppositum antecedentis ad oppositum consequentis, vt si ignis est, calor est, ergo si ignis non est, calor non est, qui dicit te esse equum, dicit te esse animal, sed qui dici, te esse equum, dicit falsum, ergo qui dicit te esse animal, dicit falsum. In his est fallacia, quia ex opposito antecedentis inferimus oppositum consequentis, quod non licet, nisi in terminis conuertibilibus. Si-

militer quando expositione consequentis antecedens ponimus, similis est fallacia, cum nō liceat, nisi in terminis conuertibilibus, vt si homo est, animal est, ergo si animal est, homo est. si ignis est, calor est, sed calor est, ergo ignis est. Vnde patet in his fallacijs priorē consequentiā bonam esse, posteriorem verō, quā a negatione antecedentis, vel ā positione consequentis procedimus, fallacem.

De fallacia petitionis principij.

Fallacia hæc contra syllogismi probationē procedit. Syllogismus enim & illatiuus est conclusionis, & instrumentum probatiuum ipsius illatio in recta forma consistit, probatio verō præter hoc antecedens notius consequente petit: ob id fallacia est, & quæ ignota, vel ignotiora ad probationem ignotorum sumere præsertim quando idem, per idem licet occulte, probare intendimus, vt qui probaturus in particulari homines esse iustos, petere ad probationem omnes homines esse iustos: & probaturus Medicinam esse scientiam sani, & ægri peteret separatim Medicinam esse scientiam ægri, vel denique verbis parum mutatis idem per idem probaret, in talem incidere fallaciā.

De fallacia secundum non causam, vt causam.

Fallacia hæc est, cum conclusionis falsitas, quæ provenit ex vna præmissa falsa, attribuitur præmissæ veræ, vt omnis homo est animal, planta est homo, ergo planta est animal: Conclusio est falsa, cuius causa est minor, attribuire verò id maiori, ac velle ob id contendere maiorem esse falsam, est fallacia non causæ, vt causæ quam superius diximus, non propter hoc accidere falsum. Fit etiam ista fallacia, cū conclusionem veram attribuimus falso tanquam causæ. Similiter cum consequens ex antecedenti non proprio deducimus, ipsi attribuētes consequētis veritatē. vt homo est disciplinabilis, ergo est grāmaticus, & huiusmodi alia.

De fallacia secundum plures interrogationes vt vnā.

Fallacia hæc committitur, cum opponens petit vnicam sibi responsionem dari illius, cui vnica responderi non potest vt ipsum respondentem ex quacumque vna responsione capiat, vt si petat, homo & leo sunt ne animal rationale? si respondeatur ita esse, colliget leonem esse rationalem, quod falsum est. Si verò respondeatur, non ita esse, colliget hominem non esse rationalem, quod

T 3

etiam

etiam falsam est. Ad fallaciam hanc reprimē-
dam non oportet vnica responsione satisfacere
petenti multa quibus nonnisi multis res-
ponderi potest. Atque hæc breuiter, de locis,
& fallacijs atque perinde de tota Introductio-
ne. Sit laus Deo omnipotenti, qui nos ad finē
perduxit, ipse faciat, vt in sui gloriam, & tu-
uenum vtilitatem, maioremq. in litteris pro-
gressum, quorum gratia scripta sunt, hæc om-
nia tendant.

Finis Introductionis.



PORPHYRII

PHENICEI INTRO-

DUCTIO SEVERINO

BOETIO

INTERPRETE.



SUMMA LIBRI.

*De generis, speciei, differentiae, proprii, ac accidentis
natura. De eorundem communitatibus ac diffe-
rentijs.*

PROOEMIUM.

CAP. I.



V M sit necessarium, Chry-
saori, & eadem, quæ est a-
pud Aristotelem prædi-
camentorum doctrinam,
nosse quid sit genus, quid
differentia, quid species,
quid proprium, & quid
accidens: & ad definitio-
num assignationem, & omnino ad ea quæ de

T 4 di-

diuisione & demonstratione sunt: vtili existente istarum rerum speculatione, conpendiosa tibi traditionem faciens, tentabo breuiter, velut introductionis modo. ea quæ ab Antiquis dicta sunt aggredi: ab altioribus quidem questionibus abstinens, simpliciores vero medio critèr coniectans. Mox de generibus & speciebus, illud quidem siue subsistant, siue in solis nudis intellectibus posita sint. Et siue subsistètia corporalia sint an incorporalia: Et vtrum separata, an in sensibilibus posita, & circa hæc consistentia, dicere recusabo, altissimum enim est huiusmodi negotium, & aliud maioris ègens inquisitionis. Illud verò quemadmodum de his, ac de propositis magis probabiliter Antiqui tractauerunt, & horum maxime Peripatetici, tibi tunc tentabo monstrare.

De genere. Cap. II.

Videtur autem neque genus neque species simpliciter dici. Genus enim dicitur & aliquorum quodadmodò se habentium ad vnum aliquod & ad se inuicem collectio: secundum quam significationem Romanorum dicitur genus, ab vnius scilicet habitudine (dico autem Romuli) & multitudinis habentium aliquo modo adinuicem eam, quæ ab illo est, cognitionem secundum diuisionem

tionem ab alijs generibus dictum. Dicitur autem & aliter rursus genus, quod est vniuscuiusque generationis principium; vel ab eo qui genuit, vel ab eo, loco in quo quis genitus est. Sic enim Orestem quidem dicimus à Tantalò habere genus, Hylum autem ab Hercole, & rursus, Pindarum quidem Thebanum esse genere, Platonem vero Atheniensem, etenim patria principium quoddam est vniuscuiusque generationis, quemadmodum & pater. Hæc autem videtur promptissima esse significatio. Romani enim dicuntur, qui ex genere discedunt Romuli, & Cecropidæ, qui à Cecrope, & horum proximi. Et prius quidem appellatum est genus vniuscuiusque generationis principium: de hinc etiam & multitudo eorum, qui sunt ab vno principio, vt à Romulo: quam diuidentes & ab illis separantes, dicebamus omnem illam collectionem, Romanorum genus. Ali- ter autem rursus genus dicitur, cui supponitur species: ad horum fortasse similitudinem dictum. Etenim principium quoddam est huiusmodi genus earum, quæ sub ipso sunt specierum. videtur etiam multitudinem continere omnem, quæ sub ipso sunt, specierum. Tripliciter igitur cum genus dicatur, de- tertio apud Philosophos sermo est: quod etiã describentes assignauerunt, Genus esse, dicentes, quod de pluribus & differentibus specie

specie in eo quod quid est prædicatur, vt animal. Eorum enim quæ prædicantur, alia quidem de vno dicuntur solo sicut indiuidua, vt Socrates, & hic, & hoc: alia vero de pluribus, quemadmodum genera, & species, & differentia, & propria, & accidentia communiter, sed non proprie alicui, est autem, genus quidem, vt animal: species vero, vt homo: differentia autem, vt rationale: proprium, vt risibile: accidens, vt album, nigrum, sedere. Ab ijs igitur quæ de vno solo prædicantur, differunt genera: eo quod hæc de pluribus prædicantur. Ab ijs autem rursus quæ de pluribus: a speciebus quidem, quoniam species, etsi de pluribus prædicantur, non tamen de differentibus specie, sed numero. homo enim cum sit species, de Socrate & Platone prædicatur, qui non specie differunt, sed numero: animal vero, cum sit genus, de homine, & boue, & equo prædicatur, qui differunt a se inuicem specie, non numero solum. A proprio vero differt genus: quoniam proprium quidem de vna sola specie, cuius est proprium prædicatur, & de ijs, quæ sub ipsa specie sunt indiuiduis: quemadmodum risibile de homine solo, & de particularibus hominibus: genus autem non de vna specie prædicatur, sed de pluribus & differentibus. A differentia verò, & ab ijs, quæ communiter sunt accidentia, & differt genus: quoniam & si de pluribus, & differentibus specie prædicantur
diffe-

differentia, & communiter accidentia, non tamen in eo quod quid est prædicantur, sed in eo quod quale quid est. Interrogantibus enim aliquibus, quid est illud, de quo prædicantur hæc, genus respondebimus, differentias autem & accidentia non respondebimus: non enim, in eo quod quid est prædicantur de subiecto, sed magis in eo quod quale quid est; interroganti .n. quale quid est homo, dicimus quod rationale; & quale quid est coruus, dicimus, quod nigrum, est autem rationale quidem differentia, nigrum verò accidens. quando autem quid est homo interrogamur, animal respondemus, est autem hominis genus animal. Quare de pluribus prædicari diuidit genus ab ijs quæ de vno solo eorum, quæ sunt in diuidua, prædicantur. hoc vero, de differentiis specie, separat ab ijs, quæ sicut species prædicantur, vel sicut propria. in eo autem, quod quid est prædicari diuidit a differentiis, & communiter accidentibus, quæ non in eo, quod quid est, sed in eo quod quale quid est, vel quomodo se habet vnumquodque prædicatur de ijs, de quibus prædicatur. Nil igitur superfluum, neque minus continet generis dicta descriptio notionis.

De Specie. . Cap. III.

Species autem dicitur quidem & de vniuscuiusque forma : secundum quam dictum est . Prima quidem species digna est imperio . Dicitur autem species, & ea, quæ est sub assignato genere : secundum quam solemus dicere hominem quidem speciem animalis, cum sit genus animal, album autem coloris specie: triangulum vero figuræ speciem.

Quod si etiam genus assignantes speciei meminimus dicentes, quod de pluribus & differentibus specie in eo quod quid est prædicatur, & species dicimus id quod sub assignato genere est: nosse oportet quod, quoniam & genus alicuius est genus, & species alicuius est genus, & species alicuius est species, utrunque utriusque ideo necesse est in utrorumque rationibus utrisque uti.

Assignant ergo & sic speciem . Species est quæ ponitur sub genere : & de qua gentis in eo quod quid est prædicatur . Amplius autem sic quoque . Species est, quæ de pluribus, & differentibus numero in eo quod quid est prædicatur, sed hæc quidem assignatio specialissimæ est, & quæ solum species est, non autem & genus : aliæ verò erunt etiam non specialissimarum . Planum autem erit, quod dicitur hoc modo.

In

In vno quoque prædicamento sunt quædam generalissima, & rursus alia specialissima, & inter generalissima, & specialissima sunt alia, quæ genera & species dicuntur eadem. Est autem generalissimum quidem supra quod nullum aliud sit superueniens genus. Specialissimum autem est, post quod non est alia inferior species. Inter generalissimum autem, & specialissimum alia, quæ genera, & species sunt eadem: ad aliud tamen, & aliud sumpta. Fiat autem in vno quidem prædicamento manifestum quod dicitur. Substantia est quidem & ipsa genus: sub hac autem est corpus, & sub corpore animatum corpus: sub quo animal, sub animali vero rationale: sub quo homo. sub homine vero Socrates, & Plato, & qui sunt particulares homines. Sed horum substantia quidem generalissimum est, & quod genus solum: homo vero specialissimum, & quod solum species. corpus autem species quidem est substantiæ, genus vero animati corporis: sed, & animatum corpus species quidem est corporis, genus vero animalis. rursus animal, species quidem est corporis animati, genus vero rationalis animalis, sed rationale animal species quidem est animalis, genus autem hominis. homo vero species quidem est rationalis animalis, non autem genus particularium hominum, sed solum species, & omne quod ante indiuidua propinque prædicatur,

tur, species erit solum, non etiam genus.

*Generum ac specierum in predicamento
Substantie ordo.*

Genus Substantia generalissimum.

Species Corpus & genus.

Species Animatum corpus. & genus.

Species Animal & genus.

Species Rationale animal. & genus.

Species Homo specialissima.

Particulares Socrates, & Plato homines.

Quemadmodum igitur substantia cum suprema sit, eo quod nihil supra eam sit genus est generalissimum: sic etiam homo cum sit species, postquam non est alia species, neque aliquid eorum, quæ possunt diuidi in species, sed solum indiuidua (indiuiduum enim est Socrates, & Plato, & hoc album) species erit solum, & vltima species, & (vt dictum est) specialissima quæ vero sunt in medio, eorum quidem quæ ante ipsa sunt erunt species: eorum autem: quæ post ipsa sunt, genera. Qua-

re

re hæc quidem duas habent habitudines, eam
 quæ est ad ea, quæ antecedunt, secundum
 quam species ipsorum esse dicuntur: & eam,
 quæ est ad posteriora, secundum quam gene-
 ra ipsorum esse dicuntur. Extrema vero vnâ
 habent habitudinem. Nam & generalissimū
 ad ea, quidem quæ posteriora sunt, habet ha-
 bitudinem, cum sit genus omnium id quod est
 supremum: eam vero, quæ ad superiora nam
 habet, cum sit supremum, & primum principiū,
 (& vt diximus) supra quod non est aliud super-
 ueniens genus. Specialissimum autem vnâ
 habet & ipsum habitudinem, hanc quidē, quæ
 est ad superiora, quorum est species; eam ve-
 rò, quæ est ad posteriora non diuersam habet
 habitudinem, sed eandē, & species indiuiduo-
 rum dicitur, sed species quidem dicitur indi-
 uiduorum, velut ea continet: species autē su-
 periorum velutque ab eis continetur. Deter-
 minant igitur generalissimū genus ita, quod
 cum genus sit, non est species, & rursus, supra
 quod non est aliud superueniens genus. Specia-
 lissimā vero speciem sic, quæ cum sit species nō
 est genus: & quam, cum sit species, in species di-
 uidere non possumus: adhuc autem, & quæ de
 pluribus & differentibus numero in eo quod
 quid est prædicatur. Ea vero, quæ in medio
 sunt extremorum, subalterna vocant genera,
 & species, & vnumquodq. ipsorum specie esse
 & genus ponunt: ad aliud tamen, & aliud sum-
 ptum

prum, ea enim quæ sunt ante specialissima vſque ad generalissimum ascendunt, & generalia dicuntur, & species subalterna: ut Agamemnem, Attides, & Pelopides, & Tantalides, & ultimum Iouis. Sed in familijs quidem plerumque ad vnum reducuntur principium, verbi gratia ad Iouem: in generibus vero & speciebus non sic se habet. Neque enim est commune vnum genus omnium ens: nec omnia eiusdem generis sunt: secundum vnum supremum genus, quemadmodum dicit Aristoteles: sed posita sint (quemadmodum in prædicamentis dictum est) prima decem genera, quasi prima decem principia. Et si omnia quis entia vocet, æquivoce, inquit, nuncupabit, sed non vniuoce. Si enim vnum esset commune omnium genus ens, vniuoce omnia entia dicerentur: cum vero decem sint prima, communio secundum nomen est solum, non tamen secundum rationem, quæ secundum nomen est: Decem igitur generalissima quidem sunt: specialissima vero in numero quidem quodam sunt, non tamen infinito. Individua autem, quæ sunt post specialissima, infinita sunt: Quapropter vsque ad specialissima a generalissimis descendentes iubebat Plato quiescere: descendere autem per media diuidentes specificis differentijs. infinita vero, inquit, relinquenda sunt, neque enim eorum scientiam posse fieri. Descendentibus igitur ad specialissima, necesse est diuident-

dentes per multitudinē ire: ascendētibus vero ad generalissima necesse est colligere multitudinem in num. collectiuū. n. multorum in vnā naturā species est, & etiā magis id, quod genus est: particularia vero, & singularia e contrario semper in multitudinē diuidūt id, quod vnū est: participatione. n. speciei plures homines vnus: particularibus autē & singularibus vnus & cōmunis plures, diuisiuū enim semper est, quod singulare est: collectiuū autem & adunatiuū, quod cōmune est. Assignato autem genere & specie quid sit vtrumque eorū, & genere quidem vno existēte, speciebus verò pluribus (semper enim in plures specie diuisio generis est) genus quidem semper de species prædicatur, & omnia superiora, de inferioribus: species autem neque de proximo sibi genere, neque de superioribus: neque enim conuertitur. Oportet. n. aut æqua de æquis prædicari: vt hinnibile de æquo aut maiora de minoribus, vt animal de homine: minora vero de maioribus minime, neque enim dices animal esse hominem: quemadmodum hominem dicens esse animal. De quibus autē species prædicatur, de ijs necessario & speciei genus prædicabitur, & generis genus vsque ad generalissimum. si enim verum est dicere Socratē hominem, hominem autem animal, animal autem substantiam: veram est & Socratem animal dicere, atque substantiam, semper enim

cum superiora de inferioribus prædicentur, species quidem de indiuiduis prædicabitur, genus autem de & specie, & de indiuiduo: generalissimum vero de genere vel generibus, si plura sint media, & subalterna, & de specie, & de indiuiduo. dicitur enim generalissimū quidem de omnibus sub se positis generibus, & speciebus, & indiuiduis, genus autem, quod ante specialissimum est, de omnibus specialissimis, & indiuiduis. solum autem species de omnibus indiuiduis indiuiduum autem de vno solo particulari. Indiuiduum autem dicitur Socrates, & hoc album & hic veniens Sopronisci filius, si solus sit ei Socrates filius. Indiuidua autem dicuntur huiusmodi, quoniam ex proprietatibus consistit vnumquodque eorum, quarum collectio numquam in alio eadem erit: Socratis enim proprietates numquam in aliquo alio particularium erunt eadem, eæ vero, quæ sunt hominis proprietates (dico autem eius, qui est communis) erūt in pluribus. magis autem & in omnibus particularibus hominibus, in eo quod homines sunt. Continetur igitur indiuiduum quidem sub specie: species autem sub genere. Totum enim quiddam est genus: indiuiduum autem pars: species vero & totum est & pars. sed pars quidem alterius: totum autem non alterius, sed in alijs in partibus enim totum est. De genere igitur & specie, & quid generalissi-

lissimum, & quid specialissimum, & quæ genera eadem, & species sint, quæ etiam indiuidua, & quot modis genus & species dicantur, sufficienter dictum est.

De differentia. Cap. IIII.

Differentia vero & communiter, & proprie, & propriissime dicatur. Nam communiter quidem differre alterum ab altero dicitur, quod alteritate differt quocumque modo, vel à seipso vel ab alio, differt enim Socrates à Platone alteritate, & ipse à seipso, & puero existente & viro factò, & faciente aliquid vel quiescente: & semper in aliquo modo habendi se alteritatibus spectatur. Proprie autem differre alterum ab altero dicitur, quando inseparabili accidente alterum ab altero differt inseparabile vero accidens est, ut cæcitas oculorum, aut nasi curuitas, aut cicatrix cum ex vulnere occulluerit, Propriissime autem differre alterum ab altero dicitur, quando specifica differentia differt: quemadmodum homo ab equo specifica differentia differt, rationalis qualitate. Vniuersaliter ergo omnis differentia addita alicui alteratum facit, sed ex quidem, quæ & communiter & propriæ sunt alteratum faciunt quæ vero propriissime aliud. Quæ quidem igitur aliud faciunt, specificæ vocantur: illæ vero quæ alteratum,

simpliciter differentia. animali enim adueniens rationalis differentia, aliud fecit: eius autem quod est moueri, alteratum solum a quiescente fecit: quare illa quidem aliud, hæc vero alteratum solum fecit. Secundum igitur aliud facientes differentias diuisiones generū fiunt in species, & definitiones assignantur, quæ sunt ex genere, & huiusmodi differentiis: secundum autem eas, quæ solum alteratum faciunt alteritates solum consistunt, & aliquo modo se habentis permutationes. A superioribus ergo rursus inchoanti, dicendum differentiarum alias quidem esse separabiles, alias vero inseparabiles, moueri enim & quiescere, & ægrum esse, & sanum esse, & quæcumque his proxima sunt, separabilia sunt, at vero aquilinum esse vel simū, vel rationale vel irrationale inseparabilia sunt. Inseparabilium autem alia quidem sunt per se, alia vero per accidens. nam rationale per se in est homini, & mortale, & disciplinæ esse susceptium at vero aquilinum esse, vel simul per accidens, & non per se. Illæ igitur quæ per se sunt in substantiæ ratione accipiuntur. & faciunt aliud. Illæ vero quæ secundum accidens, nec in substantiæ ratione accipiuntur, nec faciunt aliud sed alteratum. Quæ quidem igitur per se sunt non suscipiunt magis & minus: quæ vero per accidens (& si inseparabiles sint) intentionem accipiunt & remissionem. nam neque

quæ genus aut magis aut minus, prædicatur de eo cuius fuerit genus, neque generis differentia, secundum quas diuiditur. ipsæ enim sunt, quæ vniuscuiusque rationem complent: esse autem vnicuique vnum, & idem, neque intensiorem, neque remissionem suscipiens est. aquilinum autem esse, vel simul, vel coloratû, aliquo modo & intenditur, & remittitur.

Cum igitur tres species differentia considerentur; & hæ quidem sint separabiles, illæ vero inseparabiles: & rursus inseparabilium, hæ quidem sint per se, illæ vero per accidens: rursus earum, quæ per se sunt, differentiarum, aliæ quidem sunt, secundum quas diuidimus genera in species, aliæ vero, secundum quas ea quæ diuisa sunt specificantur: vt cum per se differentia omnes huiusmodi animalis sint, animatum & sensitiuum, rationale, & irrationale, mortale, & immortale, animati quidem, & sensitiui differentia constitutiva est substantia animalis (est enim animal substantia animata sensitiua) mortalis vero & immortalis differentia, & rationalis, & irrationalis diuisiua sunt animatis differentia; per eas enim genera in species diuidimus.

Sed etæ quidem, quæ diuisiue sunt differentia generum completiue fiunt, & constitutiue specierum. diuiditur enim animal rationalis, & irrationalis differentia, & rursus mortalis, & immortalis differentia,

sed rationalis & mortalis differentia constitutiva sunt hominis : rationalis vero & immortalis Dei ; irrationalis autem & mortalis irrationalium animalium . Sic vero & supremæ substantiæ, cum divisiuæ sint animati & inanimati differentia, & sensitivi & insensitivi, animata quidem & sensitiva, iuxta substantiam sumptæ animal perfecerunt : animata vero & insensitiva perfecerunt plantam . Quoniam ergo eadem aliquo modo quidem acceptæ sunt constitutivæ, aliquo modo autem divisiuæ, specificæ omnes vocantur, & his maximè opus est ad divisiones generum, & ad definitiones : sed non his, quæ secundum accidens inseparabiles sunt, neque etiam magis ijs, quæ sunt separabiles . Quas etiam determinantes dicunt . Differentia est, quæ abûdat species a genere, homo enim plus habet quàm animal, rationale & mortale ; animal enim nihil horum est . Nam, unde species haberent differentias . Neque verò omnes oppositas habet, quoniam idem simul habebit opposita . Sed, quemadmodum eæsent, potestate quidem habet omnes eorum, quæ sub se sunt, differentias, actu verò nullam, ac si neq; ex ijs, quæ non sunt, aliquid sit, neque opposita circa idem erunt . Definiunt autem eam, & hoc modo : Differentia est, quæ de pluribus & differentibus specie in eo quod quale quid est prædicatur . rationale enim, & mortale de homi-

homine prædicatum in eo quod quale quid est homo dicitur : sed non in eo quod quid est, quid est enim homo, nobis interrogatis, conveniens dicere animal : quale autem animal inquisitis quod rationale & mortale est convenienter assignabimus . Rebus enim ex materia & forma constantibus, vel secundum proportionem ad materiam & formam, constitutionem habentibus, quemadmodum statua ex materia quidem est ære, ex forma autem figura : sic & homo communis & specialis ex materia quidem proportionaliter consistit ex genere, ex forma autem differentia . totum autem hoc, animal rationale mortale, homo est, quemadmodum illic statua . Describunt autem & hoc modo. Differentia est quod aptum natum est diuidere ea, quæ sub eodem genere sunt. rationale enim & irrationale hominem & equum, quæ sub eodem genere sunt, quod est animal, diuidunt. Assignant autem & hoc modo. Differentia est, qua differunt a se singula, namque homo, & equus secundum genus non differunt : sumus enim animalia nos, & equi : sed additum rationale disiunxit nos ab illis, & rationales sumus & nos, & Dij : sed mortale appositum disiunxit nos ab illis. Ex actius autem pertractantes ea, quæ ad differentiam pertinent, dicunt non quodlibet diuidentium ea, quæ sub eodem genere sunt, esse differentiam sed quod adesse conducit, & quod quid erat es

se, & quod rei pars est. Neque enim quod natum est nauigare, est hominis differentia, & si sit proprium hominis, dicere enim possumus animalium hæc quidem apta esse ad nauigandum illa verò minimè, diuidentes hominem ab alijs: sed aptum natum esse ad nauigandū, non est substantiæ completium, nec eius pars, sed aptitudo solum ipsius, idcirco, quia non est talis differentia, quales sunt, quæ specificæ dicuntur differentiæ. Erunt ergo specificæ differentiæ, quæcunque alteram faciunt speciem, & quæcunque in eo quod quid erat esse accipiuntur. Et differentia quidem tot sufficient.

De Proprio. Cap. V.

Proprium vero quadrifariam diuidunt. Nam & id, quod soli alicui speciei accidit, & si non omni proprium dicitur: vt homini medicum esse, vel geometram. Et quod omni accidit speciei, etsi non soli: quemadmodum homini esse bipedem. Et quod soli & omni, & aliquando vt omni homini in senectute canescere. Quartum autem id, in quo conuenerunt & soli, & omni, & semper: quemadmodum homini esse, risibile: nam & si non semper rideat, tamen risibilis dicitur: non quòd rideat semper; sed quòd semper aptus natus sit vt rideat hoc autem ei semper connaturale est, quemadmodum, & equo hinnibile. Hæc autem

autem & propriè propria dicuntur, quoniam etiam conuertuntur. si quid enim equus hinnibile est; & si quid hinnibile est, equus est.

De Accidente. Cap. VI.

Accidens autem est, quod adest, & abest præter subiecti corruptionem. Diuiditur autem in duo: hoc enim ipsius separabile est, illud vero inseparabile. dormire quidem separabile accidens est, nigrum verò esse inseparabiliter coruo, & Æthiopi accidit. Potest enim intelligi & coruus albus, & æthiops abijciens colorem, præter subiecti corruptionem. Definiunt autem sic quoq. accidens est quod contingit eidem inesse & non inesse. Et quod neque genus est, neque differentia, neque species, neque proprium: semper autem est in subiecto subsistens.



ARISTOTELIS STAGIRITAE

PERIPATETICORVM
Principis prædicamenta,

Seuerino Boetio interprete.

SVMMA LIBRI.

De quibusdam tanquam suppositis, ad prædicamentorum doctrinam conferentibus. De prædicamentis ipsis. De consequentibus quibusdā ad ipsa prædicamenta: ac de nonnullis vocibus, de quibus mentio facta est in prædicamentis.

TRACTATVS PRIMVS.

De Aequiuocis, vniuocis, & denominatiuis, eorum etiam quæ dicuntur diuisio. Cap. I.



Equiuoca dicuntur, quorum nomen solum commune est, secundum nomen verò substantiæ ratio diuersa: vt animal, & homo, & quod dictum est. horum enim, solum nomen commune est, secundum nomen verò substantiæ, ratio

ratio diuersa. Si enim quis assignet quid sit eorum utrumque quò animal est, propriam assignabit utriusque rationem. Vniuoca verò dicuntur, quorum & nomen commune est & secundum nomen eadem substantiæ ratio: ut animal & homo, atque bos, comuni. n. nomine horum, utrumque animal nuncupatur, & est ratio substantiæ eadem. Si quis enim assignet utriusque rationem, quid utrumque est, quò animal est, eandem assignabit rationem. Denominatiua verò dicuntur, quæcunque ab aliquo, differentia casu, secundum nomen habent appellationem: ut à grammatica grammaticus, & a fortitudine fortis. Eorum quæ dicuntur, alia quidem secundum complexiōnem dicuntur, alia verò sine complexione.

Ea igitur quæ secundum complexiōnem dicuntur, sunt, ut homo currit, homo vincit. Ea verò quæ sine complexione dicuntur, sunt ut homo, bos, currit, vincit.

Eorum quæ sunt, diuisio.

Cap. II.

Eorum quæ sunt, alia de subiecto aliquo dicuntur, in subiecto verò nullo sunt. ut homo de subiecto quidem dicitur quodam homine in subiecto verò nullo est. Alia autem in subiecto quidem sunt, de subiecto autem nullo dicuntur. In subiecto vero esse dico, quod cum in aliquo sit, non sicut quædam pars, im-

possi-

possibile esse sine eo in quo est : ut quidam
 grammatica in subiecto quidem est in anima,
 de subiecto verò nullo dicitur . & hoc album
 in subiecto quidem est corpore : omnis enim
 color in corpore est : de subiecto autem nullo
 dicitur . Alia verò de subiecto dicuntur , & in
 subiecto sunt , ut scientia in subiecto quidem
 est in anima , de subiecto verò dicitur , ut de
 grammatica . Alia verò neque in subiecto
 sunt , neque de subiecto aliquo dicuntur : ut
 quidam homo , & quidam equus : nihil enim
 talium neque in subiecto est , neque de subie-
 cto aliquo dicitur . Simpliciter autē quæ sunt
 individua , & vnum numero de subiecto nullo
 dicuntur : in subiecto autem nihil aliqua pro-
 hibet esse , quidam enim grammatica in su-
 biecto est , at de subiecto nullo dicitur .

et quod est in subiecto quidem est in anima,
 de subiecto verò nullo dicitur . & hoc album
 in subiecto quidem est corpore : omnis enim
 color in corpore est : de subiecto autem nullo
 dicitur . Alia verò de subiecto dicuntur , & in
 subiecto sunt , ut scientia in subiecto quidem
 est in anima , de subiecto verò dicitur , ut de
 grammatica . Alia verò neque in subiecto
 sunt , neque de subiecto aliquo dicuntur : ut
 quidam homo , & quidam equus : nihil enim
 talium neque in subiecto est , neque de subie-
 cto aliquo dicitur . Simpliciter autē quæ sunt
 individua , & vnum numero de subiecto nullo
 dicuntur : in subiecto autem nihil aliqua pro-
 hibet esse , quidam enim grammatica in su-
 biecto est , at de subiecto nullo dicitur .

et quod est in subiecto quidem est in anima,
 de subiecto verò nullo dicitur . & hoc album
 in subiecto quidem est corpore : omnis enim
 color in corpore est : de subiecto autem nullo
 dicitur . Alia verò de subiecto dicuntur , & in
 subiecto sunt , ut scientia in subiecto quidem
 est in anima , de subiecto verò dicitur , ut de
 grammatica . Alia verò neque in subiecto
 sunt , neque de subiecto aliquo dicuntur : ut
 quidam homo , & quidam equus : nihil enim
 talium neque in subiecto est , neque de subie-
 cto aliquo dicitur . Simpliciter autē quæ sunt
 individua , & vnum numero de subiecto nullo
 dicuntur : in subiecto autem nihil aliqua pro-
 hibet esse , quidam enim grammatica in su-
 biecto est , at de subiecto nullo dicitur .

Complexionum consistentium, & inconsistentium descriptio.

Substantia.

Inconsistent.

Accidens.

De subiecto dicitur, & in subiecto non est.

Neg. de subiecto dicitur

& in subiecto est

De subiecto non dicitur, & in subiecto est.

Vniuersale.

Inconsistent.

Particulare.

Regula in prædicatis essentialibus.

Cap. III.

Quando alterum de altero prædicatur, ut de subiecto, quæcumque de eo quod præ-

prædicatur dicuntur, omnia etiam de subiecto dicuntur: ut homo de homine quodam prædicatur, animal verò de homine: ergo & de quodam homine animal prædicabitur: quidam enim homo, & homo est, & animal.

Regula genera non subalterna à subalternis distinguens. Cap. IIII.

Diuersorum generum & non subalternarum positorem diuersæ sunt species & differentia: ut animalis, & scientiæ: animalis enim differentia sunt, gressibile, bipes, & volatile, & aquatile, scientiæ verò nulla earum est neque enim scientia à scientia differt, in eo quod bipes est. Subalternorum verò generum nihil prohibet easdem esse differentias: superiora enim de ijs, quæ sub ipsis sunt generibus prædicantur: quare quotcumque differentia prædicati fuerint, totidem & subiecti erunt.

Incomplexorum in decem prædicamenta diuisio: Quomodoque affirmationem, aut negationem constituat. Cap. V.

Eorum quæ secundum nullam complexio nem dicuntur, vnumquodque, aut substantiam significat, aut quantum, aut quale, aut aliquid, aut ubi, aut quando, aut situm esse,

esse, aut habere, aut agere, aut pati. Est autem substantia quidem, vt in figura dicatur, vt homo, equus. Quantum autem vt bicubitum, tricubitum. Quale vt album, grammaticum. Ad aliquid, vt duplum, dimidium, maius. Vbi verò, in foro, in lycio. Quando autem, vt heri superiore anno. Situm verò esse, vt iacet sedet. Habere autem, vt calceatum esse, armatum esse. Agere verò, vt secare, vrere. Pati, vt secari, vri, Singula igitur eorum quæ dicta sunt, ipsa quidem secundum se in nulla affirmatione dicuntur, vel negatione: horum autem ad se inuicem complexione affirmatio, vel negatio fit. Omnis enim affirmatio, aut negatio videtur vel vera, vel falsa esse: eorum autem, quæ secundum nullam complexionem dicuntur, nullum neque verum, neque falsum est: vt homo, album, currit, vincit.

TRACTATUS SECVNDVS.

De substantia. Cap. I.

Substantia autem est, quæ proprie, & principaliter, & maximè dicitur, quæ neque de subiecto aliquo dicitur: neque in subiecto aliquo est: vt quidam homo, & quidam equus. Secundæ autem substantiæ dicuntur species, in quibus eæ, quæ principaliter substantiæ dicuntur, insunt: & hæc quidem, & harum specierum

rum genera . Vt quidam homo in specie quidem est in homine, genus vero speciei animal secundæ igitur hæ substantiæ dicuntur, vt est homo, atque animal. Manifestum est autem ex ijs, quæ dicta sunt, quòd eorum quæ de subiecto dicuntur, necessæ est & nomen & rationem de subiecto prædicari: vt homo de subiecto quodam homine dicitur : prædicatur etiã & nomen : hominem enim de quodam homine prædicabis . & ratio quoque hominis de quodam homine prædicabitur: quidam enim homo & homo est, & animal: quare & nomen & ratio de subiecto prædicabitur. Eorum vero quæ in subiecto sunt, in plurimis quidem neque nomen , neque ratio prædicatur de subiecto: in aliquibus autem nomen quidem nihil prohibet prædicari aliquando de subiecto rationem verò impossibile est vt album cum in subiecto sit corpore , prædicatur de subiecto: dicitur enim corpus album, ratio yero albi numquam de corpore prædicabitur . Alia verò omnia aut de subiectis dicuntur primis substantijs, aut in subiectis eis sunt . Hoc autem manifestum est ex ijs, quæ per singula proponuntur , vt animal de homine prædicatur : ergo & de quodam homine animal prædicabitur nam si de nullo quorundam hominum, neque omnino de homine. Rursus color in corpore est : ergo & in quodam corpore . Nam si non in aliquo esset singulorum, nec omnino in

cor-

corpore. Quare alia omnia aui de subiectis primis dicuntur substantijs, aut in subiectis eis sunt. Non ergo existentibus primis substantijs, impossibile est aliquid aliorum esse. Secundum verò substantiarum, magis substantia est species, quàm genus: propinquior enim est primæ substantiæ. Si quis enim assignet primam substantiam quid est, euidentius & conuenientius assignabit, speciem quàm genus assignans, ut hominem quemdam aliquis assignans manifestius assignabit, hominem quàm animal assignans. Illud enim proprium magis cuiusdam, hominis hoc autem cõmunius, & cùm quandam arborem assignauerit, manifestus assignabit, assignando arborem quàm plantã. Amplius, primæ substantiæ, ideo quod alijs omnibus subijciuntur, & omnia alia vel de ipsis prædicantur, vel in ipsis sunt, propter hoc maxime substantiæ primæ dicuntur quæ admodum autem primæ substantiæ ad alia omnia se habent, sic & species ad genus se habet. subijcitur enim species generi; genera enim de speciebus prædicantur; species autẽ cum generibus non conuertuntur.

Quare & ex his species genere magis substantia est. Ipsarum vero specierum, quæcunque non sunt genera, nihil magis alterum altero substantia est: nihil enim familiarius assignabis de quodam homine, hominem assignando, quàm de quodam equo, equum.

X Simi-

Similiter autem & in primis substantijs nihil magis alterū altero substantia est : nihil enim magis quidam homo substantia est quā quidam bos. Merito igitur post primas substantias sola aliorum omnium species , & genera secundæ substantiæ dicuntur . Sola enim hæc, eorum quæ prædicantur, primam substantiam indicant: quendam enim hominem si quis assignauerit quid est, speciem quidem quā genus assignando familiariter demonstrabit , & manifestius faciet hominem assignando , quā animal: aliorum verò omnium quicquid assignauerit quis, assignabit extraneæ , velut album aut currit , aut aliud quodcumque taliū assignans .

Quare merito hæ solæ aliorū secundæ substantiæ dicuntur. Amplius, primæ substantiæ, eo quod alijs omnibus subiiciuntur, & omnia alia de illis prædicantur, vel in ipsis sunt, propriissimæ substantiæ dicuntur : sicut autem, primæ substantiæ ad alia omnia se habent ita genera & species primarum substantiarum, ad reliqua omnia se habent : de his enim reliqua omnia prædicantur : quemdam enim hominem dices grammaticum esse; ergo & hominem, & animal grammaticum dices: similiter autem & in alijs, Commune autem omni substantiæ est in subiecto non esse. Prima namque substantia, nec in subiecto est, nec de subiecto aliquo dicitur . Secundarum vero substan-

stantiarum constat quidem etiam sic, quod nulla est in subiecto. homo enim de subiecto quidem quodam homine dicitur, in subiecto vero non est, neque enim in quodam homine homo est, similiter autem, & animal de subiecto quidem dicitur quodam homine, non est autem animal in quodam homine. Amplius, eorum, quæ in subiecto sunt, nomen quidem, de subiecto aliquando nihil prohibet prædicari; rationem vero impossibile est; secundarum vero substantiarum de subiecto & ratio prædicatur, & nomen; rationem enim hominis de quodam homine prædicabis, & animalis similiter: quare non erit eorum substantia, quæ sunt in subiecto. Non est autem proprium substantiæ hoc, sed & differentia eorum est quæ non sunt in subiecto. bipes enim & gressibile de subiecto quidem quodam homine dicitur, in subiecto verò non est, neque enim in homine est bipes, neque gressibile. Ratio quoque differentiæ de illo prædicatur. de quocumque ipsa differentia dicitur; velut si gressibile de homine prædicatur, & ratio gressibilis de homine prædicabitur; est enim homo gressibilis. Non conturbent autem nos substantiarum partes, quæ ita sunt in toto, quasi in subiecto sint; ne forte cogamur eas non esse substantias confiteri; non enim ita ea quæ sunt in subiecto dicebantur quasi ut partes inessent alicui. Inest autem substantijs, & differentijs omnia.

vniuoce prædicari. Omnia enim quæ ab his prædicata sunt, aut de indiuiduis prædicantur aut de speciebus; a prima namque substantia nulla est prædicatio. de nullo enim subiecto dicitur. Secundarum vero substantiarum species quidem de indiuiduo prædicatur: genus vero & de speciebus, & de indiuiduis. similiter autem & differentia & de speciebus, & de indiuiduis prædicantur. Et rationem quoque suscipiunt primæ substantiæ specierum, & generum, & species generis: quæcumque enim de prædicato dicuntur, eadem & de subiecto dicentur. similiter autem rationem differentiarum suscipiunt & species, & indiuidua. vniuoca autem erunt, quorum & nomen commune est, & ratio eadem. Quare omnia quæ a substantijs & differentijs sunt, vniuoce prædicantur. Omnis autem substantia videtur hoc aliquid significare.

In primis igitur substantijs indubitabile, & verum est, quod hoc aliquid significant, indiuiduum enim & vnum numero est quod significatur. In secundis vero substantijs videtur quidem similiter appellationis figura hoc aliquid significare, quando quis dixerit hominem vel animal: non tamen verum est, sed magis quale aliquid significant; neque enim vnum est quod subiectum est, quemadmodum prima substantia: sed de multis homo dicitur, & animal. Non autem simpliciter quale quid signi.

significat,quemadmodum album (nihil enim aliud significat,album, quam qualitatem) at species & genus circa substantiam qualitatem determinant. qualem enim quædam substantiam significant. plus autem in genere determinationis fit,quàm in specie. dicens enim animal plus complectitur, quàm qui hominem. Inest autem substantiis nihil illis esse contrarium. Primæ enim substantiæ quid erit contrarium, ut cuidam homini, vel cuidam animali? at verò nec homini nec animali aliquid est contrarium. Non est autem hoc substantiæ proprium: sed etiam multorum aliorum, ut quantitati. bicubito enim, vel tricubito nihil est contrarium. at vero nec decem, nec allicui talium. Nisi forte quis multum paucum dicat esse contrarium, vel magno parvo. determinatorum vero quantorum nullum nulli est contrarium. Videtur autem substantia non suscipere magis & minus.

Dico autem, non quòd substantia non est à substantia magis & minus substantia (hoc enim dictum est quod est) sed quod vnaquæque substantia hoc ipsum quod est, non dicitur magis & minus. ut si est eadem substantia homo non erit magis & minus homo, neque ipse se ipso, neque alter altero, non enim est alter altero magis homo: sicut est album alterum altero magis & minus album, & bonum alterum altero magis & minus bonum: sed &

ipsum seipso magis, & minus dicitur, ut corpus cum sit album, magis nunc album esse dicitur quam prius: & cum calidum sit, magis & minus calidum dicitur. substantia vero non dicitur magis neque minus: nihil enim homo magis, nunc homo quam prius dicitur; neque aliorum quidquam, quaecumque substantiae sunt. Quapropter non recipiet substantia magis & minus. Maximè verò proprium substantiae esse videtur, cum vnum & idem numero sit, contrarium susceptivum esse. quale enim alijs quidem non habet quisquam, quod proferat tale. quaecumque non sunt substantiae; quod cum sit vnum numero, susceptibile contrariorum sit. velut color, qui est vnus & idem numero, non dicitur albus. & niger; neque eadem actio & vna numero, prava & studiosa: similiter autem & in alijs, quaecumque non sunt substantiae. Substantia verò, cum vnum & idem numero sit, susceptiva contrariorum est. ut quidam homo cum vnus & idem sit, aliquando quidem albus, aliquando sit niger, & calidus, & frigidus, & pravius est studiosus: in alijs autem nullis aliquid tale videtur. Nisi quis forsitan instet, dicens orationem & opinionem contrarium, esse susceptibilia. eadem enim oratio vera, & falsa videtur esse. veluti si vera sit oratio, sedere quempiam, eo surgente ipsa eadem falsa erit, similiter autem & de opinione. si quis enim verum putet

putet aliquem sedere, surgente eò, falso putabit, eandem de ipso opinionem habens. Sed si quis & hoc suscipiat, tamen modo differt. Nā ea, quæ in substantijs sunt, ipsa quidem mutata susceptibilia sunt contrariorum. frigidum enim ex calido factum mutatur (alteratur enim) & nigrum ex albo, & studiosum ex prauo; similiter autem & in alijs vnum quodque eorum mutationem suscipiens, susceptibile contrariorum est. Oratio autem & opinio, ipsa, quidem immobilia omnino perseuerant; cum vero res mouetur, contraria circa ipsa fiunt. oratio namque eius quod sedeat aliquis, permanet eadem: cum verò res mota, sit aliquando quidem vera, aliquando autem falsa dicitur, similiter autem est in opinione. Quapropter saltem modo proprium substantiæ est, vt secundum mutationem sui ipsius susceptibilis sit contrariorum. Siquis autem recipiat etiam hæc, orationem & opinionem susceptibilia esse contrariorum non est hoc verum. Oratio namque & opinio non eo quod ipsa aliquid recipiant, contrariorum susceptibilia esse dicuntur: sed eo quod circa alterum aliqua passio facta sit. nam eo quod res est, aut non est, eò etiam oratio vera vel falsa esse dicitur, non eo quod ipsa susceptibilis sit contrariorum, simpliciter enim a nullo, neque oratio, neque opinio mouetur. quapropter nō erunt susceptibilia contrariorum, cum nulla

contrarij sit passio in eis facta. Verum substantia eo quod ipsa contraria recipiat, hoc susceptibilis esse contrariorum dicitur. languorē enim & sanitatem suscipit. & candorem & nigredinem: & vnumquodque talium ipsa suscipiendo, contrariorum susceptibilis esse dicitur. Quare proprium erit substantiæ hoc, cū vnum, & idem numero sit secundum sui ipsius mutationem susceptibilem contrariorum esse. De substantia quidem hæc dicta sint.

De Quanto. Cap. II.

QVanti autem aliud quidem est discretū, aliud autem continuum: & aliud quidem ex habentibus positionem ad se inuicem in ipsis, partibus constat, aliud autem ex non habentibus positionem. Est autem discretum quidem vt numerus & oratio continuū vero, vt linea, superficies, corpus, amplius autem præter hæc locus & tempus.

Partium etenim numeri nullus est communis terminus, ad quem copulantur partes eius. vt quinque, si sunt denarij partes, ad nullum terminum communem copulantur quinque, & quinque, sed semper discreta sunt. & tria & septem ad nullum communem terminum copulantur. neque omnino habeas in numero communem terminum partium accipere,

re, sed semper discretæ sunt: quapropter numerus quidem discretorum est. Similiter autem & oratio: quod etenim quantum est oratio, manifestum est: mensuratur enim syllaba breui, & longa. dico autem cum voce orationem factam: ad nullum enim communem terminum particulæ eius copulantur: non enim est communis terminus, ad quem syllabæ copulentur: sed vnaquæque diuisa, est ipsa secundum seipsam. Linea vero continua est: est enim sumere communem terminum punctum, ad quem partes eius copulentur: & superfici, lineam: plani namque partes ad aliquem communem terminum copulantur: similiter autem & in corpore habes sumere communem terminum lineam vel superficiem, ad quam corporis partes copulantur. Est autem talium & tempus & locus: præsens enim tempus copulatur ad præteritum & ad futurum. rursus locus continuorum est: locum enim quendam partes corporis obtinent, quæ ad communem terminum copulantur: ergo & loci partes, quæ obtinet singulas corporis partes; ad eundem communem terminum copulantur, ad quem, & corporis partes. quapropter continuus erit, & locus: ad vnum enim communem terminum eius partes copulantur. Amplius autem, alia quidem constant ex partibus quæ in eis sunt, positionem habentibus ad se inuicem, alia autem

autem ex non habentibus positionem. ut lineæ quidem partes positionem habent ad se inuicem. singulæ namque earum sitæ sunt alicubi; & habeas unde distinctè sumas, & assignes ubi singulæ sitæ sint in plano, & ad quam partem reliquarum copulantur. similiter autem & partes plani positionem habent aliquā similiter namque assignaretur unaquæque ubi iacet: & quæ copulantur ad se inuicem, sed, & solidi partes similiter, & loci: In numero autem non poterit quisquam ostendere quem admodum partes eius positionem aliquam habent ad se inuicem, aut ubi iacent, aut quæ partes ad se inuicem connectuntur. Neque ex quæ temporis sunt. nihil enim permanent partes temporis: quod autem non est permanens, quomodo positionem aliquam habebit? Sed magis ordinem quemdam dices habere: eò quod aliud quidem prius ut tēporis, aliud vero posterius. Sed & in numero similiter: eò quod prius numeratur vnus quàm duo, & duo quàm tria; & sic habebunt aliquem ordinem: positionem vero non omnino accipies. Sed & oratio similiter. nulla enim remanet partium. sed dictum est simul, & non est hoc amplius assumere; quapropter non erit ulla positio partium eius; si quidem permanet. Igitur alia ex habentibus positionem partibus constant; alia ex non habentibus positionem. Propriæ autem quanta hæc dicuntur sola quæ dicta sunt, alia

alia vero omnia secundum accidens. adhuc enim aspicientes. & alia dicimus quanta; ut multum dicitur album; eo quod superficies multa sit; & actio longa, eo quod tempus multum sit; & motus, motus multus. Neque enim horum singulum per se quantum dicitur, ut si quis assignet quanta actio est, tempore definiet annum, vel sic aliquo modo assignas, & album quantum quid sit assignas, superficie definiet; quanta enim fuerit superficies, tantum album esse diceret. quare sola propria secundum seipsa dicuntur quanta, quæ dicta sunt; aliorum vero nihil per se, sed si forte per accidens. Amplius, quanto nihil est contrarium. In definitis enim manifestum est. quod nihil est contrarium; ut bicubito vel tricubito vel superficie, vel alicui talium. nihil enim illis est contrarium. Nisi quis forte dicat multum paucum esse contrarium vel magnum parvum. Horum autem nihil est quantum, sed magis eorum quæ sunt ad aliquid. nihil enim ipsum per se ipsum magnum vel parvum dicitur, sed eo quod ad alterum refertur ut mons quidem parvus dicitur, milium vero magnum; quod hoc ijs quæ sunt sui generis maius sit, illud vero ijs quæ sui sunt generis minus: ergo ad alterum est eorum relatio. nam si per se ipsum magnum vel parvum diceretur, numquam mons quidem aliquando parvus, milium vero magnum diceretur rursus in vico quidem plures
ho-

homines esse dicemus, Athenis vero paucos, cum sint illis multo plures. & in domo quidē multos, in theatro vero paucos, cum sint plures. Amplius, bicubitum quidem, & tricubitū, & vnumquodque talium quantum significat: magnum vero vel paruum non significat quantum, sed magis ad aliquid: quoniam ad alterum consideratur & magnum & paruum. quare manifestum est, quod ipsa sunt eorum quæ aliquid. Amplius, siue aliquis ponat quanta esse hæc siue non ponat, nihil est in illis contrarium, quod enim non potest sumi per seipsum, sed ad alterum refertur, quomodo hic aliquid erit contrarium? Amplius autem, si sunt magnum & paruum contraria, continget idē simul contraria suscipere, & ea ipsa sibi met esse contraria contingit, enim simul idē paruum esse & magnum. est. n. ad hoc quidē paruum, ad aliud vero id ipsum magnum, quare idem & paruum & magnum eodem tempore esse contigit: quare simul contraria suscipere. Sed nihil est, quod videatur simul contraria suscipere posse, vt in substantia quidem: susceptibilis enim contrarium esse videtur, sed nullus simul sanus est & æger, neque albū, & nigrum est simul: nihilque aliud simul contraria suscipiet. Et eadem sibi ipsis contingit esse contraria: nam si est magnum paruo contrarium: ipsum autem idem simul est magnū & paruum: ipsum sibi erit contrarium, sed impossibile.

possibile est aliquid sibi ipsi esse contrarium : non est igitur magnum paruo contrarium, neque multum pauco. Quare nisi & eorum, quæ ad aliquid hæc quid dicat, sed quanti, nihil contrarium habebunt. Maxime autem circa locum esse videtur contrarietas quanti: sursum enim ei, quod est deorsum cōtrarium ponunt: locum qui in medio est, deorsum dicētes, eo quòd plurima distantia est medij ad mundi terminos. Videntur autem & aliorū contrariorum ad his asserre definitionē, quæ enim plurimum a se inuicem distant eorum, quæ sunt sub eodem genere, contraria esse definiunt. Non videtur autem quantum suscipere magis & minus: vt bicubitum. neque. n. alterum altero magis bicubitum. neque in numero: vt tria quàm quinque nihil magis quinque aut tria dicuntur, neque quinque quàm tria. nec tempus alterum altero magis tēpus dicitur, nec in nullo eorum, quæ dicta sunt omnino, magis & minus dicitur. Quare quantum non suscipit magis & minus. Proprium autem maxime quanti est, quòd æquale & inæquale dicitur. Vnumquodq. enim eorum quæ dicta sunt quantorum, æquale & inæquale dicitur. vt corpus, æquale & inæquale dicitur. & numerus & tempus æquale & inæquale dicitur. similiter autem & in alijs, quæ dicta sunt, vnumquodq. æquale & inæquale dicitur. In cæteris vero quæcūq. quanta non sunt
non

non prorsus videbitur æquale, & inæquale dici. ut dispositio æqualis & inæqualis non omnino dicitur, sed magis similis, & dissimilis, & album a quale & inæquale non omnino dicitur, sed simile vel dissimile. Quare quanti maxime sit proprium, æquale & inæquale dici.

De his quæ ad aliquid.

Lib. I. Cap. III.

AD aliquid vero talia dicuntur, quæcumque hæc ipsa quæ sunt, aliorum esse dicuntur, vel quomodolibet aliter ad alterum, ut maius hoc ipsum quod est alterius dicitur; aliquo enim maius dicitur, & duplum alterius dicitur hoc ipsum quod est; alicuius enim duplum dicitur. similiter autem & alia, quæcumque huiusmodi sunt. At vero sunt etiam & hæc ad aliquid; ut habitus, dispositio, sensus, scientia, positio, hæc enim omnia, quæ dicta sunt, hoc ipsum quod sunt, aliorum esse dicuntur, vel quomodolibet aliter ad alterum, & non aliud quidam. habitus enim alicuius habitus esse dicitur, & scientia, alicuius scientia, & positio alicuius positio; & alia quoque similiter. Ad aliquid igitur sunt, quæcumque hæc ipsa quæ sunt, aliorum esse dicuntur, vel quomodolibet aliter ad alterum. ut mons magnus dicitur ad alterum (magnus enim mons dicitur ad aliquid) & simile alicui simile, & cætera talia.

lia

lia similiter ad aliquid dicuntur. Sunt autem & accubitus, & statio, & sessio positiones quædam. positiones vero ad aliquid sunt. iacere autem & stare vel sedere, ipsa quidem non sunt positiones: denominatiue vero dicuntur ab ijs, quæ dictæ sunt, positionibus. Inest autē & contrarietas in ijs quæ sunt ad aliquid: vt virtus vicio contrarium, cum sit vtrunque eorum vt aliquid: & scientia ignorantia. Non autē omnibus ijs, quæ sunt ad aliquid insunt contraria. duplici enim nihil est contrarium, neque triplici, neque vlli talium. Videntur autem & magis & minus ea quæ ad aliquid sunt suscipere. simile enim & dissimile magis & minus dicitur: & æquale & inæquale magis, & minus dicitur, cum vtrunque sit ad aliquid. simile enim alicui simile dicitur, & inæquale alicui inæquale. Non autem omnia quæ sunt ad aliquid suscipiunt magis & minus duplum enim non dicitur magis & minus duplum, nec aliquid talium. Omnia autem quæ sunt ad aliquid, ad cōuertentiam dicuntur; vt seruus domini seruus: & dominus serui dominus esse dicitur, & duplum dimidij duplum: & dimidium dupli dimidium. & maius minore maius: & minus maiorem minus, similiter autem & in alijs. Sed casu aliquotiens different secundum locutionem, vt scientia scibilis scientia dicitur: & scibile scientia scibile, & sensus sensibilibis sensus: & sensibile sensu sensibile. At vero ali-

aliquotiens non videbitur conuerti: nisi conuenienter ad quod dicitur assignetur, sed peccet is qui assignat. vt ala si assignetur auis, non conuertitur vt sit auis alæ non .n. prius conuenienter assignatum est ala auis. neque enim quatenus auis est, eatenus ala ipsius dicitur: sed eo quòd alata est. multorum enim & aliorum alæ sunt, quæ non sunt aues. Quare si assignetur conuenienter, & conuertitur; vt ala alati ala est: & alatum ala, alatum. Aliquotiens autem forte & nomen fingere necesse erit: si non fuerit nomen impositum ad quod conuenienter assignetur: vt temo si assignetur nauigij, non est assignatio conueniens. neque enim eo quòd nauigium est, eo ipsius temo dicitur. sunt enim nauigia, quorum temones non sunt. quare non conuertitur: nauigium enim non dicitur temonis nauigium. Sed forte conuenientior assignatio erit, si sic quodammodo assignetur: temo temonallæ rei temo est, aut quomodocunque aliter. nomen enim non est positum, & conuertitur si conuenienter assignetur: temonatum enim temone temonatum est. Similiter autem, & in alijs vt caput conuenientius assignabitur capitati caput, quàm si animalis assignetur neque enim eo quòd est animal, caput habet. multa enim animalia sunt capita non habentia. Sic autem fortasse facillime quis sumet, quibus posita non sunt nomina, si ab ijs quæ pri-

prima sunt, & ijs ad quæ conuertuntur, nomina ponantur: vt in ijs quæ prædicta sunt, ab ala alatum, a temone temonatum. Omnia igitur quæ ad aliquid dicuntur, si conuenienter assignentur, ad conuertentia dicuntur. quoniam si ad quolibet aliud assignantur & non ad id ad quod dicuntur, non conuertuntur dico autem, quoniam neque eorum quæ in confesso ad conuertentia dicuntur, & nomina eis posita sunt. nihil conuertitur, si ad aliquid eorum quæ sunt accidentia assignentur, & non ad id ad quod dicuntur, vt seruus, si non domini assignetur, sed hominis vel bipedis, vel cuiuscunque talium, non conuertitur. neque enim dici potest homo est serui homo. non enim conueniens est assignatio. Amplius si quidem conuenienter assignetur ad quod dicitur, omnibus alijs sublatiis, quæcumque accidentia sunt: relicto autem solo illo ad quod assignatum est conuenienter, semper ad ipsum dicetur: vt si seruus ad dominum dicitur: circumscriptis omnibus, quæ accidentia sunt domino, vt esse bipedem, vel scientiæ susceptibilem, vel hominem, relicto vero solo quod dominus est, semper seruus ad ipsum dicetur: seruus enim domini seruus dicit. Si autem non conuenienter ad id, ad quod dicitur assignetur: circumscriptis omnibus alijs, relicto autem eo solo, ad quod assignatum est, non dicetur ad ipsum. assi-

scientiam, scientia verò simul non aufert scibile nam si scibile non erit scientia. nullus enim erit scientia. scientia vero si non sit nihil prohibet esse scibile. ut circuli quadratura si est scibilis, scientia quidem eius nondum est: ipsa verò scibilis est. Amplius animali quidem sublato non erit scientia: scibilem verò plurima esse contingit. Similiter autem his sese habent ea quæ de sensu sunt. sensibile enim prius quam sensus esse videtur: sublatum enim sensibile simul aufert sensum: sensus verò sensibile non simul aufert. sensus enim circa corpus & in corpore sunt. sensibile autem sublato, aufertur & corpus. sensibile enim corpus est, cum autem corpus non sit, aufertur, & sensus. quare simul aufert sensibile sensum. sensus vero sensibile non simul aufert: sublato enim animali, sensus quidem aufert. sensibile autem erit corpus: ut calidum dulce: amarum, & omnia alia quæcumque sunt sensibilia. Amplius sensus quidem simul cum sensitivo fit: simul enim fit animal, & sensus: sensibile vero ante animal aut sensum est. ignis enim, & aqua, & alia huiusmodi, ex quibus ipsum animal constat, ante sunt quam animal omnino sit aut sensus: quare prius sensibile, quam sensus esse videbitur.

Habet autem dubitationem, utrum nulla substantia ad aliquid dicatur, quemadmodum videtur, si hoc contingat secundum quasdam

secundas substantias. Nam in primis substantijs verum est: nam neque tota, neque partes primarum substantiarum dicuntur ad aliquid: nam quidam homo non dicitur alicuius quidam homo neque quidam bos alicuius quidam bos. Similiter autem & partes: quidam enim manus non dicitur alicuius quidam manus, sed alicuius manus, & quoddam caput, non dicitur alicuius quoddam caput, sed alicuius caput.

Similiter autem & in secundis substantijs, atque hoc quidem in pluribus, ut homo non dicitur alicuius homo, nec bos alicuius bos, nec lignum alicuius lignum, sed alicuius possessio dicitur. in huiusmodi ergo manifestum est quoniam non sunt ad aliquid. In aliquibus vero secundis substantijs habet dubitationem ut caput alicuius caput dicitur, & manus alicuius dicitur manus, & singula huiusmodi. quare hæc fortasse ad aliquid esse videbuntur. Si igitur sufficienter eorum quæ sunt ad aliquid, definitio assignata est, aut omnino difficile, aut impossibile est ostendere quod nulla substantia eorum quæ sunt ad aliquid dicitur. si autem non sufficienter, sed sunt ad aliquid, quibus hoc ipsum est esse, ad aliquid quodammodo se habere, fortasse aliquid contra ista dicetur. Prior vero definitio sequitur quidem omnia ea quæ sunt ad aliquid, non tamen in ipsis idem est: cum eo quod est esse

ad

ad aliquid, ipsa quæ sunt aliorum dicantur. Ex his autem manifestum est quòd si quis aliquid eorum quæ sunt ad aliquid, definite sciet & illud ad quod dicitur, definite sciturus est. Manifestum igitur & ex ipsis est. si enim nouit aliquis hoc quòd ad aliquid est (est autem esse ijs, quæ ad aliquid sunt, idem ac ad aliquid aliquo modo se habere) & illud nouit, ad quod hoc aliquo modo se habet. si enim non non nouit omnino ad quod hoc aliquo modo se habet: neque si ad aliquid hoc aliquo modo se habet, noscet. Sed & in singulis palam hoc est. ut si quid nouit quis definite, quòd duplum est, & cuius duplum est, mox definite nouit si enim nullius definitorum nouit ipsum, duplum esse, neque si sit duplum omnino nouit. Similiter autem & hoc aliquid si nouit quis quòd melius est, & quo melius est statim definite necessarium est nosse. Propter hæc autem non definite hoc cognoscet, quòd hoc est. peiore melius suspicio enim hæc est, non scientia, non enim adhuc sciet exacte quòd est peiore melius. si enim sic accidit nihil est deterius ipso. Quapropter palam est quòd necessarium est, si nouerit quis aliquod relatiuorū definite, & id ad quod definite necesse est nosse. Caput vero & manus, & eorum singula, quæ substantiæ sunt, ea ipsa quæ sunt sciri definite possunt: ad quod vero dicantur non est necessarium scire. cuius enim hoc caput, vel cu-

ius hæc manus sit, non est scire definite. quare non erunt hæc ad aliquid. Si vero nõ sunt hæc eorum quæ sunt ad aliquid, verum erit dicere quòd nulla substantia eorum est quæ sunt ad aliquid. Fortasse autem difficile sit de eiusmodi rebus vehementer asserere, nisi ea sæpe per tractata sint. dubitasse autem de horum vnoquoque non est inutile.

De qualitate, & quali. Cap. IV.

Qualitatem verò dico, secundum quam quales quidam esse dicuntur. Est autem qualitas, eorum, quæ multipliciter dicuntur. Vna quidem igitur species qualitatis habitus & dispositio dicantur. Differt autem habitus & dispositione, quod permanentior; & diuturnior est. Tales verò sunt scientiæ, & virtutes. Scientia enim videtur esse permanentium, & diuturnorum. vt si quis vel mediocriter sumat scientiam, nisi grandis permutatio facta sit, vel ab ægritudine, vel ab aliquo huiusmodi. similiter autem & virtus, vt iustitia, & temperantia, & singula talium non videntur posse facile moueri, neque facile permutari. Dispositiones vero dicuntur, quæ sunt facile mobilia; & cito permutabilia: vt calor, & infrigidiatio, & ægritudo, & sanitas, & quæcumque alia huiusmodi, afficitur enim quodammodo secundum eas homo: cito autem permutatur, & ex calidò frigidus
& ex

& ex sanitate in ægritudinem transit, similiter autem & in alijs, nisi aliqua earumdem, contingit per temporis longitudinem congenita, & immobilis, vel omnino difficile mobilis existens, quam iam quispiam ut habitum vocet. Manifestum est autem quod hæc volūt habitus dicere, quæ sunt diuturniora, & difficilis mobilia. namque disciplinas non multū retinentes, sed facile mobiles existentes, non dicunt habitum habere, & tamē dispositi sunt aliquo modo secundum scientiam peius, melius ve. quarum differt habitus a dispositione, quòd hæc quidem facile mobilis sit: ille verò diuturnior & difficilior mobilis. Sunt autem habitus & dispositiones: dispositiones vero nō necesse est habitus esse. qui. n. retinent habitum, & quodammodo dispositi sunt secundum ipsos: qui autem dispositi sunt, non omnino retinent habitum. Aliud vero genus qualitatis est, secundum quod pugillatores vel cursores, vel salubres, vel insalubres dicimus: & simpliciter quæcumque secundum potentiam naturalem vel impotentiam dicuntur: Non enim, quoniam sunt dispositi aliquo modo vnumquodque huiusmodi dicitur: sed quod habent naturalem potentiam vel impotentiam facile aliquid facere, ut nihil pati, ut pugillatores, vel cursores dicuntur, non quòd sint dispositi aliquo modo, sed quòd habeant potentiam naturalem vel impotentiam aliquid

facile faciendi. Salubres autem dicuntur, eo quod habeant potentiam naturalem, ut nihil a quibuslibet accidentibus facile patiantur: in salubres vero, quod impotentiam habeant naturalem nihil facile a quibuscumque accidentibus patiendi. Similiter autem his durum & molle se habent. durum enim dicitur, quod habeat potentiam non facile secari molle vero, quod eiusdem ipsius habeat impotentiam. Tertium vero genus qualitatis est passibiles qualitates & passiones sunt autem huiusmodi ut dulcedo & amaritudo, & austeritas, & omnia his cognata amplius, & calor, & frigidus, & albedo, & nigredo. Quod quidem igitur & hæ qualitates sunt, manifestum est. quæcumque enim has susceperint, ipsa qualia dicuntur secundum ipsas: ut mel, quoniam dulcedinem suscepit, dicitur dulce: & corpus album, quoniam albedinem suscepit. similiter & in cæteris. Passibiles vero qualitates dicuntur, non quod ea quæ illas susceperint qualitates, aliquid patiantur: neque enim mel, quoniam aliquid passum sit, dicitur dulce, neque aliquid aliud huiusmodi. similiter autem his & calor & frigidus passibiles qualitates dicuntur, non quod ea quæ illas suscipiunt, aliquid passa sint: sed quoniam secundum sensus unaquæque dictarum qualitatum passionis effectiua est, passibiles qualitates dicuntur. dulcedo enim passionem quan-

dam

dam secundum gustum efficit, & calor secundum tactum: similiter autem & aliz. Albedo autem, & nigredo, & cæteri colores non eodẽ modo ijs, quæ dicta sunt, passibiles qualitates dicuntur: sed eo quod ipsæ ab aliqua passione innascuntur. Quod enim fiunt propter aliquam passionem multæ colorum mutationes, manifestum est: erubescens enim aliquis, rubeus factus est: & timens pallidus, & vnumquodq. talium. quare etiam si quis naturam aliquid talium accidentium perturbationumve passus est, similem colorem verisimile est eum habere, quæ enim affectio nunc in eo quod veretur detur circa corpus facta est, etiam secundum naturalem constitutionem eadem fieri potest affectio, vt & naturalis color similis sit. Quæcunque igitur talium accidentium ab aliquibus passionibus difficile mobilibus & permanentibus principium sumpserunt, passibiles qualitates dicuntur. siue enim secundum naturalem constitutionem pallor sit aut nigredo, qualitates dicuntur (quales enim secundum eas dicimur) siue propter ægritudinem longam, vel propter æstum eidem contigit nigredo, vel pallor, & non facile prætereunt, vel etiam per vitam permanet passibiles qualitates & ipsæ dicuntur: similiter enim quales secundum eas dicimur. Quæcunque vero ex ijs, quæ facile solvuntur, & cito transeunt, fiunt, passionibus dicuntur, qualitates vero minime

nime . non enim aliqui secundum ipsas dicuntur quales . neque enim qui propter verecundiam rubeus factus est , rubeus dicitur : neque cui pallor propter timorem venit , pallidus est : Sed magis eo quòd aliquid passus est : quare passionis quidem huiusmodi dicuntur : qualitates vero minime . Similiter autem his , & secundum animam passibiles qualitates & passionibus dicuntur . quæcumque enim mox in nascendo ab aliquibus passionibus difficulter mobilibus fiunt , qualitates dicuntur & ipsæ : ut amentia , mentis alienatio , & ira , & alia huiusmodi : quales enim secundum eas dicuntur , idest , iracundi atque amentes .

Similiter autem & quæcumque alienationes non naturales , sed quæ ab aliquibus alijs accidentibus factæ sunt difficiles prætereuntes , & omnino immobiles , qualitates sunt etiam huiusmodi : quales enim & secundum eas dicuntur . Quæcumque vero ab ijs quæ facile & cito prætereunt , fiunt passionibus dicuntur , ut si quis contristatus , iracundior fiat . non enim dicitur iracundus , qui huiusmodi passione iracundior est : sed magis qui aliquid passus . quare passionibus quidem huiusmodi dicuntur ; qualitates vero minime .

Quartum vero genus qualitatis est figura , & circa unumquodque constans forma . amplius autem ad hæc rectitudo , & curvitas , & si quid aliud his simile est . secundum enim

vnum .

vnumquodque eorum quale quid dicitur : triangulum enim vel quadrangulum esse quale quid dicitur, & rectum aut curuum, & secundum etiam formam vnumquodque quale dicitur : Rarum vero, & spissum, & asperum & lene putabuntur quidem quale quid significare: sed aliena huiusmodi putantur esse a diuisione, quæ circa quale est. quandam enim positionem magis videtur partium vtrunq. monstrare spissum enim dicitur, eo quod partes sibi ipsis propinque sint: rarum vero, eo quod distent a se inuicem, & lene quidem, quod in rectitudinem aliquo modo partes iacent: asperum verò, quod hæc quidem superet, illa vero sit inferior. Fortasse quidem igitur alius quispiam modus apparuerit qualitatis; sed fere qui maxime dicuntur hi sunt, qualitates itaque sunt, quæ dictæ sunt. Qualia vero sunt quæ secundum has denominatiue dicuntur, vel quomodolibet aliter ab his.

In plurimis itaque & fere in omnibus denominatiue dicuntur: vt a candore candidus & a grammatica grammaticus, & a iustitia iustus similiter & in alijs. In aliquibus vero, eo quod non sunt posita qualitati nomina: nõ contingit ea quæ dicuntur, ab ijs denominatiue dici. vt cursor, aut pugillator, qui secundum naturalem dicitur potentiam, a nulla qualitate denominatiue dicitur. non enim posita sunt nomina potentijs, secundum quas
isti

isti quales dicuntur : sicuti disciplinis, secundum quas pugiles vel palæstrici secundum dispositionem dicuntur . pugillatoria enim & palæstrica disciplina dicitur : quales vero ab his denominatiue dicuntur, qui disponuntur. Aliquando autem & posito nomine non dicitur denominatiue, quod secundum eam quale dicitur: vt a virtute studiosus, eo enim quod virtutem habeat, studiosus dicitur : sed non denominatiue a virtute . non autem in pluribus hoc tale est . Qualia ergo dicuntur, quæ denominatiue a dictis qualitatibus dicuntur, aut aliquo modo aliter ab eis. Inest autem & contrarietas secundum qualitatem: vt iustitiæ iustitia contraria est, & albedo nigredini, & alia, similiter autem & ea quæ secundum eas qualia dicuntur : vt iniustum iusto, & album nigro. Non in omnibus autem hoc accidit. rubro enim aut pallido, aut huiusmodi coloribus nihil est contrarium, quolibus existentibus . Amplius, si contrariorum alterum fuerit quale, & reliquum erit quale, hoc autem palam est ex singulis proponenti alia prædicamenta. vt si ex iustitia iniustitia contrarium: quale autem est iustitia: quale igitur & iniustitia. nullum enim aliorum prædicamentorum aptabitur iniustitiæ. neque quantum, neque ad aliquid, neque vbi, nec omnino aliquid huiusmodi, nisi quale. sic autem, & in alijs quæ secundum qua-

quale sunt contraria . Suscipiunt autem qualia magis & minus, album enim magis & minus album alterum altero dicitur : & iustum alterum altero , magis & minus , sed & ipsa intensiorem suscipiunt. cum candidum namque sit, contigit amplius candidum fieri. Non tamen omnia, sed plurima. iustitia namque, si dicatur magis & minus iustitia , potest quilibet ambigere : similiter autem & in alijs dispositionibus. quidam enim dubitant de talibus. iniustitiam namque iustitia non omnino aiunt magis & minus debere dici, nec sanitatem sanitate . minus autem habere alterum altero sanitatem aiunt : & iustitiam alterum minus altero habere dicitur . sic autem , & grammaticam, & alias dispositiones . sed tamen ea, quæ secundum eas dicuntur, indubitanter recipiunt magis & minus : grammaticior enim alter altero dicitur, & iustior & sanior. sic autem & in ijs . Trinangulus vero, & quadrangulus non videntur magis & minus suscipere : neque aliqua aliarum figurarum . quæ enim definitionem trianguli recipiunt & circuli , omnia similiter trianguli vel circuli sunt. eorum autem, quæ non recipiunt rationem eandem , nihil magis alterum altero dicitur . nihil enim quadratum magis quam parte altera longius , circulus est : neque alterum enim recipit circuli rationem, non dicitur

cetur alterum altero magis. non ergo omnia qualia recipiunt magis & minus. Horum itaque, quæ prædicta sunt, nullum est propriū qualitatis. Similia vero aut dissimilia secundum solas dicuntur qualitates, simile enim & dissimile alterum alteri non est secundum aliud, nisi secundum id quod quale est. Quare proprium est qualitatis secundum eam simile vel dissimile dici. At vero non decet conturbari, ne quis nos dicat de qualitate propositam facientes, multa eorum quæ sunt ad aliquid connumerasse: habitus enim & dispositiones eorum quæ ad aliquid, sunt esse dicebamus. Penè enim in omnibus qualitibus genera ad aliquid dicuntur, nihil autem eorum quæ sunt singularia. nam cum disciplina genus sit, idiplum quod est alterius dicitur: alicuius enim disciplina dicitur, eorum vero quæ singularia sunt, nihil ipsum quoad alterius dicitur, ut grammatica non dicitur alicuius grammatica: nec musica alicuius alterius musica. sed forte secundum genus, & hæc ad aliquid dicuntur: ut grammatica alicuius dicitur disciplina, non alicuius grammatica: & musica alicuius disciplina non alicuius musica. Quapropter quæ singularia quidem sunt, non sunt ad aliquid. dicimur autem quales secundum singula, hæc enim & habemus.

Scien

sf. **S**cientes enim dicimur, eo quòd habemus singularium scientiarum aliquas. quare hæ erunt etiam qualitates, quæ singulares sunt, secundum quas aliquando & quales dicimur; hæ autem non sunt eorū quæ sunt ad aliquid. Amplius, si contingit idem ipsum & quale & ad aliquid esse, nihil est inconueniens in vtriusque hoc generibus enumerare.

De Agere, & Pati. Cap. V.

Recipit autem agere & pati contrarietatem, & magis & minus. Calefacere enim ei quod est frigefacere contrarium est, & calefieri ei quod est frigefieri, & delectari ei, quod est contristari, quare suscipiunt contrarietatem, & magis & minus est enim calefacere & magis & minus, & calefieri magis, & minus, & tristari magis & minus. suscipiunt igitur magis & minus agere, & pati. De his igitur tot dicuntur.

De cæteris Prædicamentis.

Cap. VI.

Distum est & de eo quod est situm esse in ijs quæ sunt ad aliquid, quod denominatiue a positionibus dicitur. De reliquis vero, idest Quando, & Vbi, & Habere, propter e quod manifesta sunt, nihil de ipsis aliud

aliud dicitur, quàm quæ in principio dicta
sunt: quòd Habere quidem significat calcera-
tum esse, armatum esse. Vbi verò, vt in
lyceo, in foro: & alia quæcumque
de his dicta sunt. Igitur de om-
nibus. generibus, quæ
proposuimus, suffi-
ciunt quæ di-
cta sunt.



Cap. VI.

Dicitur autem quod in principio dicta sunt: quòd Habere quidem significat calcera-
tum esse, armatum esse. Vbi verò, vt in
lyceo, in foro: & alia quæcumque
de his dicta sunt. Igitur de om-
nibus. generibus, quæ
proposuimus, suffi-
ciunt quæ di-
cta sunt.

TRACTATUS

TERTIVS.

De Oppositis. Cap. I.



DE Oppositis autem quorū modis solent opponi dicendum est. Dicitur enim alterum alteri opponi quadrupliciter, aut ut ea quæ ad aliquid, aut ut contraria, aut ut privatio & habitus, aut ut affirmatio, & negatio. Opponitur autem vñ nunquodque istorum ut sit figuratim dicere, tamquam ea quæ ad aliquid quidem, ut duplum dimidio: tamquam contraria, ut malū bono: tamquam autem secundum privationē & habitum, ut cæcitas & visio: tamquam vero affirmatio & negatio, ut sedet non sedet. Quæcumque igitur ad aliquid opponuntur, ea ipsa quæ sunt oppositorum dicuntur, aut quomodolibet aliter ad ipsa: ut duplum dimidij, hoc ipsum quod est, alterius dicitur: alicuius enim duplum dicitur: & scientia scibili, tamquam ea quæ sunt ad aliquid opponitur. & dicitur scientia ipsum quod est scibilis: & scibile dicitur ipsum quod est ad oppo-

Z situm

fitum ad scientiam. scibile enim aliquo dicitur, scilicet scientia scibile: quæcumque ergo opposita sunt tamquam ad aliquid, ea ipsa quæ sunt oppositorum, vel alio quolibet modo ad inuicem dicuntur. Illa verò, quæ opponuntur vt contraria, ea ipsa quidem quæ sunt nullo modo ad se inuicem dicuntur: contraria tamen sibi inuicem dicuntur: neque enim bonum mali dicitur bonum, sed contrarium. quare differunt ab inuicem hæ oppositiones. Quæcumque verò contrariorum talia sunt, vt in quibus nata sunt fieri, & de quibus prædicantur, necessarium sit alterum ipsorum inesse, horum nihil est medium. quorum verò non est necessarium alterum inesse, horum omnino est aliquid medium. Vt ægrotudo & sanitas in corpore animalis nata sunt fieri: & necessarium est alterum ipsorum inesse an imalī corpori, vel ægrotudinem, vel sanitatem. & par quidē & impar de numero prædicantur: & necesse est horum alterum numero inesse vel par vel impar: & non est horum aliquod medium. neque ægrotudinis & sanitatis, neque imparis atque varis. Quorum autem non est necessarium alterum inesse, eorum est aliquod medium, vt nigrum & album in corpore animalis nata sunt fieri, & non est necessarium alterum eorum inesse corpori, non enim omne corpus, vel album, vel nigrum est, sed & prauum & studiosum: prædicant-

cantur quidem de homine & de alijs complu-
ribus: non est autem necessarium alterum eo-
rum inesse ijs, de quibus prædicantur. non
enim omnia, aut praua aut studiosa sunt, sed
est aliquid eorum medium: vt albi, & nigri,
fuscum & pallidum, & quicunque alij colo-
res: prauum vero & studiosum quod neque prauum,
neque studiosum est. In aliquibus igitur me-
dijs posita sunt nomina: vt albi & nigri, &
fuscum & pallidum, & quicunque alij huius-
modi colores: in aliquibus vero non est no-
mine facili medium assignare, vtriusque ve-
rò extremorum negatione medium defini-
tur: vt quod neque bonum, neque malum est,
neque iustum neque iniustum. Priuatio vero
& habitus dicuntur quidem circa idem ali-
quid: vt visio & cecitas circa oculum, vni-
uersaliter autem dicere est in quo natus est
habitus fieri, circa hoc dicitur vtrumque eo-
rum fieri. Priuari vero tunc dicimus vnum
quodque habitus susceptibilem, quando in
quo natum est, inesse, vel quando illud natum
est habere, nullo modo insit edentulum enim
dicimus, non quod non habet dentes, & cæ-
cum non quod non habet visum: sed quod nō
habet, quando natum est habere. aliqua enim
ex natiuitate, neque dentes habent, neque
visum: sed non dicuntur edentula, neque cæ-
ca. Priuari vero, & habere habitum non est
priuatio & habitus. habitus enim visus est,

priuato vero cæcitas. habere autem visum
 non est visus; nec cæcum esse cæcitas. priua-
 tio enim quædam est cæcitas; cæcum verò
 esse priuari, non priuatio est. Amplius, si idem
 esset cæcitas; & cæcum esse; vtræque de eo-
 dem prædicantur. sed cæcus quidem dicitur
 homo: cæcitas verò homo nullo modo dicitur.
 Opponi quidem etiam ista videntur pri-
 uari scilicet & habere habitum; quemadmo-
 dum priuatio & habitus. idem enim modus
 est oppositionis: nam sicut cæcitas vi sui op-
 ponitur, sic cæcum esse & visum habere oppo-
 nuntur. Non est autem neque hoc quod sub
 affirmatione & negatione est; affirmatio, &
 negatio. affirmatio. namque oratio affirma-
 tiua est, & negatio oratio negatiua: quod ve-
 ro sub affirmatione & negatione est, nulla est
 oratio; sed res. dicuntur autem hæc esse op-
 posita ad iuicem, tamquam affirmatio & ne-
 gatio: nam & in his modus oppositionis idē
 est. sicut enim affirmatio ad negationem op-
 ponitur, vt quod sedet, ei quod non sedet,
 sic & res quæ sub vtroque esse opponitur, sci-
 licet sedere aliquem ad non sedere. Quod au-
 tem priuatio & habitus non opponuntur vt
 ad aliquid, manifestum est: non enim dicitur
 id ipsum quod est oppositi. visus enim non est
 cæcitaris visus; non ullo alio modo ad ipsum
 dicitur. similiter autem neque cæcitas visio-
 nis cæcitas dicatur: sed priuatio quidem vi-
 fio.

sionis dicitur, cæcitas vero visionis non dicitur, neque visus cæcitatis. Amplius ad aliquid omnia ad conuertentia dicuntur, quare, si cæcitas eorum quæ ad aliquid sunt, esset, utique & conuerteretur ad illud ad quod dicitur, sed non conuertitur: non enim dicitur visus cæcitatis visus. Quod autem neque ut contraria opponuntur quæ secundum priuationem & habitum dicuntur, ex his manifestum est. Contrariorum enim, quorum nihil est medium, necesse est vel in quibus fieri nata sunt, aut de quibus prædicantur, alterum ipsorum inesse semper: eorum enim nihil medium erat, quorum alterum inesse susceptibili necessarium erat, ut in languore & sanitate & impari atque pari, quorum verò illud medium est; nunquam necesse est omni inesse alterum, neque enim necesse est omne susceptibile, vel candidum vel nigrum esse, neque frigidum vel calidum: horum enim medium aliquid nihil esse prohibet. insuper autem, & horum erat aliquid medium, quorum alterum inesse susceptibili non necessarium erat præter illa, quibus vnum inest naturaliter, ut igni calidum esse, & niui candidum. in his enim determinate necessarium alterum est inesse, & non utrumvis contigit. non enim possibile est ignem frigidum esse, neque niuem nigram, quare omni quidem susceptibili non necessarium est alterum ipsorum inesse, sed so-

lis quibus natura vnum inest: & his determinate vnum non vtrumuis contingit. In priuatione autem & habitu neutrum eorum quæ dicta sunt verum est. non enim semper alterum eorum inesse susceptibili necessarium est: quod enim nondum natum est habere visum, neque cæcum, neque visum habens dicitur. quare non erunt hæc vt ea contraria, quorum nihil est medium. Sed neq. vt ea, quorum aliquid est medium. necessarium enim est aliquando omni susceptibili alterum eorum inesse: quando. n. iam ad habendam visionem natum fuerit, tunc aut cæcum, aut habens visum dicetur. & eorum non determinate alteram, sed vtrumuis contingit. non enim necessarium est vel cæcum, vel visum habens esse, sed vtrumuis contingit. in contrarijs autem quorum aliquid medium est numquam necessarium erat omni susceptibili alterum inesse, sed quibusdam: & his determinate vnum, & non vtrumuis contingit. Vnde palam est quod secundum neutrum modorum tanquam contraria opponuntur ea, quæ secundum priuationem & habitum opponuntur. Amplius in contrarijs quidem cum sit susceptibile, ad inuicem mutationem fieri possibile est: nisi alicui vnum natura inest, vt igni calidum. etenim sanum possibile est languere, & candidum nigrum fieri, & calidum frigidum, & ex studioso prauum, & ex prauo studiosum fieri possibile est. prauus enim

enim ad meliores exercitationes deductus, & doctrinas (etſi ad modicum aliquid proficiat, vt melior ſit) ſi certe ſemel quamuis modicum incrementum ſumpſerit, palam eſt, quia aut perfecte mutabitur, aut ſatis multum incrementum ſumet. ſemper enim bene mobilior ad virtutem ſit, etiam quodcumque incrementum ſumpſerit a principio: quare etiam verifiſimile eſt plenius eum ſumere incrementum, & hoc dum ſemper ſit, perfecte in contrarium habitum reſtituetur: niſi forte tempore prohibeatur. Verum in priuatione & habitu impoſſibile eſt ad inuicem mutationem fieri. ex habitu. n. in priuationem mutatio ſit, à priuatione vero in habitum impoſſibile eſt. neque. n. cæcus factus aliquis, rurus vidit. neque cum caluus fuerit, rurus comatus factus eſt, neq. cum fuerit edentulus, dentes ei iterum orti ſunt. Quæcūq. verò tamquam affirmatio & negatio opponuntur, palam eſt quod nullo prædictorum modo opponuntur, in ſolis enim his neceſſarium eſt ſemper, hoc quidem eorum verum, illud autem falſum eſſe: neque enim in contrarijs neceſſarium eſt ſemper alterum verum eſſe, alterum autem falſum: neque in ijs, quæ ad aliquid ſunt: neque in habitu & priuatione: vt ſanitas & languor contraria ſunt: & neutrum horum neque verum, neque falſum eſt: ſimiliter aut & duplum & dimidium tanquam quæ ad aliquid oppoſita ſunt: & non eſt eorum neutrum

neque verum, neque falsum. sed neque ea
 quæ secundum priuationem, & habitum dicū
 tur: sicut visio & cæcitas. Omnino autem eo-
 rum quæ secundum nullam dicuntur comple-
 xionem, nihil neque verum, neque falsum est.
 omnia autem quæ dicta sunt, sine complexio-
 ne dicuntur. Verumtamen maxime tale hoc
 contingere videbitur in ijs quæ secundum
 complexionem contraria dicuntur. sanum
 namque esse Socratem ad languere Socratē
 contrarium est. Sed neque in his necessarium
 semper alterum verum esse, & alterum fal-
 sum. cum enim Socrates sit, aliud quidem ve-
 rum, aliud autem falsum erit: cum verò non
 sit, ambo falsa sunt. neque enim languere, ne-
 que sanum esse verum est, cum ipse non sit
 omnino Socrates. In priuatione verò & habi-
 tu cum non sit omnino, neutrum verum est,
 cum autem sit, non semper alterum quidem
 verum erit, alterum autem falsum. habere
 namque visum Socratem, ei quod est cæcum
 esse Socratem opponitur, sicut priuatio & ha-
 bitus: & cum sit non necessarium est alterum
 verum esse vel falsum. cum enim nondum sit
 natus habere, vtraque falsa sunt: & cum non
 sit omnino Socrates, similiter quoque falsa
 sunt vtraque & visum enim habere, & cæcum
 eum esse. In affirmatione vero, & negatione
 semper siue sit, siue non sit, hoc quidem falsum
 erit, illud autem verum. Languere namq. So-

cratem, & non languere Socratem, cum ipse sit, palam est quod alterum eorum verum, alterum verò falsum est, & cum non sit similiter languere etenim cum non sit, falsum est: non languere autem, verum. Quare in his solis proprium erit semper alterum eorum verum; alterum falsum esse, quæcunque tanquam affirmatio & negatio opponuntur. Contrarium autem bono quidem ex necessitate, malum est, hoc autem per singulorum inductionem palam est, ut sanitati languor, & iustitiæ iniustitia; & fortitudini timiditas: similiter autem & in alijs. Malo autem aliquando quidem bonum est contrarium, aliquando malum. defectui enim, cum malum sit, super abundantia contraria est, cum sit etiam ipsa, malum. similiter autem & mediocritas. cum utiq. contraria sit, bonum est. Sed in paucis quis tale hoc aspiciet, in pluribus vero semper malo bonum contrarium est. Amplius, contrariorum non necessarium est si alterum sit, & reliquum esse. Sanis namque omnibus, sanitas quidem erit, languor vero non, similiter autem albis omnibus, albedo quidem erit, nigredo vero non. Amplius, si ei quod est Socratem sanum esse, Socratem languere contrarium est: non contingit autem simul utraque eidem inesse: non utique continget, cum alterum contrariorum sit, & reliquum esse. cum enim sit Socratem sanum esse, languere Socra-

tem non erit. Palam verò est quod circa idē, aut specie, aut genere nata sunt fieri contraria. Languor namque, & sanitas in corpore animalis nata sunt fieri. albedo autem & nigredo, simpliciter in corpore. iustitia vero & iniustitia in anima hominis: Necessarium autem est omnia contraria, vel in eodem genere esse, vel in contrarijs generibus. vel ipsa genera esse album enim & nigrum in eodem genere sunt: color enim eorum genus est iustitia vero, & iniustitia, in contrarijs generibus: illius namque virtus genusest, huius autem vitium. bonum verò & malum non in genere sunt, sed ipsa sunt genera aliquorum existentia.

De Priori. Cap. I I.

PRius autem alterum altero dicitur quadrupliciter. Primo quidem, & maxime proprie secundum tempus: secundum quod antiquius alterum altero, & vetustius dicitur. in eo enim quòd tempus amplius est, & antiquius & vetustius dicitur. Secundo autē, quod non convertitur secundum subsistendi consequentiam, ut vnum duobus prius est. duobus enim existentibus, mox vnum esse consequens est: vno vero existente, duo esse non necessarium est. quare non convertitur ab vno consequentia, ut reliquum sit. prius
autem

autem illud esse videtur. à quo non conuertitur eius quod est esse consequentia. Tertia, verò secundum ordinem quemdam prius dicitur: quemadmodum & in scientijs, & in orationibus: nam in demonstratiuis scientijs est prius & posterius ordine; elementa enim priora sunt ordine ijs quæ describuntur, sed & in Grammatica elementa syllabis priora sunt: & in orationibus similiter proœmium narratione prius ordine est. Amplius præter ea quæ dicta sunt, quod melius & honorabilius est, prius natura esse videtur, consueverunt autem, & multi honorabiliores, & magis dilectos a se priores apud se dicere. est quidem & penè alienissimus priorum hic modus. Modi igitur qui dicti sunt de priore, ferè tot sunt. Videtur autem præter eos qui dicti sunt, alter esse prioris modus: eorum enim quæ conuertentur secundum esse consequentiam, quod alteri quomodolibet causa est, conuenienter prius natura dici possit. Quòd verò quædam sunt huiusmodi, palam est. esse namque hominem secundum ipsius esse consequentiam ad veram de se conuertitur orationem: nam si homo est, vera est oratio, qua dicimus, quòd homo est, & conuertitur: nam si vera est oratio, qua dicimus quòd homo est, est homo. Est autem vera oratio, nequaquam causa, vt sit res. veruntamen res quodammodo causa videtur, vt si vera ora-

ratio enim quod res est aut non est, vera ratio aut falsa dicitur. Quare secundum quatuor modos prius alterum altero dici potest.

De Simul. 5. Cap. III.

Simul autem dicuntur simpliciter quidem & propriissime, quorum generatio in eodem est tempore. neutrum enim eorum neque prius, neque posterius est. Simul autem secundum tempus hæc dicuntur. Natura vero simul sunt, quæcumque conuertuntur quidem secundum eius quod est esse consequentiam, sed nequaquam alterum alteri causa est, ut sit ut in duplo & dimidio. conuertuntur etenim hæc, nam cum duplum sit, dimidium est: & cum dimidium sit, duplum est: sed neutrum alteri causa est, ut sit. Dicuntur autem simul natura, & quæ ex eodem genere è diuerso ab inuicem diuiduntur. E diuerso autem diuidi ab inuicem dicuntur, quæ secundum eandem sunt diuisionem: ut volatile, gressibile, & aquatile. hæc enim ab inuicem è diuerso diuiduntur, cum sint ex eodem genere animalium, quæ diuiduntur in hæc, in volatile, gressibile, & aquatile: & nihil horum prius vel posterius est, sed simul hæc natura esse videntur. Diuiditur autem & vnumquodque horum in species rursus, ut volatile, gressibile, & aquatile. Erunt ergo & illa simul natura, quæcumque


sex eodem genere secundum eandem sunt di-
uisionem. genera verò speciebus semper prio-
ra sunt: neque enim conuertuntur secundum
eius quod est esse consequentiam, vt cum qui-
dam aquatile sit, animal est: cum verò sit ani-
mal, non necesse est vt aquatile sit. Simul er-
go natura dicuntur, quæcumque quidem con-
uertuntur secundum eius quod est esse conse-
quentiam, sed nequaquam alterum alteri vt
sit, causa est: & ea quæ ex eodem genere è di-
uerso diuiduntur ab inuicem. Simpliciter au-
tem simul sunt. quorum generatio in eodem
est tempore.

Dispositio De Motu Cap. IV.

Motus autem species sunt sex: genera-
tio, corruptio, augmentum, diminutio,
alteratio, & secundum locum mutatio. Alij
itaque motus palam est quod ab inuicem di-
uerfi sunt. non enim est generatio corruptio,
neque augmentum diminutio, neque secundum
locum mutatio. similiter autem & alij. In al-
teratione vero habet quandam dubitationem:
ne sit forte necessarium id quod alteratur,
per aliquam reliquarum motionum alterari.
Hoc autem non verum est. nam secundum
omnes penè passionem, aut complures acci-
dit nos alterari, nulla aliarum communican-
te motionum. nam neque augeri necessarium
est

est quod per passionem mouetur, neque dimi-
nui. similiter autem & in alijs. Quare alia,
præter alios motus erit alteratio, nam si effet
eadem, oportet id quod alteratur, mox & au-
geri, vel minui, vel quandam aliarum motio-
num sequi. sed non necesse est. Similiter autē
& quod augetur, aut alia aliqua mutatione,
mouetur, alterari oporteret. sed sunt quædam
quæ augmentantur, quæ non alterantur. ut
quadratum gnomone circūposito creuit qui-
dem: alteratum verò nihil factum est. sic & in
alijs huiusmodi. quare alij motus sunt abin-
uicem.

Quadrati accretio. Gnomone circumposito.



Est

Est autem simpliciter motui quidem quies contrarium, ijs verò quæ per singula sunt. & singula generationi quidem corruptio contrarium, augmentationi vero diminutio, secundum locum mutationi, secundum locum quies. maximè autem videtur opposita esse ad contrarium locum mutatio. ut ei quæ inferius est ea quæ superius est: & ei quæ superius est: ea quæ inferius est. Reliquo verò assignatorum motuum non facile est assignare quid forte est contrarium. videtur autem nihil esse ei contrarium. nisi quis & in hoc secundum qualitatem quietem opponat, aut in contrariū qualitatis, mutationem: sicut & in mutatione secundum locum, quietem secundum locum aut in contrarium locum mutationem. est enim & alteratio mutatio secundum qualitatem. qua propter opponitur motui secundum qualitatem quies secundum qualitatem, aut in contrarium qualitatis mutatio: ut albū fieri ad id quod nigrum est fieri. alteratur enim in contraria, qualis mutatione facta est.

De habere. Cap. V.

HAbere secundum plures modos dicitur. Aut enim ut habitum & dispositionem, aut aliam aliquam qualitatem. dicimur enim disciplinam aliquam atque virtutem habere. Aut ut quantum, ut quam contingit aliquis
ha-

INDEX CAPITVM

PRIMI LIBRI.



| | |
|--|---------------|
| <i>De nomine Dialecticæ. Cap. 1.</i> | <i>pag. 3</i> |
| <i>Quid sit Dialectica, de eius necessitate,</i> | |
| <i>materia fine, & officio. cap. 2.</i> | <i>5</i> |
| <i>Quid definitio, & quotuplex sit. cap. 3.</i> | <i>8</i> |
| <i>Quotuplex sit definitio rei. cap. 4.</i> | <i>11</i> |
| <i>De legibus bonæ definitionis, de modo argumentan-</i> | |
| <i>di, & loquendi circa ipsam definitio. cap. 5.</i> | <i>16</i> |
| <i>Quid diuisio, quotuplex quæ ipsius præcepta sint.</i> | |
| <i>cap. 6.</i> | <i>19</i> |
| <i>De modis argumentandi, & loquendi per diuisionē.</i> | |
| <i>cap. 7.</i> | <i>24</i> |
| <i>Quid argumentatio, quæ species, quæ præcepta ip-</i> | |
| <i>sius sint. cap. 8.</i> | <i>26</i> |
| <i>Quis sit disputandi modus obseruandus inter schola-</i> | |
| <i>sticos concertantes. cap. 9.</i> | <i>29</i> |
| <i>Qui su terminis in comuni, & quotuplex. cap. 10.</i> | |
| <i>pagina</i> | <i>34</i> |
| <i>De termino vocali significatio. cap. 11.</i> | <i>37</i> |
| <i>Idem cap. 12.</i> | <i>43</i> |
| <i>De eodem termino. cap. 13.</i> | <i>45</i> |
| <i>Idem cap. 14.</i> | <i>48</i> |
| <i>De nomine, & Verbo. cap. 15.</i> | <i>51</i> |
| <i>De oratione, & enunciatione. cap. 16.</i> | <i>54</i> |
| <i>De materia forma, & qualitate simplicis enunciatio-</i> | |
| <i>nis. cap. 17.</i> | <i>56</i> |
| <i>De quantitate simplicis enunciationis. cap. 18.</i> | <i>61</i> |
| <i>De enunciationis hypothetica. cap. 19.</i> | <i>63</i> |

De

I N D E X.

De reliquis accidentibus hypothetica enunciationis.
cap. 20. 67

De affirmatione, & negatione, ac quantitate hypotheticæ. cap. 21. 70

Index Capitulorum secundi libri.

| | |
|---|-----|
| D E Suppositione . cap. 1. | 73 |
| De suppositione communi, & signis indicantibus eam. cap. 2. | 76 |
| De regulis indicantibus suppositiones ratione signorum. cap. 3. | 80 |
| De resolutione suppositionis terminorum . cap. 4. | |
| pagina | 83 |
| De regulis circa ordinem resolutionis. cap. 5. | 87 |
| De resolutione incompleta. cap. 6. | 91 |
| De resolutione relatiuorum. cap. 7. | 93 |
| De Ampliatione. cap. 8. | 97 |
| De modis argumentandi in ampliatione . cap. 9. | |
| pagina | 101 |
| De restrictione, alienatione, & diminutione. cap. 10. | |
| pagina | 104 |
| De Appellatione. cap. 11. | 106 |
| De enunciationis simplicis oppositionis . cap. 12. | |
| pagina | 109 |
| De quibusdam præceptis alijs in oppositione. ca. 13. | |
| pagina | 112 |
| De legibus oppositarum. cap. 14. | 116 |
| De Aequipollentia. cap. 15. | 118 |
| De Conuersione. cap. 16. | 121 |

In-

Index Capitum tertij libri.

| | | |
|---|----------------|------------|
| <i>Quid & quotuplex modus, & enunciatio modalis.</i> | <i>cap. 1.</i> | <i>123</i> |
| <i>De qualitate, & quantitate modalis. cap. 2.</i> | | <i>130</i> |
| <i>De modalium equipollentia. cap. 3.</i> | | <i>134</i> |
| <i>De oppositione Modalium. cap. 4.</i> | | <i>142</i> |
| <i>De equipollentia & oppositione modalium secundum Aristotelem, & ipsarum conuersione. cap. 5.</i> | | <i>146</i> |
| <i>De modalibus de modo adverbialibus. cap. 6.</i> | | <i>152</i> |
| <i>De contingenti specialiter sumpto. cap. 7.</i> | | <i>157</i> |
| <i>De Exclusiuis cap. 8.</i> | | <i>160</i> |
| <i>De Oppositione exclusiuarum cap. 9.</i> | | <i>163</i> |
| <i>De Reduplicatiuis. cap. 11.</i> | | <i>167</i> |
| <i>De Exponibilibus quibusdam uerbis. cap. 12.</i> | | <i>169</i> |
| <i>De Comparatiuis & superlatiuis. cap. 13.</i> | | <i>171</i> |

Index Capitum quarti libri.

| | | |
|--|--|------------|
| <i>De Argumentatione bona, & malaformali, & materiali. cap. 1.</i> | | <i>173</i> |
| <i>De regulis generalibus bonae consequentia. cap. 2.</i> | | <i>177</i> |
| <i>De syllogismo cathegorico, & eius principijs. cap. 3.</i> | | <i>181</i> |
| <i>De triplici figura syllogismorum, & regulis communibus earum. cap. 4.</i> | | <i>184</i> |
| <i>De principijs quibus nituntur syllogismi perfecti, & de modis perfectis primae figurae. cap. 5.</i> | | <i>186</i> |

De

IX NM DI EI XI

De modis indirecte concludentibus in prima figura,

& de inutilibus modis eiusdem. cap. 11. 190

De regulis secundae figurae, & eius modis. ca. 7. 193

De tertia figura, regulis, & modis eius. ca. 8. 196

De modis reducendi syllogismos imperfectos ad perfectos. cap. 9. 199

De modo quo singuli imperfecti ad perfectos reducuntur. cap. 10. 201

Quo pacto alij modi ad impossibile reducuntur. cap. 11. 204

De arte inveniendi medium ad concludendum. cap. 12. 207

De dictionibus, quibus haec regula facilius retinetur, & de principijs quibus combinationes inutilis examinantur. cap. 13. 211

De syllogismo ex obliquo, & de expository. cap. 14. 214

De sex potestatibus, & tribus defectibus syllogismorum. cap. 15. 218

De syllogismo ex modalibus. cap. 16. 221

De syllogismo hypothetico. cap. 17. 223

De reliquis speciebus argumentationis. cap. 18. 229

Index Capitum quinti libri. 231

De locis & fallacijs syllogismorum. 233

De duplici syllogismo secundum materiam. cap. 1. 233

De demonstratione, & dialectico syllogismo. cap. 2. 234

Quid

I N D E X

| | |
|--|-----|
| <i>Quid locus, & quod duplex in generali. cap. 3.</i> | 236 |
| <i>De loco intrinseco. cap. 4.</i> | 240 |
| <i>De locis a concomitantibus substantiam.</i> | |
| <i>De loco a toto. cap. 5.</i> | 242 |
| <i>De toto in quantitate.</i> | 244 |
| <i>A toto integrali.</i> | 246 |
| <i>De toto in Modo.</i> | 248 |
| <i>De toto in loco, & toto in tempore.</i> | 249 |
| <i>De loco a causis. cap. 6.</i> | 250 |
| <i>A Causa efficienti.</i> | 251 |
| <i>A Causa materiali.</i> | 253 |
| <i>A Causa Formali.</i> | 255 |
| <i>A Causa Finali.</i> | 256 |
| <i>De loco a generatione, & corruptione, & ab usu.</i> | |
| <i>cap. 7</i> | 257 |
| <i>A Communitate accidentibus.</i> | 259 |
| <i>De locis extremis, ab oppositis & disparatis. cap. 8.</i> | |
| <i>8 pagine.</i> | 260 |
| <i>De loco a maiori.</i> | 262 |
| <i>A Minori.</i> | 262 |
| <i>A Simili.</i> | 263 |
| <i>De locis alijs extrinsecis a transmutata proportionem</i> | |
| <i>cap. 9.</i> | 264 |
| <i>Ab auctoritate.</i> | 265 |
| <i>A Transumptione.</i> | 266 |
| <i>De locis medijs. cap. 10.</i> | 266 |
| <i>A Coniugatis.</i> | 267 |
| <i>A Casibus.</i> | 267 |
| <i>A Comparatione.</i> | 268 |
| <i>Ab appositione.</i> | 268 |
| <i>De</i> | |

INDEX

| | |
|---|-----|
| De syllogismorum fallacijs & erroribus. De syllogifmo vitioso. cap. 11. | 269 |
| De motis ad quas sophista conantur disputantes redigere. cap. 12. | 272 |
| De Redargutionis Metas | 272 |
| De Meta falsi. | 273 |
| De Meta inopinabilis. | 273 |
| De Meta solæcismi. | 274 |
| De Meta nugationis. | 274 |
| De fallacia in communi. cap. 13. | 275 |
| De fallacia Aequiuocationis. | 276 |
| De fallacia Amphibologia. | 277 |
| De fallacia Accentus. | 278 |
| De fallacia cōpositionis, & diuisionis. cap. 14. | 279 |
| De fallacia Figuræ dictionis. | 284 |
| De fallacijs extradictionem. | 285 |
| De fallacia accidentibus. cap. 15. | 285 |
| De fallacia secundum quid & simpliciter. | 288 |
| De ignorantia elenchi. cap. 16. | 290 |
| De fallacia consequentis. | 291 |
| De fallacia petitionis principij. | 292 |
| De fallacia secundum non eam, vt causam. | 293 |
| De fallacia secundum plures interrogationes vtrūnam, | 293 |

In Porphyrij Introductione.

| | |
|---------------------------|-----|
| P roæmium. cap. 1. | 295 |
| De genere. cap. 2. | 296 |
| De specie. cap. 3. | 300 |

De

I N D E X.

372

| | |
|-------------------------|-----|
| De differentia, cap. 4. | 307 |
| De proprio, cap. 5. | 312 |
| De accidente, cap. 6. | 313 |

In Aristotelis prædicamenta.

| | |
|--|---------|
| D E æquiuocis, vniuocis, & denominatiuis, eorū etiam quæ dicuntur diuifio, cap. 1. | 314 |
| Eorum quæ sint diuifio, cap. 2. | 315 |
| Regula in prædicatis essentialibus, cap. 3. | 317 |
| Regula genera non subalterna à subalternis distinguens, cap. 4. | 318 |
| Incomplexorium in decem prædicamenta diuifio, Quomodoque affirmationem, aut negationem constituas, cap. 5. | ibidem. |

Secundus Tractatus.

| | |
|-----------------------------------|-------|
| D E substantia, cap. 1. | 319 |
| De quanto, cap. 2. | 328 |
| De his quæ ad aliquid, cap. 3. | 334 |
| De qualitate, & quali, cap. 4. | 341 |
| De Agere, & Pati, cap. 5. | 351 |
| De cæteris Prædicamentis, cap. 6. | ibid. |

Tractatus Tertius.

| | |
|-------------------------------|-----|
| D E Oppositis, cap. 1. | 353 |
| De Priori, cap. 2. | 362 |
| De Simul, cap. 3. | 364 |
| De Motu, cap. 4. | 365 |
| De Habere, cap. 5. | 367 |

F I N I S.



1. The first step is to identify the problem or question that needs to be answered. This involves understanding the context and the specific information required.

THE UNIVERSITY OF CHICAGO

1. The first group of people who are interested in the results of the study are the researchers themselves. They want to know if the study was successful in achieving its objectives and if the results are consistent with their expectations.

1940

2

24

PANDIMIGLIO

21 DIC. 1970

LEG. 110

DMA

